

國朝松陵詩徵

國家圖書館 NATIONAL CENTRAL LIBRARY, TAIWAN, R.O.C.

全函



國朝松陵詩徵序

古來詩文有選自梁代昭明太子
高齊十學士始嗣後唐有河嶽英
靈篋中國秀諸集宋有杜清碧之
谷音金有元祐之之中州明有錢
牧齋之歷朝詩選或綜衆朝或集
一代此可為詩學津梁而非采風
遺旨也

本朝王漁洋有濟南詩選一郡中
取華泉滄溟二家吳梅村有婁東
詩選一州中圍於門下十人宋商
邱詩選徧於大江南北而所收祇
一十五子不專一邑人亦略存他
如陸敷先之雲山詩約潘蜀藻之
龍眠風雅專一邑矣而所收之人
準諸十五子之例未有網羅蒐輯

舉一邑之詩薈萃成帙至二十卷
之多者也吳江袁生質中髫髻能
詩著有小桐廬集十卷近復選定
國朝松陵詩徵自朱長孺顧茂倫
計甫草吳漢槎潘稼堂諸公以至
今詩人之為古人者無不收錄附
以寓賢方外名媛其選訪之意謂
以詩存人以人存詩二者不可偏

廢以詩存人爲後學導先路也以
人存訪芳前哲表苦心也洋洋乎
一是之風固因郡他邑所未能完
善者哉嗚呼古來隱人騷客以一
己之智慧畢能竭慮磨精耗神求
肯聞於藝林及其溘焉漸盡而鼠
公蠹啾至鄉里不孤括其姓氏子
孫不能舉其緒言真足愧也今一

旦存其人存其詩先采衆人之藻
鑑後參一己之品評揭之爲茲引
星辰而聯珠貝隻語單辭無不載
入搜遺文於死墜發潛德之幽光
蓋陞一是之書而知人論世後之
人可憑藉以采焉今質中雖存世
而質中彙集之功爲不沒矣詩曰
維桑與梓必恭敬止其質中之謂

也夫

乾隆丁亥長洲友生沈德潛時年
九十有五



吾友袁子樸村編輯詩徵既歲事余彙而讀之卷凡二
十作者數百家得古今各體詩數千首繫惟仰被
聖朝雅化戶誦家絃人才輩出故吳淞笠澤渺茲一隅
類能淑其情性揚其休和而

國初迄今百二十餘年間前哲叢篇可歌可詠稱藝林
之盛焉何其幸也然語云莫為之前雖美弗彰莫為之
後雖盛弗傳吾鄉前此不乏詩家而刊集行世者寥寥
數編其有孤吟畢生理光篋衍且或嗣續茫然莫能誦
厥清芬守藏弗墜者零落湮沒可勝慨哉此樸村所為
勤求博訪殫思耗力四閱寒暑忘寢食以成是舉也樸

村論詩夙稟承於吾師歸愚先生風格流派兢兢辨之甚嚴今觀其所采輯罔弗準於興觀群怨事父事君之旨亦可識其宗法之正嚮往之專矣昨歲先生評其詩稿謂有合於古可付之剞劂氏樸村顧不自信不欲輕出示人而務蒐前輩遺詩壽之梨棗且人必繫傳詩有集評俾後之考吾鄉文獻者庶幾有所據依斯其用意至深且厚非狗名者可同日語也嘻學士文人所以永其精神而與為不朽者何必不在是歟乾隆丁亥秋陳毓乾行之題

詩之以地著者十五國風是也始於二南終於曹檜曹檜在宛豫之境計其方域不過一二百里與今之州縣無以異使採風之典行於今日則一邑之詩其不見遺於太史明矣不見遺於上者可聽其湮沒於下哉虞雍生有言使里中文獻無傳後生之責也我邑自張步兵陸散人以來代有作者為海內所推重而人才之盛於今為極蓋仰

列聖之天章沐百餘年之雅化各欲出其心思才力以爭鳴於一時幾於人握隋珠家藏趙璧矣處今日而事采輯宜無姓氏沈淪簡編零落之虞然如去非樓

頌工部清

慎堂重刊諸集皆鐫板而書不盡傳若僅藏其稿於家并未編次成集者子孫賢能守之勿失否則覆瓿糊壁視為不足重輕之物幸而存亦千百之什一耳甚則總體無人末由搜訪畢生心力蕩為飄風野火嗚呼可慨也前代無輯吾邑詩者有之自周處士梅坡始處之選明以上詩為詩乘若干卷詩拔精華幾無挂漏人序崖各具見體裁繼之者顧雪灘有詩略專採時賢周笠川有詩粹合兩朝彙選之表章之功不在詩乘下然同時交好如張雪窓已議其志在博收玉珉並列矣雪窓即詩粹刪之名之曰約所以志也四書惟詩略付剗刷氏餘

皆鈔本流傳今且鼠侵蟲蝕藏書家亦罕有全帙矣遺集之流散如彼選本之消亡如此鄉里後進能無懼哉此予所以不揣謏陋而妄有是集也是集始事於甲申之春已四閱寒暑於茲矣康熙乙酉以前約本三書詩則別有去取焉餘或從其家抄撮或藉同人蒐葺或從僧房郵舍頽垣敗麓中得之歲月既久纂錄漸多今夏彙而訂之得卷二十未敢謂吾邑佳篇盡此無遺然集富者挾其精體襟者存其是務纖濃者避之如湯火崇古雅者竄之勝瓊瑤即所鈔一二章亦必無戾於風人之旨庶幾前輩之精神面目犁然具在後之考文獻於

吾鄉者不致有無微之嘆此予之志也至表微闡幽無愧於虞雍生之言則予非其人也烏乎敢乾隆丁亥秋七月松陵袁景輅樸村題於小桐廬之愛吟齋

例言

選一邑詩與一代有別選一代詩者當論其可傳與否不必有人之見存也若一邑則以詩存人與以人存詩二者不可偏廢蓋名在天壤不選亦傳今采詩獨多見吾邑倚數人為重而騷壇當奉為圭臬也若名雖表著集未鐫板以及畢世吟哦越境即不知其姓氏者及今搜采已多散亡詩雖未盡必傳一生精神所寄忍聽其泯滅哉以詩存人為後學導先路也以人存詩為前輩表苦心也

選鄉先輩詩以發潛闡幽之意為主若涉現在則名位

交遊紛擾於中轉於初志左矣此集所采皆已往之人
詩人無傳令讀者如遇不相識人雖父子亦莫辨也然
其體例當取佳事佳話以為點綴不必如史傳家譜歷
敘生平也牧齋列朝詩做中州集為之剪裁予奪具見
史才而朱竹垞明詩綜集評之例悉存評者姓氏更能
不沒人善此集撰次略祖竹垞云○詩人名下先書表
字世系集名而科目官位之有無亦各繫焉復引名公
評論以綴其下若逸事瑣言未經前人道及或前人議
論有當辨正者就予鄙見附綴數語至名不甚著之人
核其行事表而出之視有盛名者較詳焉以彼有誌傳
文集可考此則藉此以表梗槩也

沈宮傳師別裁集凡例云前代遺老而為石隱之流如
林茂之杜茶村諸公其詩槩不采入準明代倪雲林席
帽山人例也亦有前明詞人而易代以來食毛踐土既
久者詩仍采入編詩之中微存史意吾邑詩壇 國初
最盛或歸前代或屬 興朝其去取一遵師例
有科目者以科目之先後為次雖弟先兄後不復序也
無科目者約計輩行年齒參差其間
詩之可傳在工不在多劉慎虛十四篇是也能工一體
不必定兼各體孟襄陽獨擅五古是也集中凡一首佳

與一體佳者登之餘不旁及。宗宋祧唐固屬悖論尊唐斥宋亦為偏見予生平願學乃在唐賢此集所收不拘一律蓋前輩面目不同則或唐或宋只求一是何必定從吾好耶惟溫柔鄉語最足惑人沉溺其中有苦心術雖傳誦之作槩不敢登詩要先辨雅俗黃魯直曰凡病可醫惟俗不可醫予謂醫俗有良藥人特不肯服耳良藥者何書是也苟能多讀書則身心間皆古氣盤結一切塵氛俗念那有位置處杜老云讀書破萬卷下筆如有神此千古作詩之秘即千古論詩之秘

詩可被之管絃者乃名樂府自漢以後其法已亡後人借古題發揮已意其篇什長短各自成調不必貌古也魏武父子李太白已然杜陵則另立名目并不借徑古人惟李于麟字句多少一一擬之便成詩魔矣集中樂府專取獨出新意筆力過人者若合樂與否吾不知也五古有三種阮籍陳子昂張九齡為一體宜於比興陶淵明後韋蘇州柳柳州為一體宜於山水閒適杜子美為一體宜於敘事而其要總貴氣骨堅蒼詞句渾成近日漫稱選體勦襲潘陸顏謝字句敷衍一番初看似有古色按之不見用意所在本來性靈反被汨沒矣集中

五古三體俱備吾鄉自有宗風奈何隨人作計耶
七古有唐初體李杜體韓體元白體蘇陸體其要不外
離合二字能合不能離縱音節鏗鏘情致纏綿皆為平
調若能合能離則忽來忽往若斷若續如風雨雲龍變
化無端而蛇跡灰線仍極嚴謹斯七古之能事也集中
諸篇宗法不同要皆捺縱在手曲盡離合之妙者
五律以蒼勁者為上淡遠者次之工秀者又次之七律
以氣骨雄渾聲調高朗者為上對仗工整情韻悠長者
次之二者體格不同而鍊意鍊局鍊句鍊字無不同也
又唐律起如聞迅雷結如截奔馬宋則著意中聯不講
首尾矣後人作律多犯此病大抵先有好句而後足成
之耳若宗盛唐其病可免于讀前輩詩遇起結佳者即
中聯不用力亦急登之

七律難於五律五絕難於七絕七絕貴有遺音五絕非
關人力故龍標之外多嗣響右丞以後無專家集中七
絕多於五絕勢使然也五言長律唐人應制贈送俱用
此體屬對工切氣血動盪非後人所易及也今莊重題
間有格律工整者一涉應酬便滿紙謾言令人氣餒矣
雖有采錄寧從其略

詠物詩絕無比興就題賦之縱極刻鏤終無生氣必將

自己身分或置題中或立題外觸景生情隨時寓意於
我有相關處即於物有會心處而它人讀之不但覺賦
形惟肖而且領悟無窮矣試觀三百篇中鳥獸草木何
什無之求其獨賦而非比興者百不得一即此可悟詠
物詩法

和韻詩不宜多作詩貴自然若限定韻脚是隨人顛倒
做韻非做詩矣盛唐和詩同題不同韻早朝大明宮諸
作其較著也至元白皮陸因難見巧悉次原韻而諸公
可傳之作皆不在此歐陽公曰薛革唱和詩馮宿馮定
李紳皆唐顯人靈澈亦以詩名後世而皆不及革豈倡
者得於自然和者牽於強作耶此集和韻詩苟其人無
他詩可選者勉登一二

凡登臨弔古題前有名作苟能自出新意亦可追配古
人若人云亦云如業酒者取前人蒲粕醜而漉之知不
復醇也予遇此等題必陳言務去而能道前人所未及
者方入選

前輩集中苟有關於吾邑山川風俗與夫倫常大節詩
文盛事者即詩僅平妥亦必急登庶采風者有所考焉
此集以土著為主然流寓諸賢或與邑中前輩結詩社
訂石交者或設教吾地而後輩資其指授者其風流文

采至今猶津津道之略而不錄轉多餘憾今倣詩粹例

輯寓賢詩一卷其有專集行世者

如王尚書宗簡水觀
察院方爾止文是也

只采有

闕吾邑之作其集未鐫而詩可傳者

如徐高士曰艾高士丹生
沈山人祖孝戴學士瀚與

吾師恭學
錄是也采輯稍多

方外詩要得禪理不可入禪語猶儒者詩要得理趣不
可入理語東坡所謂諫筍氣即禪語也吾邑縉流能讀
書者甚少故詩不多采

自午夢堂一集流行海內傳為佳話而閨房之內棄刀
尺而事篇章者代不乏人矣今遵諸選本例采附卷末
雖閨閣詞華仍以有闕名教者為主其烘雲托月徒工

綺麗者不與焉

景世居銅里集中先輩大半皆係嫻戚然逐一署名

詳瓜葛行尊者頗難稱謂世遠者更多遺漏今遵臨六
不諱之義一槩書名書字閱者諒之

樸村袁景輅識

國朝松陵詩徵目次

卷一

朱鶴齡

沈自籍

王章

沈永隆

章夢易

顧御

沈虬

吳旦

沈永令

沈昌

李黃

翁遜

吳之紀

顧樵

趙漪

顧棟南

國朝松陵詩徵

目錄

卷一

毛瑩

沈亮

卷二

趙澧

顧有孝

潘陸

皇甫欽

俞南史

顧偉

吳與湛

金石麟

吳兆寬

沈逸

湯豹虞

朱明德

沈自南

王勰

俞南藩

吳宗沛

葉繼武

吳珂

鈕明儒

吳翹

王載

錢威

沈自東

沈初晉

卷三

吳兆騫

丁彪

史宗倫

陸瑤

黃鳳苞

金廷燿

吳欽明

尤本欽

趙申祈

周安

國朝公使詩後

目錄

三

卷三

葉世佳

陸璿

陳式

沈自鋌

鈕榮

沈永啟

吳在瑜

陳寅青

卷四

計東

黃容

沈永禔

王維翰

趙植

吳祖命

沈永義

葉敷夏

周銘

葉舒穎

沈永群

李培

張嘉璠

顧在王

吳南杓

朱虹

沈雄

周爰訪

徐崧

周稼

錢耀

包朴

陸永滋

黃元瑤

卷五

葉燮

沈世潢

顧靜

沈永馨

國朝松陵詩集

目錄

三

愛吟齋

鈕琇

吳樹臣

沈永智

沈攀

陳啟源

趙沆

董閻

顧萬祺

張嘉玲

葉舒崇

沈永信

王大壯

吳南齡

卷六

潘耒

徐鉉

卷七

吳祖修

鈕景琦

朱穆

錢士鉉

吳鏘

趙申初

金清琬

吳祖彬

周篆

畢緯前

陳銳

周爰詔

陳鏐

周撫辰

吳兆宜

汝周錄

計準

張恒

沈卷

何灋

國朝松陽詩錄

目錄

四

卷六

潘鏐

楊南

張參魯

費錫章

黃鈕璣

陳旂

吳梅

陳金篆

吳爾璜

趙申祚

畢世圻

及訥

董與沂

陳世錫

趙震東

卷八

張尚瑗

錢守中

陸琇

陳鉉

徐元灝

吳權

李寅

周松

陳萇

唐永齡

包咸

趙嘉稷

沈世楙

嚴密

沈安

卷九

陳沂震

顧正陽

錢霑

費洪學

顧卓

徐銑

程燾

計黈

顧世昌

俞翼

吳時森

潘葆光

費紹霆

潘道謙

吳兆宣

吳雋

顧炳文

吳景果

卷十

沈天寶

許運昌

沈澍

吳世標

錢雲

周威亮

陳權

朱永

吳挺

仲治

汝承汪

周珂

周廷諤

潘家顧

周之方

陳王謨

張世煒

孫爝

徐時夏

吳為旦

王前

陳自振

計朱培

卷十一

周龍溱

周來英

陳沂配

吳輯圭

周朱耒

周文

程世澤

龐景芳

吳為夔

馬雲襄

章復

王政

仲樞

沈時棟

沈始熙

吳庸熙

周杭

沈廷揚

潘其燦

吳琨

顧景昌

吳惠

卷十二

顧壽開

周立

毛錫繁

周天藻

王本

葉舒璐

李世雄

王錫

吳家騏

周振業

費洪疇

陳士任

陳士醇

倪師孟

金去疾

陳鑑

卷十三

李重華

費士璟

計元坊

范璨

沈克楙

顧倬

吳覲文

金鏐

錢以煌

袁寧邦

迮灝

吳雷發

吳球發

錢言

陸永傳

計灑

葉永建

陸桂馨

金筠

沈良友

沈永

吳長庚

張錦

卷十四

顧我錡

楊浚

陳沂詠

丁廷彥

朱志廣

沈岐

顧鳴杼

龐汝礪

潘學博

吳其琰

陳文星

沈鳳舉

陸廷瓚

迓雲龍

沈彤

迓尚忠

王杯存

周汝舟

袁定海

許碩輔

卷十五

王濬

金梅

張毓華

郁大成

卜元

吳然

秦時昌

郁揚勳

沈炯

孫元

周孝學

王樑

陸霖

袁棟

陸朴

沈廷光

潘廷璫

趙文然

趙王佐

仲貽煥

沈培福

程詢

卷十六

錢之青

吳起元

姚岱

吳鴻振

費一鳴

吳至慎

孫陽選

唐維申

陳士載

王鰲

吳夢熊

馬貽良

龐暨

周士選

周軼群

顧我鈞

周日濂

蔣士諤

葉兆封

沈曰枚

沈鳳鳴

汪棟

朱仁熙

沈鳳翔

陳時敏

范君義

沈芳

包日錦

錢汝楠

李泰運

吳大敷

吳元

徐楠

嚴樹

仲培發

卷十七

沈祖惠

潘煨

沈懿如

周清霄

鈕肇頂

范志治

陳士伸

俞希哲

吳芝光

陳之韻

王堡

沈曰霖

陳大烈

周世清

費振烈

梅士型

費宏勳

吳照

丁日洪

陳金品

丁日涵

陳毓良

趙大業

許良弼

周玉霖

顧時尊

徐燦

金士模

徐蟾

趙晟

王祖謙

袁志讓

潘士鑑

楊兆麟

卷十八

寓賢

王崇簡

宋琬

徐白

吳丹生

沈祖孝

方文

安夏

徐汝璞

高孝本

戴瀚

陳祖范

蔡寅斗

包士曾

黃思帖

卷十九 方外

炤影 以下詩僧

蔭在

廣閒

照音

行荃

祖震

明龍

超慧

際時

際雲

含芬

攝漸

海潮

智潮

一斑

超源

明印

悟持

楊大綸 以下羽客

吳士範

周曙

王彰

卷二十 名媛

沈氏

沈靜專

張倩倩

沈智瑤

李玉照

顧氏

沈憲英

沈華髮

周蘭秀

沈闕闕

國朝松陵詩徵

目錄

十一

愛吟齋

沈蕙端

顧氏

湯尹嫻

陸觀蓮

爻默

龐蕙孌

金法筵

沈淑蘭

周慧貞

顏佩芳

沈曉

王錫蕙

潘曉芳

沈友琴

沈樹榮

沈御月

吳雯華

沈蒞紉

吳靜閨

沈氏

金氏

陳詩

沈蕙玉

沈瑞玉

梅芬

汪瑤

姚棲霞

吳蕙

錢珂

國朝松陵詩徵目次終

國朝松陵詩徵卷一

後學袁景輅質中編次

費周仁開岐

後學

周汝雨純夫

同輯

朱鶴齡字長孺號愚菴縣學生有愚菴小集

錢牧齋云余為項注

箋應盧德水之請也吳延學長孺苦學強記寔搜有年請為全括拾決滯
滿其未遂余欣然舉元木界之長孺力任不疑再三削稿余定其名曰朱
氏補註 計甫草云余攜愚菴集示茗文汪子汪子曰先生詩文於古人
誰比東應之曰其文可方宋玉魯齊而詩則過之汪子權衡人物最矜慎
許可亦稱東言為然 朱竹垞云長孺說經理理長於箋疏之學所撰毛
詩通義尚書碑傳為貫長箋左傳日抄發明宋儒註集傳所未及頗不甚
傳惟杜甫李商隱集註或行於時 張宏遠云先生輯杜時爭名者謂拾
蒙叟之緒餘及箋義山也又謂本釋道源遺書然虞山手札許杜註與已
箋註並行明略有異同也道源箋李不過數十條集中皆表而出之沒後
三十年復有竊以饋友者謂列得善本而稍存朱氏之名於凡例何先生



國朝松陵詩徵目次終

國朝松陵詩徵卷一

後學袁景輅質中編次

費周仁開岐

後學

周汝雨純夫

同輯

朱鶴齡字長孺號愚菴縣學生有愚菴小集

錢牧齋云余為項注

箋應盧德水之請也吳延學長孺苦學強記寔搜有年請為全括拾決滯
滿其未遂余欣然舉元木界之長孺力任不疑再三削稿余定其名曰朱
氏補註 計甫草云余攜愚菴集示茗文汪子汪子曰先生詩文於古人
誰比東應之曰其文可方宋王魯齋而詩則過之汪子權衡人物最矜慎
許可亦稱東言為然 朱竹垞云長孺說經理理長於箋疏之學所撰毛
詩通義尚書碑傳為貫長箋左傳日抄發明宋儒註集傳所未及頗不甚
傳惟杜甫李商隱集註或行於時 張宏遠云先生輯杜時爭名者謂拾
蒙叟之緒餘及箋義山也又謂本釋道源遺書然虞山手札許杜註與已
箋註並行明略有異同也道源箋李不過數十條集中皆表而出之沒後
三十年復有竊以饋友者謂列得善本而稍存朱氏之名於凡例何先生



未嘗暗全書者凡險屑之徒揆臂瞋目與之競趨爭名者先生視之如浮雲野馬不以介懷

樸村云先生所注杜詩錢宗伯見而稱賞之延館於紅豆莊者三載繼觀藏書注更大備宗伯為大會門下諸名士於吳郡張氏飯我堂而以先生為客宗伯即席詩成預會七人皆和吳下傳為盛事先生詩文與同時作者相雄長既以文章之學足以動一時不足以為傳千古遂潛心經學所著尚書埤傳顧亭林以伏生相泥詩經通義汪純翁謂可與嚴氏詩詳並傳高貞長箋讀左日抄朱竹垞亦極稱賞惟春秋集說周易廣義略成書最晚諸名人無論及者先生守身如玉嗜古若渴根柢之學一時無與倫者取冠此集庶知人以立品為先學以窮理為貴云竹垞采先生訂入明詩綜按先生生於明萬曆三十五年入國朝時年三十有九開戶著書垂四十年年七十八卒蓋康熙二十二年也故予此集斷以先生為開泰第

人

廣志詩

溪流湯湯下田得魴網罟既設淵魚知藏棗實離離茂
麥間之阪田自美奈何不治蘭艾同榮望秋則橐籥在

束薪終是芳草日出日入皇皇宮庭含精吐景爰保吾

生

結交行

莫以芳桂根而逐槿花榮槿花終不老且暮容色好

子頽我則頽子衣我則裳衣不因故厭裳豈以下妨

素心交可久誰能紉荆棘坦步交可親誰能枕矛戟

布短不成裯水淺不成流阡陌自有道但恐心悠悠

感遇

薇蕨苟可采何必在首陽清流苟可汎何必在滄浪至

人處委蛇守己非一方直木寧見伐芳蘭寧遠傷縱志

遊霄漢俯仰隨翱翔

熊羆不相啖梟獍不自戕人則甚于斯生理安得長儒
教發大冢陰符蓄不祥古人貪所務遂開後世殃傷物
無獨利愚者乃爭強干戈終未已勸君且後亡

送唐鑄萬移家金陵二十韻

江雲覆春渚荻岸風颼颼念子始波濤旅泊何時休子
昔來武林笑言未三秋花嶼共巾烏雪籬交唱酬歎焉
處衰經生理攢百憂愧無監河粟周子食指稠交態匪
獨今志士當自謀葛帔憐孝標薄俗有此不子今往因
人因人慎所投刈薪母枳棘掬水母池漚枳棘難為爨
池漚豈成流嗟我薄遲暮畏人寡朋儔親子十載餘形
影常相求萬里方永餞河梁重離愁撫存兼悼往雙淚
不可收魯酒缺倉卒把袂聊淹留元甲未云解大江高
浪浮豺虎滿周道豈惟戒陽侯長年正五兩轉眄成阻
修行矣自勉愛音書遲去江郵

遣興

非廉家不貧非讓身不賤廉讓皆為名名臻行亦佻道
腴與俗榮二者中徒戰所以充隱流高士羞同傳誰能
辨妄真勿為浮名牽浮名不可居閃忽巖下電

吾有太古琴鼓與不鼓均縱鼓人不聽視同瓦缶鳴况

蕙箏笛奏悅耳多新聲水調既噍殺入破何碎鉤吾欲
匣此琴以俟夔曠生夔曠不可作古響終泯泯

詠史二首

南箕誰見簸北斗本無挹提壺非有漿促織不成幅舉
世循空名君子須責實王衍懼排墻殷浩終廢路高名
竟何為徒以禍人國處士盜虛聲自古深歎息雖有聘
弓招達士不輕出出者惟隆中高駕邈難匹

寶劍行

寒芒銳銳蒼龍精吐景流商寶氣橫光淬鸛鷄照秋水
絳懸麗殺連星文夜中風雨時飛去匣內蛟龍殷上作

聲君不見赤堇開若耶涸歐冶鑄來天工錯又不見楚
山雄吳水雌至精不隔會有期神異千年出非偶紫氣
雖沈猶傍斗時來得佩君子身老狐潛形木魅走嗚呼
此物不用彈侯門侯門仁義非純真亦毋借與斬佞臣
佞臣嗥濡噴血腥一朝提向白帝子辟易萬里黃沙清
我歌寶劍神激烈霜鏗雪花今不滅用之失所同鉛刀
世人空自悔神物風胡不可期明晦自有宜君看繞指
風塵日何若潛光古獄時

潘江如遊閩過別託訪何元子葉敬甫諸公事蹟

北風獵獵寒流淅黃塵黑霧吹人衣春日不出出亦瘦

空庭老樹號飢鴟君來過我何奔迫襟被因人將遠適
為君起歌行路難滿眼朦朧暗金戟驂騮不得驟奔山
空效罷牛走塵陌君今東去經仙霞仙霞戰骨堆如麻
千山落日依殘壘八郡空城嗾晚鴉當年軼事恐磨滅
納肝斷腕堪咨嗟君去為我齋油素遺民覩記應無悞
碑板佚文尚可搜屠酷異士當一過作賦登高莫漫誇
酒酣瀆唱丁都護漲海茫茫鴻雁稀到時應及荔支肥
波濤翻覆非一狀待爾同釣滄江磯

山石次昌黎韻

山石歷亂凌翠微楓杉十里白鶴飛百道細泉流十未

黃梅雨過梅俱肥入寺不聞聲剝啄花龕半掩人來稀
老僧睡起偏袒坐飯我青精充我飢須臾策杖出平莽
半山鐘磬聞禪扉丹梯徑斷樵牧絕祇見嵌竇烟雲霏
巨石盤孳立猛獸羣屏却略如長圍緣源萬轉興未極
松花拂拂沾人衣此中仙靈真髣髴何用刺促隨馬鞵
願得息機混虫鳥攜家采藥長不歸

馬輦成傷
集作翻鞍

湖翻行

自註庚戌六月十二日

太湖西來天目源七十二溪波濤奔震蕩有時溢原野
未聞浩瀚迷乾坤五月稻秧齊插時三旬霖雨水澎湃
方憂漏天移澤國忽駭狂瀾卷平地颶風猛發神鬼愁

火龍擲火驅潮頭漂沙礮石失垠岬發屋拔樹蟠蛟蚪
聲如列缺闕霹靂勢如共工傾不周乘陵城郭塏欲倒
千廬萬竈皆洪流巨浪翻騰高屋過大魚撥刺平衢游
更憐人畜死無數浮轉塞港漂難求百歲老翁驚嘆久
此灾我邑前未有乘船入市何足云地軸翻天浸星斗
我時惶遽無竄逃急上高樓守篋篋竟日魚釜無炊烟
澆愁何處沽村酒變不虛生豈偶然撫時感事心欲嘔
鄭監圖繪久不聞長吏敲榜肯停否欲訴真宰天茫茫
九關虎豹狎狎守吁嗟蒼生爾奈何但見號咷走資貨
寧都魏凝叔惠貽易堂諸子文集

文章氣節古一之立言豈是修曼辭揚雄羨新入文選
蕭統無識徒貽嗤唐宋以來文匠八門與各出推導師
柳州踪進荆公執尚于大義無瑕疵皇初希直實巨手
崆峒南城老筆披荆川遵巖與熙甫沿沂均出歐曾規
弁州才大一時傑此後作者誰能追西涯詩文敗嬰匠
當時正論多詆譏奈何談者好軒輊一禍一桃任意為
未聞身名已瓦裂能立壇坫持旌麾易堂風節吾所畏
文筆賈勇相切劘翠微峰前魚鳥樂碧桃紅蕖爛漫姿
觀彼論撰頗英鷲起衰振靡實有期我亦永懷不朽業
志大力小空逶迤兩目眇昏足尚健欲向勺庭捧盤匱

安得插翅墮爾前黃繚青鞵白接羅離經酌史無晨夕
同斲茯苓松下炊

寄贈張受先

自是存吾道非闕傲隱淪白頭逢世難青草記芳春甘
載冰霜色三年江海身素琴今鄭重曾上帝京塵

過龐山湖

淞江非往蹟百里半漁蓑波浪隨葭莢微翰到芰荷鷗
群出浦聚雁影帶沙多一棹寒江外愁來試短歌

酬姜如須見寄

支離一病嘆無慘經案繩牀對綠蕉猿鶴化來機漸息
芝蘭焚後淚難消鹿門本自甘遺散學里憑誰慰寂寥
澤芷江蘼無限恨頻傳莫惜五湖遙

寄趙大庾先生

擁褐空山道未貧蕭齋磬響一孤臣身埋豹霧真忘世
樹長龍鱗始覺春錦字三年懷不減輪腸百轉向誰陳
天遣卧柳毵毵發寂寞荷衣但隱淪

春日遣懷寄金孝章

畏人甘自老墻東閒卧繩牀數落紅蜂出暖沾桃葉露
燕歸輕倚棟花風直鈎作鈎終何得壞室編蓬可送窮
賴有潛夫能枉訊應憐潘鬢已衰翁

送孫無言歸黃山

月觀風亭有勝攀

無言又寓揚州

天都回首是家山

丹楓夾岫紛

相笑遊子歸來鬢已斑

息夫人

不言直媿未亡身却共匡林擅下陳

江漢芳蘭雙入夢

何須默默綺羅春

傳稱生堵敬及成王猶未言

綠珠

衛尉財雄意氣麓禍樞端為買名姝

河陽麗色知無數

一死堪酬十斛珠

蕭皇后

歸來塞北待宮闈隋氏嬪嬙滿目非

燈火漫勞申諷諫

內庭封事有徐妃

題衣重其負母看花園和杜于皇韻

負母階前樂事真

葵榴色映北堂新

世間不少看花客

花下誰將白髮人

姑蘇楊柳枝詞和汪鈍翁

十里紅亭媚媚春

任他輕拂陌頭塵

如今世路輕離別

誰倩長條綰去人

沈自籍字君嗣號嘯阮明祠部琦子歲貢生官武進

教諭有嘯阮集

周勃山云君嗣為衣世尚少負雋才晚年好為平淡之詞令讀者回環無盡

教諭有嘯阮集

樓村云廣文詩幾筆所之不
郭璞原是得白太傅一體者

哭十五弟

雁行中斷淚縱橫枉說登龍有令名
知是簿書千室累何如詩酒一身輕
夢魂豈識東風恨桃李誰尋春夜盟
贏得諸孤同葛屨不堪雞骨強支撐

感賦

駿馬千群白玉槽健兒十隊錦為袍
豪華此日渾如夢空有雄心對寶刀

王章字孔彰明漳州別駕銑孫縣學生

樓村云孔彰詩生辣結轉無一庸近語
二子元思名載寧純思名洪福並為名諸生
以為世其學

刪竹

叢竹生小庭雜亂無行次虫虺及其都
荆棘相附麗出入防毒螫况復憚芒刺
慨彼君子儔胡然引非類乃知特達姿
所患在牽制苟無疏剔功高節遂塗地
爰命持斧斤斬伐有深意當為表貞心
不在施小惠數竿更亭亭翻覺少為貴

沈永隆字治佐號冽泉鞠通生自晉子縣學生有不

珠集

陸寄齋云不珠集詩格調五通
幽深高潔處往往令人作因靈物外想

樓村云鞠通生以詞名家列舉克嗣音寄齋范香令傳奇識者謂可與望
河亭並傳晚隱吳山以吟咏自娛所遺不珠集清峭雋上沈盡肥蘇律句
中往往以古氣行之其古體必
有可觀者今散佚不傳可惜也

題九峰草堂

清唳雲中鶴秋風江上亭水連三泖白山列九峰青雲
樹浮滄海樓臺入畫屏文章追顧陸高唱徹高冥

過朱白民書屋

四壁月來遲空山人去時依然掛薜荔猶想下書帷坐
拂醉眠石行看畫竹枝最憐遺草在還望茂陵知

奉贈八叔父遷居梅里

廣文先生寒無氈歸來無酒復無錢不從詹尹問身世
惟結草亭著太元簡村帆影遠猶落湖浦梅花開欲先
亦擬吾廬近三徑清風時拂竹林邊

章夢易字宗立一字兩生號勉齋府學生有勉齋集

潘稼堂云兩生幼工舉子業有盛名中年棄去潛心

經術著易筌詩源在氏兵法楚辭補註凡若干卷

樓村云勉齋先生少遊徐宮詹勿齊之門名聞江浙復社諸先達爭欲收

為弟子下筆不起草數千言立就遺教後家居教授不復出矣晚年遠于

經學于易詩二經皆有會心有讀易魚筌宋四先生易學合纂詩經

說略三書又續吳荅琴同里先哲志博物洽問吾里之隱君子也

庭有桐

梧桐葦萋鳳凰攸棲庭有桐樹高拂雲霓鳳鳥不至感

余心兮一惟桐有材可成瑟琴哲匠制之乃發元音時

無哲匠雕琢誰任二庭則有樹樹則有枝鳥胥萃止桐

獨違之孤貴之質不受物疵桐兮鳳兮企其遇而三惟

山有木工則度之欽爾桐斯理性是資是曰不器匪衆

所知命之不淑爨之奚辭

四解

顧御字吉履明汝寧守曷曾孫順治乙酉舉人官

工部員外郎有去非樓集

沈冠雲云去非樓性恬退自茲仕以
逃歸里產不踰中人家後卜居陽

義以山
水自娛

樓村云工部詩集久已錄板屢向其後人求之無應
者今從友人故紙中檢得一絕吉光片羽彌足寶貴

後湖

後湖玉漏香銀塘一片臺城草石荒滿眼却看鍾阜色
更無心緒弔齊梁

沈虬字次雪一字雙庭號蘭村歲貢生官嘉善知

縣費開岐云雙庭先生工詩善書初任錢塘後湖嘉善簿書之暇不廢吟
味每過名山古剎往往留題其筆墨流傳兩地者至今猶寶貴之

吳

配京云雙庭先生先大母之曾王父也大母及見先生述先生長
身軀與蘇詩故笑晚年好樓居四方乞其詩與字者常踵相接云
樓村云明府書初宗文待詔既學董文敏皆能亂
真詩不煩姚嗣自然合度字都帶奇聲極稱賞之

癸卯五月再過西陵

移舟過西陵父老欣相見逡巡謁我前寒暄獨繾綣為
問今如何未言已淚濺吁嗟侯去後干戈起郡縣力役
兼催科生涯無一善又值年歲凶舉目荆榛徧官稅苟
能完違恤民命賤傳聞侯復官忻喜動顏面長揖謝父
老投箸志難變汝富不如貧我貴不如賤汝耕定山田
我耕端溪硯

答禽言二首

國朝文獻通考

卷一

七

愛吟齋

郭公郭婆割麥插禾乞君啼向上林柯也識農家辛苦多

晚泊垂虹橋

七十二泖水亂橫孤舟飄泊莫潮生千家樓閣燈初起
數里烟波月半明秋到城頭哀感葉人來江上憶尊羹
魚龍寂寞寒流夜無復當年簫鼓聲

村居

柳條如浪草如烟春水初生一放船屋後沙汀三百頃
等閒割與白鷗眠

吳旦字海曙平陽令有涯從子縣學生

橫村云復社凡三集吾邑前輩在社中者七十八人此集所登海曙與吳
宏人俞南史徐介白葉雲期沈次雪諸先生是也先生詩工整中有氣骨
非雕肝刻腎者所能摹擬

村夜懷楊俊三

自笑羸身歷箭瘢復經掠火室無完謀生只有諸儒拙
寄食應知古道難枯樹暮蟬悲自語空江早雁侶同寒
西風無奈懷人意處士星高獨夜看

沈永令字聞人號一指明南康令士哲子順治戊子

副榜貢生官高陵知縣有深柳堂集

錢上沐云聞人自
號一指因手有枝

指也臨年頽悟應縣試時知縣熊魚山奇其文謂他日必以風雅名世後
果如其言詩詞書畫並入能品 沈錫愚先生云先生初知韓城縣時湯
文正為澠州道以楊良重之詩
亦宗仰唐人不染竟陵習氣

樓村云沈氏詩錄所載自太常以後十世中工詩者七十人閻秀又二十一人風雅之盛萃於一家海內所希有也而明之虹蜺涵藎定楚宋所考介國朝之一指恒齋尤能卓然成一家言一指古詩驅使富有五七言近體聲律格律直追中盛唐無一字一句落元和以後兩時鐘鐸盛行而吾邑詩派不墜蛙解皆先生砥柱之力也

咸陽寓中

老應甘棄世壯已不如人
楚越燕秦路東西南北身
鏡中俱是雪塞外不知春
何日滄江返磯頭穩釣綸

春曉病起

眺望知何處蒼涼北渚烟
瀑垂千尺布榆散一庭錢
拙且招時忌窮寧受世憐
小窓餘竹榻病裏得高眠

村居

偃仰真無事高槐晝掩門
浮名虛歲月浪跡半乾坤
翰墨供家計林泉拜國恩
南方聞未靜龍武正雲屯

避寓湖干

尚有一身累烟雲此結廬
姓名留竹石踪跡狎樵漁
聞問烽烟隔親知弔慰餘
短垣修竹好生計不嫌疎

泊舟湖口

蒼翠粘天潤廬山萬疊雲
烟橫三楚斷潮落九江分隔
岸檣爭集隨陽鳥得群鄉
闌金鼓急羈緒正絲棼

虎牢

昨驅函谷道今度虎牢溝
形勝歸伊闕提封鎖洛州
古

祠神火寂戰壘成烟浮明日潼關險千盤據上游

登華

歷歷星辰尺五懸洮雲隴樹望相連天高西北長空盡
勢控燕秦大地偏烟杪一丸關百二河流如線路三千
此身托足知何處仙掌擎來霄漢邊

分水龍王廟

南為吳水北燕雲結伴登臨喜得群七十二泉從此合
三千餘路恰平分安瀾已下褒封詔沉璧無煩草檄文
惟有仲宣行役苦登樓久已悔從軍

秦中

秋深沙草馬長嘶塞柳千條覆曲堤水落渭河諸派合
天圍華岳萬峰低舊遊金谷雲烟散故國銅駝枳棘迷
紫氣近來東望好函關何用一丸泥
黃河如帶繞神州百二雄關控上游絕塞風烟依壁壘
遙天鼓角動薰樓雲開漢時千門曉草沒長城萬里秋
霸業消沉王氣歇西陸無復事邊籌

再令秦中

捧檄秦中路再經關門烟樹入簾青劉郎去後身還健
潘令重來鬢已星膠柱尚思更別調鉛刀終愧發新硎
片雲嶺上曾相識冉冉依人下訟庭

贈樂菴禪師

師為楚嘉魚人天啟乙丑進士室任吳江令晉吏部郎正壬癸間建言建林路微後遂為僧康熙乙卯駐錫江

咸鉅作令時已五十寒暑矣永令以昔年童子受知門下感賦是詩

空門閱盡幾滄桑獨對寒雲卧竹牀百鍊身猶餘鐵石萬言字尚挾風霜列朝文獻徵遺史一代天龍護法王士女爭來瞻瑞相拈花舊是宰河陽

除夕

梅花猶待雪催妝獨擁寒爐夜氣長世事驚心雙鬢短故人牽夢朔雲涼亂餘骨肉猶為累兵後田園半就荒且喜鏡中絲已盡朝來無處着嚴霜

柳枝詞

箇儂家住綠楊堤春霧濛濛路欲迷認取門前三兩樹半遮牆角半臨溪

沈

昌字子言一字聖襄明太常卿漢元孫順治戊

子副榜貢生官保昌縣丞有閒餘閣集

模村云聖襄詩工穩靜與公詩律如法更之慎守三章未嘗稍出入也詩錄稱其詩與聞人存名聖襄於聞人沈弟坤亦當兄弟聞人

早行

萬里一為客千山何處家荒雞催短夢古木散寒鴉月落半艙水霜開兩岸花人生重離別我獨慣天涯

獨夜

匹馬燕山道緇塵滿素襟朔風遊子淚春草故園心雁

落梅花浦烏啼楓樹林林頭明月近顧影自沉吟

冬日送澹歸大師之匡廬

匡山渺何處杖錫憩諸峯梅影浮寒月濤聲落古松一
燈傳白業半偈識談宗有夢隨烟霧西林隔幾重

青山鎮夜泊

昔年南下此羈棲鎮傍青山憶舊題日暮笛高楊柳怨
月明人靜鷓鴣啼萍洲有約終當踐雲路無媒不用梯
今夜夢魂何處是彭郎東去小姑西

三水道中夜遇袁四其學博

江上相逢話寂寥那堪人事倍蕭條漁燈遠映千山火
客夢遙驚半夜潮塞馬經秋嘶落月啼烏繞樹起中宵
樽前莫悵天涯隔此地征人髮盡凋

登泰山

霞光日影半山回石表遙連封禪臺七十二家何處是
斷碑殘碣徧荒苔

李 黃字經淵順治戊子拔貢生官兗州通判有讀

五堂集

周勳山云別駕才思湧發迴湖
側此之中時見津倚容巖之致

據村云別駕詩辭生於情骨餘於采此道中正派也所著任優草黃餘集
皆散失惟存讀五堂集又殘缺次次作者去今未百年而零落如此其久
而化為烟雲
者可勝道耶

徐虹亭招同沈一指董宥密吳超士梅邱小飲

國朝本邑詩集 卷一
昔年勤卜築此地號梅邱小圃餘蒼幹主人正白頭四
山新翠合一水暮烟浮共喜干戈後萍踪此唱酬

別內

一紙還羅織倉忙又出門歸來如夢寐相對幾黃昏井
臼貽家累弓蛇亦國恩旅人能自慰珍重莫銷魂

再宿洞庭

竟日風濤阻維舟憩寺門天邊翻白浪人語亂黃昏月
弄千山影雲開萬里痕中秋今夜閨湖畔暗銷魂

和家孟山顏韻

閱歷滄桑已破家漁磯釣艇度年華衣冠故國皆成夢

桃李吳門尚有花猶許一樽澆壘塊不愁千里困鹽車
今朝茂苑頻攜手何日同浮天上槎

翁 遜字仲謙一字元明有翁仲謙詩鈔

懷村云高士性孤介終其身未嘗就人一食至交如顏茂倫徐介白董紹
之必觀其詩某畫始一往見之著必起也所居湖浦草堂近江楓菴與持
僧指月善沒後指月藏其遺稿今
散失盡吳瀾得一詩存其大概

贈吳子淵

孤踪躑躅淚交垂兩板衡門傍水湄却憶孟公投轄飲
還歌陶令去來辭世途那得無機械人事俄驚見奕碁
危懼滿懷終歲月不同宋玉待秋悲

吳之紀字天章一字小修號懋菴明副使瑞徵孫順

治己丑進士官至湖廣荆西道僉事有適吟草好

我齋集

周勳山云德卷雅和都雅有晉宋人逸致江南斷腸之句固知不致方回耳 陳康泉云外勇傲卷先生天才明敏賦性通脫

讀書採報善辭不守章句為詩文尚尚性靈不爭剽竊明胡如玉山瑤林秀出人外不可梯接

橫村云觀歷年十二受知於燕魚山有神童之目通籍後歷官內外皆頌其廉明飲其風雅班史所云文學飾吏治者此其人耶年未四十解組歸壯年勇退成謂仕宦者所難為人風流宏長詩文朋友之外無他好也聞其傳清室滿集四方名流之來會者江荆英門斐東玉峯虞山雲間浙則武林海昌莠上橋李武原諸水當湖規塘桐川帆橋燈火二三里不絕教禁之或無耀江左吾鄉前輩素主壇坫吳扶九昆仲首唱復社後宏入漢槎復為慎交領袖皆會聚於金陵英門邑中歲舉惟傳清一集也至今過其地者猶低徊不忍去詩如王謝子弟嗚呼靈雲無非玉屑子履遠名稱詩與人俱俊逸有父風 陳黃門循序歲祀康熙癸丑六月朔里中重舉慎文社會推外祖舅氏為主改名時習一時稱為盛事此後無復再集其稱外祖指德慈翁氏指孫遠也錢上沐續志與果堂新志並載此事遺像卷而主扇迪又錢制事在康熙甲寅沈云在庚寅我邑之與斯會者黃門與考廣泉伯父缺庭徐式恭李憲真沈丹璠計希深李道武張損持按甲寅後癸丑一年庚寅為康熙四十九年是時二陳先生文化去若云

後有城來則黃門尚在何以云不再集也黃門身在此中非博聞異詞者可比此事紀年當從後說

送鮑仲昇

昨歲江干別今春又送君天涯同作客去住總離群惆悵樽餘酒低徊日暮雲江南梅信早待子挹清芬

春暮同陳其年顧茂倫諸子集聞璋叔紫藤花下節序應憐歲月遲清和纔放紫藤枝山中視草迷芝蓋天上連雲映酒卮潦倒詩篇沉醉後闌珊花事暮春時來朝聚散渾難定秉燭無煩此夕辭

春日袁荊州令昭過訪百花洲口占二絕

契濶經今兩白頭建牙吹角古荊州東山嘯咏西樓夢

故國重逢話昔遊

一曲才成傳樂府十千隨到付纏頭當時記得輕分手

王粲高樓鸚鵡洲

顧 樵字樵水自號若耶居士

清溪堂云樵水志尚冲素於世無營詩為永有錢劉風味盡入

能居每常遊山水園而賦之留連忘返馬 顧配京云

若耶先生詩或清真樸老或王處子鸚鵡之無愧唐音

樵村云鷓鴣社中人皆前朝遺老竟意進取藉詩歌以寫其懷抱往往愁

苦之言多和卑之音少獨若顧居士風調格律悉本唐人高者胎源劉文

房次亦近許丁卯於社中獨擅推首。邑中畫家湯而七之水呂慶六之

神思冠康叔之遠山枯木沈樹奇之竹韻周崇國歸時是松之寫真顧雲

臣之人物瀟灑立之花鳥若耶之山水與其子起東之花鳥皆有名於時

若耶曾以畫寄王尚書德信漁洋題以詩有詩中有畫畫中詩句以細川

也

力田常苦饑養蠶常苦寒問彼遊冶子温飽忘艱難

馬皆食粟廩役被綺紈農家終歲資金尊一夕權豈知

塞下粟粒粒爭農餐耕作莫辭勞邊戍多摧殘願得干

城將飲水心亦安

秋夜東顧茂倫

秋聲無深淺深淺在人心但使聞者悲不辨鳴者音月

落林影翻夜半驚栖禽入秋畏夢短起坐還披襟遇物

悲在昔事往情更深安知來日愁追念不及今我有萬

種恨并入秋風吟哀樂境所遇豈必雍門琴

青陽渡

國朝公使詩校

卷一

七

愛吟詩

露珠隨葉圓菱花隨月白鴛鴦本同棲豈得暫相隔垂
柳門前路此去青陽渡離別即天涯杜鵑啼日暮朝見
天桃好莫傷飛絮早妾思縈懽情搖蕩春懷抱回首見
朝陽恍惚在歡傍芳蘭同氣息始覺東風香莫為桐上
絲聲急有斷時莫作天邊月照妾有圓缺知懽纏綿意
江水終無竭思極怨還生愁來意未明寧甘廣殿冷不
作巫雲情蠅蛸蒙不捲玉鏡從塵掩空響疑車聲桃笙
待懽展水流石自沈白石是儂心投石沈江底從懽識
淺深

初入苕溪寄周閻昭柱史

連峰接天翠路轉雲林入輕舟遡逆流雨過溪聲急樹
杪見山城水市人烟集桃花遍村塢客裏逢寒食郊原
桑柘繁日入農始息此鄉風俗淳居人盡耕織東南財
賦區國用從此出吁嗟兵燹後閭里無完宅饑寒供徵
稅迫促無餘日對此傷我懷浩歌轉於邑殷憂莫與同
捨公向誰述

秋夜

愁心照明月中宵起衰徇仰觀天漢明月白霜氣開林
葉無舊容因風落蒼苔壯懷志霄漢蕭索良可哀人自
棄歲月歲月豈相催令名苟不立百年同死灰

鐘湖觀瀑布

飛泉出雲端泠泠表山性
紆迴歷幾源雲容遠輝映峰
高直如削日照光難竟
巉石激餘飛仰視不得正
一流成一聲石亂聲相競
路緣松篠迴虛亭衆流迸
樹稀潭影空俯作諸峰鏡
我來滌煩襟聲影歸一淨

對酒

舞長劍發浩歌對酒不飲
感慨多烹羊魚羔不足樂
空嗟伏櫪成蹉跎天地雖大
局窄風波有容持杯稱上壽
憂來一日其奈何蜣螂豈識
蘭蕙好蟋蟀不知春秋老
人情安得同是蠱何事栖遲
獨草草敝車羸馬欲何之

大行絕險門前道雄才未肯
同衆人從來志士常顛倒
淮陰固竒士誰識貧賤時
馬周末遭逢誰為道路悲
相逢莫信好顏色賤時結
客無相知念故交心獨恥
雙龍在匣哀鳴不已側身
天地無投足揮杯獨勸秋
風裏昔聞漢主太平日邀
歡晏會新豐里高陽酈生
稱酒徒能使沛公輟洗起
我獨胡為際亂離有酒千
鐘空自美酒未斟感更深
古人不可見沉醉誰同心
好向麻姑乞麟脯白雲嶺
上同招尋

擲刀歌

西氏美妹國已傾蛾眉豈為
寵愛爭生長深宮小膽怯

誰知挾刃終難驚香雲理罷從容語家亡國破死固許
蜀山峩峩萬里青不知香骨埋何處司馬女兒真好色
鋼刀擲地腕無力我見猶憐勝老奴羨爾傾城復傾國
絕色從來不畏妒阿嬌何用長門賦人心愛憎本無主
無鹽欲與西施伍一朝卷却龍鬚席幾見回車暫經戶
同行共輦難畢論歡愛不及秋風新何況婦人妒容色
怒能使愛忌使親古來名姬皆恃寵眼中未見桓夫人
次酬吳嶧山先生

洞口溪流泛玉沙
寒芳春日惜年華
亂離作客常依友
節物驚心每憶家
青核分來仙苑酒
黃鶯啼徧柳園花
名山擬結煙霞侶
學種東陵五色瓜

懷徐介白

日夕雲霞嶺際收
栖遲有客卧林丘
披裘未肯投吳市
飲犢須知在上流
梅樹書堂千嶂雪
蘆花釣艇一江秋
紫芝寂寞誰相問
世外忘機共白鷗

周長康邀同唐聞宣朱長孺顧茂倫王元思徐松
之吳聞璋葉學山湖浦觀梅

梅綻東風又早春
琴尊邀賞傍湖濱
時危選勝無多地
世亂論交有幾人
飄落莫悲羌笛怨
逢迎還喜野鷗親
不須更覓羅浮夢
醉卧林間月色新

送兄楚遊

歸時澤畔雪交加折柳今看歲再華何事春來偏送遠
獨憐親老更辭家月明湘浦聞調瑟風急江潭見落花
海內烽烟猶未息不堪飛雁各天涯

趙

漪字若干明歐寧令庾長子縣學生有爾室吟

懷村云此山子先生兄也名益於弟
而詩品秀雅如名花奇石可供清玩

閩遊即事

三山風土擬京華鳥道間關向富沙盡說孤城臨敵國
每從野店問官家地形水簇山頭石天氣冬開夏月花
烽火一朝人散後江郎空自對仙霞

顧棟南字季任明諸生曾貫子縣學生

懷村云一雲先生品端行潔遠於經學季任稟夙訓不讀無用之書於漢
洛關關諸儒有心契焉一時高士名流咸器重之朱惠卷云今日增東隱
應推顧季先戴松野云去年君遠別講學竟無人為人數至行與人交好
直言規諫讀送周裕齋之宮一章其生平梗槩如或見之顧氏譜載季任
曾輯同里志章兩生續志皆記載季瑣
作同里志二書皆不傳亦里中懷事也

辛酉七月送周求卓之官昆陽

自註求卓
母年八十

委質承朝命催程府史憂感恩輕萬里別母畏孤舟
去國應憐遠思家不盡愁倚闌何日慰李密勝封侯

毛瑩字休文縣學生

懷村云楊儀部名藝字碩甫平望人善製檝軒於未過時檝軒留守桂林
儀部在軍中以功為主客師後檝軒殉國儀部麻衣跣足哭於定南王孔
有德之門四晝夜其聲不絕王義之許廣英時感帥勸檝軒家屬索財貨
儀部之釋之卒獲其家人還檝軒氏感其德以女配其子康熙間其人尚

在所至皆飲其節義休文此詩未能盡其生平然道及儼部者幾少存之

題楊儀部齋壁

衡門畫掩即山林夢境依稀尚可尋
萬里從行師誼重一官特授主恩深
金書玉軸當年寶白石青松此日心
漫托諸姬將進酒酒酣長自淚沾襟

沈亮字无功

樸村云无功與錢旭威有宋元詩選七卷合兩朝詩得八百餘首世疑其太簡蓋兩時風尚漸趨宋元不早為之防必流為放縱不止兩先生此選音不合唐不採格不入唐不收誤引學宋元者仍以唐為歸宿視世之備一代掌故主博而不主精者其用意深且厚矣

送顧南仲之粵西

征帆從此去離別幾縈愁
客路經三月猿啼在一秋
關山催曉夢霜雪照征裘
易入慈親念他鄉莫久留

國朝松陵詩徵卷一

國朝松陵詩徵卷二

後學袁景輅質中編次

陳毓乾行之

後學

金學詩韻言

同輯

趙 澐字山子明歐寧令庾次子順治辛卯舉人官

江陰教諭有雅言堂詩集

田歸列云子與山子素來長安風塵因頓中山子意氣不少掛瑤瑤

何備之概往往見於詩歌 徐健菴云梅村芝麓兩先生為騷壇領袖不
在許可獨於山子詩每稱道不置 周笠川云山子少負才尚意氣與海
內賢豪相交結而恩怨隨之丹生哭之以詩曰
即有無浪足風波交滿名場恩怨多蓋記實也

樸村云忠臣節士世所願見而不可得者輒想望其後人廣文為大庾先
生令嗣又負徐庾之才足以傾動當世宜其有列詞壇即為宗匠所欣賞
嘗與雪灘釣史撰牧齋梅村芝麓詩為江左三大家遠近稱羨倫山子無
異附其詩古體宗選尤近陸士龍近體清雅流利不專以藻采勝人在集

國朝松陵詩徵卷一

國朝松陵詩徵卷二

後學袁景輅質中編次

陳毓乾行之

後學

金學詩韻言

同輯

趙 澐字山子明歐寧令庾次子順治辛卯舉人官

江陰教諭有雅言堂詩集

田歸列云子與山子素來長安風塵因頓中山子意氣不少掛瑤瑤

何備之概往往見於詩歌 徐健菴云梅村芝麓兩先生為騷壇領袖不
在許可獨於山子詩每稱道不置 周笠川云山子少負才尚意氣與海
內賢豪相交結而恩怨隨之丹生哭之以詩曰
即有無浪足風波交滿名場恩怨多蓋記實也

樸村云忠臣節士世所願見而不可得者輒想望其後人廣文為大庾先
生令嗣又負徐庾之才足以傾動當世宜其有列詞壇即為宗匠所欣賞
嘗與雪灘釣史撰牧齋梅村芝麓詩為江左三大家遠近稱羨倫山子無
異附其詩古體宗選尤近陸士龍近體清雅流利不專以藻采勝人在集

中應推
上如

雜感

窮居誰見賞華閱易成名去天不尺五當銜列雕甍朱
堂平且啟車馬若雷轟嘉賓滿瑤席珠履競逢迎飛觴
疑瀉壑清歌儷轉鶯衣冠自照灼咳吐風雲生四筵陳
今譽千秋寧定評當年座上客倏忽吳與荆一意不相
得攘袂還搃兵所以孤子士閉鷗無浪盟仲蔚事短槩
原思揮素琴風雨任侵牖蓬蒿嘗沒人

途中呈友

本是忘形侶他鄉情倍親閒看千里月愁絕百年身

哭無聊賴風霜各苦辛

海岬心事向誰言

舟次天津同宋

三春思獻賦萬里竟

沈新鬼黃冠

雲來洛下蘇李去河

以及躊躇問

國清寺

前日西風慘客顏循陔何意叩禪關迴岡截路敲鐘
側徑穿松突見山一塔火餘金色麗雙泉雨後玉聲寒
當年荒竈埋青草剩有蒼煙籠翠鬟

泛湖有感

片帆容與盪秋烟點破平湖萬頃天眼底江山如昨日

亂中城郭又經年紅籃色艷誰攀並白苧謳新競採蓮
聞道并州圍未解孤軍清嘯月初圓

喜宏人聞夏南還并憶漢槎

綺里由來有二難無端相對作南冠輪臺詔下龍髯迥
華表歸來鶴語寒月夜一尊歌棣萼春風雙騎渡桑乾
何年恩到窮荒外還向蓼林問幼安

德州道中

酒肆青帘出柳堤城千里接燕齊樓船絡繹交河北
藩邸荒涼落日西惜別三江春草綠言歸六月火雲低
追思渡口來時路皓皓繁霜凍馬蹄

白門雜感

滿眼飛花落御溝霜鐘聲斷景陽樓官家詔促蛾眉選
府第粧成鳳侶愁不道金蓮變學步無端瓊樹已先秋
琵琶泣向闕山月何處香魂葬玉鉤

舟中答陶冰修

莫悲踪跡滯闕河今古才人失意多一劍樽前頻顧盼
千金臺下共婆娑正當楓岬飛霜葉各向蓬門掩雪蘿
咫尺相思不相見西風落日動微波

顧有孝字茂倫自號雪灘釣叟縣學生有雪灘釣叟

集

錢牧齋云茂倫所選唐詩甚多不立評語不樹雜錄分書選奏異曲同
工煥然復觀唐人之面目朱竹垞云唐詩既錄百家之詩固難分較

盛行於時賓至輒留江左有蟹菜盃嘗君之自由其胸無味練以月出同
辭晚白稱雪灘釣史松陵女子沈開閣劉頌年雪灘淮凡圖一每裝元遊
江人士以不與題辭為恨徐虹亭云茂倫晚年幅巾方袍蕭蕭蒼然遇
經生執業者必為之進話前輩風流事令人聽之無不感德陳行
之云先師汝諧先生釣史文孫也嘗述釣史負海內重望顧謂然不說自
顯於時康熙中詔祭博學鴻詞公卿爭欲薦引之釣史堅以高辭乃止
生平所交率高尚之士吾鄉若徐介白俞無殊
無取周安節志江如顧樵水諸前輩尤稱慕逆
僕村云釣史游豫給事歸守之門給事死難釣史亦能諸生聞尸與居以
著述為事明季僉謀並起流毒東南釣史避唐詩其事以端八氣之
一變海內名流過松陵必停棹問釣史起居暇嘗釣史五教十百
家釣史側身交接至破家不顧也○釣史遺詩甚多白作一可
一題無他心任向事終日不成一字題名流會合學
餘分題見有勝已者輒奪其稿以故流傳者絕少

石湖曲

朝向石湖遊暮向石湖遊湖水明如鏡倒影湖外樓
來一串月處處漾輕舟了自不相顧清光樓上頭

獅山

孤嶂平疇繞琳宮古木藏乍添新梵宇不改舊松篁
暖迎朝日峰高背夕陽遠公開法席溪水暗流香

寄贈沈留侯偕小阮北上

春風楊柳拂行舟有美聯翩共遠遊入洛陸機新作賦
依劉王粲故多愁舊京珠履三千客荒塚冬青一十秋
湖上好山無恙在獨持卮酒對群鷗

酬王西樵

懶向江頭更掛蓬舊遊歷歷在江東傷心忍聽山陽笛
淚眼相看暮雨中

潘 陸字江如明諸生一桂子縣學生有穆溪集

清

堂云公世居松陵之穆溪其考無名公始僑居京口公遭亂棄儒仕轉客江湖故人通顯者招之不一見其詩如老持用兵縱橫揮霍而紀律森然
續村云無名先生以東征昌言諸賊負海內重名江如之學一粟庭訓而尤長於詩氣體悲壯音節高亮羽聲宮調兼而有之雖僑居潤州時往來故地其名與溪所以志也

貧女吟

北風何凜冽吹我單衣裳晨起汲江水挈瓶踐嚴霜豈
不長苦辛父病母目盲生女不生男晨昏賴扶將藥食
不可缺奈何歲饑荒截髮亦不惜中心但傍徨非無娉
婷貌飢飬損容光

包驚幾夜過

故人寒夜至風雨暗東窗不忍論前事還同哭所知住
山多病後學佛破家時猶念飄零者放勤重有期

望亭道中

西風仍細雨孤棹莫何依古驛人家盡寒塘野篠稀浦
雅昏自集朔雁近還飛鄉樹來朝見三年此路違

贈史愚菴

史公江海客知爾託煙波家國重圍破恩讐七尺多妻
孥艱旅食天地動悲歌為指梅花嶺衣冠涕泗過

召伯

古埭已千載居民散兩涯麥秋黃到海湖漲白通淮賦

自草才明言卷二
稅連魚鱗兵戈少，奠埋謝公不可作。此地一傷懷。

送韓掌邦

遙知絕塞未應春，送別江皋柳色新。萬里朔風愁去國，千峰殘雪黯征輪。為憐兄老身仍竄，不顧途艱索苦貧。長白山前炎海客，相看何處是歸人。

同玉如過肇伯飲感賦

門前橋影漾江流，幾度吞聲哭故侯。公子苦飢還置酒，老夫向晚且停舟。百年天地傾朋黨，十載逋逃任馬。漠漠海雲連朔氣，又驚初雁過吳洲。

皇甫欽字堯臣，一字密安，歸安縣學生，有羅浮

別笠川云堯臣好詩，兼工書法，人競購之。

山行

四山晴潑翠，身在畫圖遊。問酒橋邊屋，聽松寺外樓。樹根盤石罅，鳥跡聚沙洲。放眼江天莫，掀髯傲五侯。

俞南史字無殊，自號鹿林山人，山人安期次子，縣學

生有鹿林稿。

潘力田云：無殊工詩，和雅冲澹，類其為人。沈際愚先生云：美長以博雅無殊以清空勝父子各擅長也。

樸村云：鹿林詩如樹中松，栢新枝嫩，葉自具蒼翠之色。少時以詩謁虞山錢宗伯，宗伯極稱賞之。亂後携家居元墓之青芝塢，與高僧遺老唱和為樂。不復知世事矣。其詩與潘木公史韻翁沈君服徐介白翁名號松陵五才子。

懷徐元歎

樹暗川原淥，閒堂晝已陰。我愁一水闊，君又萬山深。遠

對芳蘭渚空思薜荔吟名高身不出花下且彈琴

江樓望月懷南藩弟

迢遞故鄉月光連江上樓不知今夜望何處著人愁烟
起峰峰冷聲來樹樹秋哀鳴千里雁相背下蘆洲

送史弱翁

五湖烟水暗一棹正中流不見片帆影即同千里遊
居羨閒逸客路入深秋各有異鄉意風霜莫滯留

過侯齋草堂懷秋孫不至

閒窓終日靜愁坐意如何埽徑烟雲滿懷人風雨
端巒影列戶外礮聲過不見李生至停杯一和謔

同徐介白湖濱晚眺留宿簡草菴

共有烟波與閒尋旁野梅漁歌沿浦入山影隔湖來一
犬迎雲吠雙扉待月開恰逢僧榻靜得句夜深裁

過越來溪作

無處堪容足歸心寄小舸鳥聲經夕照人語度溪橋葉
脫添寒屋雲開見晚樵正逢新釀熟隣客好相邀

春思

春花開復落寂寂閉閉門夜久挑燈坐無人見淚痕

長門怨

金屋春深早閉門平陽歌舞動黃昏君王那得如明鏡

日向妝臺照淚痕

西園

祇林聞說布金開月榭花臺已半摧為是昔年歌舞地
至今遊女踏春來

顧 偉字彤伯一字英白明御史曾唯族曾孫有格

軒詩草

潘稼堂先生詩言務為有用之學自天文地理算法算數水
利農田以至經脈藥石卜筮占候之術莫不探其源委先見於

先生初不相識聞其善學試請相見至一握筭而成運定文自是數往
來于家予少時及見之古貌古心言嘖嘖不出口實以經史疑義則警感
不窮外和而介非義不取氣概不妄說人竟窮約以死今從其門人畢雲
集得遺書三十餘以約有三種一曰編述考古証今發為辯論凡詩文之
偽皆在焉一曰紀實取諸人成書舉要則繁訂為補缺附以註釋今學者
易於討者焉一曰評選取諸子百家涉唐以來之文及明人之詩考其源
流疏其正變推至精至粹者錄焉蓋先生於學沉潛討論務為精核大之
類有益於身心次之期有裨於世用非其多聞虛名者比學不為人庶幾近

之 鈕王樵云元宵最盛是唐皆然而我邑獨盛於中秋凡作龍燈數十
俱龍燈為中蛇燈垂蛇飾雪間波光月色上下輝映香輿夾路遊龍戲
湖蕙政管弦之聲喧喧報頌頌曰有吳江秋燈篇
按村云吾里顧氏代有聞人而學問之博撰述之富無出格軒先生右者
先生遺書較註十五種詳訂八種編輯二十二種考之色志家乘其數皆
合有子無孫詞俱散失門人畢雲集百計網羅僅得十之五六即者太史
所序本也今畢氏無人并殘缺者渺不可得文人之厄孰有甚於此耶

吳江秋燈篇

吳中燈市元宵盛萬戶千門共輝映土風又見賽秋燈
龍舟綵鷁相誇競昔日天家正太平秋宵燈火徹江城
爭連冶袂探花飲共踏長橋玩月行家賭勝經營徧
插竹懸毬光彩現製成采勝出文鴛剪就銀花迴舞燕
還將百寶結流蘇繡戶珠簾擬畫圖燦燦遊人齊祛服

盈盈艷女特當鑪，豪門得賞鰲山景。深夜寧愁涼露冷，
釣雪灘邊火樹新。垂虹亭下星橋整，別有殊方獻鬼功。
機闕走馬實玲瓏，雕鏤雲母滇中巧。錯落珍珠閣地工，
最是龍舟喧夜棹。滿湖絲管爭歡笑，楓旂遙聞蘭氣香。
蘆洲震聽鼙聲鬧，誰知鞞鼓揭天來。人去城空事可哀，
女牆弔月啼寒螿。露井臨風墜綠槐，淒涼亦止十年餘。
江上繁華轉勝初，何人不慶昇平樂。每事還嫌舊日疎，
土穀靈祠高樹幟。建作勾蘭呈百戲，歌時畫棟遏雲流。
舞罷朱欄叢綺綴，清秋明月勝元宵。寶鏡懸空駕綵橋，
仙樂霓裳雲外聽。天香丹桂月中飄，秋燈更比春燈好。
是處樓臺似瑤島，步月爭看響屨來。踏燈又聽清歌繞，
借問觀燈孰可誇。千行寶炬擁香車，競梳寶髻稱浮瀆。
並曳新裾號月霞，先時甲第多更主。宴樂燈蓮靡舊侶，
遊俠歡邀饌玉珍。屠沽意滿尊金縷，窄袖輕衫樣最時。
邊闕曲調有情癡，止知勝賞年年是。豈料滄桑事事非，
蕭條獨有楊雄宅。不藉餘光來照壁，閒吟聊備采風篇。
獨看秋江蘆月白。

村居雜興

綠滿平蕪處，輕風媚柳條。蝶衣原自舞，燕語故相招。
竹裏斜通徑，門前半枕橋。喧塵終不染，隔市亦非遙。

小築聊成隱衡門繞徑斜每多驚枕鳥不斷映牕花秋
月橫漁艇春風響緯車苦吟時有得把酒玩年華
震澤東迴渚鱸魚是舊鄉池菰鮮入饌畦韭剪初香綠
樹遮低屋青苔繡短牆更多堪畫處漁網掛斜陽

不寐

一睡憐方醒相將入五更酒消寒有力夢斷夜無情窈
窕思金屋神仙感玉京淒涼簾外月伴我到天明

螢火

誰知腐草質竟與夜光儔點水疑星泛凌虛雜火流既
能明自照寧使暗相投寄語滄江客無為白髮愁

遊陸墓山

舊墓從僧問荒途迥不分湖心明漏日山意濕蒸雲入
廟瞻遺像尋碑討異聞惟餘雙古樹猶帶六朝暉

陸公諱
雲字士

龍任景為黃門侍
郎非晉之士誤也

吳與湛字子淵一字樵雲號一菴明大司寇洪裔孫

有荆園詩鈔

樸村云一菴遺亂後居湖濱之荆園閉戶讀書不聞世事與徐介白俞
無殊無數趙城之山子顧茂倫樵水陳長發來長孺徐松之其叔聞璋兄
容人小修聞夏弟漢棧結詩社於江
樞庵作招隱詩以見志亦高尚士也

和落木菴詩

高士巖棲處柴門滿碧蘿境幽千澗合世亂一身多洗

耳松風細攜琴鹿影過山中清興劇不復問干戈

金石麟

初名嗣麟

字園黃號容齋順治辛卯舉人

嘉興有籍

有

釀春堂交翠堂二集

樸村云孝廉釀春堂詩乃少年所作紀青德白專尚藻彩中年自悔詩非漢魏不學雖未必即近古人而清剛之氣和雅之音視釀春一集已如去第邑而進及發吳惜稿未鐫板所存者轉不及少作之半孝廉世居鄞縣其遠祖洪明宏治中為吳江令遂占籍焉洪字惟深在任六載多善政民感其德至有生子以全為姓者

擬古

驅車上東門寒風何蕭索行人悲路難哀吟中夜作肅肅鳥欲啼萬籟奔瀾壑荒邱白楊樹日夕走狐貉過者常歛歔行行復前却人生盍如露終古可約略猗歟少

年子青春莫相薄奄忽白髮生寧復朱顏昨

送李嗇齋備兵楚中

元禮丰裁動帝京春風乘傳節旄輕文章夙擅開伊洛樽俎今看折楚荆明月洞庭千里白清秋衡嶽萬峰晴懸知談笑皆韜畧南顧何勞再問兵

吳兆寬字宏人明永州司理晉錫長子縣學生以子

樹臣貴贈刑部郎中有愛吾廬詩稿

嚴蘇友云宏人詩書之氣既深又雅

足以砥俗正足以厲風尚粹然溫厚詩如其人何原濬云宏人詩由江入楚真得少陵神骨至其一章一意或述先德或傷往事或憶春令或懷交游爰思鐸端一本乎忠孝庶幾其立言者歟

樸村云國初壬辰癸巳間兵戈初定先生與吳中宋既庭弟開夏漢棧劉舉慎交社大會於虎邱四方名士無不至者文采風流為江浙壇坫之

冠而三鳳之名亦稱海內一時名公鉅卿道吳門者爭以望見顏色為快其文章譽望如此功名可坐致乃同輩皆升雲路去而先生輩非誤不得以諸生終老何過之厄也由是客相楚走燕趙中有不自得往往見之於詩讀其詩可以悲其志矣○聞及名兆官有故亭詩稿初尚秀雅晚歸堅鍊于此集所採皆國朝科第間夏中崇正壬午副榜故不入彙錄其佳句於此其西曹寄內云死去真成別生時不易還題盡云樹裏出雲迷鐵甕天遙翻浪離金山山行云一雁背人辭朔雪片雲帶雨盤山村皆中唐中鉅卿者

舟發吳江

汎舟清江汎遙望燕山岑羈人重去鄉愁思誰能任明
發萬里途斯須戀舊林欲訣復還入將同兒女心倚劍
攬衣袂悲歌隨風吟酌酒不成醉揮手淚浸溼飄蓬還
根株列宿傷辰參壯遊猶惻惻况罹吏網侵撫躬念永
別惟留徽與音

悲歌

朔風來龍山慘澹雲物變轉蓬離本根飄飄隨風旋隨
風尚無依况乃塵網罟非無連枝情憔悴不相見蘭摧
誰復憐艾榮眾反羨感此懷百憂中宵淚如綫

述懷贈張九臨

廿年之前清晏時爾我聲譽同驅馳廿年以來風塵半
爾我輾軻多聚散人生會遇時有窮兩家膠漆無不同
風期管鮑難再得古道今看張長公憶昔結遊稱二妙
君年差長余差少入同几席出同輿我兄事君弟畜余
君當年華二十五文章如龍人如虎吹噓片語重三都

俯仰高談傾四部是時宮中奏雲門海內論交意氣存
仕宦不羨金吾貴太學偏知月旦尊忽逢馬阮當時軸
批根告密相追逐名士難藏復壁中清流盡被飛章錄
君時名存禍轉奇吾道方知師友篤自茲翻覆異枯榮
余亦含辛門戶傾生憎頭白烏難得最怪彈碁局不平
傾肝吐膽素心在竹帛功名一羽輕歲華轉眼疾如駛
五十之年忽然至老驥常懷千里憂紅顏那得不憔悴
嘆老嗟卑勿復陳鬱塞豈乏英雄人君不見公孫四十
尚牧豕翁子五十行負薪伯起授經終特達桓榮稽古
豈長貧只今爾我寂寞蓬蒿下羊求酬唱聊多暇束髮

論交老更真銜盃起舞愁難罷榴花初放柳還柔逢君
置酒登君樓擊鐘鼎食且勿求不如開顏痛飲凌滄洲

江楚紀行

章門望不極浩浩北風號星漢搖空影蛟龍走怒濤江
流終古壯帆勢接天高欲問藏舟壑長年慎爾撻
突兀蒼崖古秋光遠抱湖數行江樹老一碧楚江孤鶴
狎當人立鷹飢隔水呼風櫓高下集利涉問天吳

哭侯研德

舉家同殉難萬死弟兄存豈復摧梁木終教喪愍孫人
生常抱恨天道又寧論尚有元方在相攜哭寢門

從丹陽至江寧道中

憶昔周夫子

仲取先生

人文天下宗朱雲廷折檻元禮客登龍

直道終多忤高名詎肯容西州慟哭路生死竟何從

野戍花邊出春陰客路間烟沙低失樹江氣遠沉山片

雨侵裝濕輕塵逐馬還淒淒白門柳青色又堪攀

王氣今初歇龍蟠勢昔成興亡寧在險眺望自關情疊

嶂浮天塹連岡鎖石城參差舊宮苑寂寂暮雲平

憶弟

聞說新恩塞上還許將粟帛效輸邊憐予奔走空存骨

憶爾飄零不計年人去天山疑路斷鴻歸碣石望書傳

春光到處陽和徧肯信窮荒雨露偏

寄懷小修弟

萬里江濤接郢城上游節鉞坐論兵風清鼓角秋開幕

月照旌旗夜勒營海內功名多難日天涯兄弟別離情

只今漢上烽煙滿慷慨中流憶祖生

同王惟夏出都

攜手斜陽出帝京低徊話舊不勝情門衰已幸離文網

身賤猶慙識姓名多難每逢歌與泣同途相對喜還驚

交游意氣如君少馬首春風好問程

過蒙陰

行遊齊魯半荒涼，駐馬殘城倍可傷。
廢井風煙時極目，寒原梨棗不成行。
山川且喜銷兵甲，水旱仍憂失稻粱。
內地由來循吏重，轉教父老憶龔黃。

潭州

漢將旌旗擁上游，瀟湘地勢領荊州。
伏波勲業驅銅柱，陶侃威名壓石頭。
共許安危爭一瞬，祇憐形勝盡空流。
揮戈啣石成多劫，衰柳寒煙蘆荻秋。

白溝河

看碑指點傍河流，遼宋分疆在白溝。
形勝那堪追往事，燕雲十六盡神州。

沈逸字簡棲

樸村云簡棲大翁自號不求聞達所居簡村遙山一角晴波十里鷗鷺之閒靜蓋伏之蕭疎俱會於目建州而一室中圖書茗碗位置楚楚與至輒吟取適我意不刻意求工也

周氏樓居

無怪神仙好居高，境出塵窓虛雲易入榻。
冷月先親深院人，踪少空庭鳥語新。
女牆遮不斷，山色藹如春。

早春過徐介白山齋

自註時無水與介白同居

凍壑冰開澗有聲，攜筇山路雪初晴。
千峰日落聞清磬，一塢雲深見耦耕。
抱甕溪邊春漲滿，傳經閣上夜燈明。
徂徠未得同招隱，空羨幽篁繞徑生。

湯豹處

初名孫振

字雨七明諸生三俊從子

鈕玉樵云我邑或澤鎮牙曾所集然

往往有奇人才士挺生其間自卜舜年湯三俊後三俊之孫豹處號雨七沈思好古嚴其素封之業編購法書名畫日夕摩玩故所作行草得枝山筆意而畫尤入神嘗以為古今繪事唯於林巖樓閣花鳥求工至若寫無形而為有形寫無聲而似有聲則未能也乃獨創意繪水余家藏有百幅靈幻既奇殆難名狀東坡所云活水非死水也周望川云雨七嘗遊虎林自古蕩西行三十里孫江氏開夜宿聞豹啼查見豹眠古松下更令名山人世父三俊與潘一桂同為梁園上客會大司馬陳奇瑜討寇城宛延三俊掌書記山人從馬七何三俊沒於秦山人乃歸隱居不出好琴善畫詩淡澆清曠如其為人

楚江

自註伯父字陳大司馬書記從遊在宛

楚江多戰伐烽火逼黃州白日寒無色蒼山晚更愁關

河過客少村郭幾家留謝傳功成後應思賭墅遊

秋日同仲舒弟訪顧山臣湖上

結茅人境外秋老興悠哉二仲棹方至一籬花正開泉聲當牖落山影入窻來各有盧仝癖幽香泛茗杯

訪雪嶠

清秋歷歷見青山籠鶴尋僧意自閒行過石橋松萬樹潮聲剛落亂峰間

眠豹齋題壁

流水一灣山四圍水光山色染人衣興來倚檻發長嘯驚落巖花滿澗飛

秋雨渡錢塘江

行旅秋陰倍苦辛，渡江偏是客愁新。
寒潮雜雨灘聲急，一夜鄉關入夢頻。

朱明德字不遠

潘稼堂云不遠少治經義有聲從之學文者戶屢常滿
隱居爛溪之濱作廣宋遺民錄以見志生平內介外和

不為矯激岸異之行晚年潛心學道有
得於性命宗旨善鬼神王至老不衰

樸村云隱士詩和藹中自具骨幹百世下可想見其為人所輯廣東遺民
錄本程克勤書錄而廣之至四百餘人亭林先生序而行之稱其書當諸

海橫流之日能
存正氣於天下

寄謝兩周

沉憂春九十忽忽又徂暑，心顏強不開雜然積風雨。
草長空滿庭幽蘭苦無主，芳香已招妬况敢當門處念我

素心朋同病江之游，豪吟慣驚衆抗行卓無侶誰能游。
其藩狂肆聖所取我願從之遊無翼不能舉漪漪理古
絃忽若與子語

沈自南字留侯號恒齋明副使琬第十子順治壬辰

進士官蓬萊知縣有恒齋詩稿

周安節云留侯為人風流
灑河詞令詔秀有晉人風

每當良朋會合飲酒賦詩清言娓娓徹夜不倦 王丹麓云留侯性簡傲
嘗謂大吏雅聞沈名以所作詩文示之沈覽畢感稱其居官大吏曰以詩

文示予子稱某居官何也沈曰知公勤於
政事那有閒心檢點及此大吏甚却之

樸村云明府不矜門閥以著述為事所撰藝林彙考徵齋序而行之推為
經籍之禁蘄文章之闡田其昆季並擅才名而沈當深學無出明府右者

於古人詩最愛陶公其所作古今體又獨舒性情不齷齪
面目可謂善學古人配賴夫人亦澁之女兒也亦工詩詞

送宋既庭游越州兼寄荔裳兵憲

匹馬下蘇臺錢塘春正開暖消蘭渚雪香放越山梅唱
和皆南雅登臨重酒杯風流新幕府佇爾出群才

律陶四十二首

二錄

未知止泊處思與爾為隣窮巷隔深轍清晨聞叩門自
言獨見爾轉欲志常勤安得久離析遙遙望白雲
閑居三十載性本愛邱山眇眇孤舟遠紛紛飛鳥還清
謠結心曲斗酒散襟顏寄意一言外取琴為我彈

春莫錢宗伯牧齋過訪因贈

登仙曾羨李膺舟何幸停橈復此留下士昔傳東閣盛
著書終許石渠收花飛江上銜泥燕柳館亭邊狎浪鷗

擬得三都待題品當時元晏最風流

自註藝林考證
欲求先生弁言

同韓倬次雪聲遠登快風閣兼寄繹堂

秋來傑閣共登臨極浦遙山入望深吳苑弟兄欣聚首
梁園賓客最關心薰葭拂浪渾如雪橘柚垂煙半似金
指點江鄉盡圖畫遲君墨妙一題襟

朱子葆招集煙雨樓贈黃岡杜于皇梁谿黃心甫
天涯兄弟幾相過今日同登俯逝波兩岬煙花羸蝶夢
十年湖海剝漁蓑狂來自分多新態老去誰憐有醉歌
不是茲樓能接席春風燕燕奈愁何

王 勰字晉劉順治壬辰進士嘉興官河南提學道僉

事有分霞亭集

樸村云學子使幼工詩文年十八領鄉薦越五年入詞館人以黑頭公期之視學河南按李天文安天讓於諸生中卒為相人服其鑑卒於官年僅二十有七未竟其用朝野惜之

月中聞雁

雲淨長空皎月懸一聲旅雁度遙天鄉關千里書曾寄
驛館三更客未眠健翻自翔星漢表靈槎直泛斗牛邊
秋風顧影非飄泊觸緒無端遠夢牽

俞南籓字無斁明山人安期次子縣學生

樸村云無斁近體詩工整有餘醞釀未足不如乃兄遠甚五古有真樸近闕者又乃兄所無

灌園

貧士食其力荷鋤安能辭日汲清泠泉徧注無偏私雨
露不足恃栽培貴及時晏安易生倦勤苦忘其疲時至
色青青聊以充我饑

吳宗沛

初名復起

字芳時號蒼巒明荆王府教授東魯曾

孫

樸村云蒼巒詩沉思獨往不作浮響晚弟南村云胸中正氣彌天地紙上新詩泣鬼神憂國十年成美談為琴四壁樂奇賞可云悲歌當哭

五日同諸公祭三閭大夫得然字

亂餘同志集溪徧臨水投詩弔郢賢野寺竹陰來楚色
五湖嵐影接湘天孤危心事還如見顛顛形容各自憐
敬薦一卮沈角黍相看雙淚盡潸然

葉繼武字桓奏有帶五散人詩集

清稼堂云桓奏為人溫厚
清深篤於氣誼居唐湖濱

有烟水竹木之勝好友過從文酒流連旬日不倦家故
鏡以好事破其產圖史蕭然與趣編遠詩警切無浮帶

樓村云散人當鼎革後隱居唐湖之古風莊與吳東蘇
昆仲結鸞隱詩社中人皆江浙之高蹈而能文者

夏初與沈凌凡表弟言別至中秋辱詩寄懷兼索

舅氏傳後題跋愴然次訓

驅羊牧湖渚回望隔他山白日一溪靜秋雲百里閒遼

東難返鶴天未未招鵬詢及遺編在誰堪淚眼潛

吳珂字匡廬縣學生

清稼堂云匡廬耿介有節繫詩思深
判結標榜出人意表同人服其奇雋

樓村云匡廬論詩明題今便俗擬古便拘必從
我性情中出方不愧作者其言深衍此中三昧

襟興

靜掩團蕉客不敲陶泓毛穎舊貧交癡名漸老安王湛

詩意多寒入孟郊開卷蠹爭先食字謀家鳩許共營巢

登山誰道無雙屐愁見臺城鎖白茅

鈕明儒字晦復一字靖齋

題畫竹

一幅空山翠翛然落筆成色非爭眾艷節肯負孤貞未

月枝先影無風葉自聲王猷堪獨往對此足移情

吳翹字羽三一字松巖明諸生翹弟順治乙未進

士官漢川知縣有梅花草堂詩集

樓村云吳扶九先生倡舉復社天下名流畢會於吳兩弟振六羽三在社
中並推眉目世以孝時三民擬之羽三性鯁直負經濟才令澄邁時值黎

人作亂斬其魁王德等餘皆就撫又以計降叛賊孫贊又擊走鄭成功餘孽楊二等書生而多武功豈尋常循吏比耶論功當遷擢總戎是其功格不得上後調漢川仍以失上官意落職屢遭挫折其自守不少貶也詩皆有為而作無裁雲鏡月之辭班史稱循吏以文章飾吏治作者以吏治為文章讀石城婦登擔山諸詩何減元次山。公在漢川遇者夜獲一人吳姓而應童子試者袖有絕婚詞家貧為婦翁所拒饋而作此公試以桃之天天題文立就公贈以詩有請君賦就桃天什好向藍橋覓路行句其婦翁聞之即招贅其家至今荆南傳為美談

石城婦

客從天南來莫宿石城隅逆旅無主人少婦獨當壚前
 月翁死賊痛苦殞我姑粵俗婚以喪妾身遂有夫相見
 未分明里長朝來呼府帖督租稅誰能緩湏臾雞豕不
 盡歡迫促縣中趨內顧欲有言懷慚口噤喘飢月舊穀
 盡海南北人俱以四月為他月新絲早已沽囊無買杖錢不敢愛肌膚妾

聞墮心魂強向健兒徂請貸月糧錢三千上急輸五月
 連子母少則拘妻孥眼前苟遣死日後徐為圖亭長忽
 捧檄觀海徵公徒催役人八千貧者身泥塗夫貧往行
 役擔負陟鬱紆妾典嫁時衣朝夕為口餬比聞高涼人
 相藉枕於途四五中暍死半適為飢驅嶺西聞兵來村
 落皆榛蕪東舍挈甌窳西里將其雛餓夫雖有錢何門
 乞簞壺妾夫况徒手行行虞卒瘁彼蒼大降戾哀哀民
 何辜願回天地心早使勞者蘇試問同里閭家有男兒
 無

登擔山看大水

江源導蟠冢汙流湯湯擔山兩拳石宛在水中央望
之不盈里欲濟川無梁理楫命篙人溯洄辨晨光攀躋
臨絕頂四顧嗟懷襄八九盡雲夢汎濫彌荆黃約略數
城郭誰能殊并疆父老前致詞涕淚沾衣裳三楚素澤
國釜底為川鄉方春旱太甚二麥亦已傷靈雨決三旬
芒種未分秧四水俱橫流白註漢川地勢最下為襄水西水南水山水所潞八里忽滄
桑妻孥不能保雞狗焉得將露處或木末宵啼無晨糧
追呼更不緩疇其免死亡二載職斯土飢溺俾民殃何
時龍蛇居早見刈獲場星言告減租反覆請發棠殷勤
禮山靈為我達旻蒼

晉中雜詩

甲申方啟蟄城陷一聲雷殺賊忠魂厲酬恩戰骨灰錦
衣岐路泣紅袖曲江哀獨有孤山下悲風白日来自註闕賊攻城

俱用大放小放其攻晉陽則用小放一聲而城已陷矣中丞蔡公懋德死於城德或周公遷吉戰死於寧武孤山即蕪山

涇口歸縣

挂席從涇上川原曠望平山含霽後景水帶雨餘聲人
語江邨近燈懸夜市明此時行路意兒女共含情

王載初名建字咸平自號湖樵明通判銑元孫縣學生

有湖浦草堂集潘稼堂云咸平隱居梅里學不為人隱不近名蓋味道而有得者也周笠川云湖樵亂後隱居於

湖浦灌園歲以養母好古文為詩取適意郭制府瑋令吳江時聞其名聘修邑志堅辭不獲惟撰隱逸及貞烈諸傳他不預也

樸村云湖樵古文宗法王震澤往往神肖雪灘有樸述報引湖樸為同事湖樵盡心力為之不求人知也故其名亞於雪灘

遊古法華寺

水斷尋蹊入雲林似畫圖亂山蟠古寺叢竹見晴湖蜀
客書偏好顏碑格自殊登臨懽心賞獨立更踟躕

錢 威字德維順治丁酉舉人

樸村云雪灘與漢樵先生同以科場事成遼陽漢樵寄梁溪頗舍人書述
乙巳夏數日公集錢德維姚琮之輩為七子詩會又稱德維議論雄肆詩
格蒼老是孝廉塞外詩心有可傳者惜漢樵未及攜歸而孝廉
終於漢北區區愁苦之心不能歸故鄉而傳後世嗚呼可說也

送吳漢槎同年南還

北關恩波下東荒才子旋伏軾甄驥足掘獄起龍淵當
代論詞伯如君少比肩藝林獨步久學海擅場專前輩

皆迴席時流但執鞭余生幸同閉爾室不踰阡里重尚
書第家通孝子泉風流洵不世瀟灑獨思元屢過求羊
徑頻登李郭船虹橋朝泛雨虎阜夕浮煙屬思關飛動
忘機樂靜便何曾求腐鼠本自慕高蟬漫被時名誤尋
為世網牽秋風肅羽翮雲路競騰騫劍氣占臨斗金臺
築向燕維時同犄角相見各聯翩名盛常招忌膏明故
取煎從來號翹翹偏自妬嬋娟伏莽戈鋌出鳴藁莫夜
翮冤深天莫叩法重辱難湔倉卒爰書就悽惶鐵羽聯
乞留圖萬一出塞竟三千吳苑家何在陰關路更遭白
山高漠漠黑水去濺濺積雪埋孤戍飄蓬寄一椽天高

原局促地曠甚拘攣問俗詩書賤躬耕督力愆那分仁
祖粟誰餉謝公綿慷慨心猶壯行吟興益堅有時側烏
帽竟日把芸編寢食迷昏晝衣裳或倒顛張華書獨富
杜預癖難悛寂寞依環堵聲名走八埏封山頌草上購
字國門懸吐握逢元輔嚴廊盡大賢望隆交易洽諾重
道難全百計歸蘇武同辭薦馬遷雀環飛日下鳳札到
天邊事比長沙召名從卜式捐鄒陽書昔上司馬賦今
傳先帝曾深惜自註戊戌漢校西曹印訊
詩是年七月曾呈 御覽今皇遂賜還人
離龍塞外跡謝雁山前無恙君房筆消磨子敬壇歸與
真再世行矣羨登仙矯首雲霄近回車驛路遙逢迎盡

簪紱慰候接郊鄜詩律群公問容顏故舊憐南轅有今
日西笑憶當年季子風霜返高堂日月延潘輿仍旦暮
萊綵正翩翩朋好何人在荒塍若箇佃梅花還照戶楊
柳尚依孺手澤遺書蠹連枝宿草芊半生成棄擲萬事
見桑田竹墅重搆酒蓮涇復叩舷含沙人死未吐面理
宜然釁沐非虛寵鴻鴻定注銓寧知白草寒還到紫微
天搖落存孤客淒其對別筵艱難同泛梗纏纏互憐虻
去住初難料窮通莫問緣望空書咄咄折柳淚漣漣填
海傷精衛鳴春泣杜鵑天涯傷老大吳下舊蒙顛牽率
投枯塞蒼茫探寸筭未堪楊意薦久乏鄧通錢煖竈溫

堪倚文園體更孱望塵難附尾奮翼嘆非為白髮吾衰
矣青雲子勉旃殷勤相判袂浩蕩任坤乾

沈自東字君山明副使琬第十一子嘉善縣學生

周安

節云君山年四十後即社門却掃不與世事為人醇謹端恪人有犯之者
絕不與校若子弟有過輒令罰跪自責門內肅然有萬石君之風焉 葉
橫山云君山小時有客詩中稱木為非或非之君山曰
詩云山有嘉卉侯采侯梅然則詩亦非耶客歎其英敏
橫山云君山與諸兄弟名詩亦相當於忠義事必表以厲俗讀孫供奉一
章其能藏藏之舉可於紙上過之矣孫供奉唐昭宗之弄筆也善隨班
起居賜以緋袍號孫供奉朱全忠篡位亦欲其起
居供奉見全忠詔羅奮擊遂被殺見幕府燕閒錄

孫供奉

機槍憑魏闕魑魅紊乾綱舉世皆披靡孫君獨感傷昔
曾蒙絳服今肯戴銀璫殿上人為歎牀前弱敵強奮身

驚逆賊斷首謝先皇有覲蘇循輩居然鷓鴣行

沈初晉字方平明副使啟裔孫縣學生

遊華嚴寺

出門不一里郭外即丹邱寺古雲常護林深鳥獨留梵
音雨後磬佛火竹中樓徙倚禪心靜無煩祛百憂

國朝松陵詩徵卷二

國朝松陵詩徵卷三

後學袁景輅質中編次

後學 張棟鴻勳 同輯

王元文畢曾

吳兆騫字漢槎明永州司理晉錫第四子順治丁酉

舉人有秋笳集

侯研德云吳季子今之賈生終童也其為人英朝

之製莫不奇趣哀涼遺音婉麗 宋既庭云子友漢槎衛子冰清謝家玉
潤翩翩雋逸見者疑神仙中人及讀其詩則又氣體高妙波瀾獨老處騷
王揚之藻采李杜高岑之風格無不兼備使與北地信陽並驅中原尚當
退避三舍矧歷下長興諸公哉 汪鈍翁云吳孝廉當與子兼同出吳江
東門意氣所無不屑中路忽奉爾爾余沈沈哀語曰江東無我卿當獨秀
旁人為之側目。吳四最晚書一目十行然短於規每與端有墨則是日
讀書必數寸矣同學以此驗其勤惰 徐虹亭云漢槎為才絕艷數奇淪
落萬里投荒驅車北上時嘗托名金陵女子王倩娘題詩驛壁以自寓哀

國朝松陵詩徵卷二

國朝松陵詩徵卷三

後學袁景輅質中編次

後學 張棟鴻勳 同輯

王元文畢曾

吳兆騫字漢槎明永州司理晉錫第四子順治丁酉

舉人有秋笳集

侯研德云吳季子令之賢生終童也其為人英朝

之製莫不奇趣哀涼遺音婉麗 宋既庭云子友漢槎衛子冰清謝家玉
潤翩翩雋逸見者疑神仙中人及讀其詩則又氣體高妙波瀾獨老處騷
王揚之藻采李杜高岑之風格無不兼備使與北地信陽並驅中原尚當
退避三舍矧歷下長興諸公哉 汪鈍翁云吳孝廉當與子兼同出吳江
東門意氣所然不屑中路忽奉爾爾余沈沈哀語曰江東無我卿當獨秀
旁人為之側目。吳四最晚書一目十行然短於規每與端有墨則是日
讀書必數寸矣同學以此驗其勤惰 徐虹亭云漢槎為才絕艷數奇淪
落萬里投荒驅車北上時嘗托名金陵女子王倩娘題詩驛壁以自寓哀

怨情詞凄斷三輔間多有和者故計甫草詩云最是情癡題空句共評絕
塞不勝情其西曹雜詩自敘云望慈障於天際白髮雙悲傷少婦於樓頭
紅顏獨倚婉轉悲涼如聽銀箏之鳴咽矣漢程之徒塞外也朝鮮使臣李
節度雲龍以兵事至卑古屬製高麗王京賦遂草數千言以應其國頗以
漢程為重又自云彷彿班揚其狂態如故無錫顏貞觀梁汾寄漢程云萬
里誰能憶三都只自傷聲名箕子困詞賦夜郎王淡盡臨關月心催拂鏡
霜李家兄弟好尚復惜班揚一沈歸惠先生云漢程無辜被累戍守古塔
比於蘇武窮荒十九年矣然錄此詩歌悲壯令讀者如相逼於丁零絕塞
之間則嘗人世之奇窮非正使之為博人耶。荷赴遼左留別故人一篇
先敘少歲才華故鄉遊歷以次入城眉話蘇萬里投荒有不堪南望者矣
與楊升菴宿金沙江錦津舟中別友諸作同一樓說 吳南榮云先君戎
寧古塔時大父母在堂先君起程蘇梓而歸冰雪於是發為詩歌以鳴其
不平雖蔡女十八拍不足喻其淒慘此秋笳所由名也崑山徐健菴先生
悲故人之淪落千里命介索其草稿梓以問世古人之交情不以窮通少
異有如

此者
樸村云吾邑人文 國初最盛經術推朱愚菴古文推計改亭詩賦則擅
鳴雖多當以吳孝廉為最孝廉負異才髮未燥即聲震當起年十三遊相
中成紀遊及秋感詩十餘首改亭先生見之嘆為悲涼雄視直過盛唐而
以用修青樓之句元美寶刀之歌擬之後與宋人開夏兩凡入慎交社名

珠玉樹照耀江左一時名流老宿莫不望風低首以此才華博與侍從昌
黎所云鋪張對天之鴻森揚厲無前之偉瞻庶幾其無愧於侍從昌黎書
即遺實遂萬里冰沙廿年拘繫宜梅村送別亦抱恨於生非生死非死也
後色侍中為漢樓盤長白山賦 聖祖皇帝而稱善其友人宋相國徐尚
書捐金贖之得放歸船以成名被訪既以多才見憐乃年入玉關蓬棄人
世有才無命至今猶令人決孝峯下也。孝廉雖遭及廢其有古如故出
閨時以牛車載書萬卷在塞外日與馮臣逐客飲酒賦詩曾結七子詩會
七子者孝廉與張坦公姚琢之錢虞仲方叔丹季同邑錢德維分題角韻
月凡三集困厄中有此韻事能窮其境
不能奪其才彼工上官術者究何益哉

白頭宮女行

自註長安女尼妙音者本前明崇正時舊宮人後出居
民間親親於北城之佛舍與海島相國居址接近嘗出

入相國家述甲申三月及宮中舊事甚悉又言宮中侍姬都以青紗幘
外的叙渠自遭變亂香奩寶鏡悉為人奪惟存青紗數幅猶昭陽故物
也今年戊戌予以訪談械繫都官而相國亦以他事下史因與其詞君
直方子長相見酒酣耳熱為言妙音予既自傷流亡復聞妙音之事悲
紅粉之飄零感羈人之淪落乃述
綴其詞作為長歌以傳於樂府云

長安女冠頭似雪曳地黃繩懸百結手執金經淚暗垂

云是前朝舊宮妾一朝充選入披香倭墮新梳內殿妝
低鬟自惜青蟲小繫臂愁看絳纓長當年御極方清晏
宮中屢放催花讌雲母屏開見舞人水晶簾捲低歌扇
歌舞年年樂事殊森沈寶幄挂流蘇北宮漫閱魚龍戲
東絹頻臨蛺蝶圖圖史紛披間珠翠深宮鎮日長無事
鵲顧書從女史傳鸞雛釵向昭儀賜昭儀明艷獨承懽
促坐金林倚笑看燈簇九微長侍輦妝成七寶自凭闌
闌前羅綺紛成列阿監才人幾分別玉墀草細打毬高
珠箔花深吹管徹景福宮前細柳垂瓊軒不閉共追隨
繡燈纏髮嬌試馬綠縹隱几倦彈碁春花秋月年華換

掖庭寂寞腸堪斷素手繡書教小玉紅顏對食憐同伴

自註漢宮中自相
配偶謂為對食

自從羽檄擾秦川遂使官家少晏眠五夜

刺閨頻報警三春合殿罷開顏幾載天顏慘不樂中宵
獨坐占芒角砲火新開內教場詔書屢下文淵閣閣門
封事日紛紛督府潼關復覆軍幾部黃巾殘豫楚千群
青犢下宣雲宣雲處處名城墮倒戈自啟居庸鎖闕下
交馳告急書殿前望斷平安火軍鋒倏忽逼神京一夜
都人已數驚內苑左貂群緝盜團營飛騎半翻城城上
弓刀爭內向蒼黃無復蓬萊仗獨御金鞭視九門空頒
鐵券封諸將白馬青袍捲地來君王長嘆下平臺口詔

內人從避寇手持愛子共銜哀可憐十葉漢天子海竭
山崩竟如此複壁寧教伏后藏佩刀自刺清河死珠傷
玉碎滿曾成宮車無那赤龍迎猶有黃門曾殉主豈知
紫闥竟屯兵自憐白首深宮住欲問家山渺歸路潛脫
霓裳出九重却尋月徑依雙樹一托香臺已十秋每談
遺事自生愁室中漫禮金仙席夢裏還隨玉輦游惆悵
生平遘陽九戒珠持遍甘衰朽仙家龍種尚飄零賤妾
蛾眉亦何有我来故國幾沾翰摩娑銅狄北風酸昭陽
舊侍悲通德長樂姬人識佩蘭從古存亡堪太息淒涼
無處尋遺跡麥秀偏傷過客情柘枝墜下宮人泣

秋雁篇

長安八月金風起旅雁飛飛度龍水共道連翩傍九霄
寧知迢遞經千里千里隨陽道路賒揚聲接翼向天涯
銜蘆欲避金河雪唼蓼還依玉漱沙沙頭日暮秋蕭索
夜火如星亂棲泊江路由來足稻梁雲間却自多矰繳
矰繳連天何處飛冰霜滿目未能歸月冷關城哀響過
風迴汀渚斷行稀可憐歲晚爭飛急羽翮摧頽去安極
拂霧宵傳紫塞書驚寒曉雜朱樓笛誰家少婦倚朱樓
忽見孤鴻淚暗流玳瑁床空紅粉怨茱萸帶緩翠蛾愁
愁心幾度音塵絕擣盡寒衣向秋月詎憐明鏡歇容華

却恨狂夫限城闕城闕遙遙落雁低青蘋碧石五湖西
何如長住吳江渚不使年年有別離

閏三月朔日將赴遼左留別吳中諸故人

薊門三月柳堪折玉關遷客肝腸絕結束征車去舊鄉
矯首天南恨離別憶昨胥臺事俠遊才名卓犖凌王侯
黃童雅擅無雙譽溫嶠羞居第二流相將日向春江曲
闔閭墓前草初綠綵鷁春風客似雲珠簾夜月人如玉
少年行樂恣遊盤夾道飛花覆錦湍按歌每挾茱萸女
駐馬頻看芍藥欄筵前進酒題鸚鵡一日聲名動東府
擬從執戟奏甘泉恥學吾邱能格五去年謬應公車徵

駿馬高臺幾度登自許文章飛白鳳豈知謠詠信蒼蠅
蒼蠅點白由來事意以偏嗟罹謗議賦就凌雲祗自憐
投人明月還相棄身嬰木索入園門白日陰沉欲斷魂
北燕漫說鄒生哭東海誰明孝婦冤銜冤狂狴悲何極
慷慨陳詞對巖棘幽怨空教托楚辭嚴威竟已罹秦格
忽承恩譴度龍沙邊海茫茫去路賒名列丹書難指罪
身投青海已無家銷魂橋畔誰相送一曲蘆笳自悲痛
皂帽慙非避世人青山何處思鄉夢鄉心日夜遠江干
江柳江花不復攀萬重關塞行應徧十載交遊見欲難
從此家山等飛蓬滿眼黃雲橫大漠自傷亭伯遠投荒

却悔平原輕赴洛一向冰天逐雁臣東風揮手淚沾巾
只應一片江南月流照飄零塞北人

同陳子長夜飲即席作歌

豪氣君未除長嘯輕遠遊雖為遼海客不識遼城愁青
絲玉壺銀鑿落中宵坐我碧油幕海風吹天星動搖邊
色橫煙月澄廓倚笛頻驚出塞聲銜杯尚擬華年樂黃
龍東望沙茫茫黑林樹色參天長此行應痛永乖別他
時相憶徒慨慷愛君且復飲君酒庭樹搖搖掛珠斗夢
去難攀鶴市花醉來聊折龍城柳眼中萬事盡飄蓬爾
我安能日攜手故園何處五湖濱難後逢君意轉親誰
憐元菟城頭月泣盡黃公壚畔人

同陳子長坐羶帳中話吳門舊遊愴然作歌

遼城四月春風來黃鸝啼樹梨花開陳生邀我郭南去
笑騎鞍馬雙徘徊沙場黯黯日將暮半醉歸來解鞍卧
羶牆誰撥鷓鴣雞絃彈作商聲淚交墮憶昨故鄉百不憂
命倚嘯侶吳趨遊裁詩每題白團扇縱酒惟賭青羔裘
沙棠之槩雲母舟美人玉袖撈瑩篔金窻銀燭月未午
清歌窈窕無時休就中少年三五輩徐郎顧子稱風流
獨孤側帽傾士女正平搖筆凌王侯百年行樂竟誰在
淒涼邊地傷離愁只今相對休悒快人生苦樂猶迴掌

隴西將軍困醉尉邯鄲才人辱所養古來憔悴多名流
吾輩何悲棄榛莽君纔弱冠我盛年可憐淪落俱冰天
舊遊一別已如雨陰關萬里徒寒煙寄哀欲托庾信賦
賞者空憶鍾期絃金尊有酒且沈醉何須惆悵風塵前

贈吳穉恭散騎

自註故恭
順侯勳衛

白頭吳叟何龍鍾先朝曾直華清宮十年喪亂無人識
萬里羈孤泣路窮憶昨西京全盛日子侯年少承殊澤
門下金鞍慣射生樓中銀管頻留客油碧香輪陌上驕
佩刀日護紫宸朝從獵別分都尉馬奉車特賜侍中貂
山河舉目瀕災異荆棘淒涼舊東第仙人已歎海生塵

侯家寧保山如礪幾度天涯怨負薪蕭條絕塞詎逢春
夢裏宮雲雕輦路愁中邊草玉關人玉關回首傷懷抱
短衣濁酒長潦倒雀滿門前翟氏悲羊歸隴上蘇卿老
日莫哀笳四野聞黃榆秋雪正紛紛憑高欲縱鄉關目
腸斷南歸雁幾群

贈孔叟

孔叟俠者今白頭橫戈曾事當陽侯

自註崇正中叟以副
帥事楊相國嗣昌

十年

困頓蝟螭塞五月不脫羔羊裘征南幕府久零落猶復
雄名動寥廓絕域魂銷白雁書沙場力盡斑絲槊擊衣
不得心自哀置鉛無成目空矐

自註甲申冬欲
刺李自成不克

可憐喪亂識

鳧毛敢道精誠生馬角萬里蒼茫故國悲側身天地何
時歸鄉夢已迷三楚道蠻煙休望九疑開此日相逢把
君手倚杖班荆撫西缶感舊應憐髻上霜悲歌且酌尊
中酒入關蕭水正漂零思趙廉公已衰朽半酣起舞何
慨慷俯眉斂迹空摧藏丈夫失意會如此君今那必哀
窮荒

北風

馬上北風哀黃雲慘不開寒摧龍磧斷聲捲雁沙來驛
騎衣空寄嫫媯戰不回何人吹篳篥淚盡落雕臺

次沙河砦

客程殊未已復此駐行裝世事憐今日人情怯異鄉月
臨邊草白天入海雲黃莫恨關山遠來朝是樂浪

寄懷陳子長

羶帳風連曙長河雪過春一年頻卧疾萬里獨懷人世
事文章賤交情患難真茫茫窮塞外愁寄別離辰

卞生過飲

吳門人

相見添新鬢相悲話故鄉那堪逢晏歲俱是客殊方桐
酒荒臺月征夫大漠霜風波滿眼淚對爾益增傷

寄侯研德

相逢吳市賦彈箏此日猶傳舊姓名傭保已能藏李燮

酒徒何處問荆卿悲歌草土黃金盡落魄江湖白髮生
無那南來消息斷珠厓烟雨倍傷情

與舊史

衡門蕭寂掩蒿萊念爾行藏未易才更始舊臣馮衍在
朔方遷客蔡邕來望中鄉國空三戶亂後文章有七哀
搖落清秋邊色裏援笳愁上北風臺

張坦公先生談甲申歲河北討賊之事感賦

風塵銅馬帝城昏痛哭孤臣出薊門俠客濮陽藏季布
義旗河朔奉劉琨烏號異代徒餘恨龍戰當時豈報恩
赤社既移終不復空憐心計盡中原

張坦公急於張
蔡二侯士以免

感懷詩呈家大人

棘寺陰沉樹色長故園何處淚沾裳獨憐積毀能銷骨
無那銜冤易斷腸授簡園扉思夏勝上書梁獄泣鄒陽
金門咫尺招賢地不得雄文達建章
寂坐匡牀飲濁醪臨風愁聽角聲高謗書何事騰三篋
壯士由來泣二桃目斷鄉關空涕泗心傷烏鳥自悲號
可憐一片江南月永夜蒼蒼客夢勞

出關

邊樓回首削嶙峋簞簞喧喧驛騎塵敢望餘生還故國
獨憐多難累衰親雲陰不散黃龍雪柳色初開紫塞春

姜女石前頻駐馬傍關猶是漢家人

白註關前有姜女望夫石

晚自雞頭崖至天龍屯

迢遞回岡抱塞長暮雲歸路劇羊腸馬嘶古磧寒沙白
鴉亂荒城夕照黃病後關河空涕淚戰餘身世各蒼茫
客遊不異松花水日夜滔滔下北荒

九月八日病起有懷宋旣庭計甫草因憶亡友侯

研德宋疇三丁繡夫

歲晚霜清木葉愁病餘蓬徑愧淹留紫臺一別悲蘇李
青草頻年哭應劉歸夢關河長伏枕客心天地各驚秋
明朝誰是登高侶零落黃墟忍再遊

帳夜

穹帳連山落月斜夢迴孤客尚天涯雁飛白草年年雪
人老黃榆夜夜笳驛路幾通南國使風雲不斷北庭沙
春衣少婦空相寄五月邊城未着花

五日阻水牛馬河

五日驅車度極邊中宵移帳阻長川波間不斷千峯雨
林上爭喧七澗泉鐵騎風沙行戍日錦帆絲管舊遊年
汨羅猶是江南地始覺靈均未可憐

小烏稽

連峰如黛逐人來一到頻驚暝色催壞道沙喧天外雨

崩崖石走地中雷
千年冰雪晴還濕
萬木雲霾午未開
明發前林更巉絕
側身修坂倍生哀

潘陽旅舍賦示陳子長

西風城畔夜烏哀
積雨空庭黯不開
匝地關山千里去
極天遼海一身來
文如劉峻終無命
憤到嵇康始悔才
舊業彫殘歸未得
望鄉何處更登臺

蒙古屯同雁群晚眺

磧煙山雪遠蒼茫
落日層臺雁幾行
殘壘迥連寒燒紫
穹廬遙壓暮沙黃
邊書亂後應難達
客鬢秋來各已蒼
漫道山川堪極目
登臨無那是殊方

感示

夜靜危鏹刺漏頻
客中對爾倍情親
非關刀筆嚴持法
自是聲名解悞人
獻予湘潭悲宋玉
竄身遼海泣崔駟
南天望處堪腸斷
榆柳江皋已暮春

奉酬徐健菴見贈之作次原韵

金燈簾幙歎清闌
把臂翻疑夢寐間
一去塞垣空別淚
重來京洛是衰顏
脫駢深愧胥靡贖
裂帛誰憐屬國還
酒半却嗟行戍日
鴉青江畔度潺湲

瓜兒伽屯值雨晚過邨叟家宿即事書寄孫赤崖

陳子長五十韵

我行龍水外雨過雁山陽曠野無人渡曾陰極目長橫
天風瑟瑟匝地霧蒼蒼聲捲蒸沙黑烟沈遠樹黃溪流
侵磴瀉嵐色鎖村荒渺漫彌寒望悽其斷客腸熟梅思
故國泛梗怨他鄉塞柳沾全重山花濕罷芳寒鵬迷灌
木牧馬失遙岡膠漬難調箭瓊濡欲壓房危坡愁徙帳
仄徑怯搗囊虎跡平林畔牛聲草舍旁渡河兒跋馬繞
隰婦驅羊殘霽收空壑斜暉下短牆逢人惟戍客問土
是岩疆瓦缶參為餌蘆罌酪作漿留賓登土鏗延叟坐
繩床齏切青絲菜盤行赤頰梁未秋聞割蜜入夜見然
糠杯裏弓懸影燈前劍吐芒山川應異漢兵甲尚傳唐

惻惻江南客蕭蕭塞北裝身方隨拜柳心漫結垂楊牢
落知誰恤羈孤敢自傷莫吟青玉案且任紫絲轡謫遠
虞翻枉途窮阮籍狂恨為雞塞別悔未鹿門藏世欲鋤
蘭畹人徒佩蕙纒斷紅悲少婦垂白想高堂夢繞三年
月愁新兩鬢霜田園盡蕪沒門第半傾亡臣罪何當惜
天心詎可量微生混牛驥殘息傍豺狼坎壈原吾黨飄
零亦士常旅懷憂怛怛離緒涕浪浪消息遙江介關山
隔帶方生涯應已矣故舊耿難忘共鬱青霞意難希白
日光軍中滯孫楚隴外竄陳湯述憤歌慷慨貽詩興激
昂風流君未墜險阻我偏嘗空濶千年積蒼茫百戰場

有哀傳玉笛無處訴金觴已自斂鷓鴣休矜蠟鳳凰曲
 成惟出塞賦就異浮湘宿昔曾投漆招尋會裏糧冷山
 風慘切瀚海月淒涼望望人何在悠悠路未央側身看
 朔漠回首怨河梁欲問離居意天涯泣數行

三月十二日河上口號

三月歸鴻滿塞天流澌日暮尚淒然自從身逐烏龍戍
 不識春風二十年

丁 彪字繡夫縣學生有延露堂詩集

顧茂倫云繡夫為仲魚先生子資性

英敏才情爛漫垂髫時對客揮毫灑灑不休一時傳誦以為別雲再世武
 林妻麗思遠黃玉清本尤賞異之年未三十卒 顧肥京云作者五古清
 道似陳子昂感遇七古似陸機頌才調富有過真忠切諸公五律雅健出
 入關川流化兩家七律律情高壯不讓大歷諸子吾鄉詩人若先生者居

指不能多有使天假之
 年何感不衡官原家

懷利云德夫先生人似中朝沈馬才知南國士龍年未弱冠即已名動江
 左詞壇良會歌館數慈爭以一韻為幸在慎友社中與漢林孝廉稱金石
 交其詩與秋菴如十將莫邪從一爐中鑄出又如太華之有少華太室之
 有少室氣勢稍別同為守內名勝孝廉得健卷板其集至今名傳不朽
 先生無青雲之交為之表章又玉樹早推遺稿散失鄉里後進已
 有不知其姓氏者莫為之前蹤美弗彰吾於先生不能無感焉

行路難

君不見洛陽宮裏紅襟燕春日飛飛德陽殿銜泥結壘
 杏梁深宛轉房櫳數相見自憐彈射不相妨雙宿雙棲
 雅堪羨那知一夜吹金風搖落年光似飛電雕窓繡闥
 不復居刷羽辭君去鄉縣賤軀憔悴何足陳却顧君門
 淚如霰

感述

貞如握中璧光輝尚凋鏤人生非聖賢安能免諠詠主
父昔貧賤遺誦在溝壑長卿未宦遊坐遭富人薄相者
咸舉肥非君獨淪落撫劍欲出門太行何岿岿不如浮
邱公乘雲翔寥廓

步出青綺門四望俱瓜邱道逢種瓜叟乃是東陵侯伊
昔遊秦宮冠蓋何綢繆華轂曜長衢金貂映輕裘盛衰
豈預期荆棘生道周昔為天際龍今為水中鷗故國已
邱墟衰賤安足尤還顧咸陽宮傷哉涕泗流

采蓮曲

荷風十里清江汴灼灼荷花照江紫吳姬三五雙翠蛾
低鬟齊唱采蓮歌蕙帶半垂憑畫槳羅衣乍卷映澄波
澄波澹蕩花房小薰風欲拂金塘曉解珮難期漢渚游
折花空結江南調江南采蓮煙水深落日徘徊江半陰
已惜連絲牽別恨羞將並蒂贈同心日暮迴船管聲急
折得芙蓉比顏色君不見幽潭一夜濕微霜落盡紅衣
三嘆息

懷王虹友

多少懷人意蒼茫獨倚闌遙憐滄海曲空望白雲端晚
竹含風細春星落澗寒何時同載酒湖上采芳蘭

高閣倚江清谿山入望明千家浮樹色萬井雜濤聲風
起青蘋轉沙晴白雁鳴誰知臨眺者愁思滿吳城

送劉逸民之楚

錦纜初開玉笛鳴春江如練送君行萬家烽火催鄉夢
二月鶯花動客情雨暗黃陵湘瑟斷雲飛赤岸峽猿清
郢中詞賦今寥落千古何人弔屈平

贈白門余澹心

木蘭花發照汀洲此日逢君百尺樓建業山川空想像
永嘉人士自風流青樽舊客思文舉白紵新聲聽莫愁
却憶齊梁歌舞處斷煙荒草石城頭

九日

江上浮雲鬱未開天涯落木自堪哀西風城郭笳聲動
斜日關河雁影來三徑草荒人卧病百年地迥客登臺
高堂絃管空愁絕悵望蕭辰首重回

送別劉震修張月坡時二子將遊廣陵

玉柱銀燈動酒樓驪駒一唱為君愁十年結客親雄劍
九月辭家攬敝裘帆落蒼鷹京口暮濤迴白馬廣陵秋
蕭條莫憶參軍賦矯首蕪城恨未休

匡廬山

國朝本朝詩集

卷三

三

送劉震修張月坡時二子將遊廣陵

隔江遙望勢嵯峨，風發中流恨未過。
捧日香鑪天際渺，穿雲瀑布草堂多。
峯連大別開三楚，派入潯陽跨九河。
寄語山靈我有約，好攜尊酒醉煙蘿。

史宗倫字文言號南野明處士鑑裔孫有澹香詩稿

贈櫻上人

古木叢山寺當門，澗水清鳥能傳梵。
唱魚解聽經聲，跌坐無宵晝安禪。
一死生有時，峰頂去扶杖，虎隨行。

陸 瑤字斗光掖縣令雲祥從子歲貢生有江東集

陳受之云江東大姓首推顧陸而吾里人材亦稱武陵平原為最咸顧氏自侍御魯齋憲副合素而後簪纓科第代有其人陸氏則僅以乙科起家出為郡邑宰然如敬應承弁嘉祥身先諸前輩風雅相承氣於人各有集以視彬伯季任則固未之有遜也嗚呼豈謂修其天爵不足以充宗名世

予

櫻村云斗光為諸生二十年學使者試士輒冠其儕偶數年不遇章布以終乃身復陸光至今猶藉籍人口知士之不朽者固在此不在彼也。斗光第斗三名瑤邑諸生亦工詩如與友人夜話云惜別嫌時短論心忘夜修途中云雲浮山欲動林巒鳥知還可稱佳句

登北固山

截業臨江渙雄哉，四望遙青圍京口。
樹白湧海門潮地，劇烽烟峻天空。
鯨霧消蓬壺應不遠，彷彿指金焦。

閒居

閉門鋤藥圃，偃息遂天和。
地僻人過少，庭幽鳥下多。
商譚窮窳戚，秋雨病維摩。
未得黃金術，蒼顏借酒醅。

哭蕭瑞生

國朝公使詩文

卷三

五

愛吟齋

弱歲罹多難中年忽背捐有妻貧到骨一女泣窮泉世
路交情薄滄桑人事遷山陽荒舊宅清怨笛聲傳

初蟬

喬木依隣圃新蟬試晚晴吟微聲未穩氣咽思難平在
物渾無累於身獨較輕年年青鬢改對爾不勝情

懷章叔弟客天雄

別我秋方莫思君春又殘烟花瘴地少歸雁帝邱寒世
局翻雲易人情客路難墳麓良足樂遲爾共盤桓

遣意

眼看落魄人大半知名下我固高陽徒應長貧賤者

澄江寓中

空濛細雨莫烟生柳外啼鶯斷續聲斜倚小樓添客思
青青山色舊時情

黃鳳苞字遠侯一字長翎諸生先昇子縣學生有悅

可堂詩存

周笠川云遠侯本邑人後移居郡城工詩
文吳下士爭師事之彭倚藹定求其一也

雨霽野步

雨霽輕烟積數重隔林古寺靜聞鐘聞來自愛攜藤杖
扶病前溪看遠峰

金廷熿字靡奏號墨莊湖州府學生有墨莊詩集

橫村云墨莊居曹溪之陽構數閣軒窗者數千卷
披校吟咏足不踰戶詩尚縱橫排宕常不起草

絕句

秋老芙蓉日未西
白雲黃葉楚天低
客星滅沒今何處
一片征帆出遠谿

吳欽明字公安明太僕卿默族孫

周笠川云公安孤貧力學遭亂後携家入天平山徒

備自給糗糒不絕吟咏自若卒

於山中時人哀之號曰天平傭

樓村云天平傭於高蓋中善於用意而詩

品之清爽如松濤物影令人塵氣盡滌

南園襟咏為周侍御賦

聽松軒

設設枕簟涼一室
松陰裏松高自有聲
未必因風起

梅坡

雪後春來早花香
獨有梅却愁明月
夜吹笛玉人來

尤本欽字上官一字伯諧

景雪窓云上官少遊周忠毅之門詩才清麗善草書得祝枝山筆意

樓村云上官與潘穀淵平章同居梅嶽之清風明月橋皆有才略工詩相友善時人稱為潘尤平觀淵字孟羅號詩大順治初以人才為經略洪承疇薦官城守令旋罹王阮亭作長歌贈之有句云湖南方用兵馬飲滿湘浦老子好新詩才鋒尚如錐無人為薦建垂老嗟數奇並傷其有才而用未竟也善解經于周易有神悟所著易通易解朱竹坡咸稱之章字關如一字先史二人詩不傳無從采錄

擬魏元成出關

六合正雲擾仗劍行何之意氣能激人
爵賞非所期驅車出關去仰答國士知
握節歷虎穴勒騎下長坡崎嶇望不已
蕭條風為悲屯雲接平隴寒日生高旂
家鄉日以遠魂魄還自疑夷險非所擇
立功誠何時許身顧前

國朝本世言錄 卷三
諾畢命酬恩私丈夫志萬里馳驅安足辭

詠史

真人起白水英俊倫群策邈矣嚴子陵疇云可物色披
裘忘暑寒垂釣隱泉石手招商山翁目睨雲臺客東溪
多高踪何如此絕特日落富春山群峰映天碧

趙申祈字元康一字穀壇明長沙令玉成子國學生

官中書舍人有穀壇詩存

樸村云舍人詩如春山鳴鳥不
必盡諸律呂能使應者移情

旅懷

飄風連日困星槎接地陰雲湧浪花作客一身全是病

為郎三載竟無家欲除妄想心增劇強制安眠夢亦賒

遙憶包山秋色老何堪偃蹇卧天涯

周安字安節一字梅坡有草閣集

不減魚山仙梵 潘稼堂云處士詩詞音清遠不激不靡外淡中腴蕭然
絕俗 周宜川云安節性冲淡遺氣絕意適取所居郭外一椽寒梅繞戶
嘗屬郡人文獻作梅坡小隱圖跋有句云三高柯畔天連
水曠棹垂虹蘆荻深何處有坡堪種樹漫將小隱托高吟
樸村云處士有田數十畝遺亂失之授徒自給喜著述而不近名譽友朋
而不泛愛其詩風格清越筆意蒼澹如空山老樹綴數點白花不與春升
朝華同其浮艷吾邑前明詩向無遺本處士網羅舊聞成
詩集一書前筆頰以流傳者不下數百家其功不可限也

山中讀書作

側身寄城郭好道遊名山物澹慮自輕境清神亦閑朝
登翠微嶺暮憩伏虎關煙霞翳層岡洞壑聲潺潺秋風

颯以至日月驚頽顏清齋誦道書至味探幽元仰古托
沉冥隱依巖石間

秋日過指月上人江楓菴有懷故人翁仲謙

翁生介節士自昔寄禪關詩律中年細窮愁旅鬢斑竹
窓良夜月細雨早秋山蹭蹬風塵日思君淚欲潛

歲杪送朱千里歸長水兼懷錫鬯客越州

城郭起寒煙蒼涼歲莫天與君同逆旅分手各悽然
柳縈新帶江梅發舊年遙知越中客早下剡谿船

己亥秋日顧茂倫同桐城方爾止見過不值

關河成間阻相見自嫌稀客路枉高駕貧家正掩扉天
邊鼓急江上塞鴻飛千里青山渡間關念子歸

出郭

出郭遙瞻曙色開郭西遊子看花回停驂芳樹村邊合
極目青山湖上來吳越干戈充道路東南輸稅盡民財
何如一棹清溪曲花落花開自酒盃

冬夜聞雁

塞北天南萬里飛月明江上影微微却愁前路雲山杳
何處衡陽可當歸

葉世佺字雲期明虞部紹袁長子府學生

樸村云虞部六子長雲期次祥期成期開期遐期星期俱工詩雲期與四
弟並早卒惟星期年七十餘然雲期謂念蒼先生祠一章寓擬橫於對偶

之中感慨激昂聲色俱壯
與巴畦集中詩亦堪伯仲

謁劉公祠

世運凌夷日中流荷大賢反經斯起敝往蹇自来連瀝
洛開新緒河汾具薄田懸弓忘巧拙食蜜自中邊帝簡
徵文在薪存續火傳人心方復古天意不扶顛遠塞唯
延敵長江誰著鞭禹湖上龍馭赤縣徧狼煙涕淚包胥
血饑寒蘇武擅偏逢苟安主虛憶中興年精衛勞填海
媧皇莫補天去留闢廟社生死合經權此道荒千古何
人障百川祠堂拜遺像風雨暗靈筵

陸璠字啟六一字楚分掖縣令雲祥從子縣學生

有關中集

旅舍書懷

萬疊青山白板扉閒來無事倚斜暉眼中多少成名客
誰解秋深葉亂飛

陳式字質先明慶府長史良謨子縣學生

早秋晚步

秋氣晚逾爽晴巒入望新遙鐘催度鳥暝樹隱歸人漁
子迴船急邨翁說鬼真年豐菱芡足嘗酒過比鄰

沈自鈺字公捍一字聞將明恭戎璨子官行人司行

人有釣閑集南莊禱詠

周安節云聞將少精敏有才略思為世
用遭亂未展厥志屏居邑之南村種松

詩林請咏白

娛以終其身

樓村云南莊詩如初秋楊柳
風情婀娜中時帶蕭疎之氣

過綺雲齋憶君張七兄

王謝堂前舊燕飛
秦箏楚舞尚依稀
石家步障空圍錦
金屋明妝閉落暉
杜宇啼殘春漸老
梨花開遍夢難歸
莫傷南阮多蕭索
轉眼繁華事已非

春日雜感

陰晴莫定逼清明
漂泊何堪竟此生
寒食又拋羈客淚
斷魂偏切杜鵑聲
春江寂寂魚龍信
故國荒荒草木兵
景物不殊人事異
煙花誰為發空城

鈕 榮字孫如號易菴晚號溪干野老縣學生有貞

白樓集

樓村云易菴先生負雋才遭亂後隱居咸湖之濱築貞白樓繞以修竹中
庭無雜樹惟蕭數枝日與高人逸士吟咏其中視塵世事如畏溺者見舟
楫而却走也其詩氣骨調適本唐人而五古之奇興無端尤龍得曲江
正字之神無子手抄其集寄玉樓王維於先生為族弟又常受經於先生
者賦贈載其詩謂存其一二可
以見興象之恬澹微之遠矣

野田黃雀行

野田多蔓草黃雀得飛飛
啄粟懼網羅戒心寧忍飢
少年仗劍過前途未能適越且還吳
一朝淪敗罹桎梏身
名隕裂無完膚黃雀聞之行復歌
自忻所得亦已多不見吳宮火起焚巢窠

初冬野望

商風掃遊氛林莽逗微隙清光澹欲無烟寒村野白遙
巒滌秀姿參差表竒迹矯矯雲中鶴縱橫展修翮高舉
避網羅應為羽毛惜碧天漾中流迴波曜靈魄一水自
孤行衆流乃辟易志士斂容歎寄愁聊自適

秋懷詩

閒時不知老往往為身謀平旦發深慨猛然含慙羞大
道若夷途奚為共沉浮蟋蟀叫寒壁切切如有求亦知
感昏旦相與鳴高秋朝光未可貸永夜成拘囚暹勉師
古人自茲忘悔尤

西風頓涼冷衣被應裝綿妻兒負單夾唏噓當我前問
我我不應四顧空茫然南隣貧徹骨北里富薰天造物
本不齊豈復關愚賢

春分日種蓮

蓮開三伏日藕種仲春時寄跡沾泥早潛身出水遲不
隨桃李艷寧受雪霜欺預擬花前飲隣翁數問期

立冬後茉莉重開詩以誌喜

茉莉花開不厭遲相逢已是小春時莫嫌時過無人採
獨抱寒香只自知

沈永啟字方思號旋輪明副使琬孫有遜友齋集

周

川云方思性類敏詩文詞皆立就師事郡人金采采以事林累紫江寧獄他弟子皆避匿獨方思往詢候果被刑斂其遺骸復奉棺置所居吳家巷家巷中人重其氣誼觀古樸喜彈理即之若烟榻者與之談詩文概如懸河傾注不竭

樸村云沈氏詩錄稱先生與一子二女皆工詞藻暇輒分題倡和子女有好句則回環歌咏以為樂子即成履女即參符蟻阿也謝庭咏絮千古誇

為韵事吾鄉前有午夢堂後有蓮友齋嗚呼感哉

見吉子弟

三秋纔一見不忍話丁零骨肉多疑信行藏但醉醒霜
笳驚斷雁寒杵伴踈星猶是風塵裏飛鳴媿鶴鶴

吳在瑜字曜庚

擬阮步兵詠懷

天地猶一指萬物猶一馬是非互彼我安識真與假

岌朝市間强者死其下出入生殺機達觀亦已寡往事
難具陳以勸後來者

陳寅清字霽山有江村集

樸村云霽山世居烏程弱冠後遷吾邑之北麻家貧性耿介戴耘野顏茂倫諸先生外不妄交也為詩坦率立就皆清新可誦遺稿四種今所存惟江村集又殘缺不全嗚呼古今名人詩文集抄錄以傳焉可恃耶

溪橋晚眺

平橋見遠山空潭浸初月棲鳥相與歸孤雲去不歇

少年行

手提一劍出重關鐵騎憑陵視等閒戰骨自堪埋馬革
恥留白首乞生還

國朝松陵詩徵卷三

國朝松陵詩徵卷四

後學袁景輅質中編次

沈夢祥南耘

同輯

後學袁益之扶九

計東字甫草一字改亭順治丁酉舉人

嘉興有改

亭集

王敬哉云甫草古文其敘述高潔起伏貫變承接脫化秦之然甫

集中正不知孰伯孰仲也德傳更屬超逸宋牧仲云甫草自京師北走宦雲南歷洛津邢魏東之齊究所至厯館設席以禮下之今相國宛平王公父子欲以博學鴻詞薦而君已先一年沒矣君常講吾鄉湯潛楚講程朱之學又借汪鈍翁講歐曾之學故學有原本其詩文醇正和雅俱足不朽於世尤西堂云孝廉自幼跳盪不常先輩矣朝獨器之妻以女年十五補諸生文譽日起嘗著壽南五論上閣部史公公奇之時人未之測也辛卯中乙榜丁酉舉京兆第七人御試第二名動長安時吏部選人集者千餘聞唱君名相顧惘然曰是江南計甫草耶爭迎而揖之三上春官不第旋遭誤被黜後十六年殄歲止五十二沈臨愚先生云

國朝松陵詩徵卷三

國朝松陵詩徵卷四

後學袁景輅質中編次

沈夢祥南耘

同輯

後學袁益之扶九

計東字甫草一字改亭順治丁酉舉人

嘉興有改

亭集

王敬哉云甫草古文其敘述高潔起伏貫變承接脫化秦之然甫

集中正不知孰伯孰仲也德傳更屬超逸宋牧仲云甫草自京師北走宦雲南歷洛津邢魏東之齊究所至厯館設席以禮下之今相國宛平王公父子欲以博學鴻詞薦而君已先一年沒矣君常語吾鄉湯潛楚講程朱之學又借汪鈍翁講歐曾之學故學有原本其詩文醇正和雅俱足不朽於世尤西堂云孝廉自幼跳盪不常先輩矣朝獨器之妻以女年十五補諸生文譽日起嘗著壽南五論上閣部史公公奇之時人未之測也辛卯中乙榜丁酉舉京兆第七人御試第二名動長安時吏部選人集者千餘聞唱君名相顧惘然曰是江南計甫草耶爭迎而揖之三上春官不第旋遭誤被黜後十六年殄歲止五十二沈臨愚先生云

前草負奇氣過鄴下見謝茂秦墓地壞盡索中金為修墓過頌德知歸震川常佐郡有廳記二篇求遺址不得乃入署旁廢園中辨香再拜至吳稱門生於黃孝子向堅人共贊之詩不苟作時露胸中抱負。王李始推茂秦為盟長後稱妙目山人而黜之見交道之不苟也計弔謝山人詩大為布衣吐氣予有論詩絕句云妙目山人足性靈詩盟

寒後苦飄零復來誰弔荒墳者只有吳江計改耳

樸村云吾吳以古文名家者首推亮奉汪氏南草先生與汪同時而名與之埒予聞先生平日取十三經二十一史諸書盡讀之求義理指歸治亂得失之要下至權謀兵法陰陽占候之術靡不融貫故其發為詩文若決江河日夜注激而無不竭之憂。先生論詩曰學詩必從古體入若先學近體者骨必單薄氣必寒弱材必儉陋調必卑靡其後必不能成家縱成家亦灑削小家如許渾方干之類是也今集中諸作皆以氣骨勝知先生得力固有在也其論最中近日詞人隱病宜各書一通以為金鑑

贈禹航先生

禹航嚴夫子瑰瑋天人姿正色立大廷昌言坐匡時奕世繼通顯折節彌謙卑薄遊來廣陵天中屆令期置酒

召賢豪極懽結敦叟坐多少微星稜稜白鬚眉各有最真氣感慨長深思嗟乎今之人榮已日孜孜官高漸畏客畏客窺其私如公淡蕩人峻廣無不宜高山深水間吐哺以為師

贈魏叔子

當世天下士多在布衣中魏子來深山意氣沉以雄兵法耽左氏著論才無窮本是管葛儔自擬龐德公交不遺屠販謁不先王公灼灼雙眸光顧盼群倫空文章雖寄志矩矱求其工良規時往復羈旅相過從勉旃抑龍性從容俟微風吾聞贛州田嘉穀畝百鍾躬耕梅川邊

川水日淙淙

濟南名宦祠拜先從祖大叅公木主感賦

濟南雄藩冠中國形勢襟喉控南北勝朝德陵丙丁間
我家大叅攝方伯恨當璫燄熏天時天下爭奉尚公祠
東州中丞那免俗經營怵息不敢遲首召大叅議規制
大叅正色目直視寧甘一死忤上官不忍此身陷泥滓
當時死難六君子五人丁未成進士可憐皆我同年生
我今後死誠非是更有一人生同里首觸權奸魏給事
諸公骨碎且不辭我今拂衣便歸去已擿碧血洒青天
幸遭削奪卧林泉戊辰特起總憲臬剛中不附東林賢

從此功名等秋葉白髮青山愛冰雪傳經獨信後人才
諸叔聲華果英絕愧我蓬飄到歷城遺愛還詢舊日氓
名宦祠中瞻拜切夕陽荒草對空庭

過滄溟先生墓作寄嵇爾遐明府

自註嵇時
編歷城丞

怪石嵯峨若相觸黑豕紛紛下來牧中有大字滿碑題
下馬摩娑幾回讀云是滄溟古墓道一片黃塵蔽春草
揮鞭為驅群豕開我愛先生意氣好文人自古相輕薄
七子論交俱不惡同時逸興凌九烟身後高吟留五嶽
我今羈旅嘆無朋欲與嵇生話蕭索稽生磊落真吾徒
長篇汗漫歌烏烏微官大隱歷城下不愧虬髯一丈

登白雪樓有懷滄溟兼憶王謝宗徐梁吳諸公

樓名仍白雪樓址已非舊四顧悲風來淚落沾衣袖吁
嗟先生崛起大名時幸值天下昇平久列聖相承振紀
綱士氣深醇經術茂文人挾藻闢春華亦愛廉隅秋實
厚五子先後捷南宮白雲曹郎並攜手雖然標榜互紛
紜蔚然王李為功首只因不肯附分宜一一風塵麾出
守文筆偏工拙宦人富貴誰能爭不朽吁嗟先生登茲
樓意氣傲誕無王侯光芒直上華不注瀾翻欲竭東海
流絕交謝氏太輕薄甘心獨逐瑯琊遊百餘年來英華
竭景陵東鄉恣媒孽不平更有虞山翁瞋目搃戈自為
鳴

宣府中元夜即事

邊月新秋夜哀音四面齊戰場多舊鬼野祭有遺黎柝
亂愁人聽風驚倦鳥栖遙遙天漢上河鼓漸垂西

宣府逢立秋

自註是歲
閏七月

秋氣吾所愛邊城太早寒披裘三伏慣擁被五更殘風
自長城落天連大漠寬摩霄羨鷹隼健翻爾飛搏

七夕

國朝本行言
卷四
宣府中元夜即事
宣府逢立秋
七夕

客中逢此日未有不思家况在邊城遠兼悲秋氣賒黃
羊侑蘆酒白鳥就燈花爛漫求酣睡何心聽暮笳

鄴城弔謝茂秦山人

鄴中懷古正秋風詞賦深慙謝氏工生欲移家辭白雪
自註白雲樓李于鱗居也于鱗與茂秦中絕茂秦自臨清移家鄴中沒隨疑塚對青楓諸王禮數何

嘗絕七子交期竟不終自是貴游多薄倖布衣未必嘆

飄蓬

秋興

經過盧謝山人里

自註盧次棟家嘗縣謝茂秦遷彰德相距二百里

一望淒然淚眼中

韋布自應呼二子才華未敢遜諸公

自註王李向咏五子詩俱首茂秦後并州四部稿以盧謝

別為二子云韓陵荒穠埋芳草玉女殘雲散碧空時命不來甘

寂寂回車何事哭途窮

答雲間蔣馭閑

西陵原上憶經過屈首從君學九歌豈意邊書驚御宿
遂令複壁老山阿破家張儉飄零久賃保王成辛苦多
今夕相逢還道故數聲鶴唳起庭柯

贈陳其年

越嶠吳江極望中十年湖海任飄蓬布帆遙掛青山雨
橫笛哀傳野戍風河內琴樽佳客盡平陵松栢霸圖空
只今牢落江村裏目斷南雲泣數公

瘦馬

瘦馬稜稜自驛迎，塞庭官字尚分明。
曾經百戰追風入，誰遣雙輪曳尾行。
懷舊淒涼餘老淚，感時踈躅吐長鳴。
少陵詩句空相惜，拾橡應同戀豆情。

居庸關

峒巖萬里扼重邊，中外纔通一線天。
若飢鷹群奮翮，關如卧虎獨張拳。
泉聲激石淙淙合，樹色含雲漠漠連。
自笑棄繻空老大，雄文何日勒燕然。

懷來城登樓

懷來城內有高樓，四望山山裹薊邱。
暖翠逼空疑日暮，夏雲翳谷似清秋。
六龍初返西征駕，獨石長懸北顧愁。
自昔雲屯皆鐵騎，只今荒草滿邊州。

七月望後宣府偶成

又見天涯動客裝，相從上客發漁陽。
媯川城下河沙白，鎮朔樓前木葉黃。
七月風聲驕蟋蟀，九邊雲物暗牛羊。
不知飄泊何時了，歲歲秋來憶故鄉。

哭吳扶九先生

曲曲溪流對夕陽，孤舟繫纜一登堂。
羊曇痛哭誰知己，向秀悲歌只自傷。
賸有遺書空滿架，不堪稚子僅扶牀。
幾年講席承恩地，依舊梧桐覆短墻。

廣陵遇曹子仁悲喜交迫口占二首

三年血淚未曾乾今日逢君拭淚看
顏面宛然夫子在家門誰念貌孤寒
邗江舟楫悲空返楚國魚書恨寄難
執手歸來清夜立旅魂無寐雨漫漫

平齋侍坐渾如昨異數偏稱入室人
負德可憐真潦倒孤恩不獨為沉淪
承家喜見傳經舊奕世應看肯構新
明發有懷同惴惴幾時方顯報親身

沈繹堂憲副招同諸公宴集即席和陳允倩十四

首錄

皓首朱顏望若仙雙瞳爍電照當筵
那堪醇酒三升後

話盡風波四十年

自註沛縣關古

午夢堂前荒草長能詩家婢散何方
八龍獨有慈明在

搖落京華淚數行

自註汾湖葉星期

馬上吟

捲地黃沙撲面來酸風眸子不曾開
深閨若憶征人苦好向高堂數舉杯

永夜閒聽蕭寺鐘繩牀輾轉意無窮
五更牽馬出門去身在霜華月影中

同李武曾遊金陵雨花臺木末亭二首

攜手晴郊登眺同歲寒心事倚長松
舊京無限低徊意

只在空濛山水中

方景祠前煙樹平
摠衣登謁淚縱橫
傳聞三十年前語
此地春風草不生

黃 容字敘九有圭菴詩鈔

鈕玉樵云圭菴為吳魏菴高弟其所為詩古文辭皆淵源魏菴猶屈

之有宋 沈冠雲云敘九少好學能詩多從長者遊有名於時生平喜談忠孝節義事凡所見聞必纂述之有忠烈編卓行錄等書

模村云圭菴博學多聞著述甚富嘗寓滬山徐氏園健菴著書必與之高訂然後付梓其見重於名賢如此詩和平恬雅尤工近體口東昌守備

黃元昌字句六圭菴族弟也武人能詩尤為僅見間有深柳堂集字未見無從採錄

暮春過澹園喜遇錢飲光潘學博

千里交情合名園下榻頻
乍逢驚隔世久別感殘春
曲磧風梳鶴高檐柳拂人
萍踪悲聚散應戀坐花茵

贈稼堂

爛溪卜築水雲寬
採得菘絲佐夕餐
身著儒冠長奉佛
才高玉署早辭官
九州歷徧遊方壯
萬卷鈔成興未闌
意外梅花庭畔竹
夢魂清絕也應安

即事

雨雨風風寒食時
好花狼籍碧苔滋
春來無限新愁緒
只有簷前燕子知

沈永禪字克將一字醒公號漁莊明中丞珣孫縣學

生有選夢亭詩

周安節云醒公風流蘊藉儀度容塵俗之談不露齒角故誇之習屏跡殆盡其烏衣之俊流也少

工舉子業有聲場屋以數奇不售遂淡於進取築室湖干嘯歌自尚以終陳行之云漁莊所居在邑之南如向稱柳堂別業中有詩雲雲翠娛堂

藤花閣天橫樓梅園荷池小山諸勝即宏所中承舊第也至今修齋曲風猶映帶水雲竹樹間過之者想見往日林亭鶴唳之盛輟衷細不能去
樸村云漁莊風度流涵情致纏綿與之相接者
如對畫和殿前柳詩尚韵致而性情因之以出

月夜有懷

長嘯復高吟離懷不自禁一天涼夜月兩地故人心蟲
響秋高下鳥飛樹淺深遙憐萬里客有夢落秋砧

偶成

寂歷春寒靜掩扉薜蘿門巷客來稀百年歲月空流水
故國山川一釣磯夢蝶已知塵境幻聞雞轉覺壯心違
東風一夕添惆悵不禁梨花到處飛

隋宮

草木承恩亦有時九重行樂外人知可憐剪盡宮中綵
不遣春風到處吹

王維翰字縉文有獨倚樓詩鈔

樸村云縉文與黃
圭卷同選東華集

水月

靈淵眠老兔漾漾復融融波駛光仍在珠沉體自空倒
涵孤魄冷圓印萬川同色相原無著悠然靜悟中

趙植字大生一字仔上號天遊明諸生渙子府學

生有芳樹園稿

周望川云天遊喜為詩燕
工行楷書頗為士林所推

報恩寺懷趙凡夫

寺基即凡
夫舊墅

輞川名勝地新作梵王宮
幡影千峯合鐘聲萬壑通
澗流洗硯水逕有落花叢
篆體尋碑碣茫茫蔓草中

吳祖命字鄴衣一字永堂諸生翔子縣學生有一縑

菴詩草

樸村云永堂學博詞雅著述甚富其詩意主獨造不屑一字
雷同在諸吳中能披載自成一隊者較之柳塘亦堪當衛

讀漢史偶成

古今茫茫不相及每一念之一嘆息豈止儒者殊前修
田間牧豎亦易跡君不見卜式何樸忠布衣草屨上林
中及為御史議鹽鐵欵欵不愧為三公四海於今多曠
野請看自稱牧羊者

武皇憐才不一悟自炫鬻者難比數江充獨上大臺宮
仲舒自向膠西去帝在甘泉偶不怡長安城中血如霧
文帝當時召季布默然置之不一顧及布陸辭聲侃侃
但言卿且河東去嗚呼季布誠賢乎奔走豪傑如彼何
聞趙元修入秦

罷宦攜長劍天涯作客頻冰霜辭北地鞍馬入西秦地
出三河險人經百鍊身咸陽多古意憑眺莫傷神

隴樹

隴樹連雲棧蠻江入楚流風聲寒絕塞日色冷清秋野
曠調名馬帆平試小舟蘂砧魚雁信預擬在刀頭

登晴川閣

晴川高閣俯晴川，獨自登臨意惘然。
隔渚波沈黃鶴夢，遠帆日下洞庭舡。
漢陽樹色樽前合，銀浦秋光檻外懸。
極目浮雲望鄉國，五湖何處水連天。

詠史

天祿高然太乙藜，玉堂東畔石渠西。
君王讀罷賢臣頌，偏遣王褒訪碧雞。

江城雜感

當年名勝擅詞壇，梅里衣冠海內看。
一自故人題孝靖，西州門外淚闌干。

靈巖山半結雲窩，紫籜為冠衣綠荷。
松樹有鱗春蘚碧，閉門知是著書多。

五十為官已白頭，西銘小友重延州。
如何指屈江東俊，不及溫郎第一流。

沈永義字二聞，蓬萊令自南次子，縣學生。

費開岐云二聞性孝友，勤問學。

客遊燕齊魯楚皆有吟咏風格，在唐中晚間所著，有姓氏類編二十卷，考據詳明，尤徵博洽。

樸村云蓬萊五子以仁義禮智信命名，二聞行二，以兄名補學官弟子，故諸選本作永仁，而沈氏詩錄作永義，其詩工於言情，淺淺語說來自能動人，蓬萊此仲六人並以才藝知名，二聞與諸弟又能詞，嘗與興多才副使之後，尤獨盛云，第永禮字三有詩以工秀勝。

答范子瞻

吳楚羈人意，棲棲可奈何。
未能辭患難，豈是慣風波。
春

色征途盡秋懷旅舍多素交應為惜歲月易蹉跎

星沙中秋

飄蓬無定落長沙一半秋光又復賒數載天涯頻作客
孤樓明月倍思家風清江上流蓴菜露冷山中老桂花
景物既殊鄉更異獨看嶽麓起長嗟

酬潘御雲次韵

我旋吳下爾留燕無限離情見別筵滿樹夕陽分手路
連天秋水獨歸船敢論客况今非昔自覺鄉心日似年
晤對只憑詩卷在一回吟罷一潸然

漂母

誰識英雄淮水陰可知一飯是恩深千金莫道王孫薄
老母初無望報心自註錢收齊有可從王孫輕一飯他時報母只千金之句

銅雀臺

賣履分香銅雀臺魏王心事劇堪哀宮人依舊畫眉去
那得閒時望墓來

葉敷夏字蒼霖一字康哉自號唐湖漁隱諸生繼武

子有南陽草廬詩稿

樸村云漁隱筆力矯健勝於乃翁乃翁變文遊與諸同志結驚隱詩社漁隱社門嗜古不妄交一人答慎交諸子一篇其志趣可知父子間絕不相肖也弟蘭搢名敷葉亦工詩過武銘齋云鹿竹翠濃新雨後江楓紅艷夕陽時以工整勝也所遺環碧堂鶴窠吹笙林幾不可辨故未採錄

答慎交諸子

君子擇交如擇君矢盟金石非空文不為醴甘寧水淡
黨社何事爭紛紛七賢六逸不在多遠公亦且嚴其群
蕭朱隙末古用戒始合不慎終必分何況攻錯得朋助
於今此道等塵土置酒高會日叫號旦夕浮名非所取
我有丹心皎如日留之上以贈明主我有髮膚親所生
他人寧敢輕相許君不見漢季黨禍興累葉磐石因之
傾從來意氣釀國亂苟合往往尋寒盟志士立身重實
行勝儒空自爭虛名請為持謝慎交子努力前修各自
砥

茅舍

茅舍斜陽裏荒扉綠竹邊水雲過影白谷鳥弄聲圓
違俗悲青眼潛名惜壯年不才深自愧低首讀殘編

周銘字勒山

顧茂倫云勒山所著華香詞甲乙集似取裁於遺山放翁之詞者余雖不知詞讀其詞可以知其人矣

秦云先生詩古體華香詞

清老沈傳雖少無愧雅音
樸村云勒山五詩尤善填詞所輯林下詞光觀可並玉堂松陵絕妙詞前
華之長篇短調有美惡登生平踪跡幾半天下常往來於日本諸國有句
云乘槎每弄扶桑日躍馬曾探泰岱雲又在日本時撰竹枝詞數十首其
國即播之管絃惜其詞不傳此與朝鮮使臣購徐虹亭菊莊詞可並為藝
林佳話

同澹軒談若坐雪

貪看東家竹宜乘雨雪天禦寒攜酒榼

自註澹軒携酒相餉

遣興出

詩篇自註談若示近作萬事拚殘歲一貧愧往年醉餘情話密剪

燭儘留連

葉舒穎字學山明虞部紹表孫順治丁酉副榜貢生

有葉學山遺集

周勳山云學山風情月魄不讓古人其詞如春鶯初轉柳飛烟態皆足助其妍媚

樸村云汾湖葉氏自虞部與配死君以詩名家一傳而雲期星期再傳而元禮學山門才之盛幾為一邑冠學山性洒脫終日呻吟不事生產中年後家漸落淡如也其詩工於言情色道麗而不飽意沈澁而不浮如楚客蕙蘭湘君芳杜對之令人惆悵

坐小庭桃花下

垂老嘆無家入門似旅寓不知誰種成閒庭小桃樹傳聞已放花丹榭媚晴煦寂寞綺一叢艷陽空兩度今春涉江遲喜與花期遇灼灼正鮮妍緋衣初點露遣興漫提壺頽然日欲暮却憶十年前當窻人織素行踪逐梗

漂暗使容華誤長負惜花心肯復隨春住我今眼亦枯相看隔雲霧兀坐猶神傷默塞憑誰訴門外剝啄高榜人趣裝具揮手謝花神戒旦問前路未免猶有情板枝屢迴顧

阻風太子洲

自註相傳韓蕲王與金人戰處

江上停橈處英雄古戰場長風吹浪白苦霧接雲黃半壁天方定中原志未償興亡千載事遺恨說斬王

旅舍雜詠

秋光濃薄暮望遠此登臺颯沓千楓落蕭條一雁來樓船天上出幕府日南開未敢言家世西風莽自哀

永夜黃花酒懷人涕淚看三年羈北寺萬里對南冠鐵
嶺飛霜早金笳吹月寒新詞傳塞下蕭瑟莫輕彈

自註見吳溪樓

獄中詩

逆浪龍江口憐余舊泊舟山雲低欲雨堤樹碧生秋倦
眼仍為客輕寒到徹裘酒酣思按劍重起隔年愁

除夕村居述懷

朔雪催殘夜流澌逼草廬無田過伏臘有淚讀遺書失
路交情見長貧禮法疎比隣野老在去去問揮鋤
竹屋依沙岬端居只拚扉青山當檻出黃葉向人飛馬
齒新年長烏衣舊巷非援琴聊奏雅此曲貴知希

剩有煩冤淚難揮濁酒前三喪還淺土雙鬢到中年冰
雪摧荒草松楸冷墓田何時哀馬鬣手自表新阡

送吳宏人之京

思君驅馬處十載路重經獨樹棲烏鳥高原叫脊令望
雲南去白夢草北來青感事留題咏淋漓長短亭

寄季昌三叔

長貧時俗賤肝膽向誰陳江上三秋月燈前十載身飄
蓬隨去路彈鋏欲依人把臂餘青眼應憐最苦辛

泊西梁山大風

鼓角黃昏動梁山入望遙雲開孤月瘦風急大星搖岸

隱江增闊潮來浪欲驕自憐飄泊甚危坐到中宵

夜坐

夜永蕭然坐衙齋寂不譁暗窻迎雨點殘帖落燈花薄

醉難忘酒將歸倍憶家春畦蕪穢盡誰共種胡麻

自註古詩胡麻

好種無人種正是歸時又不歸

贈別曾庭聞之寧夏

惜別休嗟天一涯男兒萬里獨辭家五原堠火嚴城晚
二月鶯花絕塞賒鄉國有情聽候雁關山無曲不吹笳
春風躍馬尋常事麟閣寧教老鬢華

苔上蚤發同張月坡敖山來

故人高會足淹留攬勝頻登河上樓一夜寒濤驚客夢
千山霽雪照行舟江湖滿眼逢多病歲月驅人只敝裘
遙指毘陵明發路朔風遶馬動人愁

別朱天飲廣文

三年高館鎮淹留對酒論文百不憂此去推蓬頻北望
揚州合比是并州

懷丁繡夫南昌

破浪長風萬里來扁舟西壓大江開一時綠水蓮花府
紅燭揮毫未易才

對鏡有感

賈志難將藥駐顏長瞻遺像淚潸潸青春黃土無窮恨
流落孤兒鬢又斑

採鮮詞

戍鼓銷聲埃息煙江南驛路草粘天明駢快馬渾無事
好為官厨辦採鮮

沈永群

一名

字煥吉秀水縣學生

遷窆兩大人於匠門塘新阡

南陔豈但愧晨餐渴奠無知淚不乾念父只憑慈母述
一杯纔覺兩親安青郊路近看雲易白日思成入夢難
髣髴霸亭秋在望鵲啼點點落楓丹

姑蘇楊柳枝詞和汪鈍翁

搖曳橫塘古渡邊朝含宿霧暮凝煙風情那減離亭樹
不是行人亦惘然

李

培字上材自號休翁有尋樂齋稿

周笠川云休翁心慕陽明之學以致

良知為務所居窮巷教授生徒浩然自得寧都魏叔子為之立傳

秋山

坐卧觀前山落葉淨還綠遷迤見平遠朝來爽心目
回颺發雲根微雨滌石足哀猿顧其曹急響落高木欲乘
明月光擁卷坐山腹

張嘉璠字搢葵一字文頊順治辛丑進士

歸安陳長發云籍搢葵與弟

佩慈為東里宅相讀其詩知學有淵源矣

樸村云指蔡昆弟工制義有名吳楚間今讀其詩又並工乃爾信乎前輩之多兼才也

將赴公車留別陳長發吳敬生

江關揮手片帆遲
回望寒城惜路岐
仲舉聲名高北部
振威才藻重南皮
龍光任爾衝牛斗
馬首偏余向尾箕
從此燕吳千里外
春風引領幸相思

顧在王字賓臣明學使大典從孫縣學生

樸村云賓臣自少至老未嘗一日廢學詩不隨意求工亦中絕又

重過繡衣堂有感

和風蕩漾五湖舟
得逐漁人訪舊遊
眼裏雲山原是昨

堂前花木已成秋
琴聲斷後泉空咽
鶴夢歸來月正愁
竹葉欲消今日恨
杜鵑又怨樹枝頭

吳南杓初名茂字佑中字融司號訥菴諸生炎弟有知希在澗

豫章遼遊諸草

樸村云訥菴少日隨諸父兄後以文詞相角遂聲名著江浙間會見塊菴羅揭杜門著述不妄見一人其品蓋醇其詩亦進而日工塊菴樂府詩西遜近匹西堂其餘古今體聲宏而力厚格老而氣蒼如鐘呂元音不同笙芋細響又如擊秦琴之巖俯視眾山皆成培塿訥菴古體不如乃兄五律之清老七言之雄健可稱純典

發寧遠

崎嶇沙裏磧
老去倍艱辛
衣薄肌生粟
風高目翳塵
馬疲踰嶺怯
家遠覺朋親
堪笑支離叟
居然絕域身

入關同姚別駕登角山寺

茲嶺巉巖極板躋任短筇峰回不見寺山半忽聞鐘
河曲縈如帶松蟠勢若龍回頭無限意不忍別遼東

富春

牽江百丈纜灘淺上流難舂碓喧雲際遙鐘出樹端
船迎雙鷺白面撲萬山寒緬想披裘客名高一釣竿

過湖口

帆挂五湖東遙蒼擁亂峰天空風落雁樹暗雨沉鐘
野艇輕高浪人家急暮春洞庭煙水濶寂寞卧魚龍

宿靈巖下院

傍晚投精舍冷然澹俗營空堂雲易入秋木響難平
僧定心知寂樓高月較明終宵清不寐高枕為泉聲

入信州呈章司馬

青山黯黯戍樓頽亂後重游首重回芳草滿城人不見
落花空巷燕還來十年蹤跡憑詩卷到處逢迎付酒杯
為語信州章半刺秋高中澤有鴻哀

錦州道上

海天煙樹莽蕭蕭山接盧龍地勢遙幕府屯營遺舊壘
傳烽亭嶂識前朝雲橫大漠晴鷗迥秋老平原獵騎驕
十萬健兒同盡此只今燐火照清宵

歡喜嶺

嶺名歡喜客偏愁無那黃榆白草秋
遮莫西風吹短鬢一時霜雪已盈頭

姜女祠邊海氣黃朔風吹急雁南翔
停驂一望行人少不上龍堆也斷腸

豐潤道中寒食

薊北寒深春較遲綠楊三月恰垂絲
夕陽細雨催寒食正是江南花落時

朱 虹字亶初一字天飲康熙癸卯舉人官翰林院

典籍有清遠堂詩鈔

周詩川云公少有才譽喜交遊尤其借寒峻其任揚州教授也當南北孔道凡投刺

遺訪者無不面高會無
宿日交後宜宜清然

樓村云應精工制藝為諸生祭酒官京師與杜于望孫約人吳國次諸名宿交往往來酬唱詩話亦推擅場擊光切響無字靡之音皆率於官遺稿無故拾之者今從遺本中錄之一鱗半爪猶想見其風雨變化時也。典籍于范字西曼康熙辛卯舉人亦能認其家學

冬日溪上

歲暮空齋裏蕭蕭獨寤歌
窓虛風入冷庭曠月來多
盡日無人到中宵只雁過
蒼茫煙水闊鄉思竟如何

贈顧樵水

羨君卜築傍溪濱古樹修篁自結鄰
俠骨願交天下士高懷不計釜中塵
身隨豹隱逃名早自笑雕蟲開技新
寒食已過梅雨近子規啼徧落花晨

留別汪鈍翁農部

誰從索米問行藏懷舊還逢畫省郎幾度論文容跋扈
近來行酒騰清狂君應回首東西屋指維第我自甘心上
下林此去玉遮山色好可知春草長閒房

喜孫豹人自楚中返廣陵

游歲浮湘攬勝遊歸裝莫問剝輕舟傳來一事豪無敵

題得新詩黃鶴樓

沈 雄字偶僧懸學生

周勳山云偶僧卓思著述所輯詩餘箋體
及為詞學指南其自著詩語亦起逸不群
據村云偶僧從廬山錢牧齋遊詩詞俱有宗法所輯詞話分
詞話詞品詞辨三門簡而約而精曹秋岳倚詞成稱之

秋感

惆悵南浦情徒倚雲屏路葉捲涼風初日落輕霞莫孤
城迥易陰草渚淺難渡芳蘭豈徒生一朝瘁霜露

避村

楓江東去是吾家日見清流漾淺沙到市鐘聲知寺近
過橋柳影逐門斜花光不與波光背人影常因帆影遮
猶許漁翁分片席等閒相對酒頻賒

周爰訪字求卓號裕哉康熙甲辰進士官至江西提

學道僉事

錢士未云求卓天性儉約服袍蔬食率以為常歷任內外
並有冰蘗捨其守昆陽也附屬邑延檢并入境乃知為本

州守

登洞庭山觀日出月沒

浩淼煙波繞碧岑，曙光明滅此登臨。
殘星欲沒朱輪起，曉露初流玉鏡沉。
天地雙迴銀漢迥，東西對引白雲深。
憑高不盡徘徊處，俯仰人間自古今。

過辰溪

大江東去洞庭西，萬壑迴環過五溪。
路轉偏橋連鐵索，昆池爭似漢時隄。

徐 崧字嵩芝一字松之號懼菴

尤西堂云懼菴一菴兩嚴
行于數百里遇名山大川

徘徊眺望即一邱一壑亦必窮搜幽妙尋章摘句
收拾囊中所探百城烟水可謂吳地之董狐

樸村云懼菴學詩於史翁翁莊藏即有名好遊遊所至必留寺愛廣文
所於半方外故其詩能得掉理而所選屬皆雲山顯林諸集人才略備

客感呈兀菴上人

日日菰城內，秋深木葉稀。
田家緣郭住，溪鳥傍山飛。
碧浪圍紅樹，丹崖入翠微。
故鄉三百里，瞻望未能歸。

寄宿遷陸九萬先生暨逃夫楷生南公

一札來何處，迢迢古宿城。
兵戈分地界，山水作秋聲。
雨霽江魚出，籬荒野菊生。
應知同小阮，白社寄高情。

重過羅漢寺

向晚依蓮宇，乘閒憶舊遊。
荒庭遺斷礎，古樹倚危樓。
日落湖光動，煙生野色幽。
不嫌村市近，一徑隔田疇。

雲灘花朝

花晨逢日暖，行客慶年芳。
地僻頻留竹，田高欲種桑。
青

春慚白髮老樹惜斜陽好借清溪水為君酌一觴

泊能仁寺

故鄉雖未遠客意已驚秋蟋蟀鳴荒野芙蓉落釣舟江
寒孤雁度日暝晚霞收倚櫂看林木禪房處處幽

夜泊泗洲寺

古寺傍湖流菱花到岸浮晴雲停野樹新月挂村樓燈
影青林夜天香白露秋蓬窓聊一醉卧聽打魚舟

過圓明菴訪元芳上人

七十今踰幾翛然自不群空鑪烹澗月破衲補秋雲已
入高峯室時歸震澤濱香臺溪雨後閒過話斜曛

鶯脰湖竹枝詞

春湖一曲板橋斜橋畔垂楊賣酒家幾度停橈人不見
東風吹落碧桃花

周稼字無逸

仲春二日同然明由官浦至江城舟中即事

二月春城花正開扁舟遙見數枝梅風吹白雪孤帆遠
日落青山一雁來同業自欣宗李郭自註與然明同
杭煙曉日師論交寧
復讓陳雷中流擊楫長吟久不覺寒塘暮色催

錢耀字旭威

登城

縱目烽煙道秋風倚戍樓孤城雄萬戶巨浸咽三州
尊鱸他年感登臨此日愁繁華成往事江上暮雲浮

有感

落落天涯恨不禁月明孤館照愁心
獻書北闕遭逢少作客長沙感慨深
笛裏梅花寒欲墮鏡中華髮曉來侵
已知久為青袍誤獨掩柴關竟夕吟

包

拈字鶴青明孝廉捷從弟縣學生

紫竹居雜詠

猗蘭生南澗蔓草翳其旁叢葉總青青
誰復辨孤芳紫莖挺然秀白日生幽香
巖深歷冰雪質弱凌秋霜
紉佩豈不珍僻處安足傷

陸永滋字蕃鮮

贈俞無殊

十載艱危意不禁鶯啼花落淚沾襟
山空祇覺煙霞勝雲靜偏知雨露深
掉臂江湖留傲骨側身天地寄雄心
須知得道能忘過朗識何嘗混陸沉

黃元瑤字玉舟

樸村云玉舟善書法家貧客遊賣字以餬其口詩皆切無浮響

送王孝廉鑣還曲沃

同作武安客論心爾最親才疎艱遇合世亂備酸辛
跡

以飄零密交因貧賤真那堪今夜酒送爾獨歸人

國朝松陵詩徵卷四

國朝松陵詩徵卷五

後學袁景輅質中編次

後學金士松亭立同輯

周允中鏡湖

葉 燮字星期一字已畦號橫山明虞部紹袁第六

子康熙庚戌進士

嘉善籍

官寶應知縣有已畦詩集

曹秋岳云才如星期見於世者惟詩用之已隘又不以鳴國家之盛而使會光劇彩攝叟山澤之間詩教之興也何時微王阮亭云先生詩古文鏗鏘古昔而自成一家之言每怪近人標販他人語言以備質作活計者譬之水母以蝦為目蟹不能行得徒墮負之乃行夫人而無足無目則已矣而必藉他人之目為目假他人之足為足安用此碌碌者為先生卓爾孤立不隨時勢為轉移然後可語斯言之立沈歸愚先生云先生論詩一曰生一曰新一曰深凡一切庸熟陳腐浮淺語須掃而空之今觀其集中諸作意必鉤元語必獨造寧不蹈俗不肯隨俗憂憂於諸名家中能拔

以飄零密交因貧賤真那堪今夜酒送爾獨歸人

國朝松陵詩徵卷四

國朝松陵詩徵卷五

後學袁景輅質中編次

後學金士松亭立同輯

周允中鏡湖

葉燮字星期一字已畦號橫山明虞部紹袁第六

子康熙庚戌進士嘉善官寶應知縣有已畦詩集

曹秋岳云才如星期見於世者惟詩用之已隘又不以鳴國家之盛而使
會光劇彩攝叟山澤之間詩教之興也何時微王阮亭云先生詩古文
鏗鏘古昔而自成一家之言每怪近人標販他人語言以備質作活計者
譬之水母以蝦為目蟹不能行得徒墮負之乃行夫人而無足無目則已
矣而必藉他人之目為目假他人之足為足安用此碌碌者為先生卓爾
孤立不隨時勢為轉移然後可語斯言之立沈歸愚先生云先生論詩
一曰生一曰新一曰深凡一切庸熟陳腐浮淺語須掃而空之今觀其集
中諸作意必鉤元語必獨造寧不蹈俗不肯隨俗憂憂於諸名家中能拔

歲自成一隊者。先生初寓吳時，吳中稱詩者多宗范陸，究所獵者范陸之皮毛，幾於千手雷同。吳先生著原詩內外篇四卷，力破其非，吳人士始多警悟。先生後復入轉，多從其言者。王新城尚書致書謂其獨立起衰，應非漫許。來扶九云：先生同年郭華野瑋，令吳江屬先生修邑志，先是屈駸聲運隆，已有成書，先生取而增益之，駸聲搜輯之，勤先生決擇之，當至今猶兩行焉。

樸村云：先生之令寶應也，以強項落職，時嘉定令陸清獻公亦被劾，勅先生曰：吾與庶史同列，白簡榮於遷除，吳既歸，携家入橫山，築小園，頗曰獨立蒼茫處，著述其中，高邱宋中丞聞其名，咸從往訪，辭不見，宋公曰：獨立蒼茫處，容一在否？留二絕句而去。先生不往報也。晚年寓蕭寺，有富家招之，飲先生曰：吾忍飢餓，豈不知屠沽兒有酒食耶？其性剛直，至老如此。先生風流宏爽，所交皆當世人，宗丙寅九日大會於二葉草堂，冠帶之集，幾徧江浙，同用昌黎贈張秘書與人日城南登高閣賦詩，紀事所刻用九集見者，以不得與會為恨。

採柳謠

去年采東鄉，今年采西鄉。東西兩鄉柳，采之盡，斧戕河隄決，無時需掃。如山岡高柳，無遺槎，柳種纔成，秧大府

昨下檄，催督肩相望。境內柳色空，越境有嚴防。無已及他木，槐榆楓櫟樟。違材式不程，李難代桃僵。百金縛一掃，千夫提其綱。投之滄海中，厥聲脛沸湯。河伯鼓赫怒，飄如馬脫韁。哀哉累膏血，一擲剝肉償。何慮千百掃，往往歸茫洋。吾欲叩九關，好生德之常。緬彼至治世，大海無波揚。

湖天霜

湖天湛然青，盛夏飛嚴霜。霜嚴結陰慘，白日沉荒涼。厲鬼啾啾鳴，行路聞心傷。埋冤爾為何，毅魄非國殤。生為蚩蚩民，安分柔且良。真盜失伏辜，漁人罹禍殃。殺人無

抵死袖手反代償有耳非不聞有眼詎失芒一人愛功名片語進斧戕邈矣三宥仁孰察五過章一朝四百指駢首堆荒岡湖水自終古流恨徒湯湯寄語司牧者殺人宜慎詳

廣大庾嶺

千里連峯匝紆迴出萬尋險分南服界雄見越王心鴻雁謀何苦熊羆氣轉深高松陰夾路風過助長吟

送王阮亭宮詹祭海還朝

使節天邊轉韓碑讀罷還挹泉疇主眷探袖出民艱飄沒依依樹裝輕箇箇山南枝留不住高詠過重關

尋山

二月花爭發尋山一逕冥峰迴常抱影雲斷半銜青柳露沿溪屋人歸隔嶺亭桑榆留晚照尚及渡前汀

京口作

朔風動地大江鳴猶說南徐北府兵鐵鎖幾人籌異代布衣終古悔成名江山無限漁樵計木葉頻驚關塞情試上高樓憑四望不禁淚下媿平生

中秋後同人集用亶尚友堂憶五年前秋嶽先生

有此集限微字韻興懷愴然仍限前韻

風雨從吾款舊扉也知荃杜采應稀牧槩衰鬢驚難再

花月歡場漸欲微，晚葉侵階秋得氣。倦螢入戶冷無依，綠隄衰柳吾憐汝。約略年華兩並非。

括蒼道中

蕭然倦策度重巒，絕壁摩天傍斗看。遊子傷心悲九折，美人遙睇隔千盤。啼鶻花信他鄉到，瘦馬衫痕落照寒。不斷亂雲投北去，生憎回首望長干。

集吳天章傳清堂感舊限紅字

廿載銷沉各老翁，江鄉舊館酌殘紅。忽驚灰劫餘芳砌，

自註堂為前輩舊居四十年前曾隨先人集此

重愴山陽拭槁桐。行路真難拚病廢，

天章詩閒情漸遣藉途窮。深秋已過繁霜雪，苦憶茫茫衰

草中

同人夜坐康貽姪齋限人字

意外相逢是故人，衰顏燭影話重新。花殘幾易羅含宅，燕到重沾杜甫巾。無處避愁應擇地，有山送老不嫌貧。吾家二妙欣相慰，嬾向滄江再問津。

石門郁曾發遊秦歸賦贈兼示胡圓表徐導柏

十載驚沙積曉裝，龍鍾短策倦遊梁。飢來慣逐長榆月，老去重沾絕塞霜。登嶽何人攜謝朓，入門無女問中郎。曾發歸時喪女，江波淮浪推肝日話比秦川路更長。

去去空山學道裝，難忘情處在河梁。勞生歲月官橋柳

終古人琴斷坂霜

自註故人徐次珍

水咽隴頭留苦調花然巷口

映諸郎

自註國表昆弟于姪二十餘人

秦宮漢殿秋原上飽贈書生一枕長

與趙書年話舊追憶其尊人山子

隔世荀陳隔日情朱顏皓首兩心驚文章涕淚仍聲價

冰雪關河竟死生

自註於卯冬予與山子計南華此行兩兄並物故五年矣

重覩風標堪和鶴

自憐衰老續鳴鶯庭梧竹影難忘夕怕見城西暮色橫

自註山子故居

疊韻答學山姪

處世應師田子方馬遷貨殖計寧長東西鴻爪皆空點

今古蛾眉不易防漂泊未歸元亮宅支離合老管寧牀

生涯隴畔驅黃犢焚硯何心賦補亡

同徐方虎張步青趙湛卿登永嘉江心寺浮圖

鷺宮突兀傍銀河畝破青冥一雁過名士登高雙淚下

故人回首萬峯多新傳蜃海銷兵甲若箇魚磯卧薜蘿

尺五去天知不遠憑君才調問如何

楊花

小蠻腰瘦不勝情斷粉飄雲帶舞裯莫使漫天飛不住

樓中尚有未歸人

題平湖沈客子燕京春詠後

殘杯忽憶帝城春曾逐輕蹄十九人淮上黃蘆江上雪

憑君說是賞花辰

梅花開到九分

亞枝低拂碧窓紗 鏤月烘霞日日加 祝汝一分留作伴

可憐處士已無家

客發苕溪

客心如水水如愁 容易歸帆趁疾流 忽訝船窓送吳語

故山月已挂船頭

聞吳漢槎卒於京邸哭之

八千里外聞君信 垂老心驚良友淪 遼海秋風原上草

銷沉天寶舊才人

絕域歸來鬢已蒼 又隨北雁去茫茫

漢槎自塞外歸 止半歲即北行 書生舊

有明妃恨月夜魂歸總斷腸

沈世漢字茂宏一字耕道明僉事瓚孫縣學生有釣

梭集

周安即云耕道風期鶴雅日以琴書若梳自娛年四十後蔡室湖濱有瓢然屋外之想詩近律初不事應酬

樸村云耕道嗜好殊俗遇希見之書與法書名畫不惜重價購之又嗜茶客至折松枝煮折足錫相與品題賞鑒入其室者幾不知有塵世事也詩亦備然絕俗無意悅人

亦備然絕俗無意悅人

感懷

皎皎中天月 凜凜庭前露 秋風振鳴條 飛鴻中夜渡 江

漢渺無涯 徘徊望天路 俯仰百年間 萬事俱成故 朱顏

亦已蒼勁 節難自固 慷慨發清商 毋為俗所誤

由支剛入華山登蓮子峰懷朱山人白民峰下顏
垣古澗即山人讀書處

獨上蓮花頂高風不可尋飛泉流古剝危石擁疎林禽
語鐘聲靜山空日色深昔年清嘯處松栢自森森

秋杪舟中寄黃復仲

夜宿清溪上商飈落塞鴻親朋渺何處江海一孤蓬月
落秋山靜霜明野渚空故人情自遠相望五湖東

作客

作客無長計披裘只自吟寒霜凋翠岫落葉散秋林別
鶴當年詠哀鴻故國心干戈猶未已身世幾浮沉

鄧尉竹林寺阻雨

細雨閑房淨風斜竹影侵孤燈催客夢清磬入禪心山
迥雲根積秋高落葉深瀟瀟曾不定一夜響寒林

從軍行

戎馬蕭蕭古戰場關山寒月照離腸即看定遠封侯日
猶望生還到故鄉

顧靜字友山

春閨

不知春色老但見柳含煙偶倚欄干立飛花點翠鈿

姑蘇楊柳枝詞和汪鈍翁

籠雨和煙伴夕陽幾番眠起自成行任人攀折還如許
好把清陰護海棠

沈永馨字建芳一字天選諸生世潢弟有通暉樓采

芝堂集

樸村云建芳天爵自壽不求利達築別墅於麻溪之上嘯歌自得二三知交外車騎訪之不見也詩格樸老無粉飾炫耀之習

雜詩

庭中一株樹開花艷且鮮不知雨露恩芬馨自年年涼
風昨夜至飄落隨潺湲回望青松枝獨秀噉阿遘人當
識其真無為世所憐

贈周長康

世事不可問我生將安歸城郭多風塵村墅聊可依讀
書有深懷耕桑且庶幾貧賤固吾分富貴奚所希酣飲
菊花下言笑無是非

送曾庭聞入蜀

江亭遠送行春水片帆輕不盡平生意因知離別情雪
消揚子渡花發錦官城揚馬流風在應聞上客名

贈張於野

去年曾握手經歲益相思吳嶺逢寒食春風吹鬢絲一
杯難酌酹孤杖少追隨爾尋邱壑湖山似舊時

送潘江如

國朝詩林

卷五

七

淮陰風日好驛路下斜陽匹馬經山縣登樓憶故鄉蕭
條楓葉落迢遞楚雲長惆悵煙塵滿馳驅總斷腸

懷歸元恭

菡萏花香映白波竹林深處少人過寒江對酒能潦倒
一別秋風恨最多

懷周安節

梅里湖山足隱居春風桃柳繞門廬南登衡嶽還歸卧
讀罷離騷又著書

鈕

原名琇

字書城一字玉樵諸生宏儒子康熙壬子

拔貢生官高明知縣有臨野堂集

姜西溟云余於玉樵服其驚才絕艷方駕蘇軾

今讀其詩數十首皆極感思激發於輒翰絕不類其少作中如和杜秋雨
歎閨時橋不登注柳詞詞章刻治河無術草木皆哀凡此類皆有闕理亂
足論詩史者然寓託浮遠使不善觀之直與近人吟咏性情嘲弄風月者
何異僕故為之疏明其大意如此潘稼堂云玉樵詩倚張而集宋一篇
中必有沉思警語言簡旨深屬之殊有餘味沈歸愚先生云玉樵博雅
多聞善解體一書能舉是開異調者折衷之可以補正史之闕詩亦變風
之遺陳行之云玉樵先生歷任邑宰所至有善政於項城則安集遺述
於沈邱則昭雪沉獄於蒲城高明則無疆暴戾守禦民賴以康卒於官旅
柳蕭然越數年乃得歸葬嗚呼先生
固博物君子也其亦古之遺愛歟

前修塘謠

下有句云詩憑野谷題初雨欲
待徐徐醉晚風至今猶傳人口

朝聞官兵至暮下修塘檄官塘不修誤軍機官塘修時
民惟厄泥一斗輒一箕負之擔之向水涯盡是塘夫膏
與脂皇天不識塘夫苦淫雨增波齧塘土官吏督修猛
如虎杵聲薨薨築且堅復索私例時加鞭泣言官人勿
加鞭囊中尚有賣兒錢

後修塘謠

官塘修平如砥馬蹄趑趑行不休官塘踴入瀕湖水大
官親勘怒何赫口道塘夫用何益派稅民田湏滿額錢
歸石工去採石石工徵錢態復驕椎牛醜酒日逍遙塘
邊零落貧家子稅重田荒飢欲死哀聲不入石工耳

咏史

灼灼原上花紛紛從風度本無歲寒心安得金石固梁
侯據要津烜赫被隆遇賓客皆縞珠恩波及親故居高
道履危况乃權黨附兼此跋扈才速其自亡具多斂建
禍樞積威啟仇妙戈矛瞰爾室猶以酖毒誤九錫未辭
榮五侯已當路還睹如市門茫茫但墟墓千載空遺悲
足令達者悟

勢盛疎族聚時危密交輕忠孝良所難安能念友聲左
驂贖胥靡越石肝膽傾虞卿窮來歸相位不足榮艱難
存故孤慷慨有程嬰俠哉魯孔褒捐脰殉俊英此誼昔

有之簡編光咥嶭今人棄如遺勢利兩縱橫窮達意已異何當論死生俯仰愧往哲緬焉感余情

戴耘野先生冬日枉過草堂出示紀事諸書賦贈朔風起重陰凜冽歲云暮平時交荒烟流旭照衰樹居人啟寒扉有客忽我顧言念十載別杼懷慰永慕久語忘寒暄乍見失新故俯仰道夙昔感歎驚良晤促席濁醪陳傾厨雞黍具座貽書一編伏讀見平素大義著草莽微言託韋布惜哉柱下才乃失班馬遇業盛禍已集名卑身益固所圖非世資終悔亦何懼戢鱗樂淵沉鐵羽悲霄翥何如擬元豹終隱南山霧

秋雨歎和杜少陵韻

羲和投鞭白日死滿堂水衣蒼色鮮灘聲潺湲入愁耳更驚斛麥湏千錢東風蕭蕭吹雨急茅茨數點波間立菽沈禾爛不可收舟居殘婦中宵泣

市人喧語何紛紛防河府帖來如雲三百河夫點行急慘淡骨肉湏臾分陰霾彌天白晝黑荷鍤河干不暫息寄言家人已無食賣兒街頭莫論值

積陰六旬指可數城中十室九無堵去年年豐時亦和何事今秋獨淫雨雨狂聲撼草堂寒行厨薪濕晨炊難聞道長安久赤地宏羊拜爵溪流乾

春草

不信繁華事已空，傷心南浦復濛濛。
何年陵寢斜陽外，幾處亭臺暮靄中。
歷亂影連流水碧，萋迷香襯落花紅。
多情陌上雙蝴蝶，猶是飛飛識故叢。

二月東城聽早鶯，踏青強半賣花聲。
河橋水淺鳧群浴，村塢風清犢子鳴。
玉女虛窓蒼蘚合，將軍故第曲池平。
幾回野老吞聲哭，愁見江頭日日生。

一度登臨一惘然，青葱又值艷陽天。
頻經戎馬疎還密，行盡關山斷復連。
戰壘淒涼家萬里，鄉書迢遞客三年。
年來未罷遼陽戍，最是荒蕪谷口田。

題方石居贈忍公用吳愧菴韻

方庭修竹綠如圍，琴榻書林識靜機。
紫朮夜春供客飯，白雲秋製入山衣。
落花徑曲呼童掃，斜日林空放鶴歸。
最喜遠公寬酒戒，虎谿乘月叩禪扉。

秋日病寓江城豐翠園

綠陰孤閣晚來登，極目風煙望幾層。
萬蝶暮雲寒戍鼓，一江秋雨暗漁燈。
思歸菊已荒彭澤，病渴人還卧茂陵。
欲向君平詢出處，浮沉身世總難憑。

感事

赭服南冠兩鬢華，却攜妻子繫天涯。
春風客淚河橋柳

夜月鄉心驛路笳，慟哭范滂猶有母。飄零張儉已無家，只今知已多豪俠。空憶當時廣柳車。

哭顧英白

白玉樓成入望高，俄聞補籍在仙曹。耽竒心欲芟周禮，寄憤身將殉楚騷。苦挾詩囊貧愈艷，愁捐藥爨病猶豪。那知遂隔泉臺路，空向人間購彩毫。

送湯素公從軍閩中

吳鉤雙帶錦裘新，佐府才名動八閩。路入故園仍作客，身緣薄宦尚依人。紅亭蒜嶺攜尊夕，翠幄榕城奏角晨。絕勝儒生披短褐，悠悠書篋老風塵。

己未除夕

看劍燒燈影獨親，不堪旅跡尚京塵。還家此夜難為夢，作客頻年畏及春。途幸未窮真仗友，詩無可祭枉稱神。故園遙憶團圓會，添得高堂白髮新。

吳樹臣字大馮，號鶴亭。諸生兆寬子。康熙壬子拔貢。

生高程官至刑部郎中，有涉江草一硯齋集。

沈心齋云：大馮歷仕

南至亞浮西，暨成嶺皆極成中，幽遐現異之。觀故其為詩，雖麗駘宕，足與江山相雋長。

樸村云：比部歷官內外，並以廉直著聲。遇事有不便於民者，輒不避權要爭之。其任刑曹時，有巨猾王五為群盜長，諸貴人爭庇之，有司莫能治。比部獨捕得之，擬以大辟。滿尚書別為奏，出其罪奏上。上命立誅。王五凡署名者皆禱職，則雖一時貴人皆為側目。其臨事不阿如此，卒之日貧不能

驗。廉吏可為而不可為，我於比部重有感焉。其詩情文相生。

異於諸搢搢，擬為無情之歌。哭者弟桓，臣字武子，亦工詩。

登黃州赤壁

名山縈緲想振策尋佳趣大江蕩層波樊口隱雲樹寒
溪繞積翠岬嶠若奔赴快哉攬奇勝江山在指顧雪夜
掉扁舟白鶴橫波渡斗酒邀月華晶輪浩吞吐蘇子逸
興酣風雅傳二賦賦筆妙千古何辨赤嶼誤

閱江樓

牂柯萬里瀉洪流水勢山光滿庾樓獅象峰圍城
蛟鯨波湧日華浮對岸有獅象峰晴雲天闊孤帆小煙雨風
蜚艇收聞道六龍曾駐此蒼茫夕照使人愁

沈永智一名志字四明蓬萊令自南第四子縣學生有

菴集

錢上沐云柳菴為高士曾避先生甥以能詩見許舅氏好作詩人或以輕薄譏之及訪族兄保昌官舍夜宿美辭挑之堅拒不

人始服其孫

撰村云柳菴考恒齋出宰蓬萊前令成某負國帑不能歸恒齋許代償未幾卒於官上官徵催時諸兄弟惟柳菴在家百計籌畫家頓以還家破一悔也所居草堂外栽花種柳客至瀟茗清談有東晉人風致詩多實際語多以少年所歷說其生平

至聖襄兄保昌署

異鄉欣聚首相對轉悲酸飄泊憐孤客清貧耐一官話
長頻剪燭情重勸加餐竟夕渾忘寐梅花放曉寒

贈安大已

難遂平生志移家隱薜蘿山空雲色幻庭靜鳥聲和傲
骨貧難減雄談醉更多獨憐知己少抱膝竟如何

秋日偕同人湖濱晚眺
攜手尋幽西郭外
清秋爽氣望中分
江城地冷楓千樹
澤國天高雁一群
風動遠山邀落日
波翻近渚帶寒雲
扣舷不覺歸來晚
哀角沉沉倚月聞

送魯節君

相送歸帆望已迷
徘徊猶自倚長隄
流鶯亦解離情苦
飛去垂楊不忍啼

沈 攀字雲步一字香山明行人元龍子康熙癸丑

進士官靈臺知縣有密遊草

樓村云已畦序香山詩在歲時感思極靈臺要妙才人之詩也居官後撫心感魄一望蒼茫志士之詩也稼室亦謂靈臺詩辭意深厚有元

大山春陵行杜子美詩極極遠意今集中詩皆壯歲所作其近元杜者無有焉竊本殘落淋是彌襟

韓園晚眺同周末卓張佩慈

聯袂上層臺
江山入望來
雁隨殘照落
花借小春開
曲嶂生空霧
荒池散劫灰
登臨無限意
歸鳥不須猜

村居感遇

不是滄浪客
臨流聽棹歌
雨中歸雁少
江上落潮多
徑未荒
松菊庭猶老
薜蘿清商吹
不斷秋思滿
關河

秦淮旅次同蔡九霞王惟夏作

臺城芳草夕陽斜
鼙鼓中原感歲華
陌上鶯啼三月柳
閨中風散六朝花
銅駝淚濕王孫草
玉樹歌沈帝子家

別館空篔簹客夢十年心賞負煙霞

旅愁無限月明時玉鈿香消舞柘枝羈客自傷天寶事

故人重續永和詩自註龔芝庵年伯贈詩索和關山夜雨邊笳急河海秋

風戍鼓遲多少白楊江上路烏啼月落係人思

望遠曲和陸麗京韻

銀燈剪雨怯長宵惆悵佳期憶鵲橋開遍梨花辭故葉

折殘柳絮換新條人間白紵慵題恨天上元霜悔助嬌

苔沒長門寒雁到天涯何處寄冰綃

虎邱中秋喜晤周玉鳧先生

劍池秋老鳳生寒霜鬢登山夜未闌十載談經猶似舊

不妨常作布衣看

陳啟源字長發自號見桃居士縣學生有存耕堂集

顧少澗云長發性耿介少許可尤不喜俗人惟於書手披目覽終年不

也詩古體悲壯近體沈鬱然平日頗以實學自負好談論經史及古今

政詩特其

橫村云見桃居士寓於經學諸經皆有撰述而毛詩稽古論尤極精博其

書宗小序而訓句釋字往往獨見新義又引漢唐宋諸儒之說及他經史

以証之乍讀之覺其立異鉤考之恰有至理為前此說經者所未及

朱愚菴先生素稱經宿序其書許為必傳詩音韻悲涼從小雅得來

君子行

莫飲澗中水母攀山上蘿松伐蘿亦傾雨收澗無波假

物以託身安能長自伸君子尚獨立落落寡所親覓如

日在天肅如霜未晨無位能不賤有樂能處貧顧視富

與貴紛紛若埃塵石有時以泐金有時以流君子持此
心一日千萬秋

登縹緲峰

漭沆波光裏孤峰獨出群俯看天在水回眺石生雲笑
語連清梵登攀出紫氛仙踪倘可遇休悵日斜曛

丁酉歲暮雜感

黃雲掩曖暗江淪冉冉年華臘又侵夜雨殘燈愁獨寐
寒風古木坐悲吟三冬白首雕蟲技千里霜蹄老驥心
寄語為催梅嶺樹蚤傳春信破元陰

蕩婦高樓月

遊子輕離別深閨愴夢魂徒勞舊明月照妾新啼痕

雨夜

中宵聞雨夢驚回點滴窓前響正哀只此便名嗚咽水
何須定自隴頭來

細聲繁響勝哀笳滴向長更聽轉賒不是愁人腸亦斷

况悲身世更思家

趙沆字子昇廣文灑族弟有惕若齋遺詩

沈歸愚先生云吳江

趙半江以名會元為時名臣子讀其詩文集每念其子孫今得子昇詩皆
真氣發露不藉連珠而成者予既重半江經術足以傳世行遠而又幸為
其後者之原本性情一空結習能述祖德於五世之餘也 蔡芳三先生
云子昇為前代遺民故集中所存雖多遊於方外之思而慷慨悲歌磊落
道塞之氣時時見於言表 顏配京云先生與先大父最交好嘗述先生
少遊嵩并聞其時天下初定盜賊甚多其尤桀驁不可制者號響馬先生

一日遇之前一人持大刀騎而來先生時據鞍手鏡觀與爭道離大許先生瞋目叱之曰哈騎者氣奪反排先生使前其黨稍引避又嘗渡龍山湖舟覆先生笑風定獨撲其舟使轉俾舟子掉而歸其大勇如此茲讀集中所選先生詩不中爾時竟陵之毒亦不受嘉隆七子牢籠抒寫性情自歸風雅在吾鄉前輩中此

事亦當救救自成一隊
 樸材云子昇先生先王母從父也少時具勇力弓馬刀稍無不聞習及長折即讀書略觀大意即棄去而往古治亂興衰莫不昭灼於中喜為詩為前輩雅茂倫朱長稿諸先生所稱賞與族兄山子砥之相唱和時人莫能軒輊性孝友兄子有冤獄傾囊以討其難妙通沈氏家貧無子迎養二十餘年年五十種射校術晚採世國古先生教視少年英爽踈遠如出二人嗚呼其有托而述者歟後三十餘年吾師歸愚先生館子家先生之孫宗賜以遺詩為碑點定今場若齋遺詩三卷即宗賜板行本也

夜坐次韻

獨坐難成寐天高入望清寒蛩啼壁冷片月挂窻明寂
 寞三秋客蒼涼萬古情懷人人自遠何處弄簫聲

與王漢倬夜話次韻

夙昔自交歡相逢話夜闌商聲來樹杪明月入簷端意
 氣凌秋老風霜入座寒有懷思欲試劍氣斗間看

送戴耘野次韻

葛冠野服盼庭柯踪跡難邀城市過高遜薛方諧俗少
 還家周黨愧人多江河滿地嗟如此純膾新秋興奈何
 漫道吳郊無隱士白雲深處結藤蘿

山子兄南旋次砥之兄韻

天街走馬逐征塵懷璧歸來重此身薊北雲山輕去國
 嶺南烽燧遠愁人故園渺矣書無恙舊第依然德是隣

促膝琴尊娛永日
純鱸秋思一回新

積雨感懷

風雨聲中暗自驚
頻年時勢總關情
登樓縱目悲王粲
痛哭陳書望賈生
吳下幾番遭浩劫
天涯何處慰深耕
東南樂土嗟如此
聞道西川尚甲兵

姑蘇楊柳枝詞

麋鹿臺荒霸業空
惟餘楊柳繫春風
英雄兒女無窮恨
盡在斜陽細雨中

董閣字方南號如齋康熙癸丑進士官至國子監

司業有清慎堂集

朱長孺云方南燕臺詩思入風雲詞滿金石竊
欽臺閣體同應如是今夏進豫章略示一編又

皆哀怨抑揚之作蓋方南仁孝人也以甘麗之不給遠涉江湖又值軍興
剽掠載途飛鴻滿野通第江山皆增欄檻矣 錢上沐云司業十歲解五
經大義在詞館十餘年纂修會典注禮經盡職不懈遷司業虛公校士聲
譽大著 父愛歸以哀毀卒遺言以衰服殮人傷其死於孝云 陳受之
云自明成祖改進士二十八人為庶吉士與之者如登瀛洲而翰林之選
始重有明至今吾邑科第流轉極盛而入詞館者寥寥其間如姚彥文
曹良金徐伯魯沈道立周文岸王晉劉量方南張宏遠吳晉綺倪南琛李
寔君家叔祖虞佐諸先生魁儒寔學皆木天中矯矯者柯亭劉升之間典
型猶在後生
所宜自勉也

垂虹歌送別

虹亭下秋水清
垂虹亭上月初明
征馬蕭蕭不忍聽
歌一曲難為情
離歌聽罷心如結
絲桐聲聲絃欲絕
千美酒且消愁
人生何處無離別
問君離別意何之
去樹連天有所思
所思乃在長安道
縱橫挾策抒懷抱

百青柳色好春光可憐三月江南草路遠雲深不見人
但見長江流浩浩

都門送徐虹亭歸里

鳳城二月畏春寒歸去休歌行路難楊柳綠煙橫短棹
桃花紅雨漲前灘魚知縱壑江湖闊鳥識開籠天地寬
回首燕山圖畫裏長安只作奕棋看

秋屏閣

秋屏高閣北城隈日暮鴉啼畫角哀漫道豫章多勝景
只餘山色望中來

顧萬祺字庶其明學使大典孫縣學生有雙桂軒詩

鈔

樸村云庶其學詩於新城阮亭先生宗派既正而心惡才力又足副之故
其詩往往援俗余向見三貞婦詩二冊三貞婦黎里胡覺凡之配陳氏妾
倪氏顧氏也夫七並以若輩聞其子逸乞名公鉅卿賦詩表章冊內人才
略備而庶其作敘事簡潔獨得少陵遺意庶人同賦一題必推一人為擅
場吾於三貞詩當
為庶其屈一指矣

三貞婦詩

海水不可竭山石不可移若將比貞婦高深未云奇貞
婦世所難一門三母儀大婦主中饋十六來于歸中婦
勤女紅十五侍房幃小婦獨宜男十八生佳兒三婦相
助理門內無參差忽焉夫主沒孤寡將安施四齡襁褓
兒呱呱泣何知大母呼二母有言欲告汝既稱未亡人

日與死為伍所哀藐諸孤實為裡祀主汝相與保抱細
心職養撫我念門戶計不惜茹荼苦昔為玉與珠今為
糝與糠危巢宿孤鳥好共相扶將二母乃長跪清淚如
鉛水戶內無親人三母共一子侍母敢云懈願言慎終
始母聞二母言暫時得歡喜爾年雖尚少爾言大有理
能撫兒長大爾主猶不死言已各賦事執作惟辛勤冬
紡夏緝績十指追飛雲閨門嚴且肅婢僕無紛紜門戶
既成立相與謀邱墳卜筮兆云吉草木皆繁蕢上安翁
姑魄下慰夫君魂兒年十餘齡母疾忽彌留撫膺細叮
嚀典籍宜搜求為學貴黽勉母貽先人羞母既修長逝

二母益修飭治家課少子一秉母遺則十三識文墨十
五通詩書遂得稍成立長為君子儒二母寧以康旦夕
多歡娛入室親定省上堂恭起居賢哉三貞母三復為
歎歎寄語後世人珍重如璫璣

關雞坡

紅粉宮中小隊齊花痕凝碧草萋萋一從孫武歸山後
不教三軍教關雞

張嘉玲字佩慈進士嘉琛弟縣學生有安孝先生遺

集

潘稼堂云佩慈才藻與兄埒其初銳意進取既從桐鄉張履祥遊躬躬
砥俗非義不履力排禠學以程朱為宗履祥稱其健義之勇析理之精
既密且毅日進而未止天

天其年斯道之不幸也

樸村云精於性理者其詩往往多安樂窩中頭巾語明之定山白沙是也
安孝先生行有規矩言無枝葉獨於韻語格調暢朗詞旨高永錄之而有
餘音咀之而無窮味如
蘭在百花中其品獨絕

泊新安

急捲平沙荒塘日影斜
幾經征戰後剩有兩三家
刁鳴山驛琵琶奏客槎
香杭知已熟村釀可能賒

病中雜感

陶甕隨節至遊子近如何
已是窮愁日那堪藥餌過音
書三月斷鳴雁九秋多
詎敢求聞達南陽避網羅

蟋蟀

靚夜天如洗誰為字下吟
感秋聲不斷任氣響難沉
偏

入征人耳難為少婦心
半閉堂在否不覺淚盈襟

七夕後一日同顧樵水陳長發吳赤溟集顧茂倫

齋

風生梧竹晚涼時勝友琴尊此地宜
天上更無今夕會林間仍有昨宵期
迎秋蟋蟀吟殘月拂座荷香度曲池
但得相逢共潦倒何須節序歎流移

喜晤澄江周仲榮道及吾鄉諸先輩

木落風寒霜氣凝孤城握手有高朋
他鄉作賦嗟王粲夙世通家識李膺
黨禁那堪悲白馬陸沉誰復憶金陵
五湖故友依然在相望吳山第幾層

諸葛武侯

帝室英雄自有真草廬一見定君臣孫曹縱使能三顧未必馳驅便許身

葉舒崇字元禮號宗山明虞部紹袁孫諸生世侗子

康熙丙辰進士

平湖官中書舍人有宗山集

宋為葉云乙酉

夏余遊吳江葉仲紹先生家乳者抱三歲兒出先生授余抱置膝上即今文孫元禮也別十有六年元禮年弱冠已掉鞅詞壇望而知為謝家玉樹矣徐紅亭云元禮為仲紹先生孫與星期進士並擅文學有大小阮之目早歲離家遠遊京洛嘗與僕輩痛飲燕市有青山埋骨黃雲送紅豆關心綠鬢殘之句朱竹垞云吳江葉元禮美丰姿少日隨其兄學山過流虹橋有女子在樓上見而慕之問其母曰有與葉九秀才偕行者何人也母漫應之曰三郎也女憤思成疾將終語母曰得三郎一見死無恨矣氣方絕元禮適過其門母以女臨終之言告元禮入笑女目始瞑予為作高陽臺記之一時交傳其事陳行之云舍人遊阮亭先生門阮亭集中有詩云阮家未卧酒墮旁荀令榆南惹恨長鶯柳湖邊逐春水化為七十

二驚驚即指舍人事也惟序稱平望酒舍女子與竹垞說小異據虹亭太史本序詩採竹垞說則為流虹橋無疑然前事流傳聊供揮塵雖兩說並存無害也

荷蘭國進千里馬

皇帝御宇之六載負宸致政歸彤墀大開明堂治六服萬里會同車馬馳海波不揚通遠道紛紛重譯來京畿九州之外荷蘭國人物窈停言堯雛一朝稽顙表忱悃驂駟作貢稱珍奇雄姿作態世罕有奔騰千里猶嫌遲驕嘶自許邀寵眷不但跋涉經險巖牽來獨立玉階下遂令凡馬皆驚疑周王詎必追八駿漢帝安用遣貳師那知至尊方偃武端拱南面垂裳衣詔謂園人歸

廐下予以銜勒聊轡羈鸞旂在前屬車後朕乘此馬將
安之 聖朝豈復畜奇獸留茲用慰遐方思

秋日雜感

把酒高歌行路難每從日下望長安霜侵黃菊人俱瘦
路下紅蘭夢亦寒海內友朋慙命駕異鄉兄弟勸加餐
不堪白眼傷時客猶是逢人效鼠肝

北風千里痛離腸一去長沙自古傷幸有文章能報主
何妨魑魅喜投荒驚心白壁三年淚回首黃金五月霜
聞道吳江佳句在上書今已赦鄒陽

金陵有感

狂來不減步兵愁行盡清溪古渡頭極目群山還繞郭
感時雙鬢怯登樓桓伊邀笛人誰在謝傅圍棋墅尚留
俯仰只言天塹險白鷗紅蓼滿汀洲

沈永信字五玉蓬萊令自南第五子

樸村云恒齋諸子皆工近體惟五玉獨以
五古擅長氣清詞達妙在絕不摹倣前人

三高祠懷古

勾踐棲會稽左右種與蠡安危異時勢達士審生死扁
舟泛五湖自號鷗夷子散資廣結交家宅亦屢徙遠君
以全榮棄爵乃辭恥至今芳洲上清風動蘭芷
晉室日陵削中原方戰爭骨肉相猜疑鴻雁哀群生賢

人識微機拂衣全令名秋風釣鱸魚秋江還採蓴人生
貴適意何必撻簪纓浩歌一室中千載知其情
天隨厭塵垢雅志在林泉胸中富百家養生僅湖田興
至掉孤艇長嘯開雲煙雨潦嘗苦饑微辟恒高眠抱才
竟不試令名今猶傳

王大壯字兼修

亂後過澄江

高原百尺引浮槎兩岸紆餘夾亂沙臨水千家還種竹
故園一路已無花門開江許迎征棹樓對君山接暮霞
堪歎戰爭人散後夜深猶自發悲笳

吳南齡字山年一字梅洲諸生翻子康熙戊午癸酉

副榜貢生官靈璧教諭有梅洲詩草

樓村云梅洲承諸父兄後又得婦翁朱竹垞太史指授
其學皆有原本非時流泛濫者可比不獨詩一體然也

秋日過泖湖懷古

練塘南去連三泖古寺丹楓夕照中一塔自橫秋水碧
片帆遙帶落霞紅風生黃浦潮連海月冷機山鶴喚空
古跡不堪重眺望扁舟况是客途窮

國朝松陵詩徵


卷五

五

吳興

國朝松陵詩徵卷五





國家圖書館, NATIONAL CENTRAL LIBRARY, TAIWAN, R.O.C.



國朝松陵詩徵卷六

後學袁景輅質中編次

陳毓乾行之

後學

顧汝龍配京

同輯

潘耒字次耕一字稼堂晚號止止居士明叅政志
伊曾孫康熙己未博學鴻詞官翰林院檢討有遂

初堂集

陳澤州云次耕幼聰警絕人嘗與人賭記取歷試之過日背誦不遺一字從顧亭林及何氏學學既大成工為文章而於史事為尤長其與修明史也謂搜羅博而考証當精職任分而義例當一兼直而持論當平歲月寬而卷帙當簡于方預史事是其言洪武及宣惠五朝具有成編多次耕編纂之力也周右序云先生於音學少有神會長遊四方益通其變著類音八卷先之以論繼之以圖又繼以切音而終之以韻譜使無字之音皆可以切得而音之有字者皆以類著破從前拘牽之見而部分一出於天然洵為音學從來未有之書沈歸愚先生云稼



00748

堂篤於師門少師徐侯齋顧亭林兩先生侯齋沒周師及其孫孫榜得所刻亭林日知錄及詩文集又以及未及刻肇城志為憾蓋此書關係天下利病卷帙繁富非大有力者不能刻也此說尤近古人。詩筆直達所見浩氣空行韻語可作古文讀而登臨懷古諸作尤為光燄騰上一時名流幾罕與儔者。沈冠雲云官翰林者皆進士出身先生與秀水朱竹垞無錫嚴繩孫皆自布衣與選館閣文必出三人手同儕皆忌之而先生又精敏敢言無少避避忌者於先生為尤甚因之落職歸里後澤州陳相國欲薦起之先生曰止吾分也賦老馬行以謝所為詩若文多扶樹風節禪於治道卓然有立非世之徒事文詞者所得而及也

樸村云太史以絕人之姿好古不倦年未三十於書無所不窺又得當代名儒如顧亭林傅青主為之指授辨論嘗徧遊名山巨川通都大邑博考古今利弊民生休戚八荒四極瞭如指掌宜其發為詩文有體有用足以扶名教正風雅也鴻博一科得人最盛而其尤卓然成家者惟馮潛菴李子德汪允峰施愚山陳迦陵朱竹垞諸公以視太史皆同齊楚無有屬倒之者豈特吾邑詞壇所向無敵哉。太史詩以氣勝而七古又氣之盛者汴河行烈士行諸作如不馬行空縱橫如意神龍掉尾變化無端而其骨之堅凝處又如黃山三十六峰矗立雲海中雲雖變幻山終挺然不動也予嘗論本朝七古宗李杜韓蘇者首推漁洋太史足以配之宗唐初者首推梅村漢槎足以配之後有論定應不以予言為阿好也太史五古比

唐人則發露大盡視宋人則氣局又大七律思雄筆健聲響格正宗法在大屋十子間五律與絕句非作者經營慘淡處雖有佳句所收從略

碧雲寺

自註寺旁有觀忠賢墓甚宏壯

香臺俯洪濛群山四環衛龍宮豁然開樓閣湧空際丹霞夾飛甍珠樹蔭密砌崢嶸神鬼工照耀金銀氣壯觀何能爾創此自中貴坡陀山頭塚規模更宏麗黃腸隧道封玉魚便房閉丹青儼祠宇特敕蒙葬祭豐碑刻鴻文歷歷元宰製行人不能讀識者發歎憤中官古來有掃除職微細念其犬馬勤帷蓋斯可瘞奈何濫恩私王童褻奴隸官號借台司封土同帶礪所以蓄神奸毒饒流海溼然臍未快心誰令此埋齒蒼涼金粟堆寢殿非

國朝和陽詩律 卷六
昔制茲何尚巍然石門鎖松桂誰能手斧柯千春掃氛
翳

卦山

卦山交山陽孤峰獨崔嵬下眺一氣中稜稜露巖岬森
如六爻列錯若萬卦排我來正雪霽寒空無纖埃群峰
皎練明萬栢攢疑苔遠見介山巔干霄白皚皚近矚交
城城微茫辨樓臺文峪下西溪汾川自東來連山走黃
河屏宸却抱回誰言萬家縣形勢亦壯哉守險在良牧
濟世須雄才利鐵固窮巖健馬嘶風哀劉淵亦何人
匣為之開蒼天不可問浩歌舒遠懷

贈鄧孝威

中古富藝文淵海浩無際昭明曠代才刪纂功不細一
斧削群材屹然樹凡例居繁有倫眷在美能割置獨成
一家規妙取寸心契爾後八代遙纂言亦相次精嚴縱
遜古出入並如志輓近文彌衰選事亦滋弊高官枉凌
壓盛名見牽綴汗青湏有資嫌怨亦頗避事類入市賈
情同出疆贄雅道遂榛蕪識者一歎愾鄧君文章老才
力本雄邃激昂討風騷薈萃存篋笥鐘鐸賞竒音淄澠
別真味清明大冢宰刻覈老獄吏獨柄無旁撓擺落名
與位高眠文選樓樂飢以卒歲抗手對蕭君雅道庶無

媿嗚呼三十年詞客如羹沸賴君刈蕭蒿杜蘭吐香氣
候蟲各鳴時變風聖不廢輶軒或采陳燭龍照荒裔

石公

石脚插波心東西水衝擊今辰正西風浪花大如席萬
頃奔騰來觸此崖腹窄拘怒不得騁咆哮相闢格飛珠
濺青林迸雪灑丹壁砰訇走雷聲於焉壯心魄行行山
之東無風湖一碧但見如齒石蓄水痕歷歷巖齧豁千
尋遊波時盪激鏜塔復噌吰坐聽忘日夕即境欣屢移
緣情訝驟易足明百年內萬事皆鴻跡題詩誌歲時庶
用獎來屐

天門山

瀟江挾萬流直下飛電速天意欲少留故遣雙峰束削
成肖天門湧出橫地軸猙如虎牙張矯若龍鱗感我行
遠見之瑰竒駭心目維舟思暫遊迫此暮景促鼓勇一
蹇裳上上西山麓磴道屢盤迴梯空出巖腹崖危劣通
人壁窄不受屋攀登及層巔周覽罔巒複驚濤上濺衣
崩雲下承足恍如控奔鯨戲就滄溟浴海內多佳山寧
能遍遊矚到眼不可孤日入當秉燭

十八灘

連山三百里夾岸巒相對一江穿其中萬壑飛泉會落

國朝本朝詩卷之六
天勢崩騰迫此亂石礙班班
碁縱橫落落星破碎連蜷
龍昂頭崩劣鯨露背群遊雁
成行錯立鳧失隊或如八
陣羅或若三門隘或銳如戈
鋌或頑如碓磴覆釜在盤
渦沈牛處潛昧淺深無定蹤
小大各異態為灘百十重
著名十八最舟行路縈紆一
線穿齟齬長年莫自必稍
縱輒敗壞造物宜坦夷胡存
此硯礪得非示艱虞無乃
存鑑戒茫茫人寰中對面阻
關塞有形未為險無迹斯
可駭所願心地平廓然忘情
界浩蕩乘虛舟逍遙八荒
外

韶州至清遠道中雜詩

瀕陽峽百里兩崖狀如門
江流日漱齒崩剝露危根
空
中頤雷削骨立龍虎蹲
孤舟出其下凜然悽心魂
石戴
萬篙眼壁縈千絳痕
溯流行良難下峽如星奔
灘急波
易駛林深景常昏
奇峰遞迎送百千互卑尊
或肖天榜
挂或疑鐵騎屯
心賞不暇接目眩難具論
古來投荒人
鬱結聲長吞壯觀
有如此何必非君恩

朝漢臺

秦火燒阿房劉項方龍戰
五嶺隔中州英雄乃乘便
一
令起龍川虎嘯臨海甸
北絕湟水關西阮壺頭
巘居然
王一方地利珠犀擅九宇
沸如湯茲邦獨清宴保障功

亦高霸業未可賤奈何椎髻態習與文身變竊帝以自
娛微哉井蛙見幸有陸大夫英風騁逸辨翻然去驕蹇
臣漢甘北面能雄復能雌丈夫不恒健不見迷與鷺破
亡速如電王國傳孫曾作計豈不善代遠廟貌頽誰為
蘋蘩薦獨此荒臺存綠蕪寒一片北去羨秦雲南巢羞
越燕傳語後來人安危爭一間

釣臺

雲羅張百鳥不挂九霄鶴神龍倘就羈何殊蚓與蠖嚴
陵巢許偷意度何寥廓帝王一靴糠將相一螢燭故人
自天子吾目無京洛招來共被眠詡詡長伸脚客之尚
不可矧敢縻以爵還歸把修竿獨釣萬仞壑清風激頑
懦千秋儼猶昨荒祠罨蛛絲像古玉骨削君看此風標
雲臺那得著碧山聳亭亭清江流漠漠靜對兩無言爨
花自開落

天都峰

黃山百千峰茲何獨稱長大巧不炫竒尊嚴故無兩中
天開帝廷萬靈此朝饗肅穆垂冕旒森嚴排甲仗梯空
一萬重拔地九千丈煙雲升及腰日月行在掌群山自
言尊對之失氣象譬如見真人群雄自頭搶蒼蒼百里
外孤標已瞻仰即之如可親攀之莫能上石闕望峩峩

天橋矚朗朗載肉無由升徒然結遐想

贈漢陽守戴汝兆

夙披前代史快讀名臣疏軒昂論治體慷慨談時務字
字藥石攻言言肝膽露此風今則微委蛇歎言路敢頌
不敢規欲吐而復茹近因日食甚求言煩 聖諭闕失
無大小極論勿瞻顧章奏竟寥寥毛舉惟細故切要無
一言深恐孤 當守戴君守遠郡言責非所預報國懷
樸忠籌時有長慮奏草出萬言條分而縷布首言重邊
防次言廣積貯禁軍當優卹根本宜培護察逃法應寬
征商力期裕停止官入貲優容吏星誤養廉必厚祿勸
農湏減賦銓政歸畫一律令慎比附求才貴真實課治
略文具鑿鑿廿餘條直言無瞻顧補袞真有裨批鱗諒
無忤郡章上艱難轉奏竟無助未得達 宸聰何由施
舉錯世人盡身謀巢鳩與窟兔君何獨鴻軒卓犖思建
樹籌國有深衷及此一傾注越職非所嫌乖時非所懼
潁川擢次公淮陽卧長孺但令直節彰寵辱隨所遇

遊齊雲山

去春登黃山意乃無白岳如聆鈞天奏不願觀他樂茲
晨經山椒了了見巖壑寧當舍之去翻然理芒屨稍前
歷陂陀漸次見峯峒穹然天門開混沌竅一鑿諸奇畢

軒露石屏玉骨琢嶄巖龍垂胡巖巖犀挺角陰洞雪凝
乳陽岡珠濺瀑前臨千峰朝下瞰一溪絡山小而雄奇
靈氣所磅礴璇宮開中央金碧光照灼道院環其旁蜂
房互叅錯北帝本天神尊嚴位幽朔道家謬攀援謂是
列仙作妄號為祖師矯誣非虔恪佞臣媚驕主醮祭求
冥漠依仿太和山此宮復經度嘉靖中尚書汪鏞為世宗祈嗣始建此觀到今蚩蚩
民重繭走犖确千里齎金錢濫充黃冠索吾思正神名
巫史驅俗惡精擇許葛流焚香領笙鶴神靈既歆安山
川亦清廓裁詩比振鈴來者庶能覺

白鶴峰東坡故居

境遇無美惡美惡從心生苟能齊得喪大地皆蓬瀛嶺
南雖炎熱山水秀且清居人多壽考藥物羅千名奈何
唐宋人視若穿與阮謫宦如就死涕淚晨昏零至者亦
多病往往歸銘旌良由乍失路坎壈懷不平百憂復千
慮坐使疾疹縈達哉東坡翁視身如浮萍聽其所棲泊
不與風水爭死生非所動寵辱安足驚時來居玉堂時
去安柴荆得意食五鼎失意甘藜藿嶺海等中州逍遙
一身輕鶴峰茅可結豐湖蓴可烹白水浴湯泉羅浮餐
青精豈惟不愁苦樂事翻合并忌者意不慊更遣儋州
行居儋亦如惠詩筆彌縱橫造物無奈何放之使歸耕

國朝志隱詩傳 卷六
賈生遷長沙憂傷促天齡退之稱崛強乞命於湘靈千古一坡翁處困如處亨翁本謫墮人豈惟文中英學道早有得廓落心地明出語如冰雪霍然洗煩醒我願從之遊駕虹戲八溟遺蹤此髣髴白鶴來天聲

自龍川過嶺

惠潮兩雄郡提封各千里中間限連山隔絕東西水山惟五嶺支南行脊隆起我昔遊霍山曾登趙佗壘今作潮陽遊驅車遂東指修坂憂雲青層峰映天紫離離黍苗秀活活泉流駛山市釀山泉色味俱清美白蕘盛若空客愁為一洗昌黎昔南遷驛路實過此名賢廟祀宜傳會自誰始地名冒藍關肖像雜湘子公貶在春正到潮春盡矣初出藍田關題詩紀行李嶺南固無雪三月尤非理集有示湘詩乃在洞庭渚相逢寧此地傳說俱誕詭區區不足爭堅執笑氓俚謂余如不信更請徵圖史

閉礦行

潮郡綿萬山客程傍山行路逢採樵者略訊諸山名指點最深處云中有銀坑盜採昔無禁羸糧走疲氓尋苗斲巖腹排砂出精英鎔冶爛成餅朱提遜光晶貧兒可暴富利源啟紛爭攘奪或相殺盜賊滋縱橫小利乃大

害官長豈不明處脂有餘潤欲禁焉得成賢哉今太守

謂張

清蕙莫與京始至啖以利峻拒如堅城決策遣封閉

塞爭銷茲萌居民始安堵桴鼓寂不鳴我聞重太息斯
人信邦楨遠宦在天末雅搯能冰清或言山澤藏天地
之竒羸方今急治財百計謀金生何不條便宜官採輸
額征嗚呼此厲階毒蠱不可嬰地產有時盡國課恒取
盈前朝曠稅禍糜爛如沸羹丁男化亡命去弄潢池兵
富國在本計錐刀非所營端人恥言利宏羊竟當烹此
語合洗耳勿令賢守驚

峯市至黃泥瀧經三折新豐大孤諸險灘作

閩谿多險灘入境即駭鷓地無一里平水流石在腹鳴
聲何嘈嘈沸浪紛跳颺舟行石罅間繚繞羊腸曲兩山
相轄時奔湍困拘束迸出如遊龍悍怒不可觸溯流欲
上之寸進而丈縮舟人多便巧出沒於漩湫篙纜隨所
施操縱妙輕速騰身捷猿猴作氣勇賁育一灘復一灘
銜尾相追逐刺石如刺虎牽舟似牽犢不剛不柔間心
手相應熟紙船而鐵工諺語殊可錄乃知世間事不爭
智力足處之得其方龍擾獅可牧衰年涉危途垂堂戒
童僕靜觀出險理可以齊寵辱

河隄

良醫視病人察脉審其證悉病所從來治之藥乃應濁
河本北流清淮自南亘河徙忽奪淮淮弱而河盛一石
八斗泥壅礙入海徑倒灌淮上流湖淤可涉脛埂堰始
衝決淮南受其病塞決固治標要湏遂其性下流無路
行東逼必西逆瘡平毒未消堡閉盜猶橫旁觀方憂危
當局莫予聖

治河近稱善吾宗老司空

詩李

河徙時未久淮流尚爭雄

海口雖停沙可以水力衝淮主河乃客主壯客不攻用
清以刷濁當年策誠工淮今僅一綫河漲猶難容淤沙
積成土不濬焉得通古方治今病和緩技亦窮疏濬費
雖多尺寸皆有功隄成倘蟻漏金錢擲波中

西郊兩高士詩

西郊兩高士並舍突不煙各秉肥遯跡蟬脫淤泥間惟
昔鼎革初儒冠多棄捐搜牢及鬻序網羅遍英賢迫遣
挂名籍不者謫戍邊志士亦悚息身命絕可憐偉哉鄒
先生矢口吐高言雷霆震昏黑一破蚊蠅喧趙君故慷
慨承響如轉圜欣然共攜手滅跡於林泉終身誦彼美
使我大節全悲哉此岐路舉足萬里懸驚波湏勁柁急
箭取正絃所爭捷毫毛得喪重邱山冥冥雙紫鴻碧落
相盤旋獨醒既不易載義亦良難作歌播清風永以激

儒頑

送鈕玉樵之官高明

掩關衡茅中除日久不視東鄰聞拜官西舍報除吏問
其來何從入貲非一例軒軒市井兒捐富而得貴謁客
咸與廝薰灼名得意玉樵大雅材小艇僮自刺促膝猶
素心劇談無俗事但索端紫觀摩挲久不置嶺表多奇
珍犀象與珠翠君何獨賞此嗜好與俗異無怪諸親朋
笑君不解仕三仕猶空囊不為兒孫地知君松筠心老
大益堅厲不貪素所寶肯以厭貧棄不見前令君巧賈
十倍利宦成身不歸家肥亦奚濟吾不善祝君多金而
高位但願保令名玉雪無點翳寧為濯纓清莫學舖糟
醉養心勝藥餌寡欲祛瘴癘稍辦三徑資好作菟裘計
滿載輿頌歸清白可傳世掃榻仍候君烹葵有真味

韓蘄王墓碑歌

靈巖山前塚纍纍荒煙野蔓不足悲巨石峻嶒憂松際
旁人云是韓王碑韓王蛻去五百載當年英名至今在
彎弓夜月射奔鯨拔劍寒沙清瀚海一朝雄姿為枯骨
麒麟高塚營山窟黃腸便房天府出守塚萬家拜百笏
歲久但見蒿與藜豺狼入穴狐兔啼惟留一片石千古
靈巖西靈巖峰高入雲霓韓王勲名與之齊惟王勲名

震千古手莫坤維揭天柱麾日之戈射潮弩半壁江山
留宋土可憐後此竟何人忍使銅仙淚如雨梅花落盡
梨花開遊人絡繹靈巖來但上琴臺尋響屨何人山麓
披蒿萊碑高三丈字如掌帝製鴻文盛褒獎縱使碑刊
墓盡平蓋世功名在天壤君不見錢塘飲馬江不流鳳
山宮闕為荒邱張王秦相墓何在六陵蕭颯冬青愁

汴河行為方中丞歐餘作

汴河之上河如弓汴河之下河如龍弓行千里正一曲
龍性變化無常蹤神禹鑿九河放著渤海中千五百年
尚一決大伾不北而徑東遂令梁泗間至今朝陸菴壑

無終窮殺端捧土諒非策排沙漉海難施功河渠之書
一寸紙蝸蟻萬喙聽者聳提綱挈目視要領客邸幸見
中丞公中丞勲績高當代保障之功汴河最汴城萬里
初為魚河北金隄又橫潰公也捧節來治河赤手與塞
滔天波指揮人徒三十萬北河柳盡南河柯大埽如山
小如堞一浪不敵衝風過晨餐掬泥土夕枕眠盤渦以
身為石髮為草乃感帝力鞭鼃鼃荆隆口閉神馬塞汴
河南北重蠶麻豈知功高定遭忌謳吟翻促彈章至旋
聞東郡罷王尊那得通侯賞延世自爾長挹還東山角
巾嘯傲江湖間奕秋斂手向碁局坐看黑白紛斑爛昨

聞清口決又報漕河乾高堰塞復漏歸仁築未完胸中
熱血不可嘔相逢當路只緘口丁寧翻向芒屨客畫笏

川原盡紆直淮泗之間皆土山眼前此意無人識

自註方云一石

水而八斗泥河日南徙南中地亦日高淮徐開偏地皆水定偏地皆山也養癰裹創愁內蝕不病河南病

河北負薪沉璧徒區區疏不成疏塞非塞吁嗟天意難
可知勸君且盡金屈危淮黃清濁亂已久南土豈合偏
瘡瘻復禹舊蹟理亦得災黎百萬將安之吁嗟天意難
可知且為公歌汴河詩洗眼坐待河清時

贈杜于皇

男兒無家復無國六合飄然一孤客客行落落雲出岑

其去無跡來無心山水佳處便淹泊偶然相遇不可尋
黃岡豪士世無偶胸吞雲夢者八九神鷹鏃翮不能飛
丹霄碧海將安歸三十年来泛江舸大塊無塵能著我
商山須眉大澤裘遊戲人間無不可往年訪友揚州城
州人喧呼看歲星如雲冠蓋趨門庭先生酣眠醉不醒
醒來洗眼焦山青金焦如螺意不快一葉翩然下江瀨
青邱方壺不可期白龍赤鯉遙相待我亦汗漫之遐方
束髮結交多老蒼惟翁差池未識面江雲關樹空相望
錫山葉脫蠡湖朗散步禪房見筇杖怪來避地已經年
笑我勞勞逐塵鞅昆明劫火方洞然老鰲拚山波接天

土偶桃人莫相笑久客會有還山年先生無事但宴眠
大瓢滿酌清泠泉君不見君家杜陵喪家者茅屋秋風
淚盈把揮淚高歌洗兵馬

烈士行贈趙義菴

義菴汴宋翁孫也為人特悍物故京口額侍御
奇重之侍御以事見法義菴獨身入都經其

脫兩孤於厄有古烈士風余與侍御弟交舊因識義菴今秋重
之金關應其老大進塞而高仰罕有聞於世遂為歌以敘之

寶刀削葵馬守戶當今烈士賤如土舉頭不識趙王孫
空向陳編弔嬰杵王孫二十逢亂離才高膽破無人知
江東顧榮目如電一豹賤却千羊皮玳簪珠履正雜沓
王孫落落無他奇邛崃坂上高車覆御史門前烏夜哭
三千上客散如星義故兒郎抱頭伏可憐端正騎羊子

鞭笞蹴躑奚官裏白楸三寸無人收骨肉蒼黃窺荆杞
王孫此時氣拂雲赤手直入磨牙群陳容甘共藏洪死
習脂不畏曹瞞嗔精誠貫日智略韜抱還孤兒如有神
潛藏撫護麟種存丁寧莫遣家人聞沉吟此事甘寒暑
中郎墳上蒿如柱王孫落魄尚關河失路驛驢老無主
昔年遇君清淮流今春遇君燕市頭苦言奔馳不稱意
一官束體如贅旒蘇臺何意仍相值短鬢尊前淚雙滴
瓠瓜在地根在天黃楊一閏一回厄吁嗟萬事如驚波
翻雲覆雨何其多褚淵封侯袁粲死如君豈得辭轅軻
蕭蕭涼雨胥江暮題詩別有傷神處江頭不見酒家傭

瀚海羝羊何日乳

曾青藜見過留飲作歌

梅花千村復萬落曾君浮家此中著
竭來相見春明門白髮蕭蕭瘦於鶴
長安交態非往年秋雲不似人情薄
八騶公卿不下士屠沽小兒勢薰灼
模稜骨鯁兩難為仕宦何如布衣樂
莫怪非才與時迕骨節不媚動乖錯
丈夫寧當骯髒老不合低頭受束縛
槐根夢覺只須臾洗眼坐觀殊不惡
朝來雪花吹滿天恰值賣文餘酒錢
故人相見且樂飲世事過眼紛雲煙
君不見尚書坐中老賓客幾人強健
猶扶策又不見易堂當年英雋人大
半磨滅為灰塵勸君勿悲亦勿喜人生
百年而已矣功名事業皆糠粃不如高
卧梅花裏濯纓萬頃滄浪水

賣文行贈林鹿菴

古來賣文得高價前有相如後北海
餘子瑣瑣不足言猶聞數字酌繒綵
當今重爵不重文鴻裁巨手何紛紜
捉刀英雄飢欲死公卿侈口談皇墳
武林林生有奇氣一生傲岸骨不媚
有刺不投貴人門有足不踏京城地
家無馬融帳室有黔婁被沉酣一尊
酒磊落千萬字文成諸體無不有斷
輪削蔗誇好手一篇還值三四緡爛
漫得錢便沽酒酒甕空時文易乞不
問名銜署誰某挂

壁時時風雨驚絨囊往往蛟龍吼林生林生勿騷屑我
亦年來賣文活長安斗酒價千錢餅金不救衆賓渴蛾
眉苦少臙脂多文兮文兮奈若何

華峰頂

崑崙之脉從天來散作嶽鎮千瓊瑰帝怒東南勢傾削
特聳一柱名天台天台環周五百里金翅擘翼龍分胎
峯巒一一插霄漢澗瀑處處奔虹雷華頂最高透天頂
萬八千丈青崔嵬乘雲御風或可上我忽到之亦神哉
遊氛豁盡日當午洞視八表無纖埃南溟東海白一杯
括蒼雁宕青數堆千峯簇簇蓮花開中峯端嚴一蓮臺
華藏世界宛如此醯雞不識良可哀渺茫誇閬苑荒忽
求蓬萊何如天台靈異在人境劫火不到無三灾神泉
自流琪樹不栽彌山藥草滿谷丹材應真隱混樵牧
飛仙遊戲同嬰孩羲之之靈膏太白非仙才已往神山
却歸去空餘石屋寒蒼苔我已夢覺墻根槐安能更逐
魚龍歷徑須習定棲峰頂飽看滄桑三百回

登五老峯最高頂

我浮鄱河望五老萬仞秀出天中間雲氣蒙籠乍開合
恍疑蓬閣難躋攀豈意今朝策藤杖逍遙徧踏五峯上
寒空嘯裂碧玻璃大地山河收寸掌南康軍城一葉浮

揚瀾左蠡橫天流白沙赤岬錯如綺煙林點點天南州
天公妬我盡遠景故遣飛雲奪峰頂如輪如席掠面來
萬象斯湏不留影乘雲我欲之帝廷稍為匡君鳴不平
茲山何者讓衡霍不嶽不鎮誰使令一笑顛仙扶我住
世上空名了無據餐霞吸露快即休多口無遭帝閤怒

黃鶴樓

武昌三面臨江水橫山如屏亘城裏西風蜿蜒欲入江
壓以高樓半天起三層迥與三霄鄰八面平當八風啟
遙看縹緲浮蜃樓近睇崢嶸登霞綺仙人遠自清都來
下視塵土驚崔嵬江山清曠殊可樂停鷺駐鶴相徘徊
草沒高堂觀水浸章華臺六朝興廢漚起滅人民城郭
都可哀世人擾擾風中絮真仙對面何由遇但聞笛聲
嘹亮松聲寒月白江空杳無處刻像標名兩渺茫食衆
得仙何荒唐但湏淨掃胸中塵百斛濯纓萬里臨滄浪
庾亮不堪弔禰衡何足傷白雲飛來勸一觴拍肩共入
無何鄉

饒江行

百川皆居海西頭赴海一一趨東流苦哉饒江限榔嶺
屈曲繚繞經饒州西行千里匯彭蠡又數百里川江收
穿吳貫楚方入海千回百折阻且修不見嶺東文溪水

注新安江一葉浮信宿之間到杭越徑赴大海何優游
人生順逆有類此客子感歎行不休語客勿歎水潤下
善利萬物能仁柔灌溉津梁功德博其行愈遠澤愈周
歸湖注江湖不可涵浸東南百十州畢竟滄溟作歸宿
豈必迅疾爭先籌作詩江神定首肯便風獵獵蒲帆秋
割肝行為莆中車孝子作

世間至孝稱刲股車郎割肝心更苦一割已足通神明
再割彌令人天驚兒身母身同一體平時髮膚不敢毀
親危力竭無奈何一綫可延不惜死精誠感天天可迴
十五齡延糜一盃糜一盃能再進母不啻兒心盡紛紜
萬口爭誇矜兒心豈願求名稱亦或引古相繩詆兒迫
違知律與禮若使一念生較量寸誠何能動穹蒼貧能
養不離膝少壯至老如一日史家論人須核實縱不割
肝猶可述

盱眙遇暴風雨水漲停舟登眺

長風驅濤濤起立雨點如箭穿蓬入水沒街衢欲吞邑
丈夫蒼皇兒女泣舟人移船藏港急長繩重碇猶業岌
連朝風怒不得開扶筇遣悶登高臺四望茫茫白無際
長山欲盡橫山來盱眙傍山猶自可泗州無山愁殺我
殘民滿載渡河來空城無人浪掀簸客行見此歎不休

淮民何辜罹百憂普天無地容淮流下方不攻攻上遊
田廬漂沒未是愁官符昨下催徵收

度關曲

齊謳且莫唱越調且莫喧四坐且寂聽聽我歌度關關
門戔戔半天起左扼狼山右遼水西連秦王所築之長
城崩亭破障一萬里春風自古吹不到天荒地老白日
死江南遷客辭燕京客心夜夜邊風驚一時徒侶皆涕
零本家江左衣冠族金鞍寶馬人如玉朝遊北里暮南
鄰何當遠戍遼河曲遼陽三十六屯衛處處天清聞鬼
哭鳥飛一去無還期况乃身無羽翼見拘束只今猶是

中土人明宵知復何處宿雞鳴笳鼓喧吏人催度關度
關猶自可却望愁殺我故鄉何遙遙萬里凝愁雲揮手
謝送者相看淚盈巾猶聞附書歸各自貽六親那知親
戚復蕩盡可憐寄書與何人邊人向夕吹哀笳哀笳三
聲雪作花雪花莫沒關前路夢魂從此時還家

荔支盆

荔支盆來三山枝頭壅土生根難一枝截得千株殘荔
支盆上建浦衝波峻灘挽舟苦短篷愁日復愁雨荔支
盆過仙霞千夫肩荷百吏遮汗流骨出愁鞭撻從此浮
江湖河去嚴程晝夜不停住焦枯顛頓十存五寥落程

紅綴孤樹蓬萊宮中掩露嘗冰丸入口流瓊漿寧知一
九數金值百旬勞擾千村忙大臣事君自有禮忠孝不
在養口體爭新作俑彼何人絡繹騷煩無窮已不貴異
物惟吾 皇勤求民隱恒如傷誰能上書罷貢獻令人
千載思唐堯

金山

萬古標形勝中江一柱尊水分天作塹地坼海為門鐘
磬來波面蛟龍聚塔根蘄王血戰處墜馬有驚魂

峽江

峽江山對鎖不覺有江來船向羊腸出城臨虎穴開燒
畚穿嶺急水碓撥雲回客鬢先秋白何煩一葉催

東山寺

不見南朝塔山椒古寺存斷崖敬置屋修竹暗藏門石
勢排江轉溪聲挾雨奔浴風臨眺闊點點辨煙村

贈錢飲光

蹠血生還萬里天土林樹屋尚依然箋餘易象研朱細
踏徧雲山著屐便久矣泥塗書亥字淒其衰白感丁年
誰憐靈武麻鞋叟老向空山拜杜鵑

二姜先生祠

自註給諫
採行人埃

軾轍齊名世早知百年忠義繫人思忠傳折檻排奸日

義想銜刀伏闕時
兩地青燐埋宿草
一山紅樹妥新祠
吳門野老多相識
雪涕爭看幼婦碑

經姜給諫墓作

青峰一曲抱愁雲
中有先朝諫議墳
往日兒童識鄒浩
到今野老哭劉蕢
山頭樹屋稱殘卒
地下戎衣見故君
埋骨便為乾淨土
豐碑華表漫紛紛

余忠宣祠

艱危百戰守孤城
赤手難扶白日傾
力盡妻兒同抗節
義高裨校不偷生
興朝袞禮還祠廟
異代遊魂尚旆旌
慚殺白頭危學士
謫官偏向塚邊行

贛州

虎頭城下水周遭
獵獵秋風動節旄
扼吭地當五嶺隘
建瓴江落百灘高
關嚴使客猶停旆
俗健居民亦佩刀
定變文成真得地
順流一夜縛宸濠

閱江樓

端州地扼東西粵
形勢居然壯百蠻
一峽東江寬似海
三山帶郭拱如環
天清霸氣消龍虎
月冷燐光出草菅
獨上高臺重搔首
百年成敗一枰間

羊城雜詠

厓山尚住宋遺民
文陸當年事苦辛
窮海不春猶正朔

孤航無主自君臣，忠魂鬱作潮頭怒。浩氣蒸成蜃闕新，異代流風多感激。草間時有納肝人。

浴日亭

孤亭臨望盡重溟，天水相摩不斷青。日躍半洋皆紫電，潮來大地一浮萍。鵬遊世界原空闊，蜃吐樓臺自杳冥。何必褰裳慕蓬島，當知此地即殊庭。

贈屈翁山

燕山晉塞早憑陵，老去邱園自枕肱。奉母安期蒲九節，著書宏景閣三層。琴心久歇辭謠詠，龍性初馴避弋矰。終竟才人須學道，才華減處道緣增。

白雪樓

百尺高眠四海空，滄溟文牘夙稱雄。生憑婁水填笊應，死耐虞山玉石攻。盛世才華容傲睨，達人官爵謝牢籠。清嚴標格依稀在，華鶴蒼寒落水中。

遊林慮山

自註慮山如開

林慮山勢鬱嵒崑，鄴郡漳河控帶遙。關隘曲穿三晉脇，峰巒雄壓太行腰。草深廢殿藩封改，月冷荒宮霸氣消。惟有烟嵐長似舊，如屏如堞亘青霄。

登嵩山絕頂

不辭觸熱上嵩巔，欲遣雙眸盡八埏。翠嶺千重包楚塞，

黃河一綫下秦川長安遠隔浮雲外鄉國微分匹練邊
清嘯一聲鸞鶴應隨風飄去落何天

石梁觀瀑布宿方廣寺

五百仙人果位尊驅來鬼斧鑿無痕山根裂到巖頭合
天上流從地底翻萬丈冰綃懸玉軸千群浴鐵走和門
斷菴何事留餘怒終古風雷白晝昏

吳聖玉歸自遼左志喜

夢想流人紫塞邊每依雁候祝南旋不圖真有珠還日
始信非無甓乳年人痛嵇康淮橫天天哀李燮予生全
鄉音無改容顏肖破涕應知慰九泉

數行墨牒隻身歸歎息家園事總非門巷凋殘餘燕壘
親朋零落半鶉衣難尋手澤書千卷且拜荒阡樹十圍
野老村童爭擁看烏頭能白世間稀

天柱峯僧餉黃獨

黃獨分來瓦銚邊香於紫芋大於拳笑他懶瓚渾閑事
誤却長源三十年

迴雁峰

江風落盡嶺頭梅我正南行雁北迴自是行人行更遠
不關鄉國少書來

廣武

益世英雄項與劉曹姦馬謖實堪羞阮生一掬西風淚
不為前朝楚漢流

徐 鉉字電發一字虹亭自號楓江漁父康熙己未
博學鴻詞官翰林院檢討有南州草堂集

黎魏曾云
虹亭著述

多至數十餘卷其在史館所撰俞戚劉馬諸大將傳尤為高峻華公不減
孟堅 錢礎日云南州草堂詩不一種為昌亭草者十一為皖江草者十
二三為新邑草者十四五余不取其詩之多而取作者與古之據其
論事之識也其皖江詩有曰四憶前朝多戰伐誰從花草弔孤忠為呼人
知遊皖江吳亦知有徐忠宣墓于是詩作而宜慰在馬呼之欲出矣 滿
稼堂云電發早涉工詩體尚華秀壯遊京闕周歷江淮海岱之間與豪雋
相切劇才力縱橫典明道健無秦作者泊乎結綬登朝為章鉉為得然大
雅蓋其境發矣而格日益進作日益多可謂盡心耳矣 沈歸愚先生云
如亭為學鴻詞官謫職賦賦沒謂與真定曰負才知徐君可使之不成名
耶於此見前輩之愛才而如亭見重於時較定有使之心折者也生平填
詞極工晚歲成本事詩述
地購表比於海陽紙費

樓村云康熙初滿博一科聚四海才俊之士所得僅五十人而吾邑滿徐
兩公並以草茅得列高第入翰林何其盛也虹亭太史工填詞所刻蕪莊
詞朝解負使仇元吉以余餽去并贈詩以志傾慕焉至京師公卿交口
而合肥顧尚書與定深相固尤以異才自之過而後徐少章李十潘述其
中又遊閩粵中州所至輿名說相唱和年益高著修葺蕪莊詩文集三十卷
兩函煨燬魚雅雅上之供奉朝廷遠之播揚外國立言是不朽矣○附
仇元吉贈詩中朝見得蕪莊詞讀雅雅思
海濱北宋風流何處是一聲鐘笛起相思

送方爾止還金陵

爾從雪水來片帆不肯住乘風夜過洞庭西蘆花瑟瑟
滿寒渚渚清沙白今送君朔風旅雁高入雲官司捉船
船戶避津吏前頭不敢行問君歸思一何切笑指征衣
已百結旅館朝來花正繁客愁今日柳堪折雙槳隨君
載君去莫忘江城別離處遙指金陵宮闕旁蔣山夜火

烏栖樹

落花篇

洛陽城外花如綺洛陽城內歌鐘起一夜東風吹滿枝
片片花飛逐江水江水春流暮轉深江干日暖生紫蘋
參差碧樹波光裏蕩漾紅潮愁殺人憶昔郊原全盛日
芳菲千里春如織香車翠幃掩紅妝寶勒金羈跨紫陌
陌上遊絲爭繞樹嬌鶯乳燕紛相度桃李蹊成白日斜
棠梨院鎖黃昏暮誰料繁華類轉蓬紛紛墜紫又飄紅
杜鵑血染臘脂裏蛺蝶魂迷芳草中歎息年光空自好
玉顏零落憑誰保花謝花開無盡期委地飄階不須掃
別有佳人歛翠眉翩翩衫袖淚雙垂明年依舊花爭發
開落庭前知為誰

中秋飲經淵秋湄官署因憶去年此夕客皖江今

又將之濟上慨然志別

昨歲江邊路冰輪寢玉盤可憐今夜月又向客中看人
影蒼茫共離愁去住難天涯歸興動鱸膾未應殘

九日南池旅懷和葯園

已是逢搖落那堪旅思長斜風吹短鬢細雨入重陽白
苧先秋老黃花候晚涼鄉心憑雁寄絲淚不成行

晚發京口

潮回決滸忽聞雞風飽江帆葉葉齊
瓜步曉鐘寒雨歇
楚天濃樹濕煙迷
已從擊楫悲荒壘
更想沉舟聽鼓聲
回首甕城山色遠
驚濤猶在海門西

古意

歡從京口來儂向秦淮住
一夜暮潮生分離不知處

十八灘

萬壑千峰送客舟
槎牙怪石水交流
猿猴莫更啼深樹
只聽灘聲已白頭

南宋宮詞

御教場中看點操
官娥隊隊雁翎刀
鄂王已戮蘄王死

羞著團花舊錦袍

御教場屬宋大內南渡後始演武於此

泥馬還來寢殿前
銅鋪月黑響金鈿
葫蘆宮井無人跡
劫化紅羊又幾年

元張翥宋宮詞有並知白馬與玉地又到紅羊劫初年的

悼內

魂歸碧落渺何依
玉鏡臺空事已非
莫道從今傷死別
廿年強半是生離

和友客中吹笛

橫吹玉笛暗飛花
散入春風滿萬家
忽憶故園歸未得
始知楊柳是天涯

國朝松陵詩徵卷六

國朝松陵詩徵卷七

後學袁景輅質中編次

後學費周仁開岐
趙宏基武曾
同輯

吳祖修字慎思一字柳塘澄邁令翺子縣學生有柳

塘詩集

周慎齋云先生之詩皆先生之人為之也先生家素貧將學作

卒不為勢利所動故其詩有耿介之風無炫鬻之習胸懷坦坦然遇小書
生能折節下之而一時挾重名以奔走天下者欲列之門下而不屑故其
詩虛和傲兀並用而不相妨至於酒酣耳熱之候諧謔間
發環曼忽形而所謂色不形怒不怒者固始終不少衰也

樸村云柳塘先生詩始承家學既歸竟峯汪氏以詩不妄作為主又熱於
古今成敗得失偶有所觸是是非非必直達其所見雖極瑣屑題其議論
皆有閑條氣骨高朗不屑為時下綺靡之習一時詩名幾徧江浙名宿如
何義門吳荆山張匠門及吾邑張石里陳翁庭輩皆以老友事之

國朝公鼓詩徵

卷七

發吟齋

國朝松陵詩徵卷六

國朝松陵詩徵卷七

後學袁景輅質中編次

後學費周仁開岐
趙宏基武曾
同輯

吳祖修字慎思一字柳塘澄邁令翺子縣學生有柳

塘詩集

周慎齋云先生之詩皆先生之人為之也先生家素貧將學作

卒不為勢利所動故其詩有耿介之風無炫鬻之習胸懷坦坦然遇小書
生能折節下之而一時挾重名以奔走天下者欲列之門下而不屑故其
詩虛和傲兀並用而不相妨至於酒酣耳熱之候諧謔間
發環曼忽形而所謂色不形怒不怒者固始終不少衰也

樸村云柳塘先生詩始承家學既歸竟峯汪氏以詩不妄作為主又熱於
古今成敗得失偶有所觸是是非非必直達其所見雖極瑣屑題其議論
皆有閑條氣骨高朗不屑為時下綺靡之習一時詩名幾遍江浙名宿如
何義門吳荆山張匠門及吾邑張石里陳翁庭輩皆以老友事之

國朝公鼓詩徵

卷七

夢明齋

近門謂先生沒後說詩者無所折中尊之者至矣○先生初為諸生即有名序序間後山左田公論雲米校士見先生詩文獨推重之由是名益起一時學者翕然歸附故其門獨多
知名士陳雪川周恒齋其最著者

古詩

兀坐一室中澄觀若止水群動既已息萬籟不到耳方寸涵靈臺光明疇與比此中無將迎安用傀與偏蒙莊曠達人亦未解斯旨如何逃虛空是然足音喜少陵薄文章謂非道所尊不讀破萬卷何由聞斯論經史足驅使今古堪胚渾寂若萬象滅燦如衆星繁根柢有至理刊落皆陳言以此為詩史孰能窮其源

賣癡歌

兒童解健夜忘寐共喜明朝是新歲南村北村千百家絕少癡歌來買賣須知二物不可無今何不足昔有餘人情日偷俗日薄石湖見之應挪揄腐儒不識世高下獨欲買之嫌沒價渾淪元氣寧須錢但與莫靳終其年

燈市行

爆竹連聲喧墜地薄俗元宵作燈戲初八參星並月高早知此夕燈成市自注諺云初八夜裏有參星月半夜裏有紅燈鰲山幾樹真精工置嶺標峯路不窮中撒亂星數百點一一蕩漾生春風連宵嘈雜人忘倦巷北還從巷南看狎客家家奏十番共賽今年正月半富翁百家無二三盡買斗酒顏微酣如

此晴明天色少更望明年燈節好

送沔陽州守朱我嘉遣戍晉陽

亦知終不免蹙蹙赴修門道有豺狼卧關多虎豹蹲豈能逃漢法何必弔湘魂諸子京華貴誰人與達冤

大典今如此才高禍未紓已登司馬籍竟落考功書去國名難潔還家夢亦虛何人送臨賀相對轉欷歔

簿責寧難辨官卑敢論情何當及寬法幾不免餘生臣罪應誅殛君恩自聖明莫將衰颯意寫作不平鳴

侍家君渡江時有風濤之恐

日斜問渡漢陽門雙槳中流浪欲翻人世孰能容李白風波何必怨章惇驚心欲灑窮途淚剪紙難招定後魂還是故鄉風景好鱸魚蓴菜足江村

書牧齋詩集後

紅豆山莊拂岫青客來猶見子雲亭當年黨論推尊宿近日騷壇尚典型不死擬將成漢史孤生忍獨守元經延登舊恨君休詫目斷台階兩兩星

書梅村詩集後

夢回龍尾醒猶殘重入春明興轉闌宣去可能如老鐵放歸未許着黃冠悲歌自覺高官誤讀史應知名士難今日九泉逢故友西臺涕淚幾時乾

自註先世父扶九送司成北上詩有若使啼鴉真帶

血西堂一曲
故人情之句

雜題

此日方知廉吏難
膠城聲價滿長安
臺班已解相推重
政拙催科合左官

讀司馬相如傳

綺靡文傳是子虛
曲終雅奏竟何如
後人嗤點凌雲賦
曾讀當時諫獵書

讀王褒傳

金馬祠神事已遙
子淵才擅漢宣朝
非無聖主賢臣頌
只教宮人記洞簫

再別陳起雷并寄趙書年

連城高價世爭傳
豪氣難除君亦然
若使為龍吾作尾
不容此外有時賢

鈕景琦字雲奏號玉海明漳浦令應斗子康熙辛酉

舉人

秀水籍

春日舟行同畢宿宮及家書城

春水半平沙扁舟曉望
賒鶯聲藏柳葉漁艇出
桃花草滿谿邊路門開
野老家仙源何處是雞
犬共桑麻

八月中旬早寒

西風一夕響颼颼寒色
淒其似晚秋小院苔乾
蟲語咽

空階葉落鳥聲愁晨興自結玉生襪夜坐還披季子裘
遙憶故鄉天尚暖撲螢羅扇未應休

朱

穆字漢直吳縣學生有燕臺集羅浮集楚遊草

凌漫恬云先生入朝借其子某謁朝賞不值刺上志書其
名朝賞答以詩曰亦有今部名姓在不然何處訪先生

樸村云漢直少負才藻馳騁文壇嘗與董太史如齊同選三蘇體要精古
文著成推服之海東師走粵東與二十年終無遇合有詩集三種今俱散
失脫書於過天橋共傳天於漢直何厄之
甚也子寅陽字采發居貧食苦能以孝聞

宿吳山寺

黯黯雲作雨俄頃已全收風月千巖暝松濤萬壑秋細
泉鳴亂石清楚出層樓漸覺名心淡常思五嶽遊

子陵釣臺

百尺高臺接翠微千山圍合到人稀即傳漢主多明詔
自識羊裘是故衣日落正看晴鳥浴秋來常見白雲飛
渚烟溪月時相伴今古悠悠一釣磯

錢士鉉字貢南號匏菴明肥城令用商五世孫康熙

壬戌進士官至武定知州

錢上沐云匏菴居官多惠政而律
已甚嚴臨里索無餘贖門字蕭然
布衣蔬食中年復制鰥居以終 陳行之云匏菴弟士鉉字山衡亦工
吟夏晚即事有句云巖崖小竇光通月池照流螢半漂星一時傳誦

贈友山夫

大隱棲城市逃名自得傳經劉子政占象管公明春
草簾前色白雲江上情欲知窮達理到處有逢迎

壬數其
驗如神

國明公凌詩後

卷七

五

凌公辭

吳 鏘字聞璋一字玉川明司寇洪五世孫縣學生
有復復堂集

樓村云玉川為人風流豪爽亦友如不及工詩名播遠近凡名流至吳江必登復復堂堂前紫藤花百餘年物也此根匝地綠陰滿架花時與諸同人飲酒賦詩其下配麗慈環性情詩品與玉川媲美江都宗元為作偕隱歌贈之

西湖送蕭端木

聚首無多日應憐離別難那堪千里隔况復一裘寒冀
北烽烟滿江南花柳殘金陵回首望又作故鄉看

霞舉堂讌集

無端作客又三秋日湖山汗漫遊不厭招尋君折簡
何妨卜夜我淹留新交濁世誰青眼往事梨園竟白頭

明月當空杯在手烏衣群從劇風流

姑蘇楊柳枝詞和汪鈍翁

丞相園亭憶昔年萬株垂柳古城邊祇今蕭瑟餘芳草
綠徧要離墓畔田

西湖七夕寄內小晚

偶到西陵汗漫遊春風花草又經秋神僊亦有經年別
獨坐湖樓看女牛

趙申初字元旭一字蕉圃明長沙令玉成第三子康

熙甲子舉人有蕉圃詩鈔

周笠川云蕉圃家於飲醉後喜賦詩頃刻千言不假矜飾

風阻燕子磯次韻

煙波浩渺撼城樓，翻喜停橈得快遊。
風合怒濤號古木，山圍高閣瞰中流。
三秋燕去烏衣巷，千載詩傳白鷺洲。
吳楚蒼茫天塹險，坐看落日暮颿收。

董如齋太史招飲賦謝

探鈎頻剪蠟花殘，簾幙深垂護晚寒。
南酒細斟鄉語熟，幾忘今夕是長安。

江右歸途

世事從今未敢論，天涯何處故人恩。
歸來正值桃花水，春漲多情直到門。

金清琬字亮井孝廉石麟第四子

周勸山云亮井小詩詩餘如鐵雲之坡太虛設色都

在空際其辭春風一閱不減陽關三疊昔人稱鄭鶴鶴此足以相抗矣 顏配宗云亮井詩議論皆即近魏晉人吐屬 撰村云孝廉詩以才華勝亮井詩以議論勝不必亦步亦趨始稱亮家子也亮井仲尼次韓名琦子近體書感云第原非流俗定文章豈為不平鳴可以知其概矣

擬左記室詠史

鳳鳥若啄粟無乃羞琅玕君子若由徑古來無單寒虛
譽恥過情炙手慎彈冠處困宜益勵矯然絕攀援嗤彼
獻玉者自衒良厚顏

儒生患不學不患無知己仲宣有奇才中郎乃倒屣穆
生道義高楚王特置醴空谷生幽蘭江皋產蘅芷本不
為人芳採者以為美

吳祖彬字謙六明副使瑞徵曾孫康熙甲子舉人

之云謙六弱冠舉鄉書十上公車不第而中人之產盡矣其歿也先大父黃門公哭以詩曰無多負郭頻書券強半消磨為塞驢蓋紀寔也

風雪舟行

舟小危于葉愁懷簸蕩中怒濤掀弱櫓急霰響踈蓬暗
識天心阻從知世路窮近行猶此困敢用慕長風

次韵答友人對雨見懷

君家胥口上日夕水聲潺傍舍惟叢竹當門只亂山高
情生物外遊躅出人間底事悲今雨尋詩想獨還

周篆字籀書號草亭明簡州守秉緒孫布衣澧子

有草亭詩集

王阮亭云草亭以經天緯地之學寓諸吟咏可謂博識
通達懷才自淑之隱君子也其詩取法唐人而以沈鬱

頓挫出之沈歸愚先生云草亭高風亮節應入獨行傳中其修陳壽三
國志為蜀漢書以昭烈為正統附以吳魏光生平不朽業也陳行之云

讀草亭集竊其抱負故非詞人而詩亦卓然成家所著有杜詩集說二十
卷知其得力於少陵深矣草亭長子廣字采叔有龍圖集次子南字今圖

邑諸生先後注草亭
詩今圖尤詳按焉

樓村云草亭先世居青浦等南邊字為功號天頑由江上遷於荻復寓居
南滄側儻有大略所交皆仲連季布之流至草亭徒邑之嚴蓋市遂占籍

馬少穎微好學工詩古文弱冠後問道於崑山顧寧人先生先生以務本
導之遂博究經史已而徧遊四方參文武幕府於河渠兵農錢穀之事益

加諳練悉以所得發為文章
皆有關於治體不獨詩也

飛蓬

飛蓬本有根何苦如遊子雖無天畔行隨風亦幾里不
若為女蘿攀援松栢起蒙茸高入雲眾木安敢比物性
自有常依附所深恥秋風動地來飄飄固其理

駑駘

伯樂既千古善相復為誰翹足待知己無乃未有期風塵具遠識衆馬亦怒之品題一出口終世分妍媸漆鑑尚取忌汗血何可為

熟西北

三吳不薄徵私家何由足公室無積儲薄徵未可卜蓄積非無因在生西北穀穀亦豈易生生從棄地熟此絀彼不贏彼伸此可縮用意鴈鳩平豐亨如轉穀大驅游惰民終身入檢束非惟益正供亦令實其腹萬古甍臆場翹翹和鬼哭一旦風雨時蓬茅成菽粟取一豈為貪餘九恩已渥何用費不訾舟車遙督促但恐古廢弛攢眉或瞑目自非經天才勿蒙千載戮

濬溝洫

不溉何用耕無泉安取灌自非濬溝洫經營意徒亂千里莽蒼間邈迤平若案豈不任耒耜無以禦潦旱溢涇地飲乾枯祈天渙汗此實人事垂非闕農越畔高引何處山低築幾許岸源遠雲漢迴流分絲縷散土生生氣奢立苗苗力悍會見青青蒿條成白白粲非徒實公儲南紀資襄贊未雨先綢繆在此高下判地勢無山河亦略隔使斷世事偶不然并足資禦捍

脫帽

脫帽趁初酣開簾試一探青山殘雪界黑雨斷風含機
少宜全息名虛亦嬾貪梅花繞茅屋今夜夢江南

燕

漫疑予是主往歲爾先來簾幙重相見鄉園尚未回祇
尋栖騰壘莫問鑿餘杯風雨銜泥去花飛柳絮催

送遠

蘇武張騫總未經君行又過幾王庭江從白雪連邊黑
天向黃沙盡處青目斷雁鴻秋杳杳魂銷胡蝶夜冥冥
忘憂祇是沈酣好蘆酒傳聞最易醒

福州

乘桴應為路多窮浮海寧知道便通彭厦島迴天在北
女牛星外地無東能披若木真樵叟未掣鰲魚豈釣翁
只好待乾清淺水徧從仙老問農功

金山

瞿唐峽起到蓬壺底柱看惟此島夫開徧樓臺彌覺小
結成鎖鑰不妨孤江聲海氣分襟帶水郭山城夾畫圖
登塔幾回迷望眼淮揚魚鱉繭絲吳

將修蜀漢書題陳壽三國志

遷固云亡失雅馴非徒史法沒荆榛一成有即宜稱夏

六國存誰肯帝秦不數偏安前代裔生憎黨亂著書人
欲開地白天青面只在窮愁泣鬼神

淮陰釣臺

淮水嚴陵瀨乾坤兩釣臺鴻飛不可接鳥盡有餘哀

廣州雜詩

腐儒何物足平生片石端溪出老坑陸賈不知裝入橐
千金空博使臣名

畢緯前字西臨一名映辰字宿宮縣學生有西臨詩

鈔

周董川云西臨喜為詩與顧茂倫文善茂倫常選其詩著曰西臨詩鈔

冬日感懷

朔風號空林落葉滿庭飛吾生亦何為寂寞守柴扉大
雅久淪亡知音世誠稀年華逝難留嗟哉心事違哀哀
鴻雁鳴蒼茫度斜暉俯仰宇宙間淚下沾裳衣

病中懷二聞

又見年華晚行藏怯倚闌病耽詩律細愁得酒盃寬夜
永孤燈靚風高萬木寒故人渺天末梁月幾回看

茗溪道中同力田舅氏賦

為有耽書癖因忘客路艱白雲迷釣艇黃葉亂秋山野
戍征笳急荒臺落照閒淒涼餘舊館流水獨潺湲

九日與鈕書城登樓兼呈魏雪竇

去年曾記此登臺今日欣逢更舉杯白雁未聞南國至
黃花幾見故園開愁中節序頻風雨亂後親朋半草萊
相對漸驚俱老大飄零誰憶仲宣才

登靈巖謁總上人

躡屐憑陵到上方傷心前代幾興亡館娃宮冷皆秋草
響屝廊空但夕陽墻影靜懸千嶂月鐘聲寒落一天霜
遠公駐錫超塵界雙樹婆娑隱法堂

陳 銳字穎長號軼庭明孝廉紹文長子康熙戊辰

進士

籍安

有泰阿焚餘稿

宏道云峻從學於先生凡八載見先生沉潛者學於經史及三通

諸書皆丹黃甲乙未嘗頃刻離其教門弟子也傾世樹皮無所秘惜設學此座四十年春風化雨遠近近坡無他師稍得望見古人皆先生力也

沈冠雲云西初劉義承明季之習登萊不經跌度屢廉泉兩先生力宗先正選判時醉百篇風行海內文體為之一變

樸村云先生與弟贈公竊實學敦士行世以經師人師相推所謂二陳先生是也五十後始發一第出徐健志尚書之門尚書重堂門牆桃李皆一時知名士見先生尊為老宿俱不敢以輩行定交其見重於當世如此詩尚矩度如承平宰相守先朝成法坐致清寧海內想其風采

咏史

漢武好神仙乃反召巫蠱蓬萊香邈間廉兕在宮府長
生未可成骨肉遭躓斧求仙既迷惑捕巫亦狂瞽二者
相始終廢興實叅伍長孺好直諫廷諍何不努幸會高
寢郎片言乃悟主

湯學海屬題山水圖戲擬郭宏農遊仙體

劉徹雖好道神穢非仙才苟能絕塵慮何必登蓬萊杖

策探雲竇汗漫遊九垓飛泉界絕壁懸澗如奔雷青松
蛟龍勢蟠拏俯崔嵬巖從互虧蔽徑斷樵蘇回中經巨
靈勞砮然天地開仰睇浮雲端參差金銀臺玉英隨地
茁丹草綠崖栽飄飄餐霞子抱琴為我來問名壺公流
閱世幾劫灰得喪理既齊千歲若嬰孩

己亥秋感

吳江楓冷後搖落意如何萬井寒烟斷孤城牧馬多清
霜哀雁陣滄澗壯鯨波彼美空遲莫常懷寧戚歌

宿遷道中

旅鬢風霜改飄零似轉蓬未能空冀北又復向江東遠
寺寒煙外殘花夕照中西疇春事及驅犢看村童

東海夫子告歸敬和出都之作

主恩乞得鏡湖還塵事幽居總不闕書局自隨同涑水
秋官乞假似香山非因市虎三言惑為愛吳尊獨去閒
猶恐春暉無以報佳兒敦勉在鵷班

九重鳳藻玉堂縣李杜文章洵比肩

自注 御書光
芒萬文堂額

學編索

邱涵似海筆工典冊大如椽多年履曳星辰上此日槎
迴雲漢邊莫謂東山但絲竹千秋事業在韋編

同徐臞菴過祇園訪素公上人

禪林楓樹爛如霞籬落周遮一徑斜盡日無人常面壁

有時對客只拈花，浮名堪笑蝸牛角。說法何勞鸚鵡車，支許相逢真莫逆。香燈茗椀坐忘家。

題袁重其負母看花圖

帶經鋤就滿園花，將母循陔樂事賒。多少上林遊燕客，白雲凝望隔天涯。

周爰詔字鳳綸，學使爰訪從弟，有六宜樓詩集。

題樂開齋

湖灣清隱客，竟日掩松關。散髮倚修竹，支頤向遠山。開樽明月到，掃徑白雲還。為問營營者，何如樂此閒。

晚過西坂菴

夙羨湖灣野寺幽，閑緣白首更停舟。銜山日照雲霞晚，繞渚風生蘆荻秋。略約仍前通曲徑，琅玕依舊接平疇。居僧莫訝來新客，曾共當年蓮社遊。

陳 鐸字霜赤，號廉泉，私謚孝質先生。明孝廉紹文。

次子歲貢生，以子沂震貴，贈刑科給事中。有課花

齋詩鈔

高大立云：先生精諸生後，試觀高等吳中爭延致為師門下士，成名者甚多。而先生久困場屋，僅以明經終老，遂不稱德士林。

咸為惋惜。徐大聽云：先生事母，素以孝聞。方先生抱病就醫，郡城時太夫人忽暴卒，先生歸一櫛而絕，絕而復蘇者再，自此衰廢，辨誦晝夜不止。踰月亦卒。前輩吳羽三以其死於孝也，擬私謚，例以孝質為其名，鄉黨皆以為知言。

樓村云：贈公與伯兄並，以文章負海內宿望。而贈公遭母喪，哀毀以及世尤重之。贈公以振興文教為己任，其於門下士，厥勸獎勵必成就其才，而後止。嘗集邑中能文者為會，課如包自撰，成錢貢尚士銓，葉惠翁，周皖輩，皆沈克時，永種，寶命，文景，范頤，五建，建李天寵，兆昌，朱漢，直穆，丁榮生。

基周晉公籍吳扁遠楫顏友山靜黃碩公德一沈隆尹永康與令似起雷皆於贈公為後進而贈公親入會中分題角藝誘致之者至矣其後會中諸君大半成名去而文體由此一振不可謂非贈公之力也詩各體俱有宗法惜所遺不及十章殘簡斷編得之者奉若拱璧

題明高士陸野塘松陵八景詩冊後

江東大族吳丞相龍駒鳳雛推鼎望門第文章並出群
吳中異敏多相讓別有幽人耽隱淪清風勁骨自嶙峋
茶槍癖嗜傳經卷甫里樓遲下釣綸釣綸長垂溪水綠
谷口子真恒避俗碧草春看杜若芳丹楓秋映吳江曲
吳汗飄落意何如寂寞虞卿只著書為訪青山曳高屐
每逢白社駕籃輿籃輿到處成奇賞錦囊錯落珠璣響
持贈應多嶺畔雲投竿却襲仙人氈朝披蘭若對朝晞

夕宿招提送夕暉煙波漠漠鱸堪膾乳竇涓涓水自肥
水遠天遙日當暮江村點染疑毫素幾片輕帆傍日移
數行征雁隨風度此時好景恣幽探此際騷人筆陣酣
吟壇真合題黃絹秘枕從教護玉函玉函世守垂和寶
展讀如聆三峽倒逸韻高情迥炤人歲寒松菊滋媚好
山水依依自古今風流端不患消沉祇尋筮澤當年景
彷彿桃源避世心

春暮集錢貢南山衡村莊

綺陌又春深花飛醉客心山光平楚外樹色草堂陰夜
久紅牙換歌殘玉漏沉相看盡同調痛飲復高吟

喜宏人聞夏歸自燕都兼憶漢槎遼左

急難鵠原薊北征刀環重話別離情
春風燕市催珠勒
明月吳關醉鳳笙
劍浦雙龍逾氣象
貂冠七葉看崢嶸
夜郎屈指金雞到
季重歸鞭好計程

中秋山塘文讌追和梅村先生襍集原韻

采蘭祓禊自年年
勝事風流擅昔賢
地屬名區應共賞
人逢元度更誰先
右軍亭子山陰榻
短簿祠堂學士篇
俯仰古今還繼轍
長空萬里月華鮮

樽前一夕即千秋
氣合椒蘭盡勝儔
授簡鄒枚慚作賦
忘年孔李憶同遊
雉堞人散春風杳
虎觀經橫落月愁
從此南皮高會後
楚騷不必動離憂

周撫辰字其凝明家宰用六世孫縣學生

梅村云其凝與族父機高同在鷺隱社中一時有大小阮之目其凝詩清老雅健一祛塵弊機高詩柔情麗語辨香溫八又其志趣又各別也

日暮

亂覺江村好
貧知友誼敦
遠峯攢落日
野水繞柴門
楓落人同冷
禽歸樹有言
掩書待燈火
寒月向黃昏
暝色愁歸客
孤舟不敢停
水兼天際白
山向晚來青
突兀前朝寺
淒涼舊驛亭
傷心今日事
身世一浮萍

春日酌酒與石茗隱

酌酒逢春能幾回
愁懷不覺為君開
莫論後日看花地

且共今朝到手杯
久客自憐鴻欲去
舊巢偏喜燕還來
當年金谷休相問
故國銅駝盡綠苔

吳兆宜字顯令明永州司理晉錫幼子

表扶九云顯令與兄宏人聞夏漢槎

並以才藻流譽遠近三兄務廣交頤今獨開戶若言其詩法徐使韓李諸集微事詞釋窮日夜不倦徐使二集已板行義山致亮二集其稿藏於家世無見之者吾邑詞賦作者如林

漢村云顯令清覽錄記於書讀不過三遍終身無遺忘者於古人詩文一字一句心溯其源本所注徐使復庚子山二集世謂其精博可匹李善于尤服其不計兩家碑伐諸作交疏中寓春秋策賦之意為註家所獨詩骨清筆健亦渤海之鉅紳者

舟行晚歸

短棹秋風裏
蒼茫對暮山
寒煙生遠樹
落日照愁顏
隔浦孤帆斷
荒林夕鳥還
幽懷方未愜
明月弄潺湲

擬登碣石館望黃金臺

飛館遙臨碣石開
登高遠眺重徘徊
黃河流水千年在
紫塞迴風萬里來
鄉衍功名空薊北
郭隗心事寄荒臺
只今駿骨黃金盡
誰念昭王解愛才

汝周錄字其修明訓導可起孫歲貢生

松江周荳川云籍其修少有

才與家學不過後客遊幸於京師有遺稿一卷

襟憶

映郭虞山十里蒼
松花細細襲人香
珠簾不向東風捲
閒殺尚書拂水莊

計準字念祖孝廉東長子縣學生

周荳川云念祖生而奇慧三歲通毛詩五歲就

外傳即知向學年十四補諸生十五與賓興十六而天其事親孝母弟不率教必長跪自責與人交冲絕不勝衣而自守剛介平日讀書年日靜坐以主敬為宗似有得於聖賢之學者其父執某因私謚為志學孺子

洞庭野望

平湖渺空碧長眺莫釐東地勢三州合雲山四面同孤城秋樹外漁艇夕陽中偶憶吞吳事烟波興不窮

張 恒字嗣若

山莊即事

極目東皐望園林繞翠微開軒殘暑退卷幔晚涼歸谷觀松逾響山深鳥自飛興來誰與共支道發元機

淮揚道中

細雨濕蘭舟蒼茫急夜流霧深迷岸火雲暗失江樓櫓響醒殘夢潮聲動客愁不堪行色暝歸思正悠悠

沈 卷字煥曾

樸村云煥曾簡樸從子也善畫山水工寫松蕭然高寄以詩自娛與簡樸有竹林大小阮之目

宿江中

一棹緣江宿蓬窓月湧流殘雲依舊壘野荻斷荒洲風至聲如雨潮回氣似秋驚魂凡幾夕明發苦淹留

何 灋字明農

歲暮山夫同安見過次原韻

旅舍歸來晚蕭蕭獨倚樓歲華催我老風雨共君愁竹

國朝松陰言律 卷十 葉頊沈醉梅花笑倦遊頻年空作客回首媿貂裘

客中卧病有感

客居貧更病愁緒復如何憶母承歡少思兒失學多煙
迷野水濶日落暮雲過不盡窮途恨相將托浩歌

夜渡太湖

片帆衝古渡風靜夜潮平不辨青山色空聞旅雁聲寒
煙依樹黑漁火向波明回首蒼茫外悲笳幾處鳴

潘 鏐字雙南一字飲人諸生陸子有飲人集

潘稼堂
云吾家

自無隱以詞賦妙天下江如鑑以詩顯至雙南而三世美雙南負才使氣
不肯與世浮沉而天才爛漫奇氣勃發如鷹翻橫秋劍光出土與一公不
甚似乃為真似惟
獨詣斯可並傳耳

金山

孤嶼中流峙橫空勢欲吞天清江作帶地瀾海為門塔
影魚龍靜潮聲日月奔茫茫千古意釀酒共誰論

揚州秋感

光岳英靈河雒分尚餘寒燄射青冥將軍閫外空專鉞
丞相營前竟墜星鬼哭郊原淒曉角鶴歸華表泣新亭
秋風萬里荒林下手折黃花當薦馨

寄顧茂倫先生

十載江城久未過美人幽夢近如何著書歲月窮愁老
對酒湖山感慨多誼重延陵貽縞帶節高元亮卧煙蘿

還期鼓楫成良會聽取尊前白石歌

楊南字維箕

周笠川云維箕喜詩好與文士往還以故足不出里閭而稱之者頗有借其無子詩奉散落子屬舊文特存其

槩

蘇臺懷古

麋鹿荒臺落日斜行成往事重含嗟西施一死堪酬國
吳主多情亦破家香水人歸春見月錦帆柳暗莫飛雅
館娃宮殿今何在只有山僧掃落花

自註吳亡西子自沉香水漢出墨子其范蠡載西施

之說出王子年拾遺記墨去吳亡不達王為晉人當從墨子

張參魯字唯一號後村國學生以子尚瑗貴贈翰林

院庶吉士

貴開岐云贈公家多藏書平日肆力稽古丹黃甲乙無間寒暑二十一年史點閣至再書法得晉唐人筆意年踰大耋

獨嗜學不棄實哲嗣之誕生也

橫村云贈公居家禮法極嚴收賦役輩非奉呼召不敢輒入中堂善治生頗好為文字飲有上客至留髮減燭燼流連旬日不倦也兼路藍縷所故

寔多矣

九日同吳武子繡虎計念祖集家九臨齋中

深秋林木已堪悲猶喜同人杖履隨叢菊獨開搖落後
清宵相聚亂離時征鴻塞上書誰寄斜日城頭角更吹
不必登高頻遠望年來烽火遍天涯

費錫章字繡公號德菴明孝廉坤從孫縣學生以子

洪學貴贈博野知縣

額陶元云公性至孝以家貧兩世未葬竭

路求之果得吉穴人咸稱其孝感焉 費開岐云先祖嗜學凡左國史漢等書無不手錄選定尤精研易理嘗著本義刻補一書學易家奉為指南

好吟味輯古今詩話六卷分門別類最有條理客館病歸旋卒詩稿為人竊去今所存者不及十之一云

采蓴

秋光蕩漾望盈盈采采纔停欸乃聲一握柔絲牽碧水
幾條寒玉綴金莖何人岐路催歸思是處交遊感物情
野性正宜葵藿味不繇芳躅擅清名

禿筆

少壯寒繁尚黑頭敢驚風雨幾曾愁自陪鐵硯多年後
祇對雞窓短髮羞名負如椽嗟老大命窮處頽恥營求
只堪咄咄書空贈未夢生花豈浪投

黃鈕璣字長園歲貢生有聊存詩稿

撰行亦長園經明行修鄉里中奉為典理生平注力不在詩而志和音雅無復削險怪之語可想見其為人

寡燕行

雙雙紫燕巢君屋出入珠簾簪羽族雄蹈不測罹於羅
雌殫心力哺其雛昨日養成新羽翮挾子繞屋鳴不息
乘風忽自東西飛寡燕筑筑安所歸

山塘夜月

望舒今夜滿湖光虎阜崢嶸簇劍鋌霸氣已銷歌舞盡
空留明月照寒塘

陳殷字亦史號無懷有素琴堂遺稿

楊維其云無懷終年下惟惟耽書史

吾嘗謂其好古知好色馬客至命酒醉而長吟未嘗現撫古人而於唐宋諸家無不應合殆所謂閉戶造車出門合轍者耶

曉登靈巖山

移艇長堤天欲明
路紆留屐傍松行
到山反覺鐘聲遠
入寺方知曉色清
香徑獨留飛鳥下
琴臺惟見野棠生
登臨欲識當年跡
煙樹蒼茫一望平

筆

江郎夢裏吐毫端
直共天孫雲錦看
毛穎可憐頭易禿
須知動者便催殘

吳梅字克邁僉事之紀從子有春雨軒詩草

北齊

漳水西來繞鄴都
武平王業等摧枯
後宮粉鏡時同玩

掌內琵琶只自娛
使至祁連煩驛馬
軍回紫陌誤群鳥
可憐裙袴皆珠玉
買得周師不入無

陳金篆字青書有環翠齋詩稿

早涼寄友人

別君才數日秋思
一時生始見歸鴻
影時聞墜葉聲
片雲常帶濕細雨
不妨晴晝永村齋
僻難為客子情

吳爾璜字殿維歲貢生以子家騏貴贈禮部侍郎有

涪葉堂詩稿

費開岐云贈公品端行潔為文法宗先王今于晚楓先生屢與文衡起衰式靡人盡稱其貽謀之善焉

秋夜

人如秋意淡獨坐感秋風
竹影半窓碎蛩聲四壁空
詩

敲山月瘦夢冷燭花紅回首十年事飄零信轉蓬

趙申祚字元九

王際曾云元九居太湖之濱嘗以落花詩三十首謁中丞某公中丞極賞之客諸幕晚家黎里里中學詩者咸

師事之

禽言

脫布袴脫布袴年荒不足完租賦長脚公差似虎狼不捕綠林捕田戶殺雞炊黍奉公差猶恐公差有餘怒縣門日日有拘囚最是窮民官長惡當年五袴思叔度今日見官脫布袴

姑惡姑惡姑強婦弱調食姑嘗織衣姑著竭意奉姑姑終不樂彼姑之惡彼婦之薄古來孝婦多逢姑虐不敢

長吁吞聲淚落爾何整整明言姑惡

畢世圻字雲準

周笠川云雲準受業於顧英白之門奉其遺教以隱居終陳行之云吾里顧英白先生有格軒遺書數十種世罕知之類雲準百計蒐訪得三十餘帙歸家室太史為之序而格軒之學乃著雲準可謂能不死其師者

閒居

幽栖自喜絕塵埃為愛秋光戶半開雲淡正逢新月上林疎忽放遠山來樓臺冷落蟲吟切關塞蕭條雁度哀可奈干戈仍滿地何如歌笑且銜杯

及 訥字安世一字木齋高士丹生子

周笠川云木齋工詩及書交遊爭譽

之然性慧直落落穆穆不諧於俗晚年嘗客遊為人記室後傳其卒於京口無子而高士之學失其傳矣悲夫

侍家大人春日登峴山

吳興風景勝襄陽遊子驅車上草堂遠岫參差連碧漢
高亭縹緲倚寒塘巖邊落日晴沙迥樹裏啼鶯驛路長
聞道此中堪極目自憐扶侍得迴翔

董與沂字濯萬

雜詩

世道日淪沒重利不重心結交自有道安用多黃金亭
亭西山松高節凌青雲猥彼名利途譬若槿木榮枯枝
有時秀濁涇無日清貧賤不足恥失身良非輕丈夫志
氣在蹉跎安足論

邊詞

青澗灣頭放紫駟桔槔峰上聽金笳莫言沙塞無春色
二月天山雪作花

陳世錫字功偉縣學生有竹裏吟

秦哀望云功偉有竹癖於所居種竹萬竿結茅其下

終日讀書自得有趣之者則相與談笑竹裏自題其詩卷曰竹裏吟

月夜懷吳定侯

挑燈坐中夜村深少塵俗愛茲清景好微風時斷續燈
燼見窓月朦朧上疎竹念我素心人幽居在空谷咫尺
曠良晤孤懷悵幽獨徘徊月漸高微露濕茅屋隔岸一
聲雞東方佇明旭

追悼呂筠園

死者長已矣生者長痛惜空山月出時仰天呼魂魄憶
昨訂交初脫略形與迹兩家共一溪時時過君宅剪韭
雜雞黍相對忘主客悠哉舒嘯軒風雨樂晨夕今上之
子堂門庭何闕寂竹樹聲蕭蕭滿堦黃葉積日莫徒延
佇低徊感今昔

趙震東字青雷號喻菴明諸生淑子

橫村云喻菴孝事厥考誠齋先生讀書不應舉授徒色養以終
其身當歲齊年九十餘喻菴已踰七十向娣嫗之樂世所罕觀

題畫

蒼崖萬仞倚雲端小築茅齋賦考槃斲藥歸來天色晚
松陰一路起秋寒

入山訪友

天空雲霧氣蕭森杖策攀蘿度遠岑行到山腰紆折處
書聲早已出疎林

國朝松陵詩徵卷七

國朝松陵詩徵卷八

後學袁景輅質中編次

後學曹森卓亭同輯

陳毓咸受之

張尚瑗字宏遠號損持康熙戊辰進士選翰林院庶

吉士改興國知縣有印浦眉黃桐腴勞薪澤家南

轅覆笥遊贈客星片石十集

梁藥亭云年友張太史詩推陳出新力擊五丁獨闢雙燕之

歐冶鑄劍從洪爐百丈火光飛出英鴻應稽驚嘆神物非他人所得珍翫也 沈歸愚先生云撰持太史詩風神未足沉著有餘猶書家之顏平原柳誠懸也 沈冠雲云太史生平以書藝為行厨出入與俱學博識強一時鮮匹初好瘦子山集及駢體文中散自悔專為古文辭罷官後江右當事聘主豫章講席太史以古學切劘諸生凡所獎拔皆成名若周力堂學健師蘭亭念祖其最著者江右人咸服其有知人之鑒云 費開岐云先

國朝松陵詩徵卷七

國朝松陵詩徵卷八

後學袁景輅質中編次

後學曹森卓亭同輯

陳毓咸受之

張尚瑗字宏遠號損持康熙戊辰進士選翰林院庶

吉士改興國知縣有印浦眉黃桐腴勞薪澤家南

轅覆笥遊贈客星片石十集

梁藥亭云年友張太史詩推陳出新力擊五丁獨闢雙燕之

歐治鑄劍從洪爐百丈火光飛出英鴻應稽驚嘆神物非他人所得珍翫也沈歸愚先生云撰持太史詩風神未足沉著有餘猶書家之顏平原

柳誠懸也沈冠雲云太史生平以書藝為行厨出入與俱學博識強一時鮮匹初好瘦子山集及駢體文中散自悔專為古文辭罷官後江右當

事聘主豫章講席太史以古學切劘諸生凡所獎拔皆成名若周力堂學健師蘭亭念祖其最著者江右人咸服其有知人之鑒云費開岐云先

生博覽群書尤精研左傳公穀以三傳互有異同作三傳折者三十二卷
緣分樓析融會貫通能探前人所未發定與杜元凱同功 陳行之云太
史所撰激水輜州二志攷核既精體裁並善格
為宿老所推服太史之學不得僅以詞人目之

樸村云太史沉潛及古無一日去書亦無一書不讀故根柢深而滋蓄厚
發為文章字樸無艷字拙無纖字沉着母流易如崇山峻嶺滄海大河自
是字內大觀非一邱一壑所可同日語也詩宗法葛黎昌黎作詩文每於
境地稍平處陡起峯巒或鍊字鍊句以鎮之太史得其法故古體詩無一
平語無一弱字橫空盤硬語妥貼力排募直從源頭上理會得來五七律
兼學少陵高老雄健亦能得其一體。石里十集止鷓澤家一種且流傳
未廣見者甚少故
世莫窺其全豹

高郵

茫茫古秦郵天與水相互高堤通客行堤下人家住車
輾牆頭草馬嘶檐間樹甍社何湯湯排空捲雪霧荒煙
八九村井底畫暹聚圖經不我欺名孟良有故聞之河

渠家地利惟人作去聲水溢非田害田庫在堤固堤屹如

金城何愁水橫怒水高若銀屋盡供田溉注此邦况樂
土美產東南具陂蕩足蓮藕平沙羅雁鷺如何數十年
沉溺勞東顧傷心千里目淚灑蕪城賦

上灘

順流船似箭逆流船似絆衢睦地勢殊牽輓程難算江
底清無泥齒齒白石粲船石相磨治聲礮冰初泮深者
四五尺淺者或未半牽船踏冰行挽衣不掩髀膠淺筴
難施肩舁雜呼喚已前而復却欲迎或還扞一灘抵數
里一里或數灘去聲灘灘行相續侵曉到日盱惶恐黯黯

國朝本詩言後
卷八
名熟聞心已憚豈識澱紋江鷺湍爾許悍長歌行路難
擊楫發三歎

九鯉湖

十里越修坂足倦思憩宿

過琉璃岡險
仄舍乃登

殷雷震吾耳驚疑山

欲覆初觀但漭漭奔湍潰林麓諦視辨磊砢斷厓間洄
洑石勢皆蹶張熊眇或猊伏山祠據深曠明鏡涵方幅
湖本不盈頃坡陀凹其腹跳魚長比人下通無底谷莫
色逼森莽草草布衾褥再拜致神祠碑碣來撼屋天風
駕海濤抱影生膚粟身在水晶宮祠名高寒度宵夙

艱哉觀瀾亭所歷皆懸度過此鳥道絕從遊慄相顧途

危景益佳興發情無怖身非鄴侯骨暫作壁間步強半
蛇螭曳有時猱攫鷺磴斷體常縋根蟠足稍駐琮琤絲
竹澗爛漫琪玕樹擘水石雙門挂嶺玉三柱却望珠簾
垂銀潢屑烟霧直下去無幾迴迴勞予溯湍駛何漭漭
塞裳不可渡長嘯向白雲茫茫蒼靄互

謁韓文公祠

總角誦公文不啻編三絕半世味公道無能劍一吷維
公不朽姿薄雲貫虹蜺謗傷與誇銜兩者均蠓蟻氛氳
一辨香萬古應同蕪舉舉何未生敢云景行切潮陽謫
宦區偶然鴻爪雪藉此滌炎陬海濱斗杓揭湖流漾清

派峯勢環飛岳江山銜明德臨眺心神澈白雲飄檐楹
恍憶靈旗掣

史公識尊聖世家表弟子後雖未敢例義在可竊比濟
濟伊洛徒游揚復羅李韓門數入室若籍從服喜唐宋
兩朝史附傳共編紀匹夫百世師坡言得之矣配禹尚
非誇傳軻又何訾荒荒海水南明珠孕天水過化遂成
材廟食芳蘋芷蚪枝侍郎木檜楷同蕤蕤

觀音巖

巨靈施昆刀劈破青玉筍千仞插江面削平如概準群
岡互起伏離立車連軫獨此琨瑤屏蔽肪無粟疹頂矗
日黯黯趾沈波泯泯一綫裂石罅虛中駕闌楯香華鬢
陀像頽洞棲谷牝淒風颯然來猱猥度必賈安得立三
分言從伯昏瞖

彈子磯

競秀英州山臨江多俯瞰觀音與彈磯巉絕奇尤占劃
然千仞壁削出長天塹瀉濛濛開闢時鬼斧安施鑿蚪柯
縷絡之蒙茸紛碧紺乳竇小於拳纒然不容甌相傳廣
明賊彈落金丸陷雄非天山矢險異蜀門劍但見灘流
駛湍急不可纜懷古夫如何寒風江湛湛

樟樹鎮

清江澱文漪風日漾晴朗煙火萬家邨泉布熙以攘粵
昔康陵年勤王集茲壤北極鳥為鸞西藩豕生象黃屋
老漉乘舳艦蔽江上汀贛勦軍回跳身脫虞網義旗一
以麾空谷鳴皆響城燧奉敦槃温陶執鞭鞅奮義咸裂
眦擣虛遂扼吭長鯨俄斬斲井蛙空倔彊偉哉儒者業
胸甲十萬廣風颺感時會反側安指掌渺渺鄱陽湖奇
勲一朝兩落日照莓苔浩歌扣吳榜

傷哉行為呂遜詔賦

呂生起義塾健筆工詞藝

自註子以義學教邑中少爲進記與焉

執禮近逾恭當

予解墨綬新舊有繅素冷暖無軒輊淵乎古道顏私心

結深契屬者惟百憂死喪悲常棣貧家窮操作呼走無
僕隸束帶續昏辰足不離牀第秋炎勝伏熱矮檐嗜蠅
蚋憂來慘呼天弱乃一个惠至誼今誰敦鮮民泫然涕
我母慟終天剗匏此身繫斂不親襪含病不知藥劑江
流三千里霾土靄陰翳人生惟血屬天地一委蛻吾躬
不復見黃泉湏洩洩予為不孝子子真友于弟名垂荆
樹枝恨抱甘瓜蒂傷哉復傷哉捉筆淚盈昔

漢槎攜寧古臺石砮見示作歌

石砮精芒精鐵鍛其長徑尺廣逾半塞北歸人手攜致
云此良材出漠瀚長白山前初肇邦帳下拔都盡驍悍

俯身捷下岡萬仞瞑目橫持槍半段合圍一呼千騎集
火出鼻端風裂鬣以手按虎虎耳帖老猿驚號狂兕窟
獨有人熊作人立鬚鬚當路笑齒榮彎弓注矢不敢發
發矢被搏隨手斷擇人而噬不空拳微繳弱弓自貽患
雄哉石砮能斃之弓挽六鈞荆柘斡隱身儵似短墻伏
飲羽猛如層甲貫以此威名讎諸部蒲海天山無敢叛
我持此砮三嘆息土花繡澁金英燦苔痕久閱綠沉槍
花影聊陳青玉案華陽職貢肅慎賓令德服遠通汗漫
徒知集集辯陳廷豈謂射熊題漢館寶劍必歸猛士手
可手誰如慕容翰 興朝受命非偶然豐沛生材實天

贊名誦花卿堪愈瘡威稜張澤猶流汗長箭昭陵世守
存天策虬髯想貞觀

白溝河

白溝河上黃雲愁白溝河水東南流當年遼宋此分界
白溝五代為鴻溝爭國兵端柔與杜不惜稱臣室韋部
一道盧龍十八州赭袍換得中原主關南山後日兵爭
巨馬河防戍屢驚天水真人握神籙孫臣父帝改弟兄
開運年間戰聲烈鐵鷁軍來騎圍鐵都排陣使勇如龍
霾霧晦冥風樹折獨憐輕進岐溝屯曹侯米侯棄甲奔
經略燕雲志未展銅梁鐵遂聊維藩巨馬天雄互通市

歲幣三千輸置此鐵鐸天風乍愴魂玉合神膏免墮耳
失計俄憑女真詐燒營延慶師還罷直待千官扈北轅
扼吭孤臣張叔夜窮魚邱壤古膏腴控引涑易通遼濡
燕南趙北頻回首披對千秋督亢圖

仙霞關

七閩路與中原通怪事咄咄驚天公岡連嶺復雲樹匝
飛鳥不度猿猱窮微茫一線留蒼厓誰鑿溟滓開鴻濛
二十八盤尤斗絕行路難於上蒼穹王公守國天設險
峭函輟轅自古崇茲豈小巫怯百二偏隅冷落箐篁中
止恐五丁力不到無諸倔強憑籠篋爾來文物盛唐宋

舟車衢信當要衝披荆攘棘楚磴道蕞路難忘史浩功
宋明王孫兩遺種哀哀望帝啼鷓紅兵爭五代有王氏
霸圖十姓標國風日者井蛙猶跳梁高擁黃屋彎朱弓
陰平夜絕渠帥縛崑崙電掃巢穴空雖云負固不可恃
車箱箭筈名益隆熱行五步一回首僕夫告瘁心神忡
殘旗折戟渺何許故壘瓦礫餘榛叢淙淙飛泉界絕壁
翱衝百道鳴豐露迴溪互磴前路失恍惚七聖迷崆峒
南風不競自天道嗟哉豎子時無雄欲呼真宰鏗疊嶂
永俾灌莽無伏戎左鼓右旗列几案控舟舁轎從西東
懷古登危重興嘆溟茫襟袖侵霧霽

興安上斗

昔日燕行舟過牖牖夫啟牖如啟神官船鱗次避漕船
小船橫驚紛鴛鴨南天名聞更名斗始安形勢山之首
牖形直達斗形紆牖勢平趨斗勢陡史祿鑿渠楊僕師
南北湘灘分水口一灘何啻高一丈自註一灘高一丈建溪謗也百丈牽
船上山上八八灘灣六六斗向背層巖俯絕嶂上斗方
開下斗閉篙工號叫苦難狀費盡推移路不平客心那
待春潮生瞿塘堆鉅呂梁嶮世道原無自在行

雲英歌

明崇正末獻賊分寇道州守備蕭山沈續戰死女雲英帥餘兵
敗賊奔父死歸沈撫王聚奎上其事得旨褒卹賜祠即以續職
授女加為遊擊將軍而雲英之婿實萬策為首師標將亦死荆州討逆
至雲英沈哭不受命圖蜀江湖扶雙櫓歸浙傳書謀葬以終岳翁山紀

其事過道州
追感賦之

寶刀珠靶銀羈勒組練雲鬚呼殺賊千軍中奪父屍回
雨淚雙行界粉臆九重殊錫褒中悵有賊以來功僅得
石砧堪陪降御書麻灘特勅膺戎職自註道州麻灘
驛沈君賜祠處佳人捧
詔泣且辭兒夫名亦隸軍司寧南悍帥騎軼寇武陵督
府遲誤師湖南湖北煙塵接誰在誰亡骨肉離猶虞逆
燄傾三蜀那惜羈魂眇九疑賜妾生還還浙浦負得遺
骸身築土賸傳崩堞為尋夫無分從軍仍替父荒田拾
穗慚鄰施破屋牽蘿只親補啼烏啞啞伴書聲帳外傳
經縱復橫人誇染翰由香閣自笑投戈是老兵一水孝

娥黃絹蹟題詩為續沈雲英

康郎山忠臣廟

明高崛起驅群力莫折平淮多戰迹獨有姑孰洪都報
國殤龍鬪沔陳真勁敵蔽江樓鏘銜連環船尾壓城俯
瞰闌六十萬衆驅與貔白日晝晦朱旗殷吳兵猱捷避
愴楚小舸迎拒垓劇山斬不用命勢猶却火攻煙燄迷
往還紫葦張蓋遭礮破招手急呼難星過天下英雄我
與公黃袍紀信計無那秦晉韓原互起仆齊魏河橋迭
崩挫方驚叢擊白櫓危容易殲渠鐵冠賀兩軍戰士如
虢虎波濤起立風號怒鋒刃交胸寧捍指旌旗炫日但

聞鼓操吳戈兮披蜀鎧櫻昆劍兮集谿弩陽侯觸浪檝
空移刑天無首楮猶舞直待功成追祀崇嘉名廟列忠
臣三十五噫嗟乎男兒死生榮辱豈有常漢何為賊吳
何王眇目五王亦戰死智勇靖江孰與強康郎山下白
骨相撐拄烏鳶啄肉混前岡興廢判來忠烈擅蒸蘋千
載獨馨香老槐槎枒預勲伐魏柯衣錦永不僵運移塵
去珠囊缺雞鳴十廟胥淪沒漫詫宗功頒鐵券反讓陰
燐留石碣噫嗟乎男兒榮辱修短豈有常倚權荒江弔
忠骨

促織

苦吟聲繞砌亦似泣途窮慘淡孤燈暗蕭條四壁空戰
爭成底事齒舌竟何功憐爾三秋思衣裳草露中

贈匏野先生

冰滑湘江岫雲霾閩海潮一官同籜隕百口竟萍飄到
骨悲廉吏吹毛柰上僚謳吟出金石蓬戶日蕭蕭

楞伽山

頗愛楞伽勝凌寒每一攀白鷗波外艇黃葉寺前山墓
表盤回磴人家占水灣便生塵外想此境有餘閒

秋瀑

銀河天上脉蕪薄瀉茗堯直吼一條雪能凌八月潮枯

藤懸絕壁老樹拔層霄那更霜添滑天台百仞橋

秋寺

南朝四百八一片夕陽峰深院鎖黃葉何人倚碧松波
光渾撼塔霜力欲摧鐘寂寂寒潭水常聞戰毒龍

渡河

滔滔濁浪走驚雷誰溯河源域外來舸艦行隨沙勢轉
鼉鼉宮抱日光開合流淮海真無際故道東南竟不回
沉馬負薪天險設長歌瓠子使人哀

羊續墓

峴首碑前淚點盈徂徠壠畔澗流清竟符墮馬成公識

真稱懸魚作郡情臣節兩朝標漢晉吏才千古擅揚荆
營求龍角知何意白鶴冲天朱鳥鳴

送吳青壇侍御出都次韻

去國殷勤重致辭日華回首願差池每嗟身退言無補
敢謂名高世所知津吏風波行匝地監門圖繪續何時
他年我過陽城驛別改新名貯後期

送朱悔人歸潛江

襤被秋原又此行十年贏得倦遊名天涯身事餘詩卷
亂後田園尚甲兵未必親顏看檄喜還防鄉恨倚樓生
蒯侯無色空歸去匣裏孤鳴最不平

送陸翼王歸嘉定

來去無踪一冥鴻抱經歸老練湖東富春書枉煩侯霸
齊國人誰事蓋公耐可衣塵車轂裏更堪憐舊笛聲中
寢門碧血他時夢徃恨新愁總未窮

字示之出山
之念遂絕

采石磯太白樓

於今誰復重西清猶把頭銜署敗楹

自註門額書唐
李翰林遺跡

捧日未

成聊捉月攀龍歸去却騎鯨驚才孰遣為山主浮世終

湏以酒名磯石巉巖風洞涌江濤長作

去聲詠詩聲

贈陳獻孟

自註下第
將入都

明月公夜詩

卷八

七

愛吟齋

似爾中原有幾人，便便笥腹貯天真。尊前歌哭時逾邁，嶺外文章氣未伸。千丈鏡奩搔白髮，十圍梁柱感蒼鱗。息機自分拋難得，又作勞勞輩脚薪。

信豐南山寺抔土巋然相傳為呂汲公墓瞻拜敬

題

蕭蕭蘋蕩白楊風，元輔藍田舊德崇。已謝黨爭超洛蜀，猶惟竄罰坐熙豐。蔓荒魚躍池何處，雨暗螭銜碣漫礧。歸葬君恩青史在，故留疑塚重蠶叢。

贈趙企清即次寄傳蠟韻

江村杏雨舊朱陳，萍梗重逢萬里身。駑馬負殘轅下骨，妖墓蝕剩月邊輪。傷時京雒休言事，隱姓甘陵畏見人。猶說愁城攻易破，羅浮香潑甕頭春。

梧州

南狩重華事已遙，迎鑿末裔溯前朝。漫勞五虎爭丹陛，却愧雙龍擁翠旂。神器有歸殘燭熄，空宮無址暮烟銷。祇餘百折灘江水，嗚咽聲聲日夕潮。

鶯湖竹枝詞

平望橋頭望欲平，顏公題句古今名。由來遺跡湏人重，

羞說殊勝

平聲

署蔡京

自註元長手書殊勝寺額今存

題吳融司照

煮豆焚芝總劫燒歸遼早帽髻還凋月泉舊社人餘幾
珍重嚴谿老緝蕭

錢守中字書紳號遠亭武定牧士鉉子附貢生官上

海教諭以子金森貴贈蒙化府同知有西疇草堂

集

貴開成云遠亭先生風流倜儻初任錫山司訓與秦洛生昆季儲在陸大小阮及邑中名士詩酒往還朝夕吟咏後遷上海以年老致仕其時令子箕裘成進士歷官川陝滇南而先生悠游林下日與張復村徐虹亭包南川暨先君子博野公諸前輩會集無不擊鉢高吟故集中唱和之作居多詩雖傑之中時露俊逸之趣讀其詩如見其人

孝子湯仲志歌

并序

孝子湯仲志者常州孟湖農家子也年三十不娶力耕養親或勸之娶曰吾父母年老兩弟皆

幼有婦則力分不足供甘旨吾見人家有婦而孝養衰者比比然也吾每為之慙愧而甘自蹈之耶或曰無後奈何曰子與姪一也苟吾弟有子余又何憂言者歎息而去今仲志年五十餘兩親年皆八十為作歌以紀之

蘭陵孝子至行奇愛養父母如嬰兒五十白髮不肯娶晨昏戀戀瞻庭闈二親古稀年力憊食則祝噎行扶持力耕東舉供甘旨餘為兩弟求衿襦耘耔手足生胼胝歸來洗脚親前嬉父母或慰勞跳躍嬰鑠生慈痴父母偶疾痛涕泣晨夕摩膚肌兩弟皆娶婦勸勉相怡怡憂

勞與拮据不令父母知鄰里高其義媒妁通言辭相與
 陳大義執堅不能移云我豈矯情自量非所宜我儕小
 人材力薄一身所作無餘貲有妻有子皆仰食忍令吾
 親反阻饑吾寧缺彼以全此早夜心懽無嗟咨乃叔逸
 菴為余語如此不覺聽之雙淚垂噫嘻乎悲哉人之始
 生孰不有孺慕倏忽變易真性漓左牽右掣事紛起坐
 令愉色真難為彼何人斯性獨摯抉籓絕累完天倪五
 十而慕舜至孝彼雖跡異心可追亟呼阿買伸紙筆書
 之以為萬歲千秋規

城陵磯晚眺

獨立向瀾漫遲迴欲渡難鴉翻城堞暗日落洞庭寒濤
 怒虺靈物風淒泣射干幾年尋戰伐於此築危壇

雨霽君山晚眺

晚晴沙潤路微茫脚力猶堪躋上方一片殘霞明峭壁
 半江疎雨界斜陽海門帆隱秋濤壯鐵甕城迷夜色蒼
 珠履三千竟何在春申事業亦荒唐

古意

桃為離別花柳是相思樹前年桃李春郎向遼陽去

陸 琇字淇侯一字暢菴掖縣令雲祥從子有客窓

吟綠窓吟諸集

陳行之云明高士野塘先生暢庵侯祖也所著鈞
 雜集有松陵八景詩甚善者因詩補圖裝成巨冊

遠近名流題跋和詩不下數百家至今揚卷之孫
華夫什襲藏之前輩風韻令人摩挲不忍釋也
樓村云客念吟隨從父嘉卿客東萊時作也錄念
吟家居時詩也諸體清新七律亦不失放翁家法

雨中渡江

滔滔不管古今愁送盡離人南北舟
雨夾風帆天漠漠煙迷雲嶠水悠悠
依稀塔影空霄立出沒江狹遂浪浮
回首吳山何處是微茫樹色近瓜洲

澤州城樓晚眺

夕陽斜挂太行頭極目煙雲鎖澤州
東去聞鷗棲蓼渚西來哀雁叫汀洲
山添晚色千峰立樹借餘暉萬木秋
遙憶丹楓江上冷令人常動異鄉愁

寄家孟

春明訂試越山茶八月猶羈博望槎
蟋蟀聲中淒夜月芙蓉江畔泣寒花
身因久客常多病夢為思鄉日到家
聞道三秦有鞞鼓益悲遊子滯天涯

除夕

一歲風光客裏過鏡中休問鬢如何
今宵愁共殘年去明日春回恐更多

陳 鈇字宁薇一字省菴晚自號存存子明孝廉

文季子國學生有省菴詩稿

顏湘南云省菴先生喜為詩歌
每遇逸夜辰與死子獨亭先生

相唱和在郡城與何地瞻王寶傳諸先生為文字交謙沖和易皆以古昔
子重之尤工書法始學柳誠應中年以後愛蓄本蘭志洛神十三行帖清

晨鐘枕夢盡致始進朝餐
歷寒暑不輟故精法極精

讀書

不但蠲塵俗閒情亦掃除願邀無事福披讀未窺書一
室攬千古寸心涵六虛獨憐霜點鬢何術挽居諸

偶成

作客渾忘客言歸未當歸往還殊草草兒女暫依依舊
圃荒蕪甚良朋會晤稀飢驅真足累飄轉似蓬飛

擬唐人山居詩

是處煙霞結構重仙源豈必路難通數層塔影迎朝旭
十里鐘聲送晚風紅葉自隨流水去枯僧長坐草菴中

人間無限升沉理日落西崕月又東

小西湖

青山環合碧湖平容與煙波小艇橫只少築亭林處士
數聲鶴唳冷香清

徐元灝字武恭一字蓼菴明諸生鍾彥子康熙辛未

進士官澄城知縣

樸村云吳華輯吳門樸錄一書網羅略備可懸朱長文之圖經錢叔寶之
續文粹性廉潔在澄城時不名一錢令似松字麟上家臨貲三旬九食其
常也亦工詩所作十無吟見者注
下僚更可為而不可為不信然耶

澄城即事

槐陰冉冉遶闌干短髻蕭騷笑一官宦拙依然貧到骨

敢云柵鑿入時難

吳 權字超士一字習隱明大司寇洪六世孫貢生

浙江 有觀成堂詩稿 周笠川云超士詩中和典則頗得風人之體 為宿老所推服海多才每與群從間述也

唱和名不 在起群下

張司空華離情

朝日照高樓和風被芳陌楊柳最宜春攀枝憶行客客
從遠方來遺我一端帛間闕幾千里廣袤三十尺素質
無繪采雅志尚貞白相違已經年空閨守終夕鷺飛復
引雛明月幾盈魄風寒露井桃苔侵擣衣石四海方一
家何事苦行役君子慕高義賤妾更何惜

擬陶寄周楳坡安

秋氣發微涼落葉辭故枝豈不眷春陽盛衰各有時萬
族皆遷化我生獨不移無為傷局促庶免達者嗤遙遙
嶺上雲悠悠寄所思臨窻遲去聲嘉友日晏來無期引觴
聊自進興至吟新詩新詩托物外養此邱園姿

青陽夜泊

澄江風雨夜孤客逐漁樵水氣衝高岸潮聲落斷橋征
衫寒客夢薄酒度清宵何處悲笳動相將伴寂寥

晚眺

不淺登臨興行吟且杖藜孤城寒日落老樹暮雲栖野

國朝林陽詩錄 卷八
成多烽火秋原尚鼓鼙帝鄉空悵望千載憶征西

李寅字露真號東崖歲貢生秀水籍以子重華貴贈

翰林院編修錢上沐云東崖詩文皆鏗心刺骨無一字拾人牙慧晚

年辨於性理之學所著學庸要旨其中語伯行為序稱

之許
樓村云贈公規言矩步海里推為矜式平居教授生徒每講論經史雖城

著必肅衣冠曰今人有賓客必衣冠見之豈有對古聖昔賢而可以脫帽

露頂者乎何太史義門聞

之曰即此便是主敬之學

書武侯傳

寤想忠臣握帝圖盟心無地不艱虞運移京國方扶漢
力竭西南更托孤縱使河山分鼎足忍教正朔委當塗
可知空谷龍蟠日莘野躬耕道自符

書鄴侯傳

衣白山人現宰官每參帷幄繫危安但清河朔風塵易
欲掃宮庭枳棘難戰伐有功身屢退副儲無恙魄猶寒
平生漫托神仙術絕勝華陽早挂冠

周松字鶴翔號就菴明孝廉大章後裔康熙丙子

舉人官容城知縣

北窓午枕

音問經年杳歸程萬里長寫愁原自厭到枕可相忘那
識閒中客翻教夢裏忙起來成一笑此味讓羲皇

陳萇字玉文號雪川康熙丁丑進士官桐廬知縣

國朝公使詩文

卷八

七

愛吟齋

有雪川詩集

潘稼堂云玉文以雋才取高第尤嗜古學其詩自
桐廬歸也手一編示予曰宦遊所得盡此矣其詩清真

淡遠無一點塵俗氣類高人逸士所為非持手板者能道其人其詩皆與
江水同清庶可拜嚴祠而無愧矣 沈歸愚先生云雪川詩清如鏡淨如

拭意味稍薄而真氣獨存贊
於儉何為博識巧為工者

檇村云雪川與周意庵恒齋陳翁亭許三英諸先生以詩相倡和稱一時
之盛其詩皆宗南北宋不甚相遠也而雪川自序與所作贈答詩推服恒
齋翁亭幾同北面弟子前輩之座懷善愛如此○雪川之官桐廬也以廉
潔聲聞州不授縣庭無事日與其士之才秀者登山臨水飲酒賦詩其
同年江東山縣撰過桐廬贈以詩云邑無城郭但漁船滿眼
江山不用錢青草暗生公座下白鷗時到縣門前皆實錄也

己巳春之塾

古人輕萬鍾不以易我親况我非祿養胡為走跋跋傭
書博升斗硯北鋤且耘烏飛空繞樹燕宿常依人一念
舍此去何術泚衣貧負米有古賢此意良可珍我行匪

得已夜夢猶酸辛

庭梅為冰雪所壞

庭梅歲著花不與眾芳伍冰雪添精神不屑邀春雨昨
冬蓓蕾繁滿擬開無數豈意歲竒寒嚴凝塞宮宇初驚
雪在枝久歎冰入土遂使未開梅零落成空樹梅豈不
能爭順命固其所今朝春風香冰雪消何處梅雖不著
花生意猶萬古幸有來年期幽憤當一吐一花何足言
志士心獨苦

臨終詩留別諸同志

兩曜無停機委運固其理修短良不齊誰復能逃此俗

士戀其生涕泣對妻子達士輕其生為蟻均一視二者
皆棄天有識所深鄙君子則不然奉之以終始生有所
以生死有所以死吾聞諸曾子至死而後已

我有同心人道義相友師頻年喪逝多存者復別離即
今將去客欲別無由辭丈夫會有志豈為兒女私所恨
在世日孤負箴與規臨風一長嘆願為諸君期百里半
九十一篋功莫虧庶幾不遠請君視此詩

夏夜

有盡農夫淚無靈拜禱度雨猶望今夕饑不待明年天
遠應煩聽官卑亦省愆憂勞竟何補廢盡一宵眠

早發岱山舖

殘更憑倦枕不耐早雞號水澗馬蹄健月斜槐影高遠
燈人喚酒重露客添袍隴上耕犁遍吾行敢歎勞

南陵客舍夜雨有懷御公右序漢荀翁亭兄

最是窮途容易愁欺人無賴是更籌他鄉睡少兼逢雨
好友離多又及秋定為對床思潁上可無飲酒憶梁州
曉來欲寄相思字江水悠悠向北流

發南陵

一路寒泉送客程離亭回首隔山城秋從黃葉聲中老
人向青山缺處行幾片閒雲供畫本一林落日待詩成

來時記得留題處尚有殘尊慰客情

九月二十日發繁陽宿南陵

西風蕭瑟日微昏山外千層紫翠痕春穀道荒侵落照
赭圻城小壓秋原夢隨斷雁雲千里人共飢驢月一村
却憶昔年風雨夜舊題詩句在柴門

輓姜西溟

晚入承明數未奇那知鑄錯不堪追文章舊價欣方慰
辛苦初心悔已遲遺恨一時頭腹尾空傳三絕畫書詩
生芻一束無從唁獨向西風淚暗垂

關山

自註即清
流關也

仄磴危岡鳥道迷戍樓遺趾與雲齊如拳鐵甕寒烟外
似掌中原落日西天塹浪傳千尺鎖函關空用一丸泥
何為此地稱巉截欲遣戎車限馬蹄

夢中

東流無復水重回欲斷危腸暗自摧見燕引雛還墮淚
聽鳩呼婦不勝哀春風隴上新寒食夜雨堂前舊鏡臺
子母重泉相見否夢中猶望寄聲來

鹿城風雨示右序兼柬狷亭漢荀

山城木落動離思愁向燈前檢舊詩忽憶寒江風雨夜
兩家兄弟對林時

讀相如傳

移病文園卧歲餘同時真恨失相如所忠枉遣求遺稿
不記當年諫獵書

戲效唐人小游仙

辛苦瑤階禮玉真碧天無路隔紅塵怪他難犬尋常物
纔入雲中解笑人

將遊大梁與狷亭兄話別時兄亦擬北上

同君作客夢漁磯至竟歸來計又非老屋三間菘一畝
故鄉堪夢不堪歸

山行

山行風暖落花輕雨過田間野水鳴自笑微官如布穀
年年三月喚春耕

有感

疲民春到轉難支食盡粉榆更蕨薇自愧不如閒草木
年荒猶得瘵人飢

唐永齡字敬承號舜年康熙己卯舉人

教諭有鳴候稿

秀水籍 官淳安
樸村云舜年官淳安時承縣徵徵信戶糧過貧不能輸者出已俸資
之以是官十年歸貧無以辦其葬如此廣文先生可謂耐得寒者

過高唐州

童年早識綿駒處今日驅車此地過便是吟成還擁鼻

州人自昔善高歌

包咸字自根號南川明孝廉掇子康熙庚辰進士

官房山知縣有南川詩集

周勳山云自根為鷲巖先生之子明成先生之姪歿家學工詩古

文詞其填詞亦直奪坡仙之席費開岐云外舅南川先生佐葉構山修邑志多所纂輯致仕後居邑有公事無不踴躍爭先康熙庚子歲重建燕虹橋先生董其後不避風雨寒暑凡八閱月而橋成至今邑人賴之年九十年

渡江

睡起潮初落輕帆出潤州到江青嶂登望海碧天浮鐘響來高閣漁喧聚晚洲吾生尚萍梗適意媿沙鷗

登黃山宿慈光寺晤中洲和尚

蓮花與石筍勢欲壓關干足所未到處僧言直上難始

知竒絕境還似畫中看燒芋爐頭熟且教清夢安

木瀆早發過行春橋

乍別靈巖路楞伽倚短篷曙雲千嶂綠漁火一溪紅月落垂楊外星低野水中可憐凝望處黯澹是吳宮

哭已畦先生

一望閒園便黯然分題曾此醉瓊筵

自註戊辰集名流飲讌于此

當時風

月憑誰領

自註園中有二取亭取東坡清風明月取之不盡意

身後文章定可傳

自註所著有已畦詩

集原詩四卷吳江邑志諸書

性僻何妨人欲殺家貧偏喜郭無田勝華泣

罷悲風遠幾點寒鴉噪暮烟

趙嘉稷字書年廣文澐長子縣學生有艷雪樓詩稿

陳行之云書年先生承累世清芬讀書好古為名諸生嘗遊齊魯三晉莫不紀之以詩與前輩英物塘周恒齋先大父黃門公稱其造交多倡和

什之

牧馬行

清秋九月早降霜沙田水落首着長去年征西買駿骨
千金不惜求乘黃煙屯十萬赴赤縣五花官印烙幾行
分給羽林實部曲東自燕冀西并梁分道揚鑣三路出
煌煌天駟聯星房飛騰捷足走萬里氣吞沙漠無西荒
功成歸來笳鼓競會當歸馬山之陽放牧上谷及三輔
命群分色隨五方原野爛漫開錦繡風鬃霧鬣比驕驍
中有龍媒更絕塵籥雷追電何激昂嘶鳴顧盼氣矜穩

兀立不動如堵墻重此邊地建大功料食三品分所當
秋高偶來逐美地雁鶩敢與爭稻粱或言一匹日計芻
秣費足供十夫乾餼糧此語然否未遽信持此往問尚
書郎

上城榆關門

畫疆三晉始鎖鑰一州衝直逼星辰動平添關塞重城
臨千嶂月門炤萬山烽怪底經年雪長將沙磧封

旅舍

旅舍量時節新年喜尚聞人情寒煖外春色有無間生
意庭前草愁心夢裏山晴光縱如許未得啟清關

濟寧途次

江南淮北水侵城舟過津頭與屋平沙岸築成纔一尺
泠泠秋雨打篷聲

沈世楹字旃美一字初授號默齋明祠部琦曾孫有

聽斷齋集

劉錫莊云熟於人言而詩唐文亦不在南宋下 錢上沐云初授少養力學甲申後絕意進取與顧雪澗周梅坡諸

先生結詩社事母至孝年五十猶承歡如孺子年之日友人私謚曰貞孝先生

苔溪曉發

遠山銜落月半水漾晴天寺古龕餘火林疎市有煙人
民猶昔日草木變新年會景傷時序遲迴訪戴船

旅思

一夜驚鄉夢歸心逐水流白雲天際澹青鬢鏡中愁雨
積時忘暑江深氣似秋遙知倚閣處南望話淹留

方思叔客秦將歸賦此志喜

荒邨秋夜雨絲絲千里懷君正此時戰伐十年同避世
江山兩地各題詩故園松菊無人問客路風塵只自知
遙計歸期應臘盡蓬門深閉共栖遲

春日雜詠二首

綠野輕翻舞絮青溪亂點浮萍花底雙飛蛺蝶草頭獨
立蜻蜓

昨日一犁春雨今朝幾陣東風門外半篙新綠窓前滿

地殘紅

嚴 密字帶湖有獨吟稿

久陰

撫事歎蹉跎年光一隙過
敝貂悲季子老病學維摩
積雨梅枝瘦衝寒雁陣多
簷前思獻曝無奈凍雲何

沈 安字又安號靜園縣丞昌子國學生有靜園詩

鈔

陳行之云靜園為子甥藻蘇晉大父也歿考保昌公沒後淪落不偶為人記室嘗遊豫章南粵間多登臨憑弔羈旅無聊之作詩律工盤雄秀

克紹其

家學云

渡贛江

江流章貢合擊楫亦心寒
孤客三千里扁舟十八灘
當年誰設險終古此危湍
南粵遙相望愁看夜色關

國朝松陵詩徵卷八

國朝松陵詩徵卷九

後學袁景輅質中編次

陳士駿南登

後學

王曾翼敬之

同輯

陳沂震字起雷號狷亭明經鏐子康熙庚辰進士官

至刑科掌印給事中有微塵敞帚二集

高大立云狷亭詩不必離肝琢

賢而意自巧不必發賦虬戶而境自新不必摹擬妃綺而氣自古不必飾祭魚點鬼簿而詞自典周右序云予與王文論吾邑後漢詩家唯熙可信其必傳者惟狷亭與予從弟漢裔王文曰漢荀詩精深雄悍其魄力足以鎮壓一世猶亭詩延演博火其氣概足以翕湖九州其造詣自然則一也予深避其言顧湘南云吾師狷亭先生自幼至老青燈焚香左圖右史以磊落正大之胸其探根躡窟之學故其發為詩歌宏闊深厚動歸自然恭遜於香山放翁之間無愧色焉

國朝松陵詩徵卷八

國朝松陵詩徵卷九

後學袁景輅質中編次

陳士駿南登

後學

王曾翼敬之

同輯

陳沂震字起雷號狷亭明經鈔子康熙庚辰進士官

至刑科掌印給事中有微塵敝帚二集

高大立云狷亭詩不必離肝琢

賢而意自巧不必發賦虬戶而境自新不必摹擬妃綺而氣自古不必飾祭魚點鬼簿而詞自典 周右序云予與王文論吾邑後進詩家唯熙可信其必傳者惟狷亭與予從弟漢裔王文曰漢荀詩精深博得其體力足以鎮壓一世猶亭詩延演博大其氣概足以翕湖九州其造詣自然則一也予深避其言 顧湘南云吾師狷亭先生自幼至老青燈焚香左圖右史以磊落正大之胸其探根躡窟之學故其發為詩歌宏闊深厚動歸自然恭遜於香山放翁之間無愧色焉

樸村云黃門為孝曾先生令子穎敏好學弱冠負盛名吳觀察懋菴重舉慎文社於傳清堂與會者皆江浙名流黃門與孝曾先生並推社中巨擘至今士林翫稱之援與周意庭也森許三英第雪川以詩相切劘宗法略同而黃門之浩博健達諸家莫及也性好山水凡尋師訪友與夫作令川南視學山左所至莫不登臨憑弔一寓其胸中抱負生平學術力關二氏隨所觸發必攻其堅而決破之雖中年以後歷悲情窮得喪而獨能怡然自持不為所感尤服其卓犖過人黃門古詩筆力如霜鋒出匣議論如萬壑爭流他人所不能言與不敢言者入黃門手乃無境不慮無義不彰至近體之深情遠韻又所謂一唱三歎有遺音者歟

泰安州嶽廟

東邦再行役引領日觀峰登陟苦未遑來去皆匆匆廟貌祀嶽祇肅衣且致恭久知禮秩尊乍驚規制雄丹漆尚燦爛棟宇何穹隆彷彿擬魯殿巨壯凌佛宮豐碑考歷代報德兼銘功鄙意有不然瞻顧心忡忡奉祀必以

禮非禮其何庸古者祀五嶽秩次視三公壇壝不為屋所以明尊崇作廟始元魏禮意已不衷延及唐宋代位號洵加封由王而進帝僭越逼蒼穹乃復為象設冕旒衣袞龍煌煌嶽之靈至附土木中又况有妃耦椒寢列西東明璫被珠襦宛若好女容褻瀆有如此遂與淫祠同即今郡國內嶽祠紛無窮遠近走巫覡歲時集村農禍福既群惑妖妄彌相誑禱祈意逾隔崇奉靈益墜大祀不釐正流俗安所終神宜敬而遠聖訓習兒童奈何賢達輩不省如盲聾何人能復古創議革頽風先正岱宗禮餘以次相從廓然掃邪異望秩俱昭融小儒發狂

言不顧驚群蒙

自註洪武三年廟碑特正封號曰東嶽之神最為得體然其餘非禮皆弗之議

淫祀歎

吳俗事鬼神不異事豪強謂其暴且忍呼吸能遺殃民
命如螻蟻豈足供殘創無事常悚息疾病逾倉忙握粟
叩狂瞽妖言偽張皇群神久憑怒旦夕必汝戕復有新
故鬼于汝乞酒漿主名指某某誰敢疑荒唐祈哀惟恐
後覩縷求其詳試復計所費大抵終年糧不能惜錢鋪
典質先衣裳鄰里助奔走親戚割猪羊渾舍列長筵象
設輝朱黃棘車及芻船一一羅成行轟然鼓吹作巫語
聲琅琅仰視魄已奪伏地頭屢搶湏臾畢獻爵徹俎酬
趨蹌老饕爭據座厭飫撐飢腸婦子謹酌勸沾漑無羹
湯飲者或未散病者身已僵至死無所怨服事悔不莊
他日患採薪禱賽還相望

喜雨

蜀民實凋殘天心本仁愛呼籲既感通陰陽無閉闕雲
從萬山出雨向四郊霈播種猶及時暎乾不為害竭來
觀西疇婦子勤畝澮歌聽喧呶渠水看澎湃行當慶
豐穰無復虛倉廩民方喜色殷吾尚憂心大吁嗟此邦
人困迫川中最穀賤食常艱徭輕力猶憊蠶桑鮮所資
鹽鐵無所賴布帛類錦綺錢刀等珠貝家無旬月儲戶

有子母債比隣卽苗獠習俗尤狡獪生聚固已難况復
論教誨滂沱三朝雨露足一時快若為計長久監門不
勝繪誰能念民瘼有問吾當對

歲初奉檄周行各鄉

川民樸且陋資用費無幾屋舍多茅茨飲食絕甘旨終
歲木棉衫不識紈與綺多藏諒無用屢空亦易濟奈何
貧復詐習俗入肌髓往往爭錙銖骨月仇讐比豈無愿
慙者翻為世所鄙擠排俾不安久之同一軌因茲自斷
削瘡痍莫能起何如守分義各得安田里化導固難言
吾願蓋有泚

悼僕

我僕駘且愚無才與主類服勤三十年少壯及老憊貧
家減食口諸事一夫備任用鮮所長得過亦無大以茲
久相安執役聊代匱一昨來川中窮荒遠行邁相隨有
數人大抵烏合輩俱懷附羶情甫至即大悔翻然各颺
去存者亦中懈惟汝無貳心頻首甘况瘁轉盼歲月馳
遇閨已及再寧知命不延忽復遘沈瘵未究疾何因但
覺食多闕口腹不相及飢渴總無奈蠻方醫藥乖荏苒
膏盲逮可憐六尺軀竟隕萬里外吁嗟汝何辜吾寔為
汝累汝婦亦已老有子可倚賴汝子暨汝女他年求匹

配汝魂歸故鄉幽冥休怨懟吾自恨飄零孤踪正狼狽
况汝忽長辭悲傷寧易解西風吹落葉中夜客心碎

釣突泉

齊州溟海際水脉分百派遠近各縱橫交流郡邑界繫
惟滌水源隱現作狡獪潤下忽反常逆行吁可怪穴地
出驚湍憑空恣澎湃諒因潛伏久坤軸多隔闕過隙遂
奔騰一決始為快性非爭就高勢乃迫於隘翻逾轉枯
樺沸若鼓囊鞞箭激不可遏雲湧無少懈如山聳三峰
崢嶸多變態如天列三星燦爛逼睚皆噴薄匯群流砰
轟收衆籟頓爾滌煩囂油然供靜對平生山水遊飛瀑

夙所愛造物逞瑰奇此境安能再吾聞黃河源尋訪亦
茫昧惟見沮洳流九曲貫中外昔人以海名萬里極沾
漑茲泉亦迢遙初發聊堪配題為小星宿嘉號信可賚
當年博望侯此意定當解

自註予於泉上
題曰小星宿海

臺灣紀變

康熙
辛丑

閩海東番地疆索古所無風土渺不聞况乃議版圖昔
有荷蘭人飄忽來鳩居聚族長子孫築城固儲胥閩商
通販鬻利重人爭趨食貨既已備土田廣且腴適逢道
播臣入海挾刑徒乘隙據巢窟恃險若負嵎猿猱時蠢
動不肯安田廬稍稍逆頗行憑陵及海隅 聖化普無

外一方豈稽誅撻伐張天威強梗皆囚俘 皇仁哀良
民德澤頻涵濡郡縣疆域定官曹政令敷所先在撫循
勿令急賦租仍遣師武臣彈壓備不虞閭閻樂耕桑寇
盜息荏苒四民忘絕域熙攘似中區比來久清晏戒或
忘衣衾寧知顧盼間禍變興狂愚匹夫攘臂起群醜揭
竿呼兵民盡惶駭文武莫支吾惟怯守土吏奔散同飛
鳧么廢據堂皇顏慙汗沾裾群情知必敗未敢舉戈戈
及乎聞帥來赫濯驚前驅 王師本無戰况乃殲穿窬
抱頭比鼯鼠何足當天弧渠魁就執縛烏合紛亡逋掃
蕩不旋踵里巷歌來蘇迴思作難始兒戲曾無殊守令

苟得人力可遏兇渠奈何輕封疆棄去保妻孥居官懣
撫字臨難懼刳屠三尺不汝貸明刑蔽其辜 廟堂籌
善後張弛定規模練兵減冗食移鎮備扞掇于子切禁防弛
商旅法網寬農夫勿使威惠偏毋令良楛誣從教反側
地無復鳴鼓桴微臣識慮淺不自顧迂疎黎庶本相安
起釁由剥膚選將誠勝算擇吏尤良圖豈惟溟渤外此
義侯甸俱古今治與亂勢異理則符

小孤山

我遊黃山覽群峰倚天拔地驚神工小孤巉絕頗相類
疑是巨靈移置洪濤中一拳湧起翠螺髻百仞削出青

芙蓉造化偶然施狡獪不矜巨壯矜玲瓏修織窈窕
百態似欲飄舉隨長風我慕茲山歷幾載瞥然相見開
心胸京江西來走千里岡巒蜿蜒逾萬重江心突起亦
時有靚麗若此誠希逢但論奇秀略大小可使金焦為
附庸經過適遇雨庭杳彌覺娟妙添丰容我行正向巫
山道行雲踪跡將無同扣舷倚徙暫凝望風帆乍遠遮
冥濛何年退閒重過此維舟登覽攜枯筇身凌峰頂視
浩渺恍惚鋪海文殊宮

自註鋪海乃黃山佳景
予昔在文殊院略見之

牧牛詞

以下七首並
記川南風土

犖确山蹊人跡少鳥犍引犢飼荒草田家無地築牛宮

放牧常在空山中春風融怡春雨足犁耙駕馭兒童熟
鞭驅推挽不多時罷作仍趨榛莽宿山中岐路空徬徨
有時亡牛比亡羊世多屠牛坦士無王彥方誰使盜牛
人守劍在路旁

堰水詞

高巖出水水流急潺潺深壑爭趨入通溝壘石巧遮攔
曲折隨人過原隰天生原泉為人用取少棄多榛復縱
田水常盈功不勞俯仰何曾事桔槔窮山耕作良不易
恃此涓流受嘉惠尚多古堰廢荒榛無力為民興水利

捕魚詞

國朝本行
卷九
百里河流清且駛拍拍魚鷹飛貼水漁人服習各有宜
不用鷓鴣用貓子黑雲垂垂無月夜撐簾撒網深淵下
水貓入水銜魚出比似鷓鴣更閒暇漁人養貓如養兒
時飢時飽撫育之貓性嗜魚取魚多多魚入腹能幾何
漁獵比類堪吁嗟蒼鷹黃犬莫漫誇

養蠶詞

蜀蠶那比吳蠶好却喜蜀中蠶事早穀雨初過春未去
桑枝已盡蠶俱老上簇稀疎成繭薄綠絲織絹不堪著
錦江依舊漾清波古來蜀錦竟如何錦城士女少綺羅
筐篚來自吳門多歎息吳門紛杼柚何似蜀民能返樸

伐木詞

荒城面面青巉巖承平鬱鬱多松杉六十年来山木盡
雖有萌蘖何堪剗結伴樵人腰斧去遠向危崖深箬處
帶葉芟來麻柳枝連根斫得青杠樹力疲喘汗擔將歸
山高路遠望斜暉年来田土爭疆界樵採空山仍阻礙
老翁曾是亂離人眼看棟宇摧為薪

打麥詞

硤瘠山田無兩熟小春別種荒山麓自註土人謂
麥為小春小麥蒙蒙
大麥稀聊備饑年食不足更闕連畦種蕎麥花開爛漫
紅兼白未收二麥已收蕎數席鹿場論擔石拍拍連鞞

早晚忙篩成新麪如雪霜婦姑辛苦兒童喜但覺甑頭
餅餌香更約明年加倍種農人餘力地無糧自註凡種小春皆無糧之地

檢花詞

自註木棉花也
土語收取曰檢

花如葵實如繭木棉種子傳來遠荒蕪新闢最宜栽不
怕山高并土淺秋雨初晴日欲斜婦子相攜來檢花今
年豐熟花朵大盈筐背負歡無涯花多頻採擷可奈女
工拙便向家機旋織成疎紋粗縷如毛褐長衫製就且
遮身誰論時節寒與溫自註土無苧葛木
棉衣終年不易

昭烈廟

萬里橋邊秋氣高白雲衰草風颼颼荒祠寂寞人不到
時見村牧兼山樵吁嗟昭烈亦英主卧龍作輔明良遭
偏隅正朔延漢歷豈比異姓爭雄豪世俗區區較強弱
三分不數卯金刀子桓篡奪仲謀僭兵強地廣俱魚魚
蜀國褊小力更弱高光事業終寂寥不知大義在天壤
炎精豈同燭火銷艱難創業雖短祚國有付托無傾搖
嗣服綿延四十載蠶叢聊復存宗祧惜哉後主比孝獻
不肯殉國貪首茅捐軀慷慨有北地憤氣鬱勃干雲霄
若令謀也主社稷何必劍閣非堅牢至竟雄強俱喪敗
真皓遂巡北面朝興衰得失果安在是非論定歸霜毫
此邦叛亂幾擾攘端然陵廟仍岿堯當年君臣比魚水

後代享祀同牲膾摩挲唐碑三歎息自註裴晉公文柳公遠書世稱雙絕其餘
鐫刻徒紛淆錦城來客幾憑弔錦江流水空滔滔秋風
落日悲禾黍感慨不到孫與曹

曲阜道中

宗國幸追攀斯文向往間百川尊泗水五嶽讓尼山編
簡秦灰後宮墻漢劫還窮經將白首何路得窺斑

焦先生祠

士隱山還顯高風萬古清廟堂難屈駕嶽洞遂留名草
樹秋容老江波夕照明塵鞅應自愧碌碌負生平

錦城

流寇傾明祚兇渠瀾兩川民人殖醢盡江水鬪饑填殺
運天方醉生靈佛不憐自註用馮道語只今城郭外千里尚荒烟

自註相傳獻賊軍行常載祀肖像

初入峽中

浩淼江流勢漸窮山高水急近巖叢路經巉絕千峰底
人在傾歌一葉中善畫荆關圖未得能吟坡谷句難工
推蓬盡日船頭望未必西遊負乃公

巴東

征人日夜逐征鴻乍過川中入楚中版籍已知邦國異
人民仍覺語音同五年三峽風波路萬里孤舟老病翁

國朝本陸言後 卷九
誰信書生過天幸平安八口出巴東

沙溪訪王文弟

綠蘿門戶雪湖濱薄宦歸來徹骨貧
繞膝已亡摩頂子留賓兼失拔釵人
滴殘衰淚絲添鬢典盡春衣甌有塵
觸撥愁人傷往事深宵剪燭話酸辛

自註王文前年喪子今春喪婦子皆成並此痛

閩江樓二首

飛樓縹緲俯江隈四望烟雲面面開
繞郭山形俱北拱滔天水勢自西來
炎方景物逢秋氣海國滄桑問劫灰
臨眺淒然更搔首飄零誰識仲宣哀

此地由來苦戰爭風雲滿眼不勝情
曾看江上旌旗偃忽聽樓中鼓角鳴
獸散全軍奔勁敵雷轟一旅破堅城
祇今談虎心猶悸容易噉疆保太平

過虎邱

時春喜取北上

海湧峰前暫泊船酒旗花市故依然
客心悵望山塘路行色淒涼小雪天
此去風塵嗟暮齒重遊泉石定何年
西風策策催征棹回首浮圖獨倚舷

開州

平沙漠漠古澶淵雉堞嗟峨落照邊
朔氣凌兢愁僕馬土風雄濶接幽燕
臨戎談笑謀先定寇竊國消亡踵不旋
身際昇平漫憑弔徘徊郭外且垂鞭

海山亭

近郭憑高亦偉觀，慕容遺蹟暫盤桓。
霸圖割據爭雄勝，海國登臨喜晏安。
磔卓千峰秋色老，蒼茫萬里暮潮寒。
烟波回望蓬萊遠，又對西風一倚闌。

秦碑

兵甲初銷惡貫盈，琢殘山骨尚求名。
峯頭丞相方書篆，隴上農夫正輟耕。
馱遺文餘彷彿摩挲，古蹟見晶瑩。
可憐穢德終難滅，片石常教感慨生。

夔州懷杜少陵

搖落瞿唐客，蹉跎畫省郎。
感時多涕淚，報國但文章。
稷契才何忝，兵戈意自傷。
巖高痛淪沒，崔郭禍倉皇。
西蜀辭蓮幕，東屯構草堂。
亂餘仍轉徙，老去益淒涼。
青瑣空回首，烏蠻欲斷腸。
風烟三峽渺，稔稻九秋香。
菜把園官送，雞籠稚子忙。
青岑晨伐木，蒼耳晚攜筐。
樓泊雖能遣，羈愁未易忘。
望京秋興詠，吟諷一沾裳。

七夕宿白溝河

燕郊雨霽月初明，銀漢希微玉露零。
逆旅可憐逢巧夕，白溝河上看雙星。

瞿唐夜雨

吳楚迢遙三月程，嗟峨白帝見高城。
孤舟寒夜瞿唐峽，

國朝林隱言後 卷九
聽徹灘聲聽雨聲

敘州

峽路三千險未窮戎州古郡帶蠻風莫嫌此地荒涼甚
曾著涪翁與放翁

漢口

鬱葱城郭曉烟開黃鶴樓前盡鷓鴣
劍南人向漢南來

疑塚

一生狙詐世難量身後枯骸計慮長
更無人置發邱郎

送右序南歸

十上何曾歎敝裘成名欲慰倚閭愁
依舊青衫拜白頭

顧正陽字啟東樵子

贊開政云若耶先生以詩傳以書傳以字傳人
稱三絕故東亦能詩能書詩宗大歷以上書則
守其家學但若耶之畫以淡遠勝故東以
筆端勝此又異曲同工雖父子不相襲也

春夜聞笛

水滿春江雨初歇韶光又近清明節
草深荒徑無車轍垂柳垂楊遶古堤
綠陰門巷轉黃鸝
桃花烟冷江村晚紫燕雙歸日乍低
日低雲淨近昏黃
悵望佳人天一方誰向江頭弄長笛
隨風高下聲悠揚

悠揚跌宕停還起拂戶穿窓聒愁耳夜涼人靜不堪聽
聽來况在花深裏花拂闌干月二更倚闌無語若為情
何須惆悵梅花落萬古淒涼只此聲

九日縹緲峰登高

勝日登臨興更殊峰高縹緲插天孤樓臺東望晴能見
島嶼西來淡欲無笑把清樽憐舊雨愛穿紅樹問歸途
晚風夕照扶殘醉一幅龍山落帽圖

過法螺菴

清秋結伴擬逃禪金粟香中小洞天繞竹泉聲隨徑曲
入門峯勢似螺旋蒼松蔽日寒疑雨霜葉吟風晚帶烟

探遍幽竒歸路暝前山新月又娟娟

錢 霑字上沐號東畦諸生夢卜長子歲貢生

秀水籍

有淮南客筆

樸村云東畦設計改亭先生學待其指授又好博覽與籍則羅舊聞為諸
生三十年無日不以著述為事所著廣韻高皇與志氏族志四書大全合
纂百餘卷博而決擇精當又以縣志自橫山先生修輯後三十餘年無有
繼起者廣為搜羅成續編十卷簡而有餘信而可徵是有功吾邑之書也
詩和平典則異于誇多為富者常入
駕湖詩注承中諸名士以老宿推之

野梅

冷淡生成性偏於野外宜無心邀客屐不肯寄人籬獨
立風塵表孤開冰雪時暗香時遠度未許蝶蜂知

費洪學字巽來號文江諸生錫章子康熙庚辰進士

官博野知縣有東濠集

張石里云文江濠博多善政而尤重教倫紀博民過數歲多棄其妻者文江曰

夫婦人倫之首此倫先廢俗何由厚應得教人治其罪使讓者復合流風遠想其他與利除弊類如此斯真以理術為治術者歟 包南川云文江性孝友通籍十餘年同謀過且盡獨以未夫大年高不就選知文數為勸駕弗顧也其賜宴詩云獨思道遠難遺母當會猶慚考叔羹寒從性情中流出讀此知其一念不忘親矣

橫村云博野以經義起家年十三補諸生試輒冠其曹所訓行鴉百餘篇書林為之三易故稿厚其文而取科第者不可勝計今令嗣東村亦博野文宗酒門牆之戚不遠於昔云

貞豐朱孝婦

孝乃百行原人心胡不古孝子不易稱孝婦尤難數吾友徐君言此間有奇婦叶家貧夫出傭翁老姑乃瞽負姑與出入順姑喜與怒彷彿如昔賢親飯必自哺叶生

前竭菽水沒後躬負土歲時奠蘋蘩哀慕淚如雨吾聞吾友言愴然感肺腑嗟哉世之人罔念劬勞苦鳩杖孰為扶菜衣孰為舞縱讀蓼莪篇明發終不悟叶如此委巷女史書亦罕覩慙余覘水隔定省何時補

過清江有感

纔到清江口黃沙籠日昏傳經蹟尚在陟岵痛斯存自註先君

子曾容授於此水濶雲為岸人稀縣似村憑高空悵望洒涕近桃

源

登滕玉閣

峒巖傑構勢凌空憑眺山川氣象雄彭澤潮聲轉天外

滌章山色落杯中才人逸唱秋烟渺帝子遺墟夕照紅
一閣堪憐幾興廢江頭為問釣魚翁

秋夜同徐虹亭嘉興道中

秋來猶歎暑如焚待得涼生已夕曛兩槩乍搖波底月
一帆斜送樹頭雲地臨橋李堪懷古人近南州喜論文
炎氣不須揮扇却商飈簌簌隔林聞

登彌羅寶閣

五湖晴色繞城隈高閣凌空四望開雉堞正當簷外出
山雲半入檻中來遙瞻萬井人烟動俯見千林鳥雀回
勢與浮屠相並列氤氳香霧護重臺

過東阿縣偶成

漢代循良易得無宮碑表績徧通衢果然誦口堪憑準
當日宜封阿大夫

顧卓字爾立有雲笥詩稿

橫村云子於玉池生稿後得雲笥詩一卷計古今體五十六首乃吾鄉前輩
顧爾立所著也爾立字容江爾立人者六年主人以天漢為望禮賢下士
一時解教常滿座下而尤契爾立與贊皇兩人凡有吟詠無不與偕并附
其詩於己集之後其見重於贊主人如此乃我邑詩壇無有知爾立者今
去爾立作客時不過七十餘年而詩文散佚姓氏莫湮沒不傳良
可慨也主人謂卓以善畫花鳥名於時今殘縑斷紙亦無有存者

嘯臺

高臺出林杪遙與西山對仰天一舒嘯聲激秋雲碎何
須羨孫登浩氣充大塊

贈根潔上人

吾師風雅甚偶爾滯長安舊識住山樂新知行路難道
心閒處會世事靜中觀何日從吾好相隨隱翠巒

送吳青霞南歸

一從白嶽到幽燕底事淹留竟十年句好每令才子誦
囊空寧受俗人憐纔拚歸計當陽月又訂來期過暑天
我獨感君知我意幾番惆悵夜燈前

山行即事

愛聽松聲入翠微寺門不掩任雲飛老僧見客渾無語
笑向巖前自晒衣

九日寄友

去年俱未客他鄉今日登高各一方猶憶扁舟同載菊
滿天風雨過橫塘

七夕書懷

節候經心欲斷腸故人無復勸飛觴憐余兄弟逢今夕
各在他鄉憶故鄉

徐銑字公衛號半村太史鈞弟縣學生

潘稼堂云子向有落花十首又

亡其稿今公衛多至三十首意不復詞不之運思新而比類切遠
勝于昔年所作公衛不以詩鳴而欲應方爾能者固不可測耶
樸村云半村為虹亭太史鈞弟太史早踐清華而半
村以諸生老隨遇感興宜其有蒨席泥塗之歎也

落花詩

國朝本傳言行 卷九
枝枝憔悴對斜陽翠羽分飛惹恨長亂撲乍窺當繡戶
低迷又見拂鄰牆樹頭空掛三更月水面惟餘一片香
為惜芳姿竟何似晚風吹斷不成妝

程燠字然明縣學生

過潤州

潤州京口郡亂後我來過鐵甕關河險金城戎馬多舊
巢棲故燕荒塚發新柯落日郵亭近臨風一浩歌

深秋即事

每對長空思倍清荷衣蕙帶轉傷情落霞飛處群峰紫
潭水澄時片月明目送歸鴻天際斷心驚霜劍匣中鳴

杜陵野老多愁思謾聽寒螿百感生

計默字希深號策村孝廉東次子附貢生有策村

詩鈔

韓蘇慶云策村詩鈔其卷中或懷即事即目之作無倚傍無補綴趨然出處遠而上也陸陸堂云甲戌之春四方名士萃筆下

策村執牛耳踰於珠繁王敦問意氣神何或也幾十餘年同學皆摩天去獨策村塞連不得志仍以賣文作活誌哉然其詩愈變愈上殆歐陽子所謂窮而後工者耶王梅泮云希深紀事之作風格甚老五律章法句法悉從杜出

述古

陳餘並張耳於魏稱名士如何耳獨王餘顧死泝水吾
聞監門時吏笞餘欲起耳也躡之受小辱無遽死兩人
事成敗只此識臧否不見圯上翁留侯為納履強忍乃
可教功業蕭曹比

春日睢陽雜詩

已是春回日依然客宋州
遠遊容易瘦薄醉轉添愁
囊顧仍羞澀詩吟孰和酬
不堪南去雁長叫徹高樓
作客談何易淹留憶大梁
彼都猶寂寞何處不炎涼
鉏萊真長策苦茅寔秘方
幽栖田舍穩此願幾時償

南雲時極目鄉信到偏稀
側想高堂意應思遊子歸
杜門謀未就索米計全非
仰愧林間鳥啾啾傍母飛

與德尹話舊時集葯洲太史邸舍

髮白難藏老村深好閉門
此行亦偶爾時事不堪論
牛李方修怨張陳豈少恩
廣平投轄慣取醉且留髭

寄內

老妻憐我甚三月一書郵
不寫長貧况多虞遠客愁
書疑眼底忘酒病齒根浮
歸夢宵來劇荅枰午院幽

內善英因及之

葦村即事用仲拱辰過訪韻

盡日耽幽村舍中忽看桐葉落
秋風巧當乞後仍多拙
詩到窮時竟未工解事紙將
碁局畫可人火撥酒爐紅
醉餘還報西溪棹雪夜王猷約略同

自註石倉謂余云舟過雁湖容黑幾不辨路

輓朱漢直

髻鬢交遊形影隨
竭聞溘逝不勝悲
半生瑣操三條燭
垂老淋漓數卷詩
夢裏登牀猶出涕
天涯磨鏡竟何時

自註計開之
日余館山右
踈狂底事關情甚零落通門尚有誰

自註漢老幼同
董司業如齋後

檢討虹亭吳比部
大馮統經先子門

和汪鈍翁姑蘇楊柳枝詞

紅橋綺陌柳陰濃
歷亂飛花類轉蓬
怪殺前山女貞樹
能禁二十四番風

去年折勝復依依
贏得江頭紫燕飛
委屬東風與將護
一枝留待葉砧歸

後論文

有小引

方植見余論文八絕謂唐宋大家已略識流派
矣明代迄今諸作手原委異同可得聞乎余嘉

其有志學古因為疏示率成如左時乙未臘月

小除日

當代詩文首牧齋絳雲萬卷腹兼該淋漓史筆追彪固
不鮮延陵故舐排

於一朝宗犄角久商邱姓氏震寰中豈知江右文彌古
已到無人愛處工

時流侈口是歐蘇淳質誰如王蔡夫聞說窮經四十載
文家客氣果然無

毘陵才彥埒琅玕董子驚才鵬翮搏天假斯人年半百
不難屈宋作衙官

自草本陰言後 卷九 三 愛吟齋

易堂諸子學難量微士文尤光燄長得力全然左氏傳
前身疑是杜當陽

古宋文人昔往還哇淫一例手能刪史才綽有侯公子
經學何如田箕山

新城自是文之杰援筆成篇老氣橫翻以風騷拚述撰
南豐怪不以詩鳴

堯峯法細辨毫芒慢罵橫塘老亦狂千載斷碑韓吏部
更誰稱說段文昌

詩到陰何苦用心杜陵改罷亦長吟澤州文稿刊三易
想見虛懷學海深

側詞艷曲到雞林大雅材難是處尋殘夜曝書亭數卷

靜中端識古人心

先子雄文自一家憑陵熙甫竟非誇十三齡揖張夫子

自註天
如太史早許風流總永嘉

顧世昌字威寧雪灘釣叟有孝子附貢生

樸村云詩約所采送青霞及世德堂二題詩共十餘首語皆寬泛筆盡平
庸得威字作如黃茅白葦中忽遇蘭蕙一枝令人竟蘇芳香雪灘風雅知
有替
人矣

送吳青霞之昌化

客行無遠近同是一離愁况屬雲霞侶兼當江樹秋別
筵鴻度渚征路月隨舟去矣言何贈明珠莫暗投

國朝公使詩教 卷九 三 愛吟齋

早春集世德堂分賦

春日開尊近釣磯
柳絲梅蕊漸芳菲
乾坤搔首驚蓬鬢
湖海知心戀布衣
出谷暖鶯催客醉
隔林晴雪繞筵飛
詩成莫漫聽銅鉢
秉燭還堪戀夕暉

書項羽本紀

千古英雄孰等倫
匹夫徒勇昧臨民
可憐一點烏江淚
不恤三軍恤美人

俞翼字孫謀鹿林山人無殊孫

姑蘇楊柳枝詞和汪鈍翁

長條阿那逐風斜
春色多依賣酒家
盡道妾眉如柳葉

誰知郎意似楊花

吳時森字青霞明大司寇洪裔孫

顧黃門祠

自註陳黃門侍郎顧野王著玉篇後人因祠于此

烟鎖荒祠碧草痕
歲時猶自祀黃門
六朝冠冕皆如夢
千古文章迥獨尊
鴉噪夕陽深殿晚
馬嘶殘樹野塘昏
何人更唱迎仙曲
蕭颯英風滿故村

勝墩

自註舊名盛墩三國時吳總管盛斌葬此故名明嘉靖中邑令楊正興考廉周大章破侯于此改名勝墩

古墩紅樹鎖斜曛
此地曾傳淨海氛
赤壁獨收公瑾略

黃金空費魯連勳

自註大章禦寇有功朝廷錫金幣欲官之不愛乃授其子崇仁為蘇州衛正千戶世襲

蕭條野

戍新移柳零落殘碑舊
勒文多少行人談往事
鴻名不

數盛將軍

潘葆光字希聖明諸生爾夔子歸安縣學生

樸村云希聖為硯比先生長于偶瑣有才略雄於文詞時若汪太史武曹陸御史麟度周明經漢荀諸先生皆折節下之生平友教四方門下多知名士如范司空約軒金孝廉士吉輩尤表著者令子文登字銘徽邑諸生頗敏嗜學亦為士林所稱

題畫

一帶溪山繞碧流垂楊低護釣魚舟日斜鼓柁將歸去又被泉聲喚轉頭

費紹霆初名洪讓字軒文博野令洪學從弟海鹽縣學生有

瀟碧齋小稿

蘇軾詩云軒文清詞能句往往驚倒老宿予飯時與叔詩每脫稿則筆印相傳以熟米竹坳論穉穉空徐虹亭諸前輩交口推重之後遂擬持太史門學日益進瀟碧齋詩即太史所熟定也

秋懷

一室無長物寥寥書數冊鐘魚響梵宇林薄起暝色開
窓延明月此真吾佳客樹頭滴沆瀣階下吟蟋蟀依依
坐殘更隔屋懸燈滅

莫登峰望太湖

尋幽來古寺眺遠躡層巔山斷吳雲接天低越水連片
帆輕似葉一鷲迥凌烟浩蕩舒清嘯乾坤吾放顛

潘道謙字非鳴號衰菴明諸生爾夔從子有夢筆軒

詩鈔

秋感

拋擲銅符解臂韉他鄉自笑久淹留霜摧柳葉無青眼
風捲蘆花早白頭江燕已將歸北地塞鴻何事客南州
也知孤矢男兒志畫角砧聲處處愁

吳兆宣字貢君明司理晉錫從子

樸村云此漢廷之從弟也
為人英爽有出塵之致

上張九臨吳海序兩夫子

昔依絳帳愧康成重到龍門百感生惜別關河逢朔雪
喜歸草木遇春晴華年空負文章譽多難還深師友情
相見那堪追往事金雞客夢幾回驚

吳雋字天蜚一字淡人諸生元玉子有淶野堂詩

存

周雲川云淡人性放曠工詩少遊頗亦雅之
存門多所指投家貧投徒自給不求聞于世

江濱晚眺

釣雪灘邊日已西垂虹亭外亂雅啼平沙忽起雁衝陣
一艇乍橫人過溪暮暮炊烟紫樹直澄澄潭月向人低
野夫徙倚渾忘莫帶笑歸來手杖藜

顧炳文字星若號晴山康熙壬午舉人官永定知縣

有晴山詩鈔

陳受之云晴山罷官歸衡寓吳門舉人不得數見其
任宦之蹟里中無從知之吾師廖太史南崖為永定人
向予言晴山作令時黎已愛民為七閩循吏最至今四
十餘載永之人猶尸祝之嗚呼可謂慈道愛人者矣

答高大立先生次來韻

先生學殖富五言峙長城新篇自南來意氣何崢嶸菲

材不鄙棄一字華袞榮况乃二百言如珠盤中傾久作
燕晋客面目慙荒僮青齊復相見洗濯憑冠纓半載共
遊屐逸興彌縱橫泰岱攬若木滄海塞長鯨有如幽室
中忽覩日與星宵移窓下燭月換階前筭微言相扣擊
往往凌青萍方資絳帷坐乃作滄江行白鷗波浪遠野
鶴形神清比聞息駕來採菊南山晴敞廬近咫尺耿耿
抱寸誠光霽猶在目夢寐頻牽縈亦知不望報投我先
瑤瓊自分瓦缶質終賴陶鈞成因風寄短札極望南雲
平展謁會有期明當返柴荆

旅夜口占

鄰雞莫亂啼啼時天易曉征人少夜眠五更夢方好

吳景果字旭初號半淞明太僕邦楨五世孫官懷柔

知縣有賜書堂集

沈冠雲云康熙乙酉 聖祖南巡旭初以諸

縣隱邑素稱雅治旭初勤撫字民咸德之初建溫陽書院以經義
導其士人懷之文風自是丕振所輯懷柔縣志稱體裁之善焉
檇村云半淞風負雅才為潘稼堂徐虹亭詩前輩所
推詩服官後獨勤著述好學者固不以作吏廢也

林屋洞

左神幽虛棲百靈洞口隘若甌與瓶解衣初入風泠泠
偃行泥淖雙足滯松明幾炬分流星白蝠撲面如蜻蜒
忽然高敞忘晦暝快若困鳥梳其翎微聞洞腹聲玎玎
玉乳滴瀝金膏零雜陳物象光晶瑩大者鐘鼓小甌瓠

砂牀石臼誰所停以手捫摸平如硯神鉦一擊聲吼霆
蕭然令我心志寧群仙小別三千齡欲徃從之雲冥冥
洞門石扇葳蕤扃巡以啞虎守六丁安得蕩蕩開軒櫺
遍繙秘笈窺丹經綠毛仙人方瞳青導遊為我乘雲軒
西登戟眉涉洞庭南尋羅浮凌滄溟興來更草新宮銘
擘窠大字書翠屏長依丹竈供使令或采芝朮斲茯苓
上清真誥得細聆洗我毛髓鍊我形一塵不動長惺惺
可憐弱質終伶俜衆真高拱不汝聽仙凡判隔若渭涇
恍如一夢瑤臺醒

石公山

西山山勢如環連石公突出東南偏矯如蟠龍掉一臂
撐拄濤浪擎雲烟遙瞻已愛竒且秀到來彌覺清而妍
數家墟落落山背後臨藥圃前花田寒梅飄香雪滿路
送我直到山坡前雲屏百疊聳天半雖有猱攫無能緣
金壙一罅劍闕坼人從甕底穿雲巔懸崖劈削壓湖水
驚見三面光浮天刹竿矗立松檜杪結廬於此寧非仙
別尋仄徑繞山脚噌吰鏗鞳聲喧闐怒濤萬古激且蓄
剝膚及骨肌理穿玲瓏百竅總軒豁嵌空綴若蜂房懸
槎枒爪距森欲搏抖擻羽翩翩將騫誰遣神工弄狡獪
豈有鬼斧為雕鐫爭妍競巧目為眩快步常怵他人先

石公憐我負奇癖盡故貝闕開驪淵探珠好趁毒龍睡
吹簫勿攪潛蛟眠情知此境神所閔容我寓目豈偶然
竒觀幻態有如此挂帆那忍即告旋却怪留題徧巖壁
買山輒欲支茅椽移家拔宅盡虛語勝地終讓山僧專
何如閒來便策杖青鞋布襪徃復便低頭拜與石公約
重探靈異期來年

縹緲峯

重岡複嶺環周遭縹緲一角撓天高不知此峯拔地幾
千丈但見衆山帖帖脇下如兒曹捫蘿上絕磴拄杖凌
巖嵒蹒跚腰脚走且憇始得峰頂放眼看洪濤竒哉瀾
瀾白銀界中有七十二朶青蓮苞吾聞洞庭彭蠡亦巨
浸其中巖岫殊寥寥一卷之石那足數漫誇江面浮金
焦豈如此間三萬六千頃峰巒羅列一水包三州掌可
指百里分纖毫五湖了了見全勢喜逢雨霽浮嵐消巖
輪恍欲御笙鶴疑可招便擬排雲叫閭闔飛身欲逐罡
風飄不然移家拔宅此峯上結巢高踞青松梢坐看湖
光山色一日百千變猶勝下土汨汨趨塵囂

鶯湖竹枝詞

澤國煙波似畫圖汀洲處處長菰蒲就中最是難忘處
細雨斜風鶯脰湖

國朝松陵詩徵卷九
釣罷收綸晚渡喧疎鐘隱隱報黃昏佛燈未上漁燈亂
百尺寒濤打寺門

國朝松陵詩徵卷九

國朝松陵詩徵卷十

後學袁景輅質中編次

後學王元文畢曾
同輯

顧我魯瞻泰

沈天寶字竹西嘉善令虬子康熙乙酉舉人有竹莊

漫稿

潘稼堂云竹西尊人兩宰江蘇子孫賦篇多有依倚馳騁者而竹西亦素素然不持官舍一物比愛知名公卿屢居東閣為貴公子

師一切題名厚實力能致之而竹西安於義命泊如也故其詩清真澹洒之致耿介振俗之思溢乎行墨是詩品也而人品先焉矣
樸村云竹西與尊人次雪並以詩名又並工書法人比之蘇東坡有子

公無渡河歌

公無渡河公竟渡河渡河而死悲洪波渡河尚不可何

國朝松陵詩徵卷九
釣罷收綸晚渡喧疎鐘隱隱報黃昏佛燈未上漁燈亂
百尺寒濤打寺門

國朝松陵詩徵卷九

國朝松陵詩徵卷十

後學袁景輅質中編次

後學王元文畢曾
同輯

顧我魯瞻泰

沈天寶字竹西嘉善令虬子康熙乙酉舉人有竹莊

漫稿

潘稼堂云竹西尊人兩宰江蘇子孫賦篇多有依倚馳騁者而竹西布素素然不持官舍一物此愛知名公卿屢居東閣為貴公子

師一切題名厚實力能致之而竹西安於義命泊如也故其詩清真澹洒之致耿介振俗之思溢乎行墨是詩品也而人品先焉矣

樸村云竹西與尊人次雪並以詩名又並工書法人比之蘇東坡有子

公無渡河歌

公無渡河公竟渡河渡河而死悲洪波渡河尚不可何

况溟海惡浪山嵯峨黑雲壓天日無色陰風慘澹百怪
多君何為而來此地粵東行省老從事王事有程不改
稽疾驅海濱意難遲珠崖孤懸絕島中遙指百里舟行
通怪雲一縷起天末舟人為語噓長風君詫狂言決
往揚帆鼓柁馳空濛中流颶母果為祟狂飈拉雜翻
腫一時官吏相抱死百二十口無遺踪嗚呼君非同
屈原願滅頂又非求仙徐福來自滄瀛東何為竟學
髮狂癡之老叟捐軀沉魄蛟龍宮君有田園吳越間華
堂窈窕臨晴川美酒清歌娛旦暮曲房盡貯如花顏何
為求榮自束縛一家飄散如飛煙庾嶺嶺頭婦哭死兩

子連殞潯陽船妾生兩雛在襁褓呱呱扶襯歸荒阡君
不見長安大道平如砥朝入金門暮朱邸一朝失足蹈
危機卵覆巢傾亦如此吁嗟乎宦海風波隨處多豈獨
人間公渡河

六安閘

風急懸流下孤舟欲上難一門通絕岸百丈壩危湍殘
雪沙間白疎星樹杪寒荒亭無酒賣未得旅憐寬

送潘雙南南還

三十年餘湖海名論交已是鬢絲盈但逢酒地稱雄長
每到詩場讓老成許渾尚存丁卯宅伯鸞仍寓閩閩城

秋清長嘯尋歸楫賸有鷗群續舊盟

平原城

遙睇孤城大野前千秋遺蹟思茫然天涯作客悲毛髮
海上戎名憶魯連古岸春風吹斷柳亂山殘照入寒
祇今國士應多有誰比平原折節賢

許運昌字三英一字鶴儔號甘泉 恩貢生有梅

書屋詩草

周石序云三英賦性灑落生平無愁慮懷心故得沉潛
問自性命文章下逮醫卜圖書藝藝靡不研心深究起

流筆尤喜為詩歌每一篇成名公宿學互相稱賞 陳行之云甘泉先生
為吳門朱姓督將領身結客以讀書友朋為性命朱家近有花洲門外
水數畝有漁漁之趣所謂北池是也先大父黃門公館於朱與甘泉訂
漆契同時若張日容何也曠徐大臨頓侯君周漢荀先叔祖玉文諸先生
俱不逮之客文酒之樂無日無之有北池詩一卷皆黃時酬唱之作今甘
泉後人竟無從訪其踪跡遺編零落為之慨然 味受之云先大父黃門

公官慶山時甘泉先生手錄近作詩篇并寓登高眺遠圖裝池成冊郵筒
數千里外以寄相思真可謂古道交而前輩風流亦不讓鄭慶三絕也
樸村云康熙中邑中談詩者群推五大謂明經與二周二陳五人皆行一
也明經詩以敏捷擅場每聚吟壇分題擊鉢諸公或默坐或然髮或散步
危句而明經則信筆所如
千古立就一時咸推服之

飲惠泉示同遊諸子

吾觀天地間靈氣孕川嶺凡水皆清冷山泉清更迥茶
經貴漫流次第下及井

自註陸羽論泉山水上江次之井
為下又山水乳泉石池漫流者上

斯泉品

第二獲賞諒非倖瓶罌走天下余亦慕甘永祇恐非其
真狗名徒齒冷茲來漪瀾堂親汲寒光耿一勺沁肺腸
宿醒俄覺醒至味不可名妙處各自領飲具雖提攜不
暇截紫餅留連探幽源石罅流一綆方圓別苦甘咫尺

味莫並况乃遠郵傳真偽何由省繫余聊一嘗寧與衆
口等湔洗清光中吾目亦炯炯

自註坡詩俗
眼為洗滌

歸來哦小詩得

句發新穎

祝陳黃門稍亭七十兼述鄙懷

伊予寡知已知已患別離不堪少壯日况當老大時先
生在吾黨個儻多英竒半生苦牢落一命宰邊陲賢聲
動明主超擢邁等夷山左至聖里家有詩書垂士習
不古若善教在得師先生受寵命勤慎使節持斯文已
之責將以起其衰作書與吾黨輔我子輩宜維時素心
侶喜得朝夕隨親見齊魯間化雨露灑灑叶自公有餘

暇登臨共忘疲賓日岱之頂濯足海之涯歷下亭最古
醉詠老杜詩汶水流若帶趵突噴清池當其興豪處千
春樂在斯星軺報政成雲散悵別期余也歸最早故吾
仍卑栖遷徙類東野卧病慙戚施憶君還朝日而吾正
苦飢苦飢何足恨恨不雲霧披君生恰元日今歲慶古
稀我有一杯酒道遠不得攜我有一首詩道遠不得貽
酒薄有真味詩拙無愧詞上以祝眉壽下以道相思相
思何時既惟望君早歸聞君在日下往往歎孤羈未云
結新客何曾故舊遺窮達固有異心跡兩不疑攜筇賦
歸來庭樹已華滋松陰提榼飲桐葉點筆題一觴復一

詠此樂方熙熙

冬日遣懷

度外遺榮辱窮冬跡自閑琴流絃外趣畫寫意中山雪
霽月初上林空鳥獨還漸安迂拙性蓬戶可長關

沈澍字洵聞號浣桐高陵令永令子國學生有浣

桐詩稿

樸村云浣桐少玉詩連不得志於有司過遊南北所至名山巨川荒祠古蹟莫不以詩紀之集中登臨懷古之作居十之八九詩法唐人不染流易纖巧諸派蓋高樓遺像字字唐音浣桐得力固存存也

七里瀧即事

黑雲啣山山如漆山魃窺燈傍船泣濤聲澎湃枕上聞

酸風怒雨中宵急平明乘風入瀧口灘水東注風西激
水風相抗舟已橫篙師叫號客股慄頻年懊恨鞍馬勞
今日翻思鞍馬逸太行羊腸何足驚顛蹶猶能馬前立

饒州

勝地無端襍被過芝山驛下拜饒娥浮梁西去層巒少
彭蠡南來巨浸多千里檣帆連楚越一江烟霧走蠶蠶
自憐天與湖山福乘興登臨欲放歌

黃河口

短劍輕裝逸興橫却因懷古百情生鬼聲夜哭茅津渡
鸞駕秋聞緹嶺笙白羽射雲隨鴈落黃狐當道向人鳴

那堪古調邊關曲猶訴繁華舊汴京

海豐道中

歷遍長途不記程
筍輿偏喜薄裝輕
山圍石磴千重碧
水繞風村一鏡明
瘴嶺烟蒸無雁到
蕉園日黑有狐鳴
炎方秋盡猶披葛
無奈征人鬢雪生

大同

黃塵白日草蕭蕭
箴篋吹來殺氣遙
何處射生馳鐵騎
陣雲高處落雙雕

吳世標字赤霞康熙乙酉戊子副榜貢生有燕臺詩

鈔

王從基云赤霞詩題即以詩文際吳下一時宿老皆斂手推服既而真鈔入成均館下名公如明慎定交故凡詩文壇皆赤霞無不與焉然同社

中才不如赤霞者皆
霞之優於
於遇也
顧俠君云子弱冠即與赤霞定交為人歛歛
歷落道筆如
而驟頃刻數千言時徐庶常大臨張庶常日容宋銓部
嘉升家兄近客方為諸生約為文酒之會赤霞每為舟過關邸相與狂歌
痛飲飛揚跋扈視功名富貴蔑如也丙子歲諸君集京師韓宗伯慕
虛以文章領袖接引士類於赤霞有國士之目一時聲譽遂徧南北
樸村云赤霞好遊足跡幾半天下于豫于黔于楚所至皆有吟咏獨荆燕
臺一集以羈留最久也其兩陽留別詩序云十年洛下染盡羈塵七載棘
關燒殘紅燭雲英座上獨憐君未成名山鬼道中但笑人成作郡讀其詩
者莫不悲其遇也寓京師時正輯韻府一書吉水李宗伯托君家大馮比
部邀為幕僚赤霞以先父澤州相國之招作
長歌謝之當日公卿傾倒於赤霞者多矣

讀史

陝郊魏隱君武林林處士星文映少微
耽懷在山水粟帛詔衡門堅卧強不起
何為种山人騎從喧帝里逐逐
後車塵東封還西祀二君欽高風放也媿欲死千載秦

吳間清名溢人耳終南一捷徑嗤笑玷青史初志非不
高末路節為毀人生皎皎名所貴保終始

漢儒善箋經唐賢事訓詁宋儒疏義理別自開牖戶經
學乃大光聖治非小補憑藉一家言獨有王介甫三經
著新義僻學走群瞽悞解周官詞新法猛於虎世儒不
通今介甫患泥古經術禍生民窮經焉足取不如趙忠
獻論語只半部

送青霞兄入昌化

兄弟曾無幾星離各一方春風淒驛路秋草隔池塘別
夢江天濶愁懷夜雨長况看揮手日蕭瑟又重陽

自註三
月題仙

兄入都今青霞
兄又赴衡幕

孫松坪太史移寓古藤書屋次雲間王雲岡同學

韻

春明小築愛精廬暫掃軒窓便晏如歷架藤花供好咏
過墻竹色映殘書嘲將頻解楊雄客

自註太史
善嘲詈

鄰為新依

王翰居

自註雲岡時
依太史寓

謝墅庾樓零落後風流重復到階除

自註
向為

余鄉金息營太傅邸第後嚴侍
郎顯亭朱檢討竹垞皆曾寓此

陳鍾庭編修於邸第栽芍藥數十本爛漫如錦一

時有小豐臺之目賦此紀盛

分攜鼠筆寫烏絲麗句金荃闕寶枝玉笛倩人連夜擷

小豐臺畔譜新詞

自註時和詩甚多書田獨為倚聲數闕

紅藥尊開酒戶分酒王麴相笑紛紜醉鄉剩我封侯夢

特地花前張一軍

自註侯君書田有酒王酒相之目連日飲敗余以小戶頗為同人見推

錢雲字宛朱一字了渚自號狂山人明經霑弟有

狂山人集

清孫堂云宛朱工詩自粵東歸才益清醇氣益豪邁草野山林則體物肖形窮奇極性發舒襟抱則成詩懷古尚瞻

旁通或一過百句或一韻千言如林花之怒開如谷泉之奔湧蓋涉境既奇變而文章寔足以發之不必規規格調也錢樹棠云先曾叔祖了渚者公工驪體為鍾明府王樵稱許王樵令高明時座客常滿公雄談狂論旁若無人所衣布袍涕唾狼藉當數月不浣濯主人贈以新衣弗受也人由是以狂目之然致效好古至老不倦所纂吳江人物志廣雜珠二書與先曾祖續縣志廣類函並傳於世

而臺至百首者極多然山人佳處不在此故所收者皆屬短篇

雜懷

風吹白蘋洲波冷紅蓼渚伊人隔遠方寂寞共誰語芙蓉好顏色妬之有青女倦言早歸來芳年不我與

聞禽

母母麥熟忙忙裹粽二禽名也其聲亦然章貢之間至以夏五余適聞之感而有作

母母麥熟忙忙裹粽麥熟子歸別久情痛麥熟不歸子母交慟裹粽莫遲遲山田趁時種朝出暮還家食息相與共聲聲啼徹旅人愁連宵遠動鄉關夢

周威亮字幼良一字耜原布衣安子縣學生有謙恕

堂詩稿

周笠川云耜原工詩年十三以咏史二十章謁上沙徐高士榜高士見而異之遂弱冠補增廣生員累舉不第晚年病足塞聚徒教授竟日長吟竟佹條以死

寒雀始噪庭樹既而入室與人習熟略無避忌感

而詠之

馴雀繞堂飛鳴舞日不已不知何所得意氣殊驩喜良由無俗累機趣自覺美但見天地寬詎識物情鄙飲啖隨厥宜棲宿惟所止稻粱近自足需者亦無幾伴侶百為群相顧忘我爾與世真無求於人反相倚微禽任天真恬適乃若此人生百憂牽心勞形亦毀弗如彼無知

任運以終始

鶯湖竹枝詞

萬家潭口魚正肥稻花遠遠香襲衣却聞湖中歌四起采菱滿船鼓柁歸

陳權字聖謀號東湖歷官阿迷州知州有滇遊集

費開岐云滇遊集四卷東湖官滇南時所作歷任邊裔皆遭軍旅一切禦寇建城轉輸勞怨記以詩而於鶴慶雖西阿迷山川風俗邊事藝情述之尤詳至今讀其詩如履其地而先生之鞠躬盡瘁亦如見其人

樸村云東湖豪邁有才略年二十餘即棄舉子業奔走燕趙後應韓中丞之聘從軍甘肅運籌並戰賴其力焉以例官南籠通判憂歸旋補滇之鶴慶去鶴慶數百里曰維西即麗江木氏之地新闢苗疆凡城倉汛守學校耕種之事皆須經營創始制府以東湖才命董其事東湖相地利體民情冒風雪歷險峻不三年而極邊夷境悉如內地制府上其功擢知阿迷州事時州值軍興撫綏轉運不辭勞瘁一如在維西時詩為一生癖好車塵

馬足不廢吟唱所遺浪遊集其一種磊落氣象可於字裏行間遇之。東湖未出門時有句云半畝秧田荒旱後一椽敗屋雨風時家山無限窮途厄蜀道崎嶇是坦夷又和雪川詩云也解溪頭總釣磯那堪俯仰計全非臨行不用占龜兆家在天涯客是歸極為雪川所賞

贈普安瞿令

自註瞿諱鵬住字扶搖雲南乙酉舉人余丙午同選

羨君居勝境一縣在山巔俯瞰疑無地高瞻別有天問
民先去疾論政且休偏曾共趨 丹陛相逢各勉旃

過楚雄

確犖荒坡徑逡巡過楚雄程逾萬里外身入百蠻中東
國悲天遠南行歎地窮敢期平一里回首更龍從

晴地無一里
平陰中諺語

得沂州唐司馬音問却寄

萬里東吳客鄉心日夜滋一官貧到骨愁緒亂如絲塞
雪凝人跡凝霜凍樹枝經營衰草地辛苦有君知

維西雜詩

千載荒夷境於今隸版圖地分川北界邊接藏西隅俗
尚同麋鹿音聲雜鳥鳥紛紛名號別何處細分殊

種在維西者為獐狨在阿墩者為狒狒亦有二種同居一村者惟為子在邊散處又有生熟之分更有獐狨西番等名尤不可辨

民風安樸陋從未識衣冠跣足踰山疾蒙頭負重安禦
冬惟熱火經歲總衣單邊地生涯苦勞心撫字難

俱蓬首垢面赤足山行極寒嚴寒身無完衣惟相聚然火而已

自註夷民男婦

寄孫桐窓

兩地睽違音耗遲
沉淪宦海實堪悲
何當同踐尊羹約
重話天山夜雪時

自註十年前余與桐窓共襄軍事留駐肅州三載故云

朱永字威如號息軒縣學生

南墅書莊雜咏

一曲方塘水淼矣
滄洲趣客問公何
樂笑指觀魚處

吳挺字題仙明大司寇洪八世孫吳縣學生有娛

予旅遊臨風山中諸草

周笠川云題仙有才舉客遊齊秦三晉間久而不遇卒於涿州其詩草慈谿姜

西漢

序之

橫村云題仙學詩於尤西堂太史五古近遊七古

近四條五律以健筆出之磊磊落落如見其人

山窓聽雨

白日不肯暮黃昏
復雨聲旅魂容易斷
孤燭自難明灑
葉寒逾響敲窓夜
更清家家同聽此
何獨慘予情

秋感

畏人非性癖高卧豈時閒
孤憤終嫌激離騷亦可刪
林荒留直木徑捷恥深山
應有馳驅者嗤余早閉關
恨豈江淹始悲因宋玉
留獨憐千樹葉若為一人
秋寄食非長策浮家故倦
遊難將湖海氣蕭索賦登樓

山齋有感

初寒天氣爽簾幙夜沉沉
苔徑無人跡松風吹我襟
鳥啼深樹月犬吠遠村砧
不覺荒烟裏蕭然客思侵

雪窓懷卞松崑明府時以事降調將出蜀過秦

置酒梁園莫思君鬢欲皤王程新雨露客夢舊風波仕
宦猶如此踈狂竟若何一般鴻爪影相見合長歌

得卞明府下峽之信

百丈牽舟處蓬窓景又親清緩三峽莫杜宇亂山春倦
眼看明月殘燈憶故人何時花下酒重醉兩吟身

哭嚴貞侯夫子

大夢誰能免驚看獨苦辛虛窓啼弱女遺筆付何人半
世無家客三秋老病身生前形影伴今日返其真

仲 治字滌久號潔厓秀水縣學生有寶日堂詩集

朱竹垞云潔厓年十二作雪賦伯父紹履見而異之謂其父子哉曰此子
天才也勿以小成視之遂疑其所學以吾友繆天自為師補諸生後一入
釋闈即絕意進取歎曰夫不見道徒以薄績為工者朝槿耳盡變其少時
之冒銳意雖史凡前人未剖之疑兩歧之解必剔骨見髓以補先儒所未
及今年已六十矣猶耽
此一室人罕窺其貌者
樸村云竹垞為潔厓作傳詳敘其資稟之異師承之正好學之篤
至老不倦而無一語及詩豈詩為潔厓係事作傳者故略之耶

題黃敘九南陽草堂

梁父吟成十畝間軒楹初闢自題顏閒來坐久能消俗
高樹鳴禽似碧山

汝承汪字鴻書有蓼齋詩鈔

沈壯雲云鴻書少孤學詩於婦翁
葉橫山橫山以杜集授之半歲得

其氣體其詞悲涼鬱勃橫山賦稱
之因題曰蓼齋詩草并為之序
樸村云鴻書得橫山先生指授詩必可親訪之樊湖人皆云其詩散佚又
不可考今從用九集中得詩二章次和韓韻尚能不失步武存一以誌其

集

三

夢吟齋

丙寅九日前一日同人集橫山二棄草堂用昌黎
醉贈張秘書韻

側身處蓬蒿世事靡所聞我家冰清翁茅堂集諸君賓
至不自罷談笑皆令文昔者帝子閣高會麗若雲茲會
雖殊迹衣裾自同芬賤子等管艾詎敢望後群目存苦
心盲妍醜奚能分念茲扶輪意救時存孤軍何必飲醇
酒德洽心自曛山中饒盞韭陶鼎香氤氳善哉摩詰觀
至道原無云逸情任所託一息群言紛妙義當滄波盡
洗世腥葷絕勝粉黛假點染矜紅裙陽春奏逸響如風
散雷蚊有如蕪梅檀安知有餘薰歸來竊鍵戶畜意攻
典墳身類西華子葛屨事耕耘始悟有為前彰美銘心
勲矢志不敢負勗此朝夕曛

周 珂字有聲一字鳴菴明瑞安令大章裔孫有鳴

菴遺稿

吳青霞云石生先生有三子伯瞻奇季美斯皆好學有才譽獨有聲以生而菴淡於名利居常栽竹數竿飾花數種紙窓柴几取古今圖史據陳左右或借人書有可意者必手自繕寫裝潢成帙喜作詩每一構思務絕去瑣飾直抒性靈美斯稱其有香山放翁之致知言哉年二十五病卒無子所遺集美斯藏於家

和范石湖春日田園雜興

花邨晝靜不聞喧芳樹參差帶綠烟別有人家堪畫處
夕陽犬護竹籬邊

周廷諤字美斯一字笠川明瑞安令大章裔孫縣學

生有笠澤近稿

沈果堂云笠川少從長洲宋既庭遊家愛其才以外孫女妻之既而學詩有聲為前輩顧茂倫稱

賞益自當屬辟力於唐宋諸大家老而彌篤嘗以邑人之詩自明迄今分見於詩集詩略者不計數百家乃合選之復廣搜補開仿列朝詩集例人為小傳考其源流派別論斷有採名曰吳江詩粹又續成凡蘇所輯吳江文粹凡四方與邑人所作詩歌序記碑銘傳贊書啟題跋之闕吾邑典故者皆錄焉笠川世父商字子山天才豪雋有能詩名

游天竺

奇峯插霄漢上與浮雲暝一夜雨聲長山路遍泥淖侵
晨啟烟扉策杖多乘輿澗泉百道喧竹密斜通徑逶迤
到僧厨歷歷雲生甑何處鳥關關隨風答孤磬欲從稚
川遊襄袖搔短鬢

夜自廣陵至真州作

返照入江天江上亂峯紫念此遠行客孤篷艤水湫秋
暑喜微涼宵征何暇已清光逼潮頭皓月覆空起風颭
冷侵袂獨卧船窻底流水聲活活細聽清人耳早鴻度
竹西夜靜天如洗笑予非為名何事輕千里

連日大風後客有邀予登山觀太湖冰凍有憶作

連朝颼風發空山戰蕭瑟兼之波濤驚噌吰聲非一恐
慄坐危樓裹頭不敢出夜半風乍收晨曦射窻隙有客
邀予去停午歷山脊攜藤欲出戶舉頭猶跼踖須臾上
高巔天風吹我幘渺渺殘樾裏一片湖光白沙鳥絕浮

沉風帆斷出沒吾聞三萬頃蕩滴流無極如何歛膠合
幻作玻璃色不知龍閉淵或恐蛟潛窟乃知造化心陽
轉陰相敵浮雲從東來峰峰蔽白日故鄉一回首於邑
填胸臆有父踰六旬垂耳髮如雪天寒擁敝裘思兒朝
及夕誰知天一方欲歸歸不得何當身奮飛從天乞雙
翻

顧熊慶索壽其母秦太君五十詩

我家巷東君巷西華門深閉落葉飛今朝剥啄喜君過
袖出纁素索我題君言慈母今半百歲茹荼髮垂白
嗟哉失怙纔二齡危如累卵母覆翼只今漸長恩難報

願此終養惟承膝我聞君語為君歌母節子孝釀太和
堂前半菽有餘味世間萬事多驚波君不見顯考叔邀
君一食食舍肉挾軻爭射空碌碌又不見北郭騷齊相
見憐真兒曹受恩一死輕鴻毛君今養志甘屈首慈母
對之開笑口三徑年年來故人洗筆登堂為母壽

白沙秋月次施刺史韻

荒堞連江起清光萬里秋風高驚遠柝岸古抱寒流涼
露微侵袂明河淡入樓夜深何處雁嘹唳到沙頭

海上

鎖鑰東南險屏藩十郡雄月高聞鼓角天濶走艤艫噴

浪鯨牙雨吹沙島戶風飄零雙劍在那用泣塗窮

登北固山入甘露寺

不盡江聲走東南湧一峯乍來空谷屐忽動上方鐘鳥
破雲千疊僧歸翠幾重疑從天半立足底仗孤筇

登興化拱極臺

飛樓迢遞俯江清登眺蒼茫散旅情翔雁背帆歸別浦
西風吹浪打荒城秋深蘆繞漁曾白日落燈從海岬明
景物他鄉殊不惡何緣潘鬢遂愁生

九日登鼇山

獨上危峯峭壁間振衣俯瞰水涵潏半村黃染霜中
幾疊青分浪裏山歷巘故移雙屐齒正冠聊掩二毛班
羈愁此日真難遣笑插茱萸扶醉還

鶯脰湖竹枝詞

儂住前溪獨上樓望郎遙隔後溪頭何時化作溪中水
并入鶯湖一處流

吳江竹枝詞

東距吳淞北太湖迅流如駛少停淤而今寸寸豪強占
菱芡菰蒲要索租
新漲浮浮八尺塘一枝柔櫓破菰蔣回船慣宿女兒蕩
捕得魚歸又夕陽

月裏灣邊柳影毵
蟲魚箋註說愚菴
同時釣雪灘邊客
鐫布英華到日南

潘家顧字在之號蓮溪曲靖守見龍子國學生有且

存稿

王半溪云蓮溪少時隨父宦遊以問中詩得名後以家貧奔走四方境益窮詩益工然為客日多里人莫知其為詩人也後復無子

其婿之女陸

刻其詩以傳

樸村云蓮溪年十六遊錦屏山題詩寺壁適夏太守霖來寺見之稱賞不絕口遂使題詩扇以李青蓮遺之寔未謀面也太守遊山已屬前事而又換才若此今豈易有其人耶後蓮溪亦能銳意學古自處作者可云不負知已詩氣體高朗辭古鮮勁不險僻不淫靡洋洋乎中流之遺音也

論詩

豎儒本褫襪強學工部詩窮年苦佔畢妄謂道在茲
妄知千里謬其失本毫釐掩卷毋自苦坐令精力疲靜養

浩然氣縱觀萬彙奇氣充神以健勃勃不可羈於此更
力學庶得窺藩籬胸襟倘偏側吐氣終委靡叶譬彼蒼
蠅聲敢與雷霆追聲聞不達牖張吻將奚為

古詩十九首名氏胡弗傳似出不經意復絕千萬年傑
者不能道亦非仙與禪冲澹味益佳不媚而自妍晉人
力摹擬已漸失其天楚人學齊語舌轉聲未圓夜珠對
明月光炯神不全

昌黎文最豪詩格尤縱橫筆端鬱怒氣隱隱聞雷鳴顧
瞻五岳失叱咤千夫平其才寔間出孟郊非其倫

昨讀鮑昭詩遠勝庾開府今誦樂天吟元相非其伍杜

牧豪興粗賈島枯腸苦古人闢生面鍊之以焦腑如何
學古人步步循故武昔之清與新今已陳且腐
晚唐日靡曼宋人矯其枉半山既清俊廬陵更幽爽偉
哉蘇長公百體運諸掌放翁尤挺出後學頗宗仰新穎
似勝唐厚薄終霄壤氣運實使然人力烏能強
宋元諸作者字字求其工求工益以拙立異反成庸廣
途不布武投距秦蒼中詩學雖小道發籟有神功律呂
各有度孰辨商與宮世無審音人論列誰取衷

讀兩漢書

成準新下漢家營廣武猶屯楚國兵赤帝傷弓惟捫足
太公登俎待分羹暗鳴霸主終輕信豁達君王善背盟
若使烏江真得渡一時走狗未全烹
中原逐鹿事如何約法初除秦政苛一日六軍同縞素
三河甲士盡投戈燒殘玉壘雲成燼戰罷鴻溝血湧波
獨恨韓彭屠戮盡酒酣猶作大風歌
傳經劉向獨含愁今古丹心死便休空有詔修廷內檻
曾無劍斬佞臣頭輸忠謁者身多病射虎將軍志未酬
回首昭陽歌舞歇西風零落漢宮秋

鼎遷嚴禁卯金刀太后官僚尚黑貂長壽酒杯增涕淚
孝元陵寢入芻蕘中宮憤懣空投壘伏臘嗁啼獨奠椒

誰假威權釀奇禍百年贏得最無聊
激濁揚清答聖明誰言處士盜虛聲
纔聞天上德星聚已見人間黨禍成
四海亡家雲作侶一山結宅樹為盟
范滂遺訓堪垂涕祇博身齊李杜名

燕邸書秋

觸耳寒螿旅思清尊絲鱸膾故園情
懷鄉夢入蒼烟重作客身同落葉輕
匹馬嘶風金勒冷亂雅啼日暮雲平
澆愁莫恃尊中綠百感都因醉後生

周之方字在卿自號希硯子明家宰謚恭肅用裔孫
有希硯齋集

樸村云希硯子家貧業織且織且讀所讀書日必盈寸尤好宋六子書
生平安分不妄求其述志詩云本擬登崇嶽其如足力疲培塿聊自驕差
勝委塗泥可以觀其志矣詩如其為
人凡有闕世道人心者尤三致意焉

送起貞北遊

知君夙秉衡門樂永矢况復當素秋商風肅道里豈
不憚行役諒子未能已飢驅顧偏仄嗟哉伊誰使古人
持敬畏願言慎行李緇塵毋或汙薄冰寧勿履勉旃振
清軌庶以慰知已

陳王謨字虞佐號東溪康熙壬辰

欽賜進士

吳縣

官翰林院庶吉士改刑部主事有東溪集

袁扶九云康熙乙酉

聖祖南巡東溪獻詩賦得 召試名列一等充四朝詩館纂修壬辰已
下第矣 上命取會試卷進呈遂 賜一體殿試書生得此真異數也

東溪令子揚公名位坤官守
州別駕工楷法亦好吟味

初聞蟋蟀

朱明猶未過促織聽何頻怪爾悲秋早愁余入耳新萍
蓬無定客風雨未歸人不必逢搖落聞聲自愴神

草

韶光滿地暗相侵細雨輕風漸不禁曉夢漫隨金勒遠
春愁重向玉堦深樂遊原上烟初織杜若洲邊浪欲沉
最是吳宮幽徑畔一年一度感人心

盛湖消夏詞和同年沈厚餘

排山倒海勢轟雷湖上銀濤捲白來却與幽人增勝事

當門六月雪千堆

鵲隱塵寰燕雀疑誰知標格在新詩憐才沈約垂青眼

從此人人說項斯

自註平川王載揚負
詩才為厚餘所鑒拔

張世煒字煥文號雪窻有秀野山房初二集

周笠川云
雪窻居唐

湖之陽老屋數椽頗能烟雲竹樹之勝客至相與上下
古今曷日不充足時不出百里外而人往社蘭其名

樸村云雪窻不求聞達不交貴顯紙憲竹屋日以著述為事其詩初學晚
唐以工整勝後與周美斯昆仲交遂改而為兩宋天學古者必於古人煙
管虛法其用意疎忽慮防其流弊方能得其精而遺其粗宋之歐梅蘇陸
學唐而得其精者即此可悟學宋法乃當時所謂宋者非九耳雜索耳甚
至街談巷語無不攬入曰我學東坡嗚呼東坡果若是哉學古而專法其
信筆一種難詩聖如少陵亦有令人笑來者况少陵以下乎雪窻學宋尚
能免俗。雪窻所輯松陵詩約本詩粹則訂成之美斯志在博收雪窻意
欲矯之故以約命書。雪窻之友陳殿升名康世少遊皇甫堯臣葉橫山
之門頗有詩名後為飢驅寄蘄門二十年南歸
沒於山左詩無存稿無處可採特存其名於此

芳樹篇

春花灼灼枝頭亂露出牆頭剛一半日煖晴熏百和香
繽紛曉共明星爛芳樹正菱蕤良人尚未歸羞將羅幕
捲忍見燕雙飛今年花比前年好明年人比今年老花
開花落自年年閒庭一樹啼春鳥妾家芳樹臨高樓嫁
得蕭郎愛遠遊縱有韶姿君不惜莫使繁花對白頭

宿天竺白雲山房

雲峰聳碧漢高閣俯幽岑綠樹窻前秀青山望裏深一
燈蕭寺晚雙檜法堂陰回首塵埃地惺然悟此心
過妙音庵同陳用昭先生

香刹何年地懸崖嵌石龕湖光侵遠樹山影落空潭遊
覽情偏愜招尋興未酣萋萋三日雨烟柳暗溪南

暮春寫懷

蹉跎往事付東風老大偏居愁病中家有青箱難授子
頭多白髮便成翁江淹詞賦徒言恨韓愈文章祇送窮
雪虐風饕多少事半生精力困雕蟲

次韻答友人秋夜見懷之作

叢桂生香過短垣懷人不寐夜將闌依違閱世吾多感
去住因人爾更難芒屨露肥秋草濕木棉風峭曉窓寒
浮生何事非蕉鹿矮屋疎籬得暫安

明妃怨

夢到深宮闕塞長
舞衣猶剩漢時香
晚來馬上看明月
北斗南橫入建章

孫炆字奎章號立夫歲貢生

嘉善籍

有華黍莊詩稿

柯南陔云立夫深探理窟多發於科舉文字詩不多作然於昌黎東坡惟肖惟妙而立夫退然不自足以為吾意中所欲道者不如是也 周笠川云立夫備居武塘為嘉善縣貢士少好學與柯綬同遊於江克燁之門為文得其指授後煜舉孝廉而立夫不過以老 費開峻云立夫先生住邑之蘆墟與先君子為詩文交五旬後舉一子名復元古嘉善籍司訓武林有二孫於乾隆己酉同榜中式名銀堪者聯捷成進士書香奕葉立夫亦可含笑 地下矣

循桃花澗歷虎巖觀真珠泉抵天門宿柳梅菴追

和錢牧齋宗伯韻

丹梯直上絕塵根
天際群山聳特尊
自是烟霞藏僻境
到來蛩磧啟重門
鱗披古樹穿藤蔓
珠濺寒泉泐雷痕
不向桃花流水渡
那知此地有真源

顧黃門祠

水邊祠宇碧雲連
曾此棲遲撰玉篇
草樹蒙茸濃更淡
無人可繪六朝烟

徐時夏字丙文一字常子

周笠川云常子能詩文熟工書嘗遊京師家落無所就歸自廣陵值山東孔東

塘治下河聘常子為記室漢會賦詩必與然卒不合而去晚年以詩一册置懷中後步里門踴躍無所納子兄弟博之每下榻連宵劇談夜分不倦也一夕暴卒於珠勝寺僧舍詩稿散佚其子服畊在梅塘

冬夜集孔東塘先生行署

相從執轡過江東酒社詩壇處處同
五字吟成飛莫雨
七絲彈罷感焦桐論文入座多耆舊
作客頻年忽老翁
共對華燈渾不寐推窓殘月又朦朧

吳為旦字叔功號拙齋布衣南杓長子有拙齋集

樸村云拙齋幼即能詩才藻逸發一時無敵與周漢荀龍藻潘希聖孫光有吳江三異人之日性孝友劉直有古人風卒時年二十有六人稱為文

中女吉云

結交行

君莫謂笑者驩君莫謂悲者苦
杯酒相逢強破顏歎忽
戈矛起尊俎淚痕挂頰光
熒熒明朝更立他家庭生前
夫婦眼前友今古何人獨能久
我不識寒松堅我不識

朝菌朽好惡本無常
翻手還覆手黃金在斗綬
在腰方信能令疏者厚

讀史

王蠋不臣燕一死復齊國
魯連不帝秦危城頓生色
乃知十萬師不敵匹夫力
紛紛儀與秦強顏徒竊食
男兒立大義生死隨所得

登君山眺江

江路三千里奔流出海門
萬山橫楚蜀一水裂乾坤
寺綴飛崖古潮攻絕壁
喧殘碑卧荒草遺字不堪捫

漫述

鴻雁聲猶急靈鼙鼓復撞烽烟屯兩峽旂幟下三江側
足真無地偷安暫此邦何方容隱遁慚愧鹿門龐
苦憶南邨叟高風未可齊腰寧從世折眉豈向人低眛
井函成鐵孤山花滿蹊無兒憐伯道淚盡不成啼
更有西山客聲名與世埋新詩能氣象雄辨復詎諧轉
徙從人老飄零此志乖廣陵當日散遺韻繞空齋
巢破猶存卯鴻飛遂失群東西四口散生死一時分極
目天垂海無邊草接雲孤身行萬里非是學從軍

閩門口號

金閩門外柳條新一路香風動紫塵芳草無言延落日

飛花解意泥遊人笙歌夜沸樓頭月羅綺晴嬌陌上春
此地繁華渾不改天涯處處有流民

王 前字魯原號顏璞長洲縣學生

水漲

野田瀕雨潤何事水洪流屋角看舟過苗根逐浪浮蛟
龍白日橫耕耨萬家愁最是關心處年來屢歉收

陳自振

原名

字翼祺號虛舟明孝廉紹文從子縣學

生有虛舟詩草

樸村云虛舟為人孝友醇謹戚友間奉為典型其外舅潘稼堂太史嘗稱
之曰篤實君子家貧力學業成名以懇親志省試難資斧芒鞋徒步重跡
傷足不顧也入棘闈者十七
次終不遇以老士林惜之

僧院

偶過蘭若地佛日自悠悠
禪定雲堂寂花深竹院幽
塵氛無處著人世欲何求
日暮長松下徘徊更小留

送春

九十韶華似轉輪空悲寂寞度芳辰
縱教有計留春住不負春光有幾人

聽蛙

旅次更深夢不成池塘無數怒蛙鳴
公私莫辨緣何事可為人心訴不平

羈愁

尺素頻傳歸計賒隔離咫尺即天涯
雲山萬里征人恨祇是思家不到家

計朱培字傳一號二如桐鄉縣學生有篔簹亭詩鈔

陳行之云二如好學垂交遊為名諸生五十年卒不滿嘗做韓詩外傳體
著尚書外傳若干卷三易稿而成臨歿猶沉吟訂正某句呼其孫改訖而
目始瞑

姑蘇楊柳枝詞

東風披拂柳絲稠挂月籠烟起暮愁
短簿祠前數聲笛不勝清怨滿江頭

國朝松陵詩徵


卷十

五

夢吟

國朝松陵詩徵卷十





國家圖書館, NATIONAL CENTRAL LIBRARY, TAIWAN, R.O.C.



國朝松陵詩徵卷十一

後學袁景輅質中編次

後學周汝翼右民
陳毓乾行之
同輯

周龍藻字漢荀號恒齋明郵贈太僕卿謚忠毅宗建

曾孫歲貢生有恒齋集

潘稼堂云漢荀沉潛好學綜貫百家高才實學目中無兩其詩撫時感事筆全

酌右莫不淋漓愷切可與可觀沈歸愚先生云漢荀為忠毅公曾孫與從兄右序並名著大江南北間學使者校士遇相疑其曹時傳為美談沈冠雲云漢荀性類異好古髫年患痘未脫而巳篤證讀雜中比長於書無不覽而尤肆力於詩始出入香山眉山之間繼而原本風騷根柢韓杜故格律愈嚴寄託愈遠陳行之云恒齋先生學詩於柳塘先生而氣骨神采轉近稼堂太史

國朝松陵詩徵

卷十一

歲今齋



559749 43

袁繼則病於時 國朝諸名家無專長者先生借古題發新意而
目不暇漢魏新穎絕類張王在此體中當獨樹旗鼓自領一軍

白馬篇

連翩雙白馬道左頻嘶謂擅將軍寵平生芻粟糜高
卧庭廡間壯士不敢騎旁觀忽歎息相馬豈在肥鋒稜
骨如削所重惟權竒低頭受豢養定非天驥姿何哉肉
眼陋碌碌爭毛皮反令千里棄憔悴群鴛欺肥馬常恐
飽瘦馬常苦飢孫陽没已久有恨將告誰

大牆上蒿行

牆上蒿自誇託根高根高苦不固萎落隨風飄牆上蒿
自喜擢秀早秀早苦不長離披抱霜槁蒿生蒿死曾足
計但恨踞盤難得地明堂選柱少成材等閒齊把蕭繁
棄伏波慕良臣肯逐井蛙住亞夫好奇策終被重瞳誤
丈夫未遇魚水知且辨隆中高卧處眼前富貴輕秋毫
搏扶豈必假羽毛紛紛依傍何其勞君不見牆上蒿

隴頭水

隴阪遙遙九折長驅車欲渡心蒼茫忽聞有水喧道旁
人言此水聲聲別盡是征夫眼中血萬古千秋共嗚咽
嗚咽聲流未已輾轉聲行不止夜半吹寒笳邊風四面
起悲莫悲隴頭水

後怨歌行

藕絲斷不再連銅鏡破不再圓即看金屋人如舊昨日
恩情此日捐情多情少安足計只道色衰恩始替驚心
最是落花風偏在温存旖旎中妾恨不為珠娘樓窈娘
井骨碎君前猶耿耿求皇曲化白頭吟撥盡紅爐灰已
冷當初離鄉來滿望登玉階玉階非不登轉瞬沉草萊
乃知苦樂真相倚纔隔衾裯同萬里升沉反覆變湏臾
縱有容華難久恃

妾薄命

秋月淒清秋露下燈花落盡銀河瀉舉頭羞對女牛星
翻羨嫦娥常不嫁

詠史

天子無私財上下通損益荒哉建中政殷鑒存史冊身
居萬乘尊自詭有錢癖瓊林與大盈充溢山阜積用兵
費自饒何至稅間陌國門歛生變棄去不遑恤倉卒奉
天圍襦袴無由獲緹城採蕪菁聊用供朝夕藉冠而齎
盜多藏信為厄如何還京後聚歛謀轉迫

賦稅額本定畫一懸版書何來裴司農強號為羨餘君
心既好利迎合生姦諛私取左藏物東西互支吾一朝
獻禁內恩寵渥且殊節鎮因效尤進奉無日無自云竭
臣力勾稽積錙銖方圓出稅外毫不民間需孰知誅求

苦已無完肌膚征十進二三大半私囊輸德宗亦英君
顛倒甘受愚

明明威福柄獨斷聽必公所向苟偏私英察終無功在
昔宋孝朝求治非不隆孜孜宵旰勞坐受近習蒙淵覲
亦么麼積寵由從龍採聽偶見納黨附群趨風譬如蠹
在木一隙萬穴攻大權既旁落官府壅不通股肱有九
卿腹心有三公何為蟻蝨輩得伏深宮中

國以生事困亦以怠事衰治道忌太甚綏靜乃其宜法
令析牛毛徒令上下疲奈何百世後頽惰重見譏器久
易滋蠹體安常苦痿聖賢相儆戒多在無虞時日昃食
不暇具明寢不怡慎憲與省成朽馭猶自危寧懲業勝
歌官府惟嘻嘻

三姦敗晉共四失成漢戾流言豈無端愛憎早窺伺多
欲中君心聲色恣所嗜寵盛孽亦蕃傾奪遂難避平居
積萋菲倉卒觸忌諱宮闈隙一開禍亂延數世根株求
自拔莫先遠內嬖木堅蠹不生讒構何由致

集議無衆寡務在公且虛芻蕘倘可採豈必名位拘鄭
重珠崖對慷慨玉關書力折漢公卿但為國事圖廟堂
首獎納邊患由之紓後來秉鈞者相視群睚眦風旨麾
百僚唯諾交口趨雖處一堂中頓有萬里殊而况草茅

賤籌策徒區區千古長沙淚沾灑憑荒途

國有疑相臣聽偏政易秕家有疑室子愛移謾易起而
況妾疑妻蕭牆滋禍水艷色選初聞寵冠六宮裏君心
日以荒君欲日以侈但憐百媚生肯顧萬幾理從容枕
席旁有言先入耳權倖陰自通庶孽潛相倚滅周由龍
豨啄漢防燕矢牝晨戒不遵珥蜺亂天紀誰為折其萌
殷鑒在青史

齋中讀書

穿鑿害春秋早從三傳始後先一例字不復究厥旨日
月與名稱執一人自說豈知化工筆虛公空所倚三時
書工築民勞嘆無已二時書蠹螻物害怪薦起荆吳勢
浸盛書人復書子大夫權漸強書名更書氏據事每直
言已覺具綱紀褒貶亦何心乃以意見揣區區凡例狗
其弊在亂耳為告聚訟徒辭事須屬此

佛老為道靈厥理自古彰三教忽並列有識心盡傷教
由人倫立治養各有常彼先三綱滅何以訓四方人人
而火書所恃膽識剛蚩蚩文中子胸無尺度量平生大
言慣將相誇門墻稱佛為聖人遂甘倒戈降哆口三教
一公然欺群盲彼幻而我實底處堪相當徒襲莊周語
是非可兩行豈料本原謬未流愈猖狂有明嘉靖世正

學屈淪亡妄充兩廡祀春秋備蒸嘗吾思黜其主以為
儒宗坊

從來經術遂不在蔓與支講義誰作俑聞出陸佃為臨
川秉國後士習日凌夷字說三經義已開天下靡叶門
人復創此道散學愈漓吾聞漢專門言行初不岐終身
守一經乃與政治裨口耳徒相眩舍實掇其皮安見醇
儒出濟濟王佐貽所以元祐學必本實用推寧為真賈
董策堪扶艱危無為偽周孔論徒藏姦欺

雜詩

舴艋行湖濱帆索猝未具辛勤鼓短棹風利勢難赴樓
船自後來上張十幅布篙師俱欣欣百里欲橫渡中流
觸危石柁折桅盡仆雖免魚腹藏飄泊色尚懼起視舴
艋舟嘔啞反前路遲速亦何常勿被乘風誤

林屋洞

包山仙所都厥竒乃在洞萬古左神天靈威首鑿空禹
書發鐵函琅琅至今誦自此愛竒人銀房探漸衆結慕
十年餘乍到心還恐有氣自歎歎無聲忽墜磬外露訝
剖瓜中通疑側甕堂真鎮森巖門庭絕喧闐費勇不顧
軀曠侶四三共地脉潤微流涓涓墮崖縫束熅小於螢
持照光迷管逡巡蛇螭行尺寸那敢縱尻背難並高肘

足每互用十步一昂頭頗嫌凡骨重詭譎綠髓凝璀璨
金膏凍坳埵勢多端恍挾百靈供虛白透微明欲入懷
恫恫劃然層城開絕壁起飛棟一柱不到地玉質類磨
礮鼓鐘設其旁考擊應雅頌雖無蟄燕撲漸覺潛虬動
螺旋徑易窮喉息可羨踵不得叩石門緣慳徒自訟齋
心待重来倒影騎青鳳

表忠觀

唐宗失其御四海號狐狸臨安異人出豁達多英姿力
却百萬衆赤手能指麾功名起卒伍早願鄉里綏西陵
安侵掠羅平殲狂癡從此十三州生民免流離平生性
勤敏不恤警枕疲賦斂縱太急何如干戈危一意奉中
國舟車常相隨金書與玉冊照耀湖水湄三世竟納土
未敢臣節虧嗚呼喪亂始割據遍四陲心昧順逆義往
往勞王師積骸為京觀流血成溝池宗族既盡覆民亦
無子遺獨有王功德大書垂穹碑身當一統世衽席方
熙熙肅拜過祠下永為僭竊規錦樹蟠根古王靈今何
之應指忠孝字千載守不移

符離

天寒日氣薄驅車涉符離古來百戰道草木猶含悲緬
懷張魏公發憤北伐師進退決諸將早歎柄下移彼此

俱牽帥奔潰不踰時生平矢忠赤將略非所宜孝宗亦
賢主銳意鞏洛基一為利害劫用舍俱狐疑群姦遂狂
吠歲幣甘再遺鴻溝指淮水恢復終無期

大儀經韓蕘王戰地

昔聞宋中興大儀功第一
峩峩清涼翁丹心皎白日
金人雖百萬壯氣折箠叱能提
一旅軍扼險防侵軼伐柵
塞歸途致死勝乃必彼哉狐兔群
未戰先股栗伏兵面
面起妙在殊勞逸鼠竄遂不遑
江淮得寧謐自此岳劉
輩忠勇乘時出順昌與朱仙
威聲政相匹三帥倘齊奮
何憂粘斡兀疆場事未定已為
廟堂嫉君相願偷安英
雄救無術蹇驢老湖邊坐視中原失

泗州

吳會通中原泗州當界首昔年浮橋存輪蹄日夜走一
旦波茫茫懷襄歎陵阜赤子魚頭生空城復何有淮濱
雖云長全河豈能受藉淮以刷河庸夫同一口順逆置
不辨徒思堤壩守流塞乃反攻沈溺十八九吾讀唐人
記拯救聞某某民免洛洞驚盡室得相偶自註唐呂周任有泗州大水記記張
任救災事甚詳人事一乖張毒比天灾厚始知伯鯨罪更出支祈
右利合不利分此議須力剖直下梯雲關誰為決排手

雜感

九河有故道盡在滄棣域高地為順流不決安可塞河
徙始鉅野漸與淮瀆逼武皇築宣房千年獲休息馴至
開運初曹濮患轉棘熙寧二派分決口旋向北滑臺大
伾間游波養亦得宰執議論紛反竭回東力遂使元明
來衝突無由抑比聞漳衛間河漲方溜汭疏導苟合宜
北流行可即莫蹈宋人愚形勢渺不識驅河使之南堰
壩專病國河淮終混并空歎禹明德

江鄉水旱謠

吳江濱湖地最下農夫終日無閒暇自言胼胝分所當
只愁豐歉勞不償歲歉與歲豐占驗由來準田家浪說

會五行雨暘錯料生涯盡入冬便怕春水多添修圩岸
紛奔波那知徂夏天不雨火雲曠裂田中土不分高下
俱停耕太湖底尚憂塵生東港西泊看漸涸枯樺鴉軋
空聞聲雨工懶眠呼不起秧針初長半乾死幸留強半
過黃梅私心只願瓜皮水自註吳中方言連旬一雨忽馮陵潮頭
日挾狂飈增斗門漸沒救少策憂潦還如憂旱迫村村
催踏大棚車依舊號呼晨至夕昔車入今車出出入何
曾有了期丁男亥老身無力惡灘逆上涓滴難尾閘倒
瀉升斗溢可憐數莖青黃苗種遲乏水根猶焦縱教澇
漉從波面豈有茂實登方苞妻孥一飽望已絕縣官租

稅終難逃我聆其言心徬徨天災之行原有常胡為此
邦嗟獨苦水旱一歲兼受殃君不見大農年年頒賦式
額五十萬稱第一若將此謠貢輶軒可信吾民窮到骨
稼堂先生自楚粵歸以浯溪中興頌見贈因成長

句奉呈

公昨鼓棹湘江湄嗜古手搨磨崖碑歸裝輟贈丈二紙
字體怪偉文雄奇元顏並屬間世傑大節磊落星日垂
後千百年觀筆跡尚覺元氣流肝脾別覽遊記論侃侃
穿鑿力駁涪翁詩靈武功成唐再造歌咏不合含刺譏
吾聆公言方首肯細考歲月還參差至德丁酉兩京定

逆徒北竄皇路夷次山作頌待辛丑歸美收復事恐遲
當初父子了無釁二聖何用重歡為庚子始聞劫遷變
流傳得不生驚疑尚書亦坐起居表蓬州遠斥未量移
中更十載始立石宮庭譏構群涕洟為尊親諱分雖重
臣子義敢忘箴規國於天地有與立三綱不墜治所基
撫安宗社天子孝寢門日至寧非宜禁軍露刃夾馬首
藉口反仄湏防維嗚呼中興自大業宣光以後異論滋
臨安駐蹕朝廷小龍沙目斷回鑾期幸哉上皇蜀都返
樓前捧足喜且悲牝晨不戒定省隔無端骨肉同羈危
浯溪片石峙巖側定哀之際留微詞宋賢好辨或太甚

茲事至大關民彙請公為我一商權春秋知罪俱不辭

元祐姦黨碑歌

宋人家法本忠厚變更釁兆天津鵲荆舒功利說首倡
鼓舞鬼域紛乘權藉口紹述煽虐焰二惇二蔡陰鈞牽
朝廷方立看詳局一網驅盡謀爭先朽骨僅免斲棺戮
瘴海遷客死不還端禮門前碑石峙修羅隻手能遮天
自云垂戒萬萬世大書深刻無醜顏豈知嘖嘖千佛名
當時公議群流傳但嫌匪類互撓入黑白淆雜紛難詮
彗星夜出仆復起反覆蒙蔽餘百年縱聞崩雪嗟已晚
國祚倏忽沉虞淵我觀碑刻重歎息異論每怪人相沿

一犬吠影百犬聲動指疾惡生禍源嗚呼是非貴別白
調停之術何其偏彼哉毒螫入骨髓不待忿激禍始延
城狐稷鼠剪必速敢憚後患私矜憐若使人人慕中立
孔光張禹真大賢此義不明覆惡甚紹熙再見黨籍編

王文成廬山磨崖碑歌

彭蠡日夜聞濤聲廬山一柱中霄擎昔賢磨崖紀功處
輝赫常觀風雲生威武巡遊政本亂如木欲朽百蠹萌
逆藩桀黠伺神器潛構肘腋資逢迎無端衛卒革旋復
公卿坐視不敢爭叛書倉卒聞闕下廟謨束手愁用兵
陽明一老據顛右鈞距每信機先精平生講學能善用

遇事權略真縱橫，漁舟得脫神所護。誓集義旅吞鯢鯨，搗巢謀定乘間入。狐鼠盡出城社傾，牽率還救膽已破。蟲臂浪擬當車撐，太守燎鬚屹不動。梃攢飄湊轟天驚，樵舍一戰元惡縛。東南反氣從茲清，軍回直凌絕頂立。宴勞將士親題名字體，怪偉大於斗長與山骨同峭嶒。何哉煤蝎肆衆口，學術勲業紛譏評。試思勤王檄初發，中外疑忌蜩螿鳴。安危呼吸待一決，非公智勇何由平。自古成功居不易，異論寧足闕重輕。好留讀書臺畔磊落一片石，洗盡史家誣謗大義千秋明。

高郵寶應邵伯諸湖

東南自昔稱澤國，諸湖邈迤形相連。吞吐正據漕河右，漁舫賈舶紛後先。推蓬一望驚浩渺，日月光浴真無邊。水功重播亦重瀦，容蓄常賴多渠穿。奈何具此陂與澤，不使為利翻滋愆。嗚呼黃流日倒入，但有泛溢無節宣。上游洪澤震未已，其下復畏諸湖環。滔天波浪日在眼，如病腹蠱何由痊。急疏海口塞淮北，子遺再覩河平年。

和柳塘先生燕詩奉寄京師

秋社年來事總非，自將弱羽託烏衣。看他華屋羞輕入，留得孤巢擬獨歸。鷹隼猜深應遠害，炎涼歷盡早知幾。當風莫笑身無力，未肯銜泥附熱飛。

淮安

天將四瀆區南北不信河淮竟合流但恃刷沙為上策
豈知敷土昧先籌一堤空向城頭峙七邑真同釜底浮
障塞紛紛民力盡宣房故道更誰求

欲持

欲持長缺向誰彈鑿枘方圓枉自歎少日心曾賤温飽
暮年淚不為饑寒生民衣食耕桑誥志士功名經濟難
二事若教同復古欣然黃色滿眉端

周來英字駿發明家宰用裔孫湖州府學生

周堂川云駿發好學

尤具至性兄弟同喪至老無間言
遊涼州瑞慶河龍殿殿死年五十八

自遣

世路渾難問羈栖且放歌興隨華髮減愁比落花多引
水滋塵土分畦長淥莎熏風天外至日莫酒顏酡

陳沂配字艾山號息存進士銳子縣學生有息存遺

稿

顧湖南云先生昆從如都諫先生與樹庵先生並以詩名於世先生與
聞諸論間有所作語無驚人中年抱病遂不措意晚復以此自遣大抵

皆悼世路之險巖數家門之凌替見乎辭一唱
三歎從性情中流出非復詞人編增之餘習也

樸村云息存少隨其尊人樸庵先生授經於徐司寇健菴家時司寇纂修
一統志開局於洞庭西山四方名士俱集息存得與諸前輩相接洽開廣

見故所作詩文皆有宗法異於是罵者諸先輩皆為歎賞而陶子師大
令姜西溟太史尤折節下之頌為紀群交蓋兩人皆樸庵先生親友也

苦雨

連宵兼徹旦雨勢那能休岍已牽船住蛙還入窻遊早

乾方昨歲水溢又今秋歎息吳儂苦呼天可自由

春日書懷

振衣何必上高峯半榻琴書且寄踪甘與寒梅論臭味
懶從春草鬪纖穠風過庭院徐吟竹月入簾櫳細寫松
興到巡檐時索句蒼苔微破一支筇

戲題小影

珪組非不榮可奈危機伏何以全天年甘作不材木

與文虎夜話

落梅風急暗橫塘舊雨欣來共一觴底事燭消言未盡
相逢時少別時長

吳輯圭字頌瑞

撰村云頌瑞人品俊逸詩在中晚
之間族兄晚風宗伯極推重之

頻年旅食京師積有詩稿雜著約寸紙許歸途為
嗜痴者攜去事已類於墮甌情直同夫棄屣深
悟空華之難久艷而不亡者之自有在也苦土
餘生久謝風雅允修以小箋索書苦無可錄因

賦二律以應

存一

鏤腸鉢腎為誰忙浪逐蛙爭蟻鬪場阮籍行踪多落寞
子山詞賦半蒼涼冥鴻已自忘遺跡傀儡何堪復借裝
拈得江毫零落盡淚痕重洒蓼莪章

周朱耒字象益號潛叔明家宰用裔孫秀水縣學生

以知州 命往雲南試用有童初堂詩文集

沈果堂云潛叔

幼孤外太父朱竹垞食而教之補秀水諸生後入都館大學士陳廷敬家以能詩文工箋註知名康熙五十二年 詔舉海內實學之士副都御史李夷侍郎部林合疏薦耒未及用雍正三年兩江總督查嗣訥薦耒品端才練耒已援例授知州衛五年引見 命往雲南試用道適疾卒年五十

三潛叔敦厚有行誼外太父叔父沒後

家益因歲具錢米百餘金以為常

樸村云周鏡齋名能察字以紹早沒有世誼堂遺稿一卷即潛叔考也潛叔少孤依外太父成立故冒朱姓藉隸秀水

秋涼和韻

蓬底清秋試闕茶衫輕白紵薄還加寒蕪著雨依依碧
涼雁經風故故斜一帶壞紅知古寺數重深翠憶山家
故園縫得征衣絮萬里南天尚有涯

聞鷓鴣

合江亭畔雨霏微石鼓山前水漸肥蠻鳥自知行不得
何因故故向南飛

零陵道中

路移黃鶴山樵盡人在桃花洞口船兩岸好峯看不盡
扁舟容與恍登仙

烏篷葉葉鏡中開灘響潺潺敲若雷水到平時山隔斷
櫓聲一片出山來

山外青山烏白明天邊新月半環生郎船愛向巫山泊
不聽子規啼一聲

周 文字子卜一字炳如大名守邦彬孫仁和縣學

生有藥渡詩草

周並川云子卜清癯善病嗜酒及時晚年高益劇嘗閉戶寂坐拈弄柔翰或終日沉涵而已年四十

卒

龐烈婦歌

猗嗟龐烈婦亭亭素節勁且正非獨連理無標枝更信
鴛鴦有匹性為君生兮為君死君既死兮生何俟非不
願代供子職事其親高堂滌灑自有人非不願為撫藐
孤存其幼可憐伯道已無後髮可截面可割反覺古人
多轉折君既行矣妾亦行冰肝鐵膽何錚錚直教決裂
酌吾志不耐低回戀此生浩氣凌空凜冰雪一縷素絲
手自結永辭妝鏡拋明月間嘗讀史探遺蹟家國之間
多歎息喂猪問僕是何曹鬚眉應反慚巾幗江之水兮
吳之山芳名與之爭突兀

程世澤字政宗號定夫有愛吾廬小草

清電張云定夫先世由新安徙居邑

之震澤鎮康熙乙酉

聖祖南巡

御試楷書

飲取十

村居雜詠

江村春事晚花落草堂幽只有門前樹多情綠更稠烟
霏新雨過翠靄暮雲浮莫道柴桑遠高風尚可求
一境分喧寂平橋鎖兩隄人歸芳草路家在野花溪載
鶴常留艇看雲獨杖藜寄言招隱者何必定爨棲

龐景芳字欽文一字介軒歲貢生官池州訓導有介

軒詩鈔

顧尚元云介軒年十二受業葉丹宮先生以妻辟疆命作破題
援筆云廉士有內助亦齊婦中巨擘也師大賞之工行草書池

州告歸

十年卒

樸村云介軒工制舉業每歲科試必冠其曹與陳艾山王師維偉岳馬軾
起王魯原范右商結七子會課一時以登酒推之詩得陳黃門翁亭指按
時出新意無一點塵氛。子
敘典字慎五亦能書工詩

韜光

晚壑生虛籟穿綠石
暹深泉飛一澗雨
竹散滿山陰鐘
度支公院林喧越
鳥音平生戀幽寂
來此滌塵襟

吳為爽字西尹號憩堂布衣南杓次子縣學生有憩
堂詩鈔

樸村云憩堂為南村制後補諸生後即葉舉子
常專力於詩七古縱橫如意集中最為擅場

拂劍

牀前三尺鐵鏑繡芙蓉
試以鷓鴣膏寒光拂秋水
遇合自有時彈鋏心所恥

送佳士大兄之遼陽

江南十二月歲晚嚴寒天
大風聲來自西北樹頭颯
颯如控弦蒼鷹驚起忽復沒
黃雲吹斷還相聯天色蒼茫
白日變冷氣寒烟撲人面
塵沙漠漠沿空飛交臂聞呼
不相見只今江南尚如此
塞北寒威自無比堅冰凍斷
黃河磯漁陽城邊百草死
長空雲際鳥絕飛斜陽古道

詞用公復詩收

卷五

七

夢溪齋

行人稀閨中獨坐遙相憶
蕩子栖遲夜夢歸如何君獨
迎風去結侶揚鞭向燕冀
回頭且莫望江南疊嶂橫空
不知處

海災歎

東南自古稱澤國環海茫茫渺無極
怒潮朝夕橫空來地軸欲搖天柱仄
水不揚波有聖人越裳重譯周家賔
數千餘年了無異蛟螫蟄兮魚鱗鱗
歲當壬子中元後白日忽藏風雨驟
似挽天河洗俗氛回颺直與雷霆鬪
我來江畔維小艘榜人夜半呼打樁
湏臾水漲纜忽斷柁樓簷瓦交相撞
來朝向午勢未已君山幾半沉波底

海水西奔撼大江裸體屍骸徧洲沚
澄江北岸對驥沙江中有渚屯千家
桑麻雞犬十餘里一時逐浪如浮槎
驚魂未定心怊怳憑高指點皆目擊
安居肉食知不知當道何人思已溺
海濱諸邑齊受災寶山南匯新城摧
東沙一十三萬戶一戶數口真堪哀
去年淮黃河水決臺兒莊蕩張秋滅
今秋海若復揚威百萬生靈化魚鱉
從來造化心至仁陽施陰受生烝民
那知異變不可測鑿穿混沌重陶鈞
乾坤慘淡愁無色軫卹災黎感主德
惠養還期司牧賢無使深宮獨盱食

重九日歸自玉峯過柳塘家孟德先艸衣留宿夜

話

橫江風雨歛，栖鴉薄暮歸。途路轉賒未，到故園猶是客。
幸逢兄弟即，為家尊前奈。倒同元亮世，外風流愧孟嘉。
不為催科減，詩興清香庭畔有黃花。

送友人之楚

千條柳綠接平蕪，欲綰行人酒漫沽。青舫夢回吳地遠，
布帆風送楚山孤。草深南浦題鸚鵡，花落黃陵聽鷓鴣。
白雪郢中應有曲，郵筒能寄故園無。

沿海竹枝詞

船插黃旂號賑飢，貧家甘餓富兒肥。百錢斗米真平糶，

只恨無錢換米歸。

閩中口占

鼓吹聲沉明遠樓，棘闌深夜欲悲秋。隔簾不敢窺明月，
祇恐嫦娥笑白頭。

馬雲襄字軼超一字舒亭縣學生有舒亭詩鈔

橫村云舒亭與龐介軒陳息存友善詩亦和似舍嗣古愚先生曾深予女
於愛吟齋者三載晨夕晤對如坐春風中詩尚風韻不事堆垛益知家學

正之

飛來峯

連雲危石勢嵯峨，借問丹青畫得無。怪爾飛來不飛去，
也同南渡戀西湖。

國明公凌寺歌

卷十一

七

凌今齋

章 復字中行號石橋諸生夢易子有焚餘詩稿

秋懷

履跡苔痕滿經時絕送迎桐風自古調蕉雨和新聲老
欲憐妻子貧將仗友生堦前有海鶴長似向人鳴

王 政字甸宇號覺夫康熙癸巳 恩科舉人官全

椒教諭

樓村云徽封張清恪公撫吳時以講學為己任聘諸生集春風亭纂修書
傳其遺者皆証明行修之士覺夫與同邑費思任卜重貞趙子雲沈恬
蔡皆與焉張
公並器重之

懷古

鸚鵡洲邊憶孔融愛才風久絕江東空餘芳草千年碧

長映斜陽一片紅城上烟生迷畫閣山頭雲起鎖朱櫺
當年孤鶻知何在應使魂銷一薦中

不寐

十年五度走京華荏苒風塵祇自嗟作賦未逢楊得意
陳書空憶賈長沙愁多那惜頻呼酒夢少難期屢到家
街鼓不知眠未穩也隨更漏手頻搔

仲 樞字拱辰號亦山康熙癸巳 恩科舉人

盛湖絕句

盛湖紀蹟志猶傳塵尾風流溯晉年高寄宜招鱸膾客

清談曾聚竹林賢

自註卜景川有廣川志載晉時
竹林七賢及張步兵俱曾寓此

國朝公陵詩教

卷十一

詩

卷十一

道場山並兩峰青湖外嶙峋作畫屏
菰雨蘆烟漁唱晚數聲欸乃度遙汀

自註或澤蕩向名小洞庭湖以洞庭兩山遙拱也而吳興道場山亦在望中

沈時棟字成履號焦音永啟子

尤西堂云吳江沈氏國詞人之淵藪也詞隱關騷鞠通紹緒而

君善君庸君晦諸子相與鼓吹端緒蔚然可觀今成履復以長短句見推於時何吳興之多才也

橫村云焦音工詞有前有三影後有沈十聲之概蓋集中美人十聲諸詠為時所推也詩函中有骨非靡靡之音尤為詞家所難

襍飲江東古詞

滿眼春愁未易平踏青偶爾謝愁城
詩從雋處推開府酒到狂時憶步兵
選勝昔年逢上巳看山今日又清明
澗川茲節經三度撩亂韶光動客情

沈始熙字復生一字虛船教諭自藉曾孫縣學生有

虛船草

周笠川云虛船自幼喜吟書師事徐山人松得其指授奮志讀書抱病而卒自製挽章用示曠達宗黨交遊爭惜之

橫村云沈氏詩錄載復生早年即能詩與族父廷樞相唱和各有佳句人目為兩神童廷樞早卒詩稿無存

過南莊祖居

南莊深處盡桑麻別業蕭然一徑斜
空舍亂飛新至燕閒庭爭發舊時花
暫來故里翻成客久住他鄉不辨家
慚愧承先無善策不堪回首憶繁華

吳庸熙字公亮號西柳僉事之紀孫國學生有楚遊

草

周右序云公亮春容大雅雖有祖風性起曠不以得失介意弟楚遊職方宰新寧時公亮在署五寒暑賦詩飲酒外一不與事嘗手楚遊草一

冊示余如雲行水流了無滯生乎與人交接寧人負我無我負人卒之日自嫺成劇巷下至從夫販豎歸翁里極莫不咨嗟歎惜之

過萍鄉縣

自去鄉闈身是萍萍鄉城畔記初經同人莫起離鄉思
常聚家鄉亦寓形

周 杭字祖望號湖干學使爰訪從子嘉善縣學生
有湖干集

題倚劍牧馬圖

百金買一劍千金買一馬十年磨劍不得試驅馬歸來
牧羖下憶昔錦衣狐白裘身挾兩龍萬里遊爾時意氣
輕王侯吁嗟丈夫有命那可說紫髯如虬悲白髮雄心
難待馬生角袖手應憐劍虛拔君不見古來窮達變化
猶飄雲南山尚有射虎手無人知是李將軍

沈廷揚字天將號柯亭明郵贈太常卿漢裔孫縣學

生

費開岐云柯亭天分勝人幼即嗜琴其以冠軍乘漢年未弱冠後遷兵
門與郡中諸名士往來唱和擊錄豪吟而於家鄉稍為踈落故遺詩頗
少沈氏詩錄云詩多警拔
填詞更工知非阿私所好

送友人屯田塞上

經國千年計憑君此日行官非漢司馬人是趙營平時
雨兼兵洗邊春帶雪畊疇看成沃壤勝築受降城

潘其燦字景瞻一字朗君太史末季子康熙丁酉舉

人有學吟編

周右序云潘生發解時年未三十詩古文詞已無不貫
通蓋家學淵源而天資學力又足副之宜其升堂易易

耳集中所存大半為京邸幽憂之作其間一至
濠梁與吳子旭初唱和吟情益放詞旨益高
樸村云先生季子瑩中寄子學吟編三卷并為子言先生九歲作制義即
涵涵數百言師輒奇之年十八補諸生丁酉舉於鄉幼稟庭訓即以通經

學古為務詩古文詞並得家法赴禮閣時會世宗舉臨淮之禮獻詩十
二章欲取第一公卿無不拭目然生平外和內介不肯稍事干謁居鄉
下四載未嘗一為貴人門下士甲辰南歸家居一載卒年僅三十有六遠
近知交莫不痛悼由堂中之言按先生之詩不矜才不使氣和平蘊藉中
自存身分其詩醇
由其立品高也

老人行

自註時寓
懷柔作

破帽纔蒙頭短衣纔蔽身村氓來縣治僂僂稱老人老
人挨里點當者苦復苦今年當老人明年為破戶朝聞
上官來供應吏胥催用十不償五一一老人賠暮聞府
吏至雞豚老人致需索少不遂鞭撻雜罵詈春秋兩大
差炭及馬草柴人人橫索錢費用渾無涯天子真聖
仁過不費秋毫如何奉行者動竭民脂膏差徭何處無

按籍派田畝茲地圈屯多雜賦歸丁口窮丁無尺土歲
歲還加征况復當老人誰能保厥生富者因而貧貧者
死且徙行看老人盡何以辦差使縣令蒿目視大吏高
無聲誰能達民隱聽此老人行

同邑茅節婦詩

從丁為女女而婦稱娶一世寒閨守從茅為婦婦仍女
合盍齊牢在何許譬如天邊牛女之星精迨迨終古惟
空名又如華山畿頭連理樹啣誠再世方相聚人言聖
人制禮本乎情如斯苦節不可貞豈知霜松雪栢有本
性不見志士未祿能捐生高風可以激頑懦行看綽楔

光門戶別身近有烈婦麗垂輝彤管堪成雙

席上送又川兄還黔

酌此一樽酒送君萬里行別離勿復道昆弟不勝情我亦尋歸棹相將出帝城參差南去雁悵望不同征

春風和李玉洲韻

韶華可是隔年期轉眼春風似舊時遠客樓高愁獨覺深閨帳暖夢偏知分番芳信園中報一片晴光陌上吹回首幾多離恨積憑欄好與訴相思

暖散空庭淑氣和穿幃入幙幾經過剛從玉笛吹時急旋逐羅衣舞處多滿院晴絲搖欲斷一池新水拂生波

披襟豁盡閒惆悵底用聞歌喚奈何

夏日遣懷

滿眼紅塵託足難思量何法得心安蕭蕭夜雨驚殘夢策策西風送早寒處世羞營三兔窟累人常送一猪肝從茲寒谷居偏久應免人將熱客看

秋日遣懷

感慨悲歌誰與同論交不到狗屠中秦庭久已輕蘇季趙市人皆笑薛公擬倩奚童持酒盞每憑羽客寄詩筒遙知舊侶楓江岸應為飄零念阿蒙

一編懶復手頻持寥落心情只自知掃地焚香堪永日

聽歌對酒又經時思家怕作還家夢久客難為送客詩
為問淹留誰繫縛翻從詹尹問歸期

登河防口邊城

山海居庸千里長前朝於此重邊防藩籬屬國亡三衛
屏蔽中原恃一墻保塞規模傳魏國築臺形制說南塘
而今中外為家日直北與圖接大荒

癸卯歲莫感懷

敝裘燕市又經寒歲晚冰霜閉戶看夢斷梅花鄉國遠
愁憑竹葉酒樽寬郢歌白雪誰憐寡蜀道青天始信難
寂寞藜牀高卧處碧霄依舊路漫漫

世味於今得少諳栖栖驢背復何堪穿珠曲折難通九
刻玉年華枉費三大有霜蹄留冀北更無山徑借終南
神鷹一悞颺千里底事春蠶到死貪

嘲燕

野濶天空信所如啣泥隨地可成廬如何辛苦營巢處
只向他人廡下居

題畫送秦鶴洲歸山陰

楊柳枝枝欲送行亂雲疎樹引離情翻因身對山陰客
萬壑千巖寫不成

我家七十二溪住君去蒲帆直過門數樹青青無恙在

那能念此不消魂

吳琨字景程號非庵

初春雜興

擬趨捷徑改轅難姑就生平拙處安老去惟憑天與健
興來豈必酒為歡早梅屈鐵馨香雪修竹籠烟鎖翠寒
領取眼前新物態午餘忘却未朝餐

顧景昌字渭占號松巖縣學生有偶吟草

送龐介軒學博之任池陽

江干桃李正芬芳把酒臨歧別思長此日春風隨棹去
應知披拂滿池陽

吳惠字悅鮮號月軒明司寇山裔孫國學生

登快風閣同德傳丹書素存

眼底茫茫萬事空興來攬勝喜還同衰年鼓力登高閣
酷暑清心得快風一抹青山帆影外半空雪浪夕陽中
芙蓉朝旭尤堪愛後會相期日出東

國朝松陵詩徵卷十一

國朝松陵詩徵卷十二

後學袁景輅質中編次

後學費周仁開岐
同輯

王逸虬繞九

顧壽開字熊慶一字玉洲明諸生伯宿曾孫有玉洲

詩集

張損持云熊慶復社名士鍾星先生曾孫也紹厥家風尤長於詩

凡遇民廢物情世風士習多罕喻之詞寓箴規之指言者無罪開

者足成其集有焉 陳行之云吾邑兩玉洲先生並為風雅主盟隴西太

史名炳石渠貞一齋集久已傳滿海內矣若武陵老布衣旅食一生聞吟

萬首鄉里後進莫無從識其姓字今由東郵費丈訪得遺稿如獲奇珍

爭相輯錄而先生之詩亦遂以傳焉呼士無窮達實至則名不終晦也

樸村云玉洲先生詩邑中一作手人無有知之者吾友陳受之從他所見

漢江梅歌一冊愛其風調揚揚示余余謂此種手筆必神明於斯事者全

得其全集讀之氣雄力厚學博詞醇有精警無數缺卓然能成一家言者

集中七言古今體尤為擅場七古有宗元白者有宗杜蘇者總編排側受

國朝松陵詩徵卷十一

國朝松陵詩徵卷十二

後學袁景輅質中編次

後學費周仁開岐
同輯

王逸虬繞九

顧壽開字熊慶一字玉洲明諸生伯宿曾孫有玉洲

詩集

張損持云熊慶復社名士鍾星先生曾孫也紹厥家風尤長於詩

凡遇民廢物情世風士習多罕喻之詞寓箴規之指言者無罪開

者足或共其有焉 陳行之云吾邑兩玉洲先生並為風雅主盟隴西太

史名炳石渠貞一齋集久已傳滿海內矣若武陵老布衣旅食一生聞吟

萬首鄉里後進莫無從識其姓字今由東郵費丈訪得遺稿如獲奇珍

爭相輯錄而先生之詩亦遂以傳為呼士無窮達實至則名不終晦也

樸村云玉洲先生詩邑中一作手人無有知之者吾友陳受之從他所見

漢江梅歌一冊愛其風調揚揚示余余謂此種手筆必神明於斯事者全

國朝公友寺徵

卷十一

三

愛必齋

化縱橫各極其妙予向推漢槎無雙梅村稼堂可配漁洋得玉洲二公又有替人笑七律在大歷十子間亦與二公為近七絕設色甚新而聲情合度措意極渾而流逸多安唐之神韻宋之清新兼而有之吾邑百年來恐少其匹。先生生時適其壽人六十誕辰鯨魚山社祝至其家因名壽閣而以庶慶為字云

拂水巖

水性本順下有激還飛颺悠悠彼橫目喜異而厭常虞
 峯當坤隅林木環巒岡雨餘眾流合瀉落瀑布長疾風
 自南來吹斷匹練光阻壑不得下倒捲上石梁散作萬
 斛珠彌空倏迴翔抑迫乃見奇拂水名斯揚我来值秋
 晴泉細流微茫山僧為指點此說非荒唐古來瑰奇士
 抱負蘊昂藏當其履常時庸眾同輩行一旦遇盤錯發

矧出銛鉞時事益艱棘功烈逾焜煌耳目已震耀史冊
 猶芬芳始知碌碌者難與相頡頏斯理亦如是眇見徒
 張皇僧聞相視笑無言立斜陽會心不在遠四顧山蒼
 蒼

大水歌

黑雲掀天赤日墮空際魚蝦起揚簸馬鬣傾倒不可收
 千載支祈掣金鎖下田苗短湖水高桔槔鳴軋人呼號
 圩沉岸折勢莫救平疇一決皆洪濤我聞故老之言歲
 庚戌決旬霖雨湖流溢婦子飄零半死生東南千里無
 廬室由來此歲為最荒後來浸歉猶尋常前年六月水

復大連橋街市游舟航至今邨邑尚蕭索十家九室無
餘糧豈知天心未悔禍湖濱又見飛商羊吳江自古稱
澤國港浦東西繞阡陌上承震澤下滄溟地控咽喉通
絡脉湖流東北注吳淞江形深濶容奔衝建瓴直走二
百里長使迅利無淤壅城東分派趨垂虹橋名甘泉港出
龐湖通白蜺江流澱山湖名接滔滔入泖歸而東吳淞今
狹僅尋丈芟蒲菱荇紛蒙叢南流港汊復堙塞魚簾蠓
蘄橫波中奸民告佃多陰佔桑田無復馮夷宮全湖湍
悍何所洩橫溢四望迷蒼穹客歲 朝廷恤民瘼水利
詳求事畚鍤河渠寸紙報平成天府金錢滿谿壑下流

不治治上流疏不成疏鑿非鑿吁嗟版鍾猶未乾依舊
湯湯沒城郭吳儂吳儂絕可憐瀕湖萬姓愁呼天耳聞
眼見心皇然惟願湖不揚波雨暘順千村鼓腹歌豐年

上蔡行

上蔡城頭霜葉紅上蔡城下荻花風客來下馬叩蓬華
指點村墟問老翁老翁欲語三歎息昔日銅駝盡荆棘
厄運纔過數十秋每話干戈淚沾臆兼聞前代久昇平
世泰民安不被兵桑柘曉晴逢賽社田疇春雨足深耕
城中萬戶炊烟接十步長廊繚城闕居奇大賈輓輻風
遠自三湘通百粵人民生聚歲時豐戶戶歡歌處處同

一旦烽烟動，鼙鼓金戈鐵馬渡河東。闖逆長驅斷行旅，

中原青犢如蠶起。市上探丸日禦人，邨中伏莽宵攻壘。

懷宗壬午歲之春，萬騎雲屯入武津。力竭睢陽猶罵賊，

自註崇正十五年壬午春三月二十九日樓高金谷解亡身。

自註烈女死城中三月咸陽火，畫棟雕甍盡塵土。賊鋒纔過督師

來，自註時督師丁汝庸同總兵官左良玉駐師茶城南不見犁鋤見弓弩。蒿萊積歲滿城

闌，狐兔驕癡不避人。嫠女霜晨衣敗紙，幽魂月夜泣青

燐。王師南下狂氛熄，哀鴻漸復耕耘出。太守清平長

吏賢，餘生從此寧家室。壑將戰地作平疇，麥浪翻空禾

黍油生齒尚非全。盛業田廬已釋亂，離愁我聞此語心

惻惻，樂逸誰知慮危日。啟禎國事已替凌，食肉徒工自

安術。朝聞上相得專征，供億疲驅問左氓。大勦行營高

壁壘，中軍膽墮石郎名。長沙痛哭終何補，可憐一潰如

崩土。三百年来王氣銷，金城繡壤咸榛莽。亂極方知休

養恩，此生幸作太平民。老翁老翁休歎息，廟堂謨略

今如神。

發倉穀

發倉穀

發倉穀賑饑民，饑民鰥瘠形非人。首著無根樹皮盡，荒

邨破甑生埃塵。去歲三冬希雨雪，今春入夏風霾烈。燕

齊秦晉同亢暘，二麥乾枯土膏絕。紛紛州縣動呈詳，踏

勘成灾例報荒司農覆奏獲 俞旨戶給升斗充飢腸
乍見文書皆色喜家家望領常平米不知冊籍造如山
盡坐虛名混張李發倉穀賑饑民多入私囊少濟貧干
圉萬廩化烏有窮黎粒粟難沾唇救荒誰謂無奇策畢
竟今人不如昔若教食肉只謀身良法雖多復何益滄
海誰如谿壑深長沙涕淚一沾襟可憐照徹逃亡屋虛
費 君王化燭心

大水行

自註時丁未歲谷漢上

漢陽江頭風色起江濤直入千門裏金埒銅街拉沓沉
蓬廬板屋倉皇徙秦山紆折蜀山綿倒壑奔泉下碧天

東行平地二千里汎濫直欲吞桑田爺孃呼號兒女哭
兔縮猿栖滿山谷極目檣帆蕩漾來依稀船底誰林屋
蹒跚隣叟盡兩肩訴言并日無炊煙市門晝閉米價貴
一石橫索三千錢上官放賑發倉粟饑民數多粟不足
吏胥造冊日紛紜查點何能遍鄉曲露溝溝瘠無人收
天陰月黑燐火愁凶荒之後生疾癘戾氣鬱作天灾流
賓陽門武陽東門東大別漢陽山壑一半殘骸裹葦箔蓬科纍纍土
不封狐狸爭噉老鴉攫我聞上天好生以為德民命何
堪恣戕賊漢江江畔十萬家人鬼茫茫竟難識吁嗟乎
即今宵肝勞 宸衷 天子自可迴天公諸公變理盡

能事將化蕭殺為春融
我来作客劇蕭索
眼見他鄉少
歡樂鸞飄鳳泊何敢言
惡浪猶圍武昌郭

催漕行

催漕船漕船鱗集淮城邊
千人邪許萬夫力
赤棒如雨
驅難前黃河水逼清
淮路濁流茫茫日南注
石尤風助浪迎頭
牽挽難爭一跬步
朝來曙色開
瞳矓神鴉噪
轉五兩風
篙工歡呼舵師喜
檣林葉葉飛雲蓬
汶泗分流接河濟
潞水源長衛泉細
東吳秔稻四百萬
一線縈紆達燕薊
蘄糶陵寢燕神京
轉輸南朔皆兼程
萬方玉帛未云貴
足食惟藉天倉盈
辛苦人言是漕卒
朝愁風波

暮陰濕 朝廷頻歲議加恩
月餉行糧並優卹
漕卒漕卒聽我歌
辛苦最是農人多
爾曹辛苦尚一飽
農人得食能幾何
粒粒脂膏滿船粟
天心即在人心曲
東南民力近如何 九重上有光明燭

由上谷至大梁途中口占

極望蒼茫裏
炊烟自一村
亂山青不斷
衰草白無痕
雨過泉初溜
雲歸樹半昏
為尋沽酒處
岡下款柴門

秋日雜題

遮莫流光換
能生志士愁
江湖一夜雨
天地十分秋
雲色還低樹
波痕又上洲
黃雲方滿野
好為雁鳧謀

哭周半山

身前身後事茫然霜鬢蕭騷鶴年賦就凌雲人未賞
詞成黃絹女能傳嶙峋骨已埋抔土激烈魂應問上天
滄海總枯鰲足折難將遺恨慰窮泉

東郡西城晚眺感舊

土屋星攢自幾家平堤槐柳一行斜雲連岱色垂青野
風捲河流上白沙往事淚殘華表鶴李使君舊遊人遠玉
蹄騶周孝廉斜陽徙倚頻回首依約蒼烟隱暮鴉

冬日旅中雜感

塞上風雲接莽蒼憑高極望客心傷嚴城旌旆飄殘角

衰草郊原下夕陽葉盡長林低隼鷲屯開野燒亂牛羊
故園景物今何似楓影村莊稻稻香

詠史

催書馬上又紅旗閫外從教誤事機華表鶴魂悲絕塞
營頭星影壓重圍蓬科戰骨霜猶白沙磧愁燐雨尚飛
十萬健兒流血處至今清淚濕征衣自註松山之役

六萬何能奏蕩平三方奇策亦無成書生紙上猶談戰
壯士關前已曳兵用間誤招回紇馬當鋒偏撤武剛營
可憐兩度經營力誰為元戎浣不平自註經略

金戈海上靖烽烟一角曾持半壁天禁旅已無唐曠騎

偏師聊藉漢樓船如何橐鞬迎裝度忽借樽罍斬魏延

畢竟長城還自壞東江士女哭窮邊

自註毛帥文龍

官府巍巍萬雉城往來鐵騎竟縱橫雄邊絕少當關士

重鎮曾無犄角兵馬上凱歌紅粉隊軍中燈火綺羅營

匆匆元老專征出依舊天山鏑不鳴

自註崇正十六年十月邊場火守宜興相國出師事

敵騎投鞭潞水渾畿南烟斷夕陽村千官雜沓爭鉤黨

一夕倉皇閉禁門盛筵冷侵齊社月琵琶生葬漢妃魂

那知烽火經年急不見軍書達至尊

自註十六年三月兵入荊州卷馬市

魯戈不復挽斜曛豈有刑餘望策勳常侍舊兼鹽鐵使

中涓新領鶴鵝軍行間壯士悲桴鼓關上降旗掩陣雲

千載痛心傳檄語聰明空寄薊隸群

自註任用宦侍

正陽關

長河如帶滙群流形勢全淮據上游船舶一帆通海國

輪蹄千里接中州楚天雲遠將成雨吳樹烟低已作秋

關吏相逢莫相笑棄繻生尚不封侯

關山

峻嶺排雲一線通滁陽阨塞此稱雄秋風畫角嚴城近

夜雨青燐戰壘空襟帶地形聯楚北泥丸天險障江東

黃巾十萬投戈日故老猶傳祖鎮功

辛酉臘月麗州官舍度歲襟懷

何來舒嘯策枯藤樓迥天香試一登自註若有天香樓以老桂得名繞郭山多雲易合渡江人遠信難憑霜嚴高樹聞驚鵲風勁平原見掠鷹俯仰乾坤仍逼仄置身空向最高層

歷下雜言

佛桑夾竹桃尺樹數千值不如種白榆皮葉民可食

漢江權歌

水居沙渚陸山巔城郭依微隔莫烟七里江流一衣帶

高樓黃鶴對晴川

自註晴川在大別山麓與黃鶴樓隔江對峙

千秋鸚鵡賦空留芳草曾無舊日洲欲向斜陽弔祠墓

烟波無際沒沙鷗

自註橋成士墓在鸚鵡洲按陸務觀入蜀記云洲上有茂林神祠今已湮沒不可復識矣

九峰栢老枝十尋山陂驛松翠色深不似西陵油壁路

與郎容易結同心

自註山陂驛在武昌城內高峯寺後植凡五百里今頗剪伐真武觀在九峯第一峯下大可五絕枝幹修壯

郎家南浦妾東湖隔水盈盈唱想夫不信石尤容易阻

雙飛輕燕疾於鳧

自註南浦在江夏縣南三里離騷送美人兮南浦即此東湖在縣西四里渡江小艇往來輕捷名雙飛燕

莎岬綠流夜寂寥牆花拂面柳垂腰郎來好記團圞影

明月湖邊明月橋

自註明月湖在武昌城內旁有明月橋

南湖墩子立薰風映日荷開照水中試向臙肢山下過

問誰顏色似花紅

自註南湖在武昌城內高峯山之陽湖中有墩隨水消長一名墩子湖夏以荷葉蒸蔚山在江夏縣署東南山

赤石塔

黃蓬漁子漢君王四載窮奢霸業荒今日鳳凰窩畔柳

飛花曾上縷金牀

自注陳文選鴻陽黃蓮激子也唐得帝國號漢僅四年敗沒風風窟在高觀山下一名龍林堂即明太祖降陳

理義所賦
縷金牀成

郎官湖畔草如烟觴咏無人繼謫仙那得金釵浣沽酒

沙棠舟上酌青蓮

自注郎官湖在漢陽即張明勳李白處

溪行口號

梭形船子號江山山下行舟過石灘嗚咽流泉三百六

下灘容易上灘難

讀鵬紅吟草

一番吟罷一銷魂白傅青衫有淚痕正是春情無奈處

旅窓風雨又黃昏

芳草

楊花飄蕩燕呢喃九十韶光月又三芳草最憐千里色

寄將離恨到江南

仲冬二十五夜雷電

無端夏令却冬行三九豐隆忽作聲愧我未諳占候訣

灾祥天意不分明

柳枝

隔簾宵雨聽淙淙曉見新條罩綺窓記得板橋南畔路

又牽離恨到春江

周 立字半山有飲香堂集

顧玉洲云余過半山於雅宗堂言論之際奴隸拘儒白眼視軒冕士

余固異之矣及觀其詩文不甘以蟻蝶自視時有颯然踔厲之聲頗非備
縫際寄離下者所能道家素貧即遭委頓逼窮餓而此中泊如也半山之
才其以是
而出狀

樸村云半山自序其詩云詩必擇題觀其題而詩可知矣又必擇人觀其
交往之人而其人之品可知矣又必視其地之所處而頌揚箴規毋盡美
毋自卑觀此而將來之造詣亦可知矣又云先有詩而後有題者上也有
題而後有詩者次也有題而如無詩者斯為下矣其論詩鄭重如此生平
知已惟顧王洲一人
其詩宗法亦略相似

筆山相訂出遊時顧王洲亦將北行賦此誌感

陶家處士尋真樂飢驅隣戶頻敲啄韓王意氣頗凌雲
淮陰竟爾甘齷齪兩人趨向雖不同男兒均困塵埃中
我生之初書苦讀晨昏澹泊惟饘粥四五年來樂事賒
奔馳鎮日無寧家今宵相對知心友尊前瀉涕多於酒

握手臨岐約遠遊天涯將逐途人走旅况元應吾輩嘗
虎頭亦欲冒星霜休嫌年少輕離別總為貧窮惹斷腸
固窮曾聽人言切一身尚可隨盈缺仰視高堂鬢髮蒼
朝朝粗糲喉間噎倘然有子盡如斯朔育何須心力竭
相看且喜未愚頑逢時自信猶存舌那得城南二頃田
與君築室往來便追思此日增長歎搔首空庭一問天
毛錫繁字繁弱國學生

沈石田秋林讀書圖

讀書秋樹根我愛杜陵句風流白石翁灑翰有同趣高
齋傍疎林落葉紛無數天空景物澄幽人獨寐寤臨窓

手一編遊目屏繁慮由淺漸入深得新詔忘故所樂難
強名終身無饜飫據梧吟高風時與黃炎語

周天藻字揆之明郵贈太僕卿謚忠毅宗建曾孫縣
學生有東谷集

讀諫獵書

健筆凌雲合讓渠子雲未許似相如元經一卷曾何補
可有當年諫獵書

題劍南詩後

歸老雲門著句多往年豪氣未消磨杜陵集裏收京詠
垂老懸懸望兩河

病中遣興

量減三蕉眾所知興來時復一中之此生頗似靈均醒
也和淵明止酒詩

王 本字自求一字岱雲有雕蟲集

揆村云自求家貧授生徒自給好為詩雖三句九食吟味不廢也方弼華
時里中新建泰來橋落成其族孫某往問疾獨與之高確題杜對語作推
敲勢而卒其方
千邱謁之流歎

偶見

月出天西隅衰草庭陰破螢火向夕飛滿身沾白露力
倦不復高輝輝當軒墮相照無心人落月不知卧

包山寺

松溪行未斷古剎出山阿紅日過時少白雲生處多雨
餘泉響合春入鳥聲和不盡清幽意言旋可奈何

遊歸上人別業

到村不數里隨意即為家偶種幾株樹遂開無數花雲
歸常繞榻客去亦烹茶作息自朝莫悠然歷歲華

葉舒璫字鏡泓明大理卿紹顥孫歲貢生有分干詩

鈔沈歸愚先生云已畦先生詩從
曾龍詩學山鏡泓尤表著者

樸村云分干古體詩多排句登調偏對工巧雖使淹博世以此詫為能事
無大整太多往往如及韻排律法其所採皆浩氣空行議論有關係者律
體宗渭南以對仗勝如雜感云貧不肯營錢子母病終難解聖君臣金門
未必飢臣朝珠履還虞醉客覺元且云功治已愧拖腸散文字還噴滿足
蛇道典云冠蓋故下年書亥憂忠端從字議丁春端云來時那得三折
負向差能手八又暮冬云酒量衰如飛退鷗名心冷似撥殘灰投詠云竹

時半為卿難記失路須防竹叢河示嶽思云坐來井上天還小編入壺
中地轉宜苦而云嶺烟處延漢丁墨多瀟湘果怒若慮皆宋人佳句也

宋蘇文忠嘗言吳江長橋實三江五湖之咽喉橋

洞實鄉村河港之脉絡明蔡忠襄亦疏稱長橋

係浙直孔道古人為門七十有二以殺水勢良

有苦心乃間有貪利者占為茭蘆數百頃漸填

為平壤架作市房又數頃矣湖水一漲灌城而

入則全縣之田蕩然為患然則橋之設關一邑

大利害非徒侈壯觀也今歲六月初淫雨泛溢

傾圮者數饒當事方鳩工董治然非復故蹟矣

用縷敘興毀始末歌以告之

茲橋名利往板築慶歷年元初甃以石赭血驅神鞭踵
事漸增飾欄楯絢朱鉛危亭高崒兀俯瞰萬井煙彷彿
渴虹飲咀呷流腥涎洞門七十二下棧鋪層磚兩獅互
蹲伏雄勢窮雕鎬鎮壓砢訇怒弱纜差安便梯空接銀
漢冷浸蟾輝圓行人踏蒼背履道如砥平往來朝及莫
憂轂兼摩有到今閱幾代林谷猶移遷鐵索嚙易朽礎
柱能牢堅修葺苦不早既壞思扶顛譬若壺已失敗絮
塞漏船舂揭徒爾為繁費糜金錢不救蟻隄潰轉速置
梁捐緬惟司空職視塗在所先單子卜陳咎覆轍垂簡
編國工失繕治病涉伊誰愆吁嗟此澤國吐納瀆與川
尾間洩入海橋實通嗾咽潮沙積淤澱衆脉何由宣奚
堪水故道湮沒菱蘆邊漲灘劇麻瘠妄冀成桑田陞科
稅重額遺累非爻爻豪家况分占架構參差屢湖身日
就窄壅壟莫甚焉吾欲悉剷去曠望環淪漣由來興大
役毋取但補偏堤須復厥舊礪必規其全蒸同統萬土
椽用石塩椽端竦插天峙百丈縈蜿蜒湍奔了無梗脉
絡常鈎連愚公志則勇孰假澄清權

湖工行

遠近爭喧傳吾鄉興水利有客自遠來詢余利病事余
時充踐更目擊更身試請為緩節歌颯縷述終始初春

府帖下鳩工督濬治董領節鉞臣巡省皇華使首松次
及蘇迤邐接春季具區跨三江川瀆所環萃大瀕通壘
塞嚴程迫毛鷲申畫準開方勾稽苗冊備縱橫疆界分
深廣尋丈誌是役實浩繁資力苦難繼夫應按畝科衆
擎裹蟲蝨搭配既勻停譙儻敢辭勤何然阡陌間競標
圩正幟官長非不賢胥能巧作地簽乙互換甲朝三條
暮四金多者漏脫細戶焉得避駕言發公帑涓埃事曷
濟厚直雇丁男更糜酒食費秸桿沸雷畚鍤轟柳比
雨滑陷泥淖頰肩岌顛蹟驅迫不暫停怒呼尚凌厲今
歲麥有秋油油兩岐糗菜畦爛漫黃採擷堪充糗沿隄
傷蹂躪強半填淤膩牽攀頓足踏攔路皆酸鼻况復浚
鑿深土踈岸欲潰壩又數崩奔繕築談何易繹騷滯連
旬耗以萬萬計剜肉不補瘡賣鬻到童稚還虞一簣虧
九仞功全棄吳民愁慘形舉隅概可例歌罷仰天獻客
亦睫承涕

讀杜白二集

子美千間厦香山萬里裘迥殊魏晉士熟醉但身謀

索得學山兄遺稿

忘年群從絕追攀入夢遺容想像間秃筆蠶蠶猶作家
可堪埋骨欠青山

南北馳驅客路長，依人空辦嫁衣忙。阿連自為文章哭，不獨傷心舊雁行。

司馬相如

挑得琴心正倦遊，壚邊尚典鷓鴣裘。長門解為他人賦，却惹閨中怨白頭。

索人題照

鍼孔流光露電身，靈臺本合淨根塵。君能索我形骸外，翻覺廬山面目真。

李世雄字酣雲號仙客縣學生有惜分齋詩稿

杜雲川云酣雲

客吳門與前筆尤常酒金海門馮文子及李客山汪西京孫定叔尤昭嗣諸詩人相唱和其詩政適性情異於世之錢金酣采者

樸村云酣雲友教每得賢主善地如尤滄淵之亦園馮文子之蕪水園陳暢谷之花步園皆詩文壇地也一時名流至蘇者莫不與之交性唱和以是應酬之作十居七八李客山云應酬多性靈便少必當盡刪請自真定論也

九日登高

群賢誇戲馬，獨客愛登樓。日落千巖暝，風高萬樹秋。茱萸堪作佩，歲月已如流。痛飲杯中酒，無教雪滿頭。

立秋漫興次尤玉田韻

秋聲鳴遠樹，便覺暑風迴。燕欲辭巢去，人偏作客來。芙蓉雨後潤，蟋蟀枕邊催。幸有同心侶，言歡莫用哀。

送春

滿座飛觴詩思新，任他紅雨點芳塵。誰能送得青春去，

偏是青春解送人

王錫字覲揚號半溪康熙丁酉舉人海鹽官江寧

知縣有棲碧堂詩稿陳受之云明府少孤力學通籍後筮仕得江寧令寧為江南會城地最繁劇明府

潔自守供億不足則出家財佐之三年調任豐邑竟挂吏議而城南二頃盡矣時吾邑有丁令諱元正者楚南人亦以清白去官至明府家酒半丁酌王謂曰昔子與民謂仕非為貧也而有時乎為貧今吾與鬻所謂貧非為仕也而有時乎為仕一時座客無不絕倒蓋明府窮長及腹故戲以號之

湖浦舅氏村居

宅陰千竿竹門臨萬頃湖林田取次熟濁酒不須沾常
饌充魚婢稅糧問木奴悠然塵埃外熙皞樂唐虞

從大梁境入彭城途中口號

早發虞公里旋過單父臺一川淮水接兩岸楚山來燕
子樓空在蘇公鶴不迴傾城與名士凝望有餘哀

吳家駟字晉綺號晚楓康熙戊戌進士桐鄉官至禮

部侍郎有雙硯堂集沈冠雲云宗伯工詩文尤長應制諸其在史館所進三朝國史表及實錄序贊

並以豐腴不繁見稱於時

樸村云吾師晚楓先生自編修歷官至少宗伯中間充同考官督學政典籍試教習庶常纂修國史在官二十餘年未嘗一日去文章之事而先生刻意端摹神心校閱不少解憶庚申冬予謁先生於里第相見頃惟論近日詩文得失無一語及朝政者知先生之報國在此而列卿之責直同一老書生也詩得張石里指披其古體亦近昌黎

重觀厓

路窮山愈高四睇怪而赭一步一危級來此絕壁下橫

羅百罌盆攻鑿非力假繁豈失瓊漿空半挂玉墀腹行
窺幽宮點滴飛雨灑寂寂水底天悅觀鏡光冶石縫露
凝蘭谷罅風撼檟劉郎去不還流水空鳴瀉洞口碧桃
花悠悠付誰者

自註內為
仙女澤

聖駕南苑大閱恭紀

鸞旂肅肅駐郊坰輦道風和霽色明四海無塵寧弛武
六軍有紀盡知兵琯弓親試穿雲箭繡罕還巡夾日
營昨夜賜醕恩澤溥馬騰士飽徧歡聲

城南帳殿曉雲開萬騎星羅拱日來虎旅自諳司馬法
鷓班齊侍晾鷹臺兩行列陣堅於壁九進聞聲動若雷
變化方圓包地軸 君王元裕統天才

楊忠愍公祠

忠愍千秋總不亡折姦那惜觸鋒鋌不須蚬膽當三木
祇請龍顏質二王讞上霜飛章急下城中風慘鎖猶香
平生未了伊誰補浩氣常餘百鍊剛

周振業字右序號意庭明郵贈太僕卿謚忠毅宗建
曾孫雍正癸卯恩科副榜貢生有意庭遺集

沈

愚先生云意庭論讀書當先探學庸論孟關其次窮諸經宋五子書必沉
潛玩味其論識敬皆先儒所舍蓄未發者為文宗廬陵南豐詩歌雖錄事
皆極其精能陳行之云先生年五十時貢歲均當次學博後數年復中
乙榜銓選較遲而廣文一席并不及待矣癸卯南關主考黃暉圃先生嘗
以任抑賢者
引為已過云

樸村云先生講學專窮良知之說而以宋五子為宗所著四書詳性理論皆窮極闡與五千言互相發明故學人非詞人也其詩為獨亭恒齋所推許謂其遺稿皆草書錯見於他者中後人遵遺命誠勿浪傳故所見此少云先生論詩專主法律予見先生手批青邱集於承接照應處分晰如牛毛雖作者之意未必盡然一短幾尺覺無意於法者其法無不具也至今學者猶宗之

答高大立先生次來韻

碌碌輶車隨光陰如過客自與先生別兩載風塵跡追惟春風坐道里歎乖隔忽聞雙鯉遺桂林返遊屐細札與新詩款款悃忱積寄懷人一篇滿把珠璣摘不棄及菲葑感念永日夕先生風騷主昨幸遇鄒嶧山水身所經意象寫平昔高如岱頂峰日觀振遐策曠如東海波蓬閣臨鳧鷖雲門一徑幽妙句集狐腋趵突千古竒凌

空驚跳躑三絕人境詩到處成莫逆寰區足幾徧今編口不釋以此大篇垂字字皆心畫竭來閉雲亭元草日增益餘興逮知交郵筒來絡繹阿蒙從事鈍短晷無餘隙惜華媿吟魂明湖空遠席勉思強韻酬判歲淹茲役翹首謝瓊瑤開函笑燕石

和青邱郊墅襍賦

一編時自遣頗覺古風親學道能忘賤論交却愛貧名高推後進詩老讓前人浩蕩浮雲意空慙散誕身地僻荒深徑溪長繚短垣偷閑供未老探臭味無言白屋追呼擾朱門車馬喧天公付幽趣高興和田園

費洪疇字書原號谷亭博野令洪學弟縣學生

沈冠雲云谷亭

為文江先生同輩弟自幼至長惟以兄為師下惟吃吃手不釋卷且研窮於性理之學詩筆雋永入古不染塵氣惜中年遽卒未竟其學

擬謝法曹感別

哲兄別澄湖迴眺波共遠離情從茲深舟行日繼繼浦
陽頻信宿浙江經往返岸綠送檣帆天雲歸翠巘忽驚
長風生狂瀾激堤堰佇楫動愁心江濶纜難挽企望絕
形影鳥噪西陵晚

風雨

風雨驚殘夢夢回腸百結滴歷響空階孤燈半明滅
陳士任字彥仲號琴川都諫沂震長子雍正癸卯

恩科舉人有耕雲草堂集

顧萬元云琴川先生讀書論古不背諸疑所著詩文無一字不典確

者先祀帆川深服之常謂予曰為舉要祇祇著實必如琴川。琴川撰李瀚蒙求詩註一書致詳詳核訓釋簡明史事瞭如指掌匪直為功幼學也樸村云文章之事其先有卓然成家者流風餘韻必累世不絕吾里陳黃門以詩名海內一時程子弟皆矚目聲譽尤為煇煇孝廉為人敦內行學有本源故其詩堅切零非徒逞才華者可與今令似行之與余輩結詩深歸愚師評其詩謂可以風雅名世信乎淵源之可貴也。孝廉所修家譜去取繁簡具有史裁如剛舊譜中官階科第之無可據考者其論謂去妄所以存真辨虛所以核實若既書之必有因虛妄而并疑其真與實者其卓識尤不可及

望嶧山

自註在鄒縣東南二十里

岱南多名山靈境首鄒嶧嚴君昔東遊探奇曾蠟屐歸
示紀遊詩神往自宿昔頻年隨使車鄒魯侍行役昨朝
命南轅路指邾城驛撲面青芙蓉翹瞻翠欲滴誓將夙

願酬策杖快登陟僕馬苦忽忽林梢殘靄迫五華霄漢
間欲上無羽翮往歲積相思宛若蠟燭即何期山脚過
登臨轉乖隔人生遭遇間著意反不得萬事多如此搔
首三歎息

騾車

聖王昔前民萬事有制度服牛與乘馬物力為人助所
以適四方自古輪轅御後世喜新奇馳驅厭木輅推類
製騾車無勞執轡馭其狀似肩輿以騾代人步謂可任
偃仰寧知欠安固一輿載兩人如鳥同處筴踖踖腰莫
伸拘攣足須聚轉側慮重輕向背愁牴牾騾性况多乖

前後不相顧駕者方徐行驚者忽驚遽坦道尚傾欹危
途每顛仆頻歲歷三齊此境嘗已屢竭來無伴侶一身
可箕踞何期甫出門便與泥塗遇積雪三尺深堅冰千
里亘淨苦車轍膠滑難馬足駐往往中道踣扶持倩行
路豈惟僕從勞兼且程途悞因知陸走難安驅無善具
迴首憶江鄉煙水狎鷗鷺興到駕扁舟遠近隨所赴

丁未除夕二首以題字為韻

吾生年四九碌碌惜居諸頭顱空老大氣志恒鬱紆所
幸全一樂天倫慶有餘歲歲椒盤酒團圓事無虛一朝
嬰矧弋毒發如潰疽自顧覆巢卵不異遊釜魚竭來入

狂狷殘冬別故廬弱弟亦縲絏兩地各欷歔自註時余弟安叔謫居吳邑
今夕高堂側萊舞復誰與遙知白髮親老淚灑襟裾良
朋思李篤循吏鮮曹據俯首受幽辱願上鄒陽書人事
多倚伏天道每乘除明年臘盡日禍福定何如

陽曦暄連朝陰雲黯此夕此夕苦樂紛最慘南冠客羈
囚土室中坐卧殊偏窄炊烟布几傍霜風射窓隙孤燈
閃無光微霰集有迹慰藉來親朋相見腕頰搯吾心獨
喟然煩憂豁胸膈丈夫具剛腸遇事待擘畫命苟與時
乖境貴能處逆盈虛消息間至理備周易蒙難期艱貞
交象堪尋繹所嗟歲月徂光陰付浪擲酌酒餞殘年坐

守東方白

渡黃河

寒日荒荒白洪波莽莽黃神功沉玉壁天塹作金湯北
渡中原迥東流海若長問津憑一葦擊楫意蒼茫

哭六叔父

五叔惟存一摧殘久淚零如何當壯盛又復赴幽冥惡
夢偏多兆遺言不忍聽藐孤纔束髮撫首歎伶仃
天道誠難測人心有共悲病中傷愛女身後喪佳兒未
遂飛騰志空來哀輓詞嚴君方遠宦老淚灑荆枝
東萊欣會聚鎖院一旬留豈料相逢日翻為永訣秋病

深終莫識醫雜更誰尤聞道臨綿悞思兄淚暗流

泰安州望岱二首

憶昔輶車向此經曾隨杖履上巖扃天門路迥排霄漢
日觀峰高逼斗星客鬢於今愁換白山光依舊喜浮青

乾封門外重翹首磴道盤迴在杳冥

自註乾封泰安城門也

千尋岱色鎖寒烟勢壓東垂半壁天屈指壯遊繞一嶽

驚心陳迹已三年開新此日梯重甃

自註泰山徑路被水冲壞奉勅新修續舊

何時姓再鐫

自註丙申秋侍家君登岱曾勅同遊姓名於煨石

信宿山城驅馬去塵鞅

束縛意茫然

辛亥生朝自述

憂患方殷世味輕中年未怯歲崢嶸
堅心松要經霜茂衛足葵知向日傾
舊學顏唐虛汲古新詩感慨嬾題名
唾壺敲缺尋常事爛醉狂歌餞此生

白溝河

路接雄州水渺茫當年遼宋此分疆
澶淵若用萊公策

雲朔何須怨敬瑭

自註山後燕雲十六州自石晉時陷契丹終宋世未入中國版圖也

陳士醇字子大號蓼莊都諫沂震從子雍正癸卯

恩科舉人有南溪草堂詩稿

周憲庭云子大方二齡其尊甫

長廷盡史誌於伯叔並載屬中之遺識者追摹遺照歲時展祀極哀慕之
誠為人氣度冲和遇物無疾言遽色然當是非可否之介侃侃無嫌
其舉於鄉也出漢陽徐公正峰之門公始令丹陽總調任吾邑于大抵於
歲首一核剝於年足跡不履公庭及公權守吾郡曾無片紙竿牘而座主

北平黃公罷浙撫寓吳門于大時時往謁修弟子禮不懈其於炎冷間固異於翟公之客矣

得家書

歸夢迷前夜家書達此時意長疑簡短心切轉開遲困
苦誠難悉丁寧已自知相期慰離索贏得淚如絲

倪師孟字南琛號繹堂雍正癸卯

恩科進士

歸安籍

官翰林院編修有梅圃詩鈔

樸村云太史性恬淡不喜馳逐館選後即以親老乞歸瑪誠侍養有南陔白華之風乾隆初服闋補官即充實錄館纂修明年典試蜀中在京師日閉戶讀書非詩文知已絕不交在人品高潔舉朝咸推重之未幾解組歸築室於馬浦庭中無雜樹唯梅花數十本張官居南華為寫梅圃歸來圖詩和平淡雅無繁絀之音琦庶之習雖空閣縣亦見性情

讀楚詞

菌桂申椒衆不芳三閭魂魄恨茫茫幽篁蔽日逢山鬼
長劍撐雲祭國殤自矢精誠追召旻何心詞賦啟高唐
無端認作騷人祖掩卷空餘涕幾行

過潼關次漁洋韻

嶠函百二聳巍峩潼水風陵此日過怪石蜂屯迷太華
飛流箭激走黃河關頭斥堠郵亭古沙面沈槍斷鏃多
一棹衝波頻悵望時平攬勝意如何

見杏花有感

頻年踪跡滯燕京故國松楸繫我情今日頻添春色感
冷烟疎雨近清明

金去疾字士吉號藥畦雍正甲辰舉人

歸安

有春風

五堂集

沈冠雲云士吉博學工詩古文張太史謂持稱貧之其先世從嘉興遷居嚴墓市遂為吾邑人

藥畦

樸村云藥畦性傲岸任事果敢居鄉遭陳伯王之楊士林悲之弟起人字素書歲貢生亦能詩

芳草

到處天涯路萋萋欲殢人微風印屐淺細雨染袍新南

浦曾傷別東郊慣放春斷魂三月暮蝶夢遶江津

陳鑑字其言號甫衣雍正甲辰舉人

秀水

王鏡九云甫衣為道

長夏遣懷

草荒三徑未教鋤綠樹濃陰入畫圖常有好風吹急雨

時聞嬌鳥勸提壺浮瓜沈李閒銷暑散髮披襟自得吾

試問九衢塵土客水邊林下亦知無

歲暮雜感

納納乾坤抱影孤半生踪跡守菰蘆春風不長鈎衣棘

夜月常啼反哺烏檢點病軀宜藥否支吾家計有誰無

桓譚雅未忘西笑那轉方輪逐遠途

國朝松陵詩徵卷十一

國朝松陵詩徵卷十三

後學袁景輅質中編次

後學沈翰周屏同輯

陳毓咸受之

李重華字實君號玉洲明經寅子雍正甲辰進士官

翰林院編修以子治運貴贈浙江按察使有貞一

齋集

沈歸愚先生云玉洲天賦俊才得匠門指授生平遊歷入巴蜀客

山左留秦開經三楚登臨憑弔發而為詩蘇蘇歷落俱得江山之

助詩話二卷或引而不發或金針度人可希風昌發談藝錄

樓村云太史五古從選體入手故堅蒼凝鍊無馳騁者迥別近體有似楊

巨源劉夢符者有似王溪生天隨子者而八蜀諸篇骨格開張詞調雄傑

國朝松陵詩徵卷十一

國朝松陵詩徵卷十三

後學袁景輅質中編次

後學沈翰周屏同輯

陳毓咸受之

李重華字實君號玉洲明經寅子雍正甲辰進士官

翰林院編修以子治運貴贈浙江按察使有貞一

齋集

沈歸愚先生云玉洲天賦俊才得匠門指授生平遊歷入巴蜀客山左留秦關經三楚登臨憑弔發而為詩蘇蘇歷落俱得江山之

助詩話二卷或引而不發或金針度人可希風昌發談藝錄

樓村云太史五古從選體入手故堅蒼凝鍊無馳騁者迥別近體有似楊巨源劉夢符者有似王溪生天隨子者而八蜀諸篇骨格開張詞調雄傑

從老杜得來在集中尤為上乘

擬魏武帝紀行

元戎肅徒旅行行越潼關秦原莽牢落空舍無炊煙殺
氣一以盛骸骨為邱山遺黎各瘡痍竄伏何險艱念我
皇漢京宮殿皆頽垣大盜覩神器流毒徒構患迫主以
播遷剽掠於市闕群謀踵而起梗塞彌宇間吟我破斧
詩悲傷難具言

擬劉并州贈盧諶

習尚宗清談皇綱潰而渙九土遂橫崩生民陷塗炭吾
軀本孱弱隻手冀平難揚鞭惕我先士雅余夙憚流亡
頗招集朝附夕輒叛吁嗟客寓公力屈事窮竄希君曲
逆流危疑握竒筭吾衰難重陳對食徒喟歎靈氛掩素
華朔吹凋貞榦天日如一迴丹誠託虹貫

道古

子長憤著書論或憑胸臆殷勤表素王已足稱神識時
方貴黃老經術尚薄蝕卓然仰高山先路導其惑駢羅
七十子附聖為羽翼遂使絃誦堂崇祀盛軌則我嗟衛
道人曾未預配食盲左既酬功腐遷何媿色

劍閣

我行閱雄關天劍殆無敵迢遙來一髮突兀過重壁望
望嵯峨間豁罅不盈尺到闕穿雪竇窺戶睇月隙我我

二山中萬丈一磐石都無容土附而總精鐵積其間帶
叢箐其底亂濠射鳥兔失群飛蛟螭避堂宅入門循地
隧雙峽亘而窄左作長鯨掀右類巨鰲擲雷轟泯斧鑿
雲蔚隨縷脉迴風驟長驅雪氣砭領脊洪荒想胚胎元
氣更併迫倘非仙掌排亦屬應龍劃五丁力不逮渠能
萬靈後殘山通仄狹留險藉控搃誰知徒長奸據竊逞
荷戟炎漢固殊類偏安我惋惜子陽先覆轂王孟後接
迹稱帝旋洞胸降王遮銜壁何況獻賊流蝮蝎姿毒螫
張牙縱狂啗擢髮終寸磔伊昔凋敝初人烟莽蕭瑟生
息今百年墜聞連萬陌文翁兼詰戎武鄉兼教澤遼絕
若番藏倏瞬達重譯而此枕席安號渙誰擁隔地利分
險夷皇圖觀順逆摩崖奮如椽申命誠梁益

驪山湯泉

驪山若盤螭土厚苞石脉仲冬鬱青蒼巔壑饒秀栢湯
谷沸其底蓬浮氣旁射群山來蛇蟠潛陽此凝積坎離
日交媾烹煉恣涌溢因測水火爭徒覺鴻濛關或云孕
丹砂礪硝與礬石凡皆屬火薪寒沍性不易我至試磅
礪煖戶暢以適揮濯神洋洋如挾鸞鳳翻秦墳閔焦土
漢殿落荒陌華清最繁麗遺構了莫覩真妃勅浴場衲
子供面壁時衰羨遊幸世盛歸屏擲區區拳勺間屢卜

隆替迹

記永寧令高君式青事

宜陽嘯呼蜂蟻結岫山捍堵如截鐵誰知奸黠貌流氓
賢侯綏撫翻遭脅若蟠神屋威轟天裂眦罵賊氣凜然
詞投絕命誓死國用激戰士肝腸堅官軍四集飛騰入
賊擁侯身衝矢石呼軍急擊勿遭迴賊懈身投絕壁
顛傷脊抉舌尚存賊勢虛實能具論不日掃蕩藉侯策
侯之不死憑忠魂嗚呼義烈光青史微末何由訴 天
子平原太尉等英風論定那須爭一死伊昔令失民震
驚夫人募壯民皆兵脫簪典服佐軍賞永寧群指夫人

城其餘盡節可勝悼隸僕駢肩死忠孝身後誰傳國士
名夫人自作悲風調

望太白

太白群山外峒峒淡莫分遙知千歲雪正雜萬峯雲鳥
道蹤應絕龍湫吼若聞帝臺三百里香氣接氤氳

益門鎮

錐峽開秦塞憑山鎮益門青霞遲出納白日乍朝昏怪
木飛空立靈泉逆石奔奇遊忘天險可便懾心魂

二里關

地仄欹茅店崖傾疊石關熊經頻攬縮蛇赴極彎環側

足疑千折迴頭尚一山荷戈寧倚力百萬絕躋攀

亂石澗

亂石想神功憑流萬壑深銅崖磨古月霜壁削天風鶻
首星應盡羊腸路未中來朝趨沔漢應更識蠶叢

雞頭關

雞頭千仞峻白道細如絲怒水盤根迅雄關立壁危北
來天去握南望漢為池咫尺褒城驛連錢蹀躞馳

五丁峽

絕壑靈竒盡鬼工停眸便識五丁通雙崖翠影侵天合
萬竅雲根入地空杜宇魂生迷鳥道蜀山地拔剩龍宮

金牛縱被秦人誤開關何曾讓禹功

劍閣

宋玉狂言亦快哉果然長劍削天開泉聲獨引雷車落
峯影雙扶日馭迴壯士枉窮排嶂力大文終重勒銘才
中原龍虎無消歇日見關門駟馬來

過居庸

太行東鶩正迴環界截烟雲是此間九土橫分雄地軸
三邊總會扼天關羽書報捷風雷迅戍卒承平虎豹閒
此去漢南皆枕席馬蹄思踏賀蘭山

薊門懷古

王氣能來不自由，別開天府控神州。
太行龍虎環滄海，長白風雲到薊邱。
戰國枉然圍督亢，軒皇曾此戮蚩尤。
秦城漢闕猶榛莽，笑殺橫江萬里流。

綏德州

全秦北戶勢嵯峨，韓范經營舊不磨。
橫嶺千重遮絕塞，孤城三面繞長河。
雲開古戍烽烟息，霜落秋原禾黍多。
翻笑劃疆分控日，枉令西夏擁瑯戈。

登蓬萊閣

檻底滄溟浸太空，凌乘如到蕊珠宮。
波間萬怪時噓氣，天外三山日御風。
術士妄尋焉得遇，詩翁偶禱竟能通。

良宵會約群仙醉，待看重輪徹地紅。

書周遇吉傳

為擾潼關突薊邱，大同轉戰鬼神愁。
辭家壯士無旋踵，報國將軍有斷頭。
致死已摧狂孽勢，迎降真恨賊臣謀。
十三陵末餘抔土，千古忠魂哭未休。

與張支百研江話詩隨筆

鄴中文士總清新，情竭偏憐至性人。
可憶思王才絕代，一生抒寫為君臣。

淵明高骨鮮華盡，康樂新裁對屬忙。
時代併稱陶謝手，池塘能否夢羲皇。

李杜橫馳翰墨場如椽韓筆頗相當數篇琴操尤高踴
束皙何因便補亡

鶯湖雜歌

橫塘十里帶平蕪間柳遮桃入畫圖築得湖心亭子樣
教人喚做小西湖

費士璟字儒珍萊陽令元衡從弟有好古齋集

續村云先生宏實好學以著述為事所撰桂森齋雜著多讀書有得之言
惜無子其書散失不傳宋古詩一卷乃女夫任純仁所編經歸愚師刪定
者是非參差不肯苟同而得
其正即此可觀其學殖矣

燕燕子飛

患難久相依歸與燕獨飛終温今古誦不念故君非

馬嵬驛

鼙鼓聲同羯鼓催郵亭無復繡成堆漁陽探騎紅塵起
猶認炎方進荔來

魚習

魚水相忘逐浪迴誰知世網不輕開香釣纜幸驚颺去
又見紛然入得來

計元坊字維嚴諸生默子嘉興縣學生有春山小草

高大立云維嚴家學博覽多聞其詩得力於韓白蘇陸而自成一家
言者沈歸愚先生云維嚴確確自好詩有源流雍正甲辰訪于於葑溪
先座不值而返寄詩三章已勝古淡今雖
散失每一追憶如夢不勝惆悵也

續村云春山為政亭先生之孫讀書務有用之學不屑屑於一名一物
也有的語亦然諸體中五古最佳其勵志諸篇尤足為士人座右銘

勵志詩

青青園中林並望成嘉樹或者干雲霄或者苦顏仆豈
真托根殊亦異灌溉故人力不滋培棟梁安得具而何
蚩蚩氓榮落委天數

士人之竒才動輒咎貧賤豈處貧賤中抱負遂難見曲
逆方宰肉一鄉已稱善諸葛當躬耕三分定佐漢內反
無足憑氣餒徒炫亂不見玉韞山與石自有辨

鳩毒惟晏安古人戒自適所以陶士行運甕日累百破
賊石頭下精勤由素積奈何卑棲士嗜懶如有癖志為
氣之帥志銳氣自役願師聞雞人無蹈嵇阮迹

人方危苦時薄施輒感德自昔奸雄輩持此羅上客蔡
邕依董卓有才而無識受恩旋殺身士貴能挺特所以
孟夫子舖醜戒樂克

日月有晦明境遇半通塞厚我與玉我均之彼蒼德奈
何滋怨尤而忘返已責壯志委塵埃聰明汨衣食是在
固窮者持之以定力

胸中萬卷書筆底有神助試誦浣花篇斯語不我誤譬
之食葉蠶葉盡絲始布又如採花蜂花多蜜始具枵腹
漫操觚安望工詞賦簡編亦具陳從此日飽飫

述古

干戈擾邊陸壁猶手足疥微發耗中華胸腹將受瘵此
語聞中郎千古足垂戒怪彼漢武時銳意爭紫塞衛霍
亦名臣建業乃攘外威武震夷羌民力由此億文帝善
撫循仁風渺難再

武昌懷古依宋刺史韵

龍戰當塗駭五湖霸功擾攘舳連艦釣臺講閱矜雄國
樊嶺英華羨彼都蔽日旌旗終走魏橫江鐵鍊竟吞吳
英雄成敗原無定贏得荒墩半草蕪

自註沿江土墩相傳是三國營壘

范

璨字電聞號約軒晚號松岩居士雍正甲辰進

士

秀水籍由翰林院庶吉士歷官至工部侍郎有樂

志堂集

撰村云司空少有詩名所作工而且敏人以八又七少比之入詞館後以才略改外任向守令以至開府所履皆積重任無暇更撰擬美稿未編輯所收從略曰公以少司空告歸後游林下者二十餘年號鹿辛已至京師祝聖母七旬萬壽時上以大臣年高者為九老會凡三班在位九人在籍九人武臣九人司空與焉賜杖賜流香山符香山九老之意已酉上南巡復賜書英介景區額位登九列年輪八句見之者歎為神人

恭和 御題天平山并 賜御書高義園匾額原

韻

家山一何幸得垂 聖主目桃迎萬騎紅柳映千幢綠
景麗正芳菲時和更清淑 翠華於焉止 御爐香馥
馥為念先臣賢揮毫盈簡牘感竊吳民共寵驚一姓獨

萬笏齊高呼從茲壯前躅千秋義澤存相慶還相勗

沈克楹字績文明諸生自曉孫府學生有娛情集

費

岐云續文物自好開戶讀書雖親友亦罕見其面故詩名未著而吟咏頗多此真隨修之士歎

樸村云此沈氏詩錄所無者草意清穩無規雅音

南樓雨望

蒼茫山翠裏雨色遍諸岵堤沒迷秋鷺江昏失暮帆
悶傾新漉酒寒整舊藏衫絕壑松聲起超然韻不凡

招隱園感舊

故園寥寂為誰開一徑萋萋遍草萊古樹烟消悲鳥雀
空庭石迸圮樓臺閒愁逐水流難盡往事看雲去不回

多少繁華何處是倚欄悵望重徘徊

咏菊

亭亭耐寂又禁寒茸瓦移根傍藥欄珍重秋芳頻護惜
好留高節與人看

顧倬字熙良號南千縣學生有萬玉清秋軒集

張

持云南千行篋必置杜集朱黃稠登謂於少陵詩不啻夢寐中物嘗好讀史記謂太史公是非不謬於聖人班固臺紙之非是蓋南千工詩亦工為古文精賞孤詣心解

神暢見於議論如此

樸村云南千為明學使銜字先生後世為邑人中年後遷居靈巖山麓為人負才尚氣有古俠士風嘗與玉洲太史同學詩於幾匠門一時才名相亞玉洲贈以詩云移居妙得隱淪趣造句悉傳山水音少小負才元烈士辛勤學道果儒林蓋定錄也遷靈巖時予師歸愚先生亦居山下日就講論學更大進然一種傲岸之氣時流露於楮墨間至今讀其詩者如見其人師輒別裁集時求其集不可得深為惋惜今從友人處見其全稿錄而

存之。邑有寧氏明初官大中大夫者
構萬玉清秋軒南于居其址遂以名集

擬古

忽忽遠行邁殊已成歲年與君別時蹊芳草重芊芊兩
心弗相易能勿相愛憐浮雲從風馳歛吸東西遷間隔
千萬里曷由共聯翩蒲葦紉作絲非比磐石堅紛紛清
閨月遙遙墮君前願君惜景光慎此寒與暄
萬籬施松栢不隨松栢堅人生各有役頃刻徒纏綿置
酒作高會走揖北里賢回車引上座意氣照廣川彼都
一何似紅粉鬱殊闕闕雲冠豎短犢投合長風前西園擊
肥牛東第張公絃慷慨念永久誰能不憂煎

秋懷詩寄呈匠門先生及同學諸君子

少小邁閔凶

自註年五歲失恃

中歲多憂患長懷百年志復恐三

秋晏迢迢天漢明奕奕繅星燦切切啼露螢蕭蕭乘風
雁金閨響清杵綺閣虛幽幔感慨日夜生無事獨展轉
百里飯牛口投身甚偃蹇海上牧豕兒白首方得宦矧
茲零仃極顛倒殊漫漶平生無知遇賢否孰為辨披覽
纂前修服習從所玩良朋貴切磋師訓戒遊衍嚴霜凋
庭柯驚颺落修幹烏兔遞相逐浮雲邈中斷聖賢重道
德功名乃所貫飄零結苦心曠望起長歎

雜述

蓬蒿弗剪除，遠屋常縱橫。出門滿生意，欣欣各含情。周覽聽伯勞，不知何方鳴。禾苗受風軟，水流湍無聲。呼牛日西斜，烟火村墟明。撫事覺自寬，獨無官租征。蔣詡開三徑，傾心托雅素。紛紛取聲氣，一二金石固。鳥啼春山空，花落川上路。白雲依檐宿，秋蘭挹清露。人情淡始長，物理殊可悟。管鮑貧時交，區區腹心布。

遊城南中頂用韋蘇州登西南岡卜居詩韻

城端罨雲氣，深樹翠欲流。微風淡容裔，雉雊將麥秋。清思引無際，忘此京國遊。迥與朝市隔，春意盈平疇。斜日照墟里，晚花縈廢邱。斟酌溪水淺，恍惚鐘聲幽。迴車就

松下一醉聊淹留

豐臺

故定年相因圖

芍藥用高青邱美人撲蝶詩韻

十里霞光花委宛，隨風香膩飄。近遠月明露下如，含情朦朧曉。起妝初成，嫣然豐頰瞥。相見沉香亭畔，雙飛燕。歲蕤鎖恨，將語誰殘。紅退粉流，歌扇遊人成陣。主人歸東家，西家花亂飛。

立秋夜作

遊好京華集殊深，異地情踈簾。搖月影落葉起，秋聲世事銜。杯淡高懷獨，坐生鐘鳴蕭寺裏。頓使客心清。

蒙陰

野蠶成繭後客騎走駸駸自註崇山縣繭繅道而成縣僻當危徑城低見

遠岑寒鴉遊子色歸雁故鄉心前路應投宿峰迴散夕

陰

新燕次李玉洲韻

一片深情為寄將天涯芳草正微茫綠楊江上烏衣巷
紅杏盧家白玉堂夜雨忽看衝社到曉晴先為定巢忙
凭欄莫負佳人望辛苦還來傍夕陽

新涼

新涼門巷挹清暉山外紅塵幾處飛燕子不知身是客
秋風猶認舊巢歸

吳覲文字覲伯號竹軒縣學生有竹軒詩集

費開岐云竹軒詩古

文辭並有名於時而行誼之篤人品之高尤為近世所難非正初州則名舉諸生之孝友端方者邑宰漢陽徐公以竹軒名上竹軒以疾辭及上官題允再三敦促竹軒終以疾辭一時士大夫益高其行

樸村云竹軒工制義每試輒獲其曾范明齋公以古學試吳郡復以竹軒為冠由是詩與古今文並推作手後應王宮詹良夫之聘衡文山左與宮詹及幕中諸名士日夕唱和每一題附列唱和諸詩共探驪珠竹軒所得十居七八焉

見山亭雪後小飲寒甚

山亭積雪曙極望縞素俱風林正騷屑凍鳥慘不呼孰
云羊裘煖被體輕若無開尊為驅寒呵氣冰在鬢因念
昔齊景狐白溫一軀豈知僕夫苦瑟縮僵載塗廣厦庇
寒士此願良非誣大裘絮以仁展覆亦何殊徒此對清

國朝林陽詩後 卷之三
景勝賞詎吾徒時違且為樂滿堂忌向隅君看袞安舍
高卧尚可圖

南塘

松陵古巨鎮環境波汪洋上衝震澤尾下扼婁東吮湍
險不可禦往往傾舟航豈惟妨利涉亦患淹稻梁有唐
得賢守來自君子鄉為隄松江路蜿壇百里長既絕阻
滯害牽挽遙相望兼通入海道鑿竇流湯湯昌黎美斯
政碑文尚彰彰何為後來者水利置莫詳但知塞其流
不慮川潰傷與湖爭此土沃衍貪宜桑塘存竇已淤前
功日云亡尾閘不得洩蓄勢方怒張梅雨桃花漲橫出
決井疆苟非時浚築其魚恐難量

震澤別業

昔聞天隨子棲遲厭城郭別業震澤間放誕謝羈縛編
籬插杞菊耕墾荷蓑簪窮年著叢書載籍誇極博既却
高士名彌肆江湖樂興來攜釣具孤蓬任飄泊長嘯弄
明月踏浪赤兩脚世或譏散人欣然不知忤觀其所自
歌憤時蓋有托生遭唐季亂深用憂民瘼藩將驕弄兵
禁軍復兇惡補敗與均荒官家誰議度進退局筌權初
非傲人爵所以猶急性遇事時發作至今白蓮寺烟水
生漠漠遐踪不可追長空矯孤鶴

垂虹橋

湖水所東注有澤瀾渟泓狂瀾鼓怒來勢欲吞孤城長
橋截其衝連鎖千尋橫李令昔經始駕木通人行龜鼈
下窟穴出沒愁易傾後來易以石彌歲功才成宛若天
投霓垂頭吸東瀛每洞恣吐納洶湧勢漸平上有亭屹
立如柱中流擊遙山翠螺擁絕岸丹楓明溶溶暮潮上
嘹唳哀鴻驚漁歌出烟渚風月含淒清覽景慶底定歸
功在經營何年變桑田烟火環萬楹惟餘蹄涔水菰葑
萋萋生勝境已非昔此橋空此名

送堅兒讀書冶溪

汝往冶溪學當鑿冶金事為學與冶同受範乃成器鍛
鍊首貴精銷融去渣滓當其在鎔時曲折赴人意毋為
類不祥踴躍先自試安公與天通乃致朱雀異赤龍一
以迎巧匠名猶記人在天地鑪陰陽如炭熾造化千變
殊鼓鑄惟一氣質頑苟未純猶賴人工嗣孔子且鑄回
况汝忍自棄庶用剛克功從革可馴致煜爚流寶光破
山期一割

刺花鴨

誰家畜花鴨作媒陷良禽口含便佞舌身類婦女衿移
來置荒陂靜立窺清深巧呼雲中侶迴翔下相尋引之

唼芹藻戲浴同浮沉豈知網隱翳一舉俄成擒誇功鳴得意喜若不自禁覩茲賊同類使我憂欽欽嘗聞魯僖頌仁風及泮林桑黠食可醉飛鴉變好音奈何咸若化忽已殊古今徒使妬群物得食包禍心同聲慎莫應試聽花鴨吟

禱雨

跂跂脉脉是蜥蜴古法相傳能致雨今朝試此等兒戲緣壁盡為官捕取封置大甕中外譟童男女蜥蜴無言人代言我欲興雲天未許古法猶自多六事自責誰當舉魯禧因說早相仍請官更試公羊語

宿遷早行

雞鳴催短夢驢背數殘星暗壘高低歷荒堤斷續經河聲爭鬧壯霧氣觸衣腥翻羨為農逸柴門尚曉扃

不寐

廢吟緣有疾止酒倍無眠殘月窺簷隙哀蛩亂枕邊萬端牽午夜百錯悔丁年破戒明當飲敲詩一聳肩

秋夜遲揚廷徵允不至

向晚縈愁望離離過雁群蘆花明渚月楓葉冷江雲旅宿易為感秋聲况獨聞池塘今夜夢應得共論文

東吳權歌

巨卓杜陽言律 卷三
儂住姑蘇不識愁 擢歌學得蕩輕舟
凌波羅韞春風警 一串真珠在轉喉

金 鏐字士價 號蘭晚 有耕餘草

樓村云蘭晚家貧嗜學一椽風雨日吟哦其中意欲如也與弟左黃相友燮終身如一日至今鄉里猶稱之

冬閨

一秋擣素思悠悠 刀尺三冬尚未休
幾度欲眠眠未得

離愁和月滿牀頭

錢以煌初名字萼千 號杏田 狂山人 雲子府學生

樓村云山人如長江大河有波濤怪異之觀杏田如曲清芳澗有花鳥幽閑之趣父子不相齟齬正相肖也

芍藥

客有將離思 臨岐贈一枝 欄邊惆悵立 春去幾多時

袁寧邦 字維民 號適齋 縣學生 有適齋詩鈔

袁扶九云樓瀟酒談笑生風每出一言四座解頤詩如其人時露天趣長君彭年兄幼工制義穿穴左史諸老宿皆以異才目之惜早年摧折未竟其學先伯父自是無意進取抑鬱以終

辭春歌

東風熏人醉未醒 枝頭忽聞鳥亂鳴
聲似怨春歸去 不知春歸向何處
昨日紅顏今白髮 不堪回首秦樓月
寄語洛陽諸少年 一刻千金莫浪擲

笠澤秋泛

浩蕩五湖遊 烟波上下秋水天
涵一氣吳越控三州 雁

國朝公使詩教

卷三

七

發冷齋

斷因風急帆遲為日留鴟夷今在否願與共扁舟

迨灝宇滄洲號空齋縣學生

漫興

當年惆悵仲宣樓又復辭家事遠遊雲斷故山迷舊夢
雨添春水寫新愁思魚有客初彈缺貫酒無人共典裘
浪跡自憐還自慰江南不少五湖舟

吳雷發字起蛟號夜鐘又號寒塘縣學生有琴餘集

樸村云夜鐘以才人自命負氣凌厲於日無一世性幽僻好遊荒郊野
塚間遇古藤老樹輒吟其下終日不去其中詩琅琅並列其佳者有水
鏡空明不染
塵滓之妙

古意

捷足馳康莊豈必盡騏驥遂令里中兒紛紛離故地子
去親獨存白首勞夢寐遠遊豈不佳高堂易憔悴

村曉

雞聲引群動衆響雜以生客枕本難寐耳畔如沸鑄村
人起何早多半勤西成身家迫飢凍好勞豈爾情我亦
舌耕客念之夢欲驚

妹嫁

山禽哺諸雛漸欲成毛羽毛猶未豐臨風各飄舉與
爾為兄妹清門本貧窶一從失怙後巢破多風雨零丁
更漂搖猶幸為伴侶于歸行有期悽酸不成語汝兄止

寒生辛苦支門戶，搨擋釵與裙。那復望華臙，豈如先人存嫁爾。力堪努吞聲，誦古詩貧賤別更苦。

空江

空江見底漾晴沙，古木如眠綠影斜。盡日釣魚魚未得，一絲牽起白蘋花。

採茶歌

踏翻空翠手頻攜，犖确行來路不齊。辛苦為誰尋好味，龍牙雀舌任人題。

釣船

赤尾魚跳響綠波，煙消溪面鏡初磨。釣船不管蘋花破，棹入空明自放歌。

棹入空明自放歌

吳球發字夔山號柳門諸生雷發從弟有半山詩集

樸村云先生仲子凌松與予同父業於澄江蔡九賢師時下帷我家凌松月必三四至每挑燈夜話嘗為予言先生淡於名利雅好吟咏遺詩千餘首恨不能詳以傳世今予有詩徵之選復以全集來予喜凌松之有志表彰而先生之詩得不終湮沒也因急登之。先生弟名堂發號鶻社寄居鶻湖足不入城市土墻竹屋詩酒自娛惟與兄夜鐘及先生一家師友互相酬倡

古意

一日移兩樹開花有後先，兩樹後先種花乃同時。妍始知遲速異難奪，造化權人生多妄求縱得寧為賢。於此苟有會出門等高眠。

錢言字紹公號訥夫縣學生

國朝本隱詩後
卷三
樸村云詢夫老於教授中年一遊楚南
多登眺之作其全稿散佚所存無幾

志感

山中饒雜樹綠葉敷華滋青青樹根草綠坡紛歲蕤草
木豈自殖春氣潛榮之有如襁褓中鞠育仰母慈出入
勤顧復得至長大時嗟我蔚蒿質未報三春暉歲月漫
蹉跎迫此終天期撫景增感傷涕泗交垂頤

十姊妹花

深紅淺白闌芳辰點綴風光正莫春好似華清諸姊妹
五家合隊曲江濱

陸永傳字徠逸明經瑤子縣學生有漱玉軒偶吟

閒居偶咏

地僻無人到蕭然一室中貧惟存傲骨病不廢詩筒屋
角凝霜白庭前落葉紅閒居無箇事極目數征鴻
計 濂字萊周諸生朱培弟有病飲草

鶯脰湖泛月

放舟鶯脰湖獨泛清宵月圓影散水木光景紛奇絕空
明碧浪浮搖漾翠陰沒村沽入蘆渚沙禽起翔集遙遙
平波臺四面漁舸出舉網得鱸魚吳歌相贈答遠寺帶
殘鐘林塘映清越鼓棹吟滄浪微風發天末欲起謫仙
人笑問蟾蜍窟

葉永建字玉純有萊村草

攜李道中書感

西風江上棹泛泛逐輕鷗野水連天遠孤烟接樹浮蘆
花殘雪听帆影夕陽舟為憶山陽笛推蓬涕泗流

過橫山二棄草堂

幾樹垂楊拂短牆空園寂靜路荒涼橫山雨過峯峰碧
猶放晴嵐到草堂

陸桂馨字元萼號馥園孝廉方濤子歲貢生官丹陽

訓導

樸村云鄧文端任江蘇藩使時以古學試士道省得五十三人而吾邑周
濬寧師與陸馥園顧悅川與為一時傳為盛事蓋馥園所學一本庭訓則義

為時所推詩說理而不滯異於白沙定山一派其專尚即山孝廉詩亦具
理趣高重曲云生前不努力身後何處為所以古賢達開道貴及時讀其
詩可以
見其志

古風

和風吹穠李疾風吹勁草天風非有私萬物貴自葆至
道有根柢浮名何足寶白日莫蹉跎紅顏倏醜老

居山畏狼虎入海畏蛟螭斂踪閉柴門庶其免沾危奈
何世網密荆棘生坦夷撫膺為長嘆感感靡所之

金筠字靜宜歲貢生湖州有楚遊草玉蘭書屋詩

稿

太子磯

國朝公凌詩致

卷三

三

凌公齋

砥柱分江勢，旗亭壯客觀。日中帆影正，風濶浪聲寒。世
味途中減，詩情險處闌。鷺鷥偏勝我，翹足立磯端。

春感

春去三之二，關心倍可嗟。風清三徑竹，雨送一園花。雞
啄朝春米，厨香午煮茶。平生無長物，身外總烟霞。

觀潮

濤頭一線快如雷，強弩三千射不回。越客船頭驚海立，
吳兒脚底看山來。飛鴻有信秋同過，落日無情暮自催。
寄語鷓鴣還息怒，鷓鴣已上越王臺。

出馬當山口望見小孤山

夜宿華洋月半鉤，朝來挾柁赴東流。隨風欹反半天鳥，
與水浮沉一葉舟。山嘴近看屏障好，江心遙指鬢鬟愁。
楚儂也學吳儂曲，惹我詩情繞故邱。

西湖雜詠

借得湖樓窄似舸，小窓撥去白雲封。手中殘卷權當枕，
卧看南峰與北峰。

縈烟閣雨月模糊，白塔紅亭看欲無。三十里湖渾似海，
何曾浪急駭眠鳧。

巉峰怪石白粼粼，空腹能藏百輩人。却訝箇中誰作主，
獨留石榻待嘉賓。

玉立湖邊白鷺鷥風披露洗好毛衣夜深便向西湖宿
占得秋光似爾稀

沈良友字笠岑號畏叟孝子自顯子縣學生

費開岐云
畏叟好讀

書工篆隸筆法遒勁直追漢唐
詩則和平溫厚深得風人之旨

題阮容畫蘭

畫蘭有妙理予竊聞其槩人竒筆亦竒功夫在畫外本
穴所南翁心史寄蘭蕙片片流赤心葉葉灑秋淚蘭根
不染土千載有餘慨我家虛谷子性癖異常態慕聖詣
杏壇盪胸登泰岱終羞俗人伍逃入無生會早窺鄭公
法秀勁得三昧展卷望西山雲烟渺如繪

題看雲居圖贈聲碧上人

華頂峰前一衲子朝朝暮暮白雲裏白雲繞屋不見雲
杖藜撥處常紛紛衲子者誰我阿咸十八離家便滌凡
刺血過書千貝葉火宅蓮花超浩劫十年一度省親歸
此行雖久期無違寄語湘萍老尊宿共我看雲老茅屋
初舉歲寒會病未能赴感而有作

絳老年華又二春從今物外寄閒身萬緣放下難忘學
畢世無求只耐貧雪壓庭梅枝愈勁霜凌溪竹色猶新
歲寒愛爾同心伴曝背高吟傲野人

沈 永字敬齊一字雷淵孝子自顯次子歲貢生

孤雲

素練飄何處空林慘不還江寒秋共碧天迥月同閒失
路依高嶺關心出亂山贈君豈無意為待客躋攀

吳長庚字繼白諸生祖修子

周純夫云吾師繼白先生乃柳塘先生少子也家貧力學為制義必

宗先正年逾四十以布衣終所作詩想承家學每一篇出輒為邑中前輩所稱許後散失殆盡錄所記憶者僅數章而已

紙被歌

剡谿藤老走龍蛇采得霜根浸谿石春勻簾薄始織成
片片琉璃手中擘君從何處得此被鋪向匡牀剛六尺
豈惟舒卷便隨身喜與詩書同枕籍當年曾讀布衾銘
厚德素風人嘖嘖况今出自翰墨林裁剪真逾羅綺百

人生奢儉亦何常擁被而眠均一適有鯨掉尾杜陵啼
寢處不祥豎棄擲此生善保瑩然姿肉裏精光凝日夕
但期塵垢謹滌除莫供兒童浪塗澤薛苔蔡網互討求
凜雪形神見貞白夢迴偃仰仗餘溫蔽以一言服無數
夏日咏懷二首

長夏都無事堦除隨意行讀書貪晝永摹帖就窓明雨
倩新荷報風從細葛生俱堪塵垢滌併入客襟清
炎天畏生客盡日戶雙扃披髮便新沐支頤愛半醒去
來梁上燕聚散水中萍物態紛紜甚吾將付窈冥

張錦字禹文有南村詩集

橫村云南村令似看雲工詩善畫致南華李王洲諸先生
並推重之今讀南村集知雅可滿益知淵源之有自矣

和周南莊村居漫興

卜居遠市徑紆斜矮屋疎籬是我家
自信知心惟皓月堪邀作伴有梅花
貓頭屢刷春山笋蟹眼時烹雪水茶
偶出村莊閒散步陰陰綠處盡桑麻

題畫

湘簾高捲浪重重喜挂輕帆趁好風
山色蒼茫烟樹裏暮鴉飛渡一江紅

國朝松陵詩徵卷十三

國朝松陵詩徵卷十四

後學袁景輅質中編次

沈培生峻天

後學

袁益之扶九

同輯

顧我錡字湘南號帆川布衣偉族曾孫縣學生有浣

松軒詩集

沈歸愚先生云鄂文端任江蘇藩使時以古學延訪人材
得五十三人湘南為冠士林榮之後舉博學鴻詞文端奏

請若為湘南設也迨傲至而湘南沒矣豈於才畜於遇文端歎息編襟
標渺峰為七十二峰最高俯見別處道場山等巖然自下而上無亭臺樹
木有登無頓不易造極也湘南九日登標渺峰作詩浩氣孤行豪情直上
不負登高之目顧髮千云先生以詩古文受知於西林鄂公後鄂公入
相天下士莫不望登龍門而先生未嘗一書通款洽其高致如此陳行
之云航川先生自少至壯晨夕編纂策不傳其著述者有綱目志疑
二卷邑乘備攷四卷三餘筆記六卷瑤著齋雜錄十卷浣和軒文集六卷
詩集六卷外集十卷其所選輯者有古詩編略十五卷唐音酒鈔二百卷

橫村云南村令似看雲工詩善畫致南華李王洲諸先生
並推重之今讀南村集知雅可滿益知淵源之有自矣

和周南莊村居漫興

卜居遠市徑紆斜矮屋疎籬是我家
自信知心惟皓月堪邀作伴有梅花
貓頭屢刷春山笋蟹眼時烹雪水茶
偶出村莊閒散步陰陰綠處盡桑麻

題畫

湘簾高捲浪重重喜挂輕帆趁好風
山色蒼茫烟樹裏暮鴉飛渡一江紅

國朝松陵詩徵卷十三

國朝松陵詩徵卷十四

後學袁景輅質中編次

後學沈培生峻天
袁益之扶九 同輯

顧我錡字湘南號帆川布衣偉族曾孫縣學生有浣

松軒詩集

沈歸愚先生云鄂文端任江蘇藩使時以古學延訪人材
得五十三人湘南為冠士林榮之役舉博學鴻詞文端奏

請若為湘南設也迨傲至而湘南沒矣豈於才奮於遇文端歎息編襟。
標渺峰為七十二峰最高俯見別處道場山等巖然自下而上無亭臺樹
木有登無頓不易造極也湘南九日登標渺峰作詩浩氣孤行豪情直上
不負登高之目 顧髮子云先生以詩古文受知於西林鄂公後鄂公入
相天下士莫不望登龍門而先生未嘗一書通款洽其高致如此 陳行
之云航川先生自少至壯晨夕編纂策不傳其所述者有綱目志疑
二卷邑乘備攷四卷三餘筆記六卷瑤著齋雜錄十卷浣和軒文集六卷
詩集六卷外集十卷其所選輯者有古詩編略十五卷唐音酒鈔二百卷

宋詩選十卷元詩選四卷青邱集選四卷年未及艾而所撰

已盈箱積篋今之學人求若先生之勤且敏者可易得哉

樓村云沈川負異姿復沉著好學方授縣舉即酷嗜文選每夜必手錄五篇錄訖輒成誦性至孝日侍親側即閭里間亦罕所往選以是學益無所不窺所作詩文即已名重鄉閭陳黃門獨亭帆川師也督學山左招與俱往每試事畢縱觀山左名勝渡大河上泰岱登酒樓望南池謁孔林意有感觸一寄於詩黃門與其師高大立皆詩壇宿老帆川與之唱和成海岱聯吟四卷時人莫能軒轅時帆川年未三十也雍正元年鄂文瑞公秉節南國命題數十徵各州郡維時縉紳先生以進山林隱逸之士莫不聞風獻伎公道選五十餘人會於泰風亭嘗一時人望而喪然居首者帆川也於是大江南北無弗知有帆川者後數年制府尹公聞其名辟修通志時同事者如黃唐堂任鈞志並劍光周聘侯諸人各以所長分任獨以水利藝文二志屬帆川諸君有所疑必就質帆川言之原原本本諸家莫及沒後開鴻博之選薦膺上文瑞公怪無帆川名意衆訪未揣會 上申論縉舉卒無以其名上者乃知帆川之沒至是已二年矣

江南弄

東吳頭西楚尾江南遙遙數千里就中姑蘇與廣陵舟

車輻輳如流萍紛華滿眼徧城郭大家小戶樂復樂紅樓大道珠翠繁畫檻中流蕭鼓作酒酣肉飽不知倦佳冶盈盈滿芳甸稗販猶裁白紵衣閭媿亦著黃金釧回頭却顧四壁空小兒索飯啼門東未知衣食竟誰是且復強舉稱豪雄嗚呼江南之貧貧若洗朝歌夜舞徒為爾

北邙行

北邙松栢聲蕭蕭鬼燈如豆燒青蒿紙錢隨風散邱壠纍纍白骨寒清宵靈鼈蟲負碑石湏臾又作柱下碣况彼玉匣與金鳧歲久灰飛若山積一年一度祭孤魂

國朝林陽言後 卷十四
祭罷人歸高墓門野逕荒郊新鬼哭寒烟古樹夕陽昏
嗟哉洛陽名利客車馬紅塵聞阡陌不見荆榛數里中
千載王侯皆寂寂

莫去草行

莫去草草無惡世俗紛紜情更薄君不見竇嬰門下客
如林一朝鮮散同葉落又不見程公紅騎接朱輪俄焉
大暑傷離索乃知富貴堪炙手呼吸便覺春華灼乃知
權位一日非不減秋風破殘籜玳簪珠履客三千覆雨
翻雲如隔膜莫去草草無惡世俗紛紜情更薄

獨坐言懷

商飈襲華鐙志士生感傷迴首平生懷氣結不能揚粵
余昔鬢髻逸翻凌雲翔志曠違俗賞才潛離世芳委懷
屬書劍矢念結虞唐感歎馳慕思白日流西光徘徊伏
壠畝坐卧空井鄉清風響叢薄明月映修廊幽居豈不
美撫已悲未央岐山有靈鳥其名曰鳳凰梧桐以為棲
竹實以為糧五采蔚相宣異質挺文章翱翔遍九垓棄
置忽若忘棄置何足歎鳳鳥非可常

憫孤燕

雙燕爾何情依依入我廬啣泥營新巢拾草補其苴晨
穿繡幕去暮抵高簷居雕梁語喃喃廢我夜讀書豈不

國朝文獻通考卷一百一十五
三十一
畏探斂室暖情所如一往復一還不知幾拮据薄言壘
已就羽毛為之踈庶幾葺吾巢一心哺其雛忘機自飲
啄雙飛終不渝事乃大不然蛇虺互睚眦蟠伏斗拱間
猝然肆吞屠悲鳴不能救坐見同類殂一死還一生從
此出入孤中夜語酸辛欲歸誰與俱嗚呼燕何知世途
久崎嶇鷹隼厲深吻豺狼負高嶠投迹苟有方倏忽畧
禍羅微命徒為爾令我涕沾襦

谿莊雜詩

埴土以為垣斷木以為柱蘧廬四五間縱橫相撐拄前
庭列松桂後圃羅瓜芋中堂芳容藤祭祀陳篋宮時時
佳客來拜跪失賓主歡呼成小酌月色滿庭戶東風爾
何來百草忽顛舞妻孥既油然雞犬皆得所伊此誰氏
廬隘陋殊可取

擬李供奉白月下獨酌

長風吹華月皎皎當我樓芳樽滿春醪灑灑金波浮仙
人駕雲來簫管何清幽揮手邀止之飄然若星流人身
非喬松焉得千載留俯酌一盃水仰滌萬古愁劉伶昔
曠放天地為衾裯吾生貴適志安問龍與蚪浩歌謂明
月抱汝太清遊

擬杜工部甫出塞

國朝詩話卷之四
男兒負意氣安用七尺軀提戈別妻子淚竭心不渝九
重下蒙塵豺虎走通衢國運尚顛蹶敢有完肌膚暮抵
黑山宿晨逐黃河超邊風刺箭瘢扶傷鬪群胡哀哉一
夫勇無由却匈奴寓書附六親腸腦終膏塗

擬孟漂陽郊怨別

花落隨水流人客隨馬頭浮雲四散飛那知愁客愁莫
輕一盃酒去去春復秋莫忽千里道迢迢車復舟到江
尚促膝回首即離憂勉哉策君馬無為久淹留越禽憶
暖土遊子戀故邱

擬李奉禮賀傷心行

突突馬踏塵羈客淚凝紫鼓角弔嚴霜寒深夜燈死瘦
骨冷敝貂窻廳嘶敗紙牀頭挂蛟龍三尺清如水

從祖母女君子陳孺人哀詩

昔讀烈婦傳鬢眉為開張往往中夜興撫膺獨徬徨此
事雖異姓吾猶不能忘矧伊女君子兼屬祖母行惟余
實從孫歌之頗能詳夫人穎川宗門閭邑所望少小丁
禍亂干戈日蒼黃扁舟避灣浦群賊何狃狃父既殞鋒
鏑母復沉江湘孺人甫周晬伶俜若朝霜鞠育兄嫂家
提攜自相將有如丸山鳥飛鳴極悲涼寧知命不淑兄
嫂亦已亡獨與祖母居相顧空辛傷一老且就木一幼

初扶牀危檣度弱水前期杳茫茫寄語且勿悲幸托君子堂雙鳳雖未諧恍惚聞歸昌嗟嗟古人言倚伏固有常奈何孺人者終身獨罹殃一朝使者來情詞屢迴違孺人叩其由咽抑聲不揚夫子既棄世偃然寢幽房孺人聞此言心痛若被創哭如巴山雷陰軫傾高岡泪如呂梁洪斷續何滂洋散帶解紅襦掬水洗鉛妝徒行復蓬跣登舟遠奔喪惟時鄰里輩卹卹駭若狂惟時衆親戚挽斷麻衣裳或謂未成婚當字他家郎或云未廟見返棹還故鄉孺人意如石奮臂張兩眶大義重山嶽萬夫不可當上堂拜舅姑入室撫靈牀悲摧動白日凝血沾丹墻既死却復活勺水不復嘗舅姑對之悲劇若嬰膏肓好語百慰拊乃始啜一湯舅姑家故貧瓶盎靡儲糗徒以兩手資白髮無飢腸舅姑家故貧敗絮冷且僵徒以兩手資挾纊如晞陽不慕並棲鶴甘作離群鶯時時向隅泣哀啼雜寒蟄如此五十年動止皆可坊舅姑既殯葬嗣子方昂藏玉碎不改色蘭死不改香夫人今蓋棺名聲一何芳表閭既有趙作傳復有童綿綿屬神理永永垂輝光嗟余固族子粗能舉其綱投筆再三歎意氣凌青蒼巾幗有如斯立身當自強

入林屋洞

洞天大者十江左得其兩三茅昔經過華陽未及往側
聞幽虛天所見倍晃朗金庭及玉柱往往接靈響我雖
不求仙聊可窮勝賞始入大如厦掉臂絕寬敞石勢盡
穿穴虫蛙語非妄叶前行路微通一隙僅如盞日光所
不至問影獨題題篝燈入其中欹仄無尋丈蛇行還四
據舉足兼運掌旁逼詎可回上壓不容仰前人未移踵
時抵後人頽有如蟻行珠蕙若鴻離網逢高已屈膝遇
下或頭搶趙趙數百步耳目始開廣或如流蘇形或作
車蓋象玲瓏訝雕鐫峻潔似刻礪雲英并石髓滴滴到
肩頊人言從此入仙境漸蒼莽詎宜半途廢倦足重自

強寧知艱危途詰曲甚疇曩松炬半昏黑豁爾得平壤
時時見巨蝠毛羽森被斃有聲雷霆然四壁紛震蕩或
云太湖底所隔如一幌吾意不謂然此理靜可想人身
呼吸通敷氣同盼蠻鬱之則成音寧闕水澆養仙庭竟
安在石柱植如磔自註一石柱塞其門遂不得進柱蓋鍾乳所成誰歟黃金臺何者白

玉榜幸非吾所期不復重掉鞅循途出洞口亭午日方
上相對各如夢耳目猶惚恍却思夏王書臨去重惘惘

十三摺

自註環石公山足而行每過數武則山川象耳目改觀如閱畫冊主人謂之十三摺

太湖從西來奔駭若萬鼓群山以舌承石公獨齒拒洪
波漱豁訝怪石紛齟齬環環山根下顛倒相撐拄我来

值高秋水縮露洲渚崎嶇百折間林立祭可數凌空或
如飛據地或如俯蟠疑潛修蛇踞駭伏猛虎突若元凱
瘦呀若巨靈斧中空仇池穴上竦江陵柱齟齬似波濤
蠱蠱類堂廡深或五丁開平或千人聚積如連雲嶺散
若落星浦凡為十三摺摺摺出機杼譬彼觀畫冊展紙
異所覩橫斜與疎密復以類相部應接寧有窮變換只
移武當年表公安歎絕冠區宇斯言近浮誕目擊洵堪
許焉得逢愚公不然命夸父空中忽攜來置我竹間圃
泉石生膏肓煙雲盟肺腑結廬傍山偏終老棲一塢

釣突泉

泰山之水環山來陰崖汨汨逝不迴

自註源發於岱崖之陰至湯馬嶺始伏

陡然

一落不復見渴馬立壁空崔嵬濟南城西天下絕瓊珠
金線交橫發伏流到此修復通平地跳出三白龍初疑
風雨至萬籟翻空波撼地繼若驪宮傾珠璣瑟瑟騰光
晶雷奔箭激不可以逼視天矯勢欲升天行其旁有高
樓縹緲如仙靈流丹百仞映涯涘飛沫萬點噴簷楹輝
手倚樓坐對此可以傾醪醑吾聞匡廬瀑天紳倒挂雙
峰麓又聞太華頂綠淨紅酣池萬頃未若茲水虛可驚
倒行逆出相喧爭乘風我欲破空去轉恐平地洪濤生

海山亭觀落日歌

國朝林氏詩卷一
義和鞭日聲隆隆朱輪丹轂雙碾空塗窮猝入大瀛海
迴光倒燭深潭龍海水忽湧沸銀濤如屋相撞春欲吞
不吞吐不吐但見萬里鎔紅銅陽侯驚詫海若笑幻出
萬象真無窮天矯一金蛇獨卧洪波中連蜷裊窈千萬
丈小蛇蜿蜿來相從熠然變火光傾瀉玻璃宮浮光照
曜際窮髮餘彩溢出難為容飄飄海山亭結構當海衝
我來露頂坐其上放眼頓覺開心胸霞收景滅忽不見
皎皎玉鏡升天東

九日登縹緲峯

太湖湖水平如油南臨吳興北常州雲濤瀕洞千萬頃
天遣峭石支中流奇峰羅列七十二意象崖巒窮雕鏤
青螺勢絲延支聯脉綴相沉浮就中一峰起天半孤撐
磔卓無朋仇有如端拱坐清殿奔走萬國朝群侯置身
峰巔斷塵土縹緲雲烟裊孤柱微波一曲辨荆溪頑石
數拳窺顧渚未知大地竟安窮但覺長空浩無主孤舟
遠泛若停橈斷雁低飛如鍛羽是時秋空方沈寥丹楓
黃葉山之椒彭澤挹盞正采菊中山搖筆還題糕我貧
無物作重九憑仗兩脚升青霄指揮雲物作几案呼叱
嵒嶨同兒曹吳山簫鼓真一笑苦向平地誇登高

聞僧言黃山諸勝作歌紀之

君言黃山奇復奇我雖未到心嗟咨筆不逮舌舌非眼
毛舉寧足窮端倪黃山蒼蒼聳天闕上有千古萬古雪
蕉蕘氣色凌三障磅礴根株連五洩奇葩異草紛無窮
如入瓊圃瑤池中碧花細剪布唯谷丹竇高綴搖虛空
大峰離立三十六小峰宛轉波紋盛浮邱容成舊往來
靈鑰仙闕看不足回頭忽見足下雲波濤歛欲來無垠
應真五百踏空去點點不異鳧鷖群忽然幻作千里赤
霞車虹靺爭輝赫扶桑一點似跳丸咸陽三月真無色
天都之高高刺天紫府碧落相鈎連喬松偃蹇怒虬起
乘風一躍升其巔風回掣松松復止拗怒崩騰不能已

雙仙拍手笑且訶分寸攀躋尚爾爾天都之高且勿誇
石筍拔地森槎牙尖峰卓立四無附直上天頂穿雲霞
山頭曳尾黃牛小叱叱耕夫忘昏曉雲移霧卷往復來
似是鋤煙種瑤草長松之下兩鶴棲交頸接翅相因依
行人恍聽九皁喚那識造物工雕削舉頭忽覩達摩巖
杖錫拈珠坐褊袒小松蟠屈過顛生刺促鬚髯露猶短
銀河高高天半流何人散髮掉扁舟支機織女怒揮手
失勢推落高山頭蘭漿桂棹化為石至今歛乃無朝夕
長風萬里動地來猶似揚舡泛空碧僧云黃山天下雄
挂一漏萬知何窮譬如嘗鼎祇一臠目擊乃得窺天工

我聞僧言但唯唯奇絕人間信如此勸君卷舌勿更談
青鞋布襪吾方始

清涼臺

朝遊石城山日莫不肯迴連峰西北傾迤邐蒼屏開捫
崖歷壑千萬轉絕頂更上清涼臺清涼臺高不知數千
里山川莽回互岷江東去走涵涵微茫似可投鞭渡涼
颺玉露暑不侵南唐遺構山之陰即今頽垣古礎竟安
在但見野花纖草歷亂愁人心君不見澄心堂淨居室
久無淒風夏無日一朝白甲摧如山降王只辦隨身膝
此地亭臺何壯哉釣欄屈戌俱蒿萊不須苦作雍門思
且盡一杯歸去來

月夜

月色淡河漢蒼茫萬象分寒林棲斷靄遠岫泊孤雲且
盡百年樂休嫌五夜醺清光今若此贈我最殷勤

秋戍

辭家踰萬里負羽及三秋大漠風如箭中天月似鉤巖
城嘶鼓角白草宿貔貅不憚關山苦何論萬戶侯

登惠山最高頂

突兀聳銀屏蒼蒼倚杳冥蛇龍盤磴曲煙雨入峰青藤
纜將欹樹天低欲墜星忽看峻截處石戶更深扃

江行

獨宿蓬窗下江聲繞夢魂波驚翻石岸濤怒嘯山根氣
雜蛟龍暗雲連日月昏煩襟一蕩滌漸欲隘乾坤

書友人葉朝楨蓉窓遺稿後

高歌一曲淚雙流急管繁音草樹秋半世滄桑空寄恨
一生花鳥極關愁江淹賦裏魂應斷庾信城邊泣未休
最是不堪回首處羽毛零落尚啁啾

登鷄鳴山後閣

面水憑城小閣開縈紆磴道已千回人耕廢壠酬勳廟
馬齧荒榛測景臺照郭寒流明似鏡隔江遠岫翠成堆
南朝射雉停輦處敗葉鳴蟬極可哀

秋感

慘淡風雲結莫陰今朝華髮不勝簪離人獨下思鄉淚
末士虛懷望闕心蘆管一吹沉夕照楓林落盡漏疎砧
不須宋玉愁無地且作南陽梁父吟

王昭君

一自明君入虜塵蛾眉千載恨傳神豈知延壽身雖死
猶勝延年進美人

靈佑觀

琳館珠庭次第開夕陽微照鬱孤臺道人鋤藥不知倦

一一鶴聲松際回

題畫雞

何須舐鼎逐神仙且向尸鄉借一椽風雨瀟瀟閉門夜
窓前有客解談元

楊

浚字景伊號一齋雍正丁未進士官興業知縣
有一齋偶存草

遊仙詩

四窓山色圍松風吹曉夕道人中瞑坐空庭悄無迹隔
溪花流紅滿室煙繞碧元氣蟠胸中太清時出沒逍遙
遊八紘萬古曾一隙嘆惜秦漢主枉求海上客富貴尚

不捨智故安能寂生死等蜉蝣利名若蟻蛭

陳沂詠字鳴盛號萊村諸生自振子有萊村吟藁

周

毫先生云萊村以恬淡寂寞之性優游典墳學有心得居常規步履趨進
退可度與人交接退然如不勝衣其言呐呐然如不出諸其口然外和而
內介人不
故干以私

初夏漫興

家在烟波裏軒窗藏濃綠間風清鸚語滑花盡蝶飛閑重
露常疑雨奇雲便作山琴書瀟洒地塵事莫相關

逢田叟

烟水深深此索居村農漸熟故交疎常占豐歉原無准
偶卜陰晴却未虛世事偏多不耕獲吾儕只合帶經鉏

相逢偶語溪橋畔勝讀齊民要術書

丁廷彥字濟川縣學生有江上怡雲集

沈陽愚先生云濟川為彭侍講高時

甥得涇陽之傳其詩不規撫古人而自饒天趣豈天隨子所謂心散意散為散歌散咏以散其志者與彭之庭云濟川先生詩閑適古淡自陶盡

門庭中來如白雲滿然山泉冷然不煩鍊治而自臻妙境

樸村云吉溪丁氏多能文之士獨怡雲以詩著名由其性所癖也筆致蕭疎語意恬淡此以天勝者勿規規以紀律求之

種菊

伊昔柴桑叟種菊繞東籬無事益與盍不計妍與媿春
初歷秋晚雨露日以滋時至發其英黃花自紛披采采
已盈把真意良在茲酌酒挹清芬撫琴玩芳姿逸韻一
時絕高風千載思後世過珍惜甕甌列堦墀甚或畏風

日疎簾蕙重帷豈不勤灌溉朝榮夕已萎凡物違其性
人巧亦安施達人善體物無使本質虧隨事順化機此
意誰能窺

朱志廣字葑岑一字剪淞晚號卧谷老人廣文虹孫

附貢生有滇黔遊草

陳行之云剪淞先生肝腸如雪吐氣若虹自少與名公鉅儒交皆重其才器遊張匠

門先生之門匠門視學黔中招致文幕者六載後常作客四方大率在文幕時居多向屬名人寓剪淞草堂圖一册題贈詩篇已盈寸矣最後索于題有斷句云結屋江千老歲華幾幾採珠柳映門斜不嫌占却吳歎水鷺宿鷗獸共一家雪泥鴻爪編人寰身歷崎嶇夢自關一幅烟波同去住我曹坐老釣魚灣年八十四卒無子

雜詩

長安旅况閑頗愛花如織移來百種多遍向庭階植紅

紫遂紛乘寒梅悵難得迺知冰雪姿不落塵凡域空山
淡芬芳際水含幽默為語看花人聊此取顏色素質匪
易求江天寄遙憶

包山遠眺

此身如浮雲隨風歇西嶺群螺落鏡心一碧際天影殘
霞鷗鷺輕秋水魚龍冷仙路日沉冥寥寥三萬頃

乘月過韋蘇州祠有作

迥絕千秋思尋幽想盛名吳城今夜月猶為使君明散
步人如昨凝香夢轉清南園塵外賞終古見詩情

東吳棹歌

隄邊遊女踏青時江上懊儂歌竹枝繞路撒將紅豆子
相逢何處不相思

小富市灘

夾山灘溜走青蛇境轉灘夷露淺沙潑眼紅霞飛不去
人家多半住桃花

題畫

山含烟樹水連空此意由來數浙東曾記一帆秋漲裏
桐廬城外看丹楓

沈 岐字元鳳號支山有支山吟稿

王暉曾云支山嬰廟此
終身不娶詩似晚唐人

李玉洲大史極稱賞之與里
中王鏡亭友善多唱和之什

過象成齋詩以悼之

庭除梅花懶獨看，歲寒人去不成歡。惟餘向子生前累，誰贈方干死後官。辭砌有禽啣凍雪，疎窓無客凭幽欄。從今疑義何由析，滿架遺書盡欲殘。

顧鳴杵字舒聲一字緯，持明御史曾唯裔孫。吳縣學

生有吳門嘯稿，郊西旅草清蕭稿。

費開岐云：緯持稿定學，閉戶著書，不干名譽。日

事吟咏而人無知其能詩者，今予珍友從余遊始得出其全集讀之，吾邑潛修之士首屈一指。

社集對雪分詠短歌

繁林擁砌縹塵絕，佳客開筵群賞雪。興狂拈韻闌新歌，白戰令嚴無寸鐵。埽來試煮九華英，寒香入脾詩思清。

莫嫌大地皆含凍，筆底雲山自放晴。

吟社

四圍青嶂銀屏開，清光入戶曉夢迴。何處大聲震霹靂，蒼松壓重枯枝摧。凍雀不飛檐際宿，憑欄却嘆寒威酷。呼童沽酒向前村，芒鞋踏碎岡頭玉。

山家

松根埋盡石齒平，空山寂靜寒無聲。束薪只穀斗儲價，雪深泥滑愁難行。行行擔重疑中折，欲下憂襟兩如結。市城寧識採樵難，竟日厨頭煙不絕。

樵徑

漠漠寒光搖兩岫，空江波靜如銀漢。扁舟來往載行人，驚起鷺鷥飛雪亂。前村烟暝日暮時，渡頭立馬喚者誰。狐裘公子戴瓊笠，一路尋梅歸去遲。

野渡

朔風吹雪烟塵昏長城萬里埋草根旌旆無光鼓聲死
蕭蕭白骨寒雲屯荷戈征人自愁絕鐵衣冷迸金瘡裂
朝來牧馬向天山青塚驚看亦迷滅邊塞

風雨

風雨傳聲急淒涼送早秋侵寒初御袂望歲更添愁杼
袖亦久困干戈尚未休為農供賦歛好與十分收

秋日雜感

空齋擁褐只高眠靜裏閒看景物遷黃菊每教逢病日
碧雲容易作愁天丈夫入世羞言命貧賤依人恥受憐
向晚倚風孤笛奏客心千疊泪涓涓

薰葭白水繞吳鄉灝氣迎人夜夜霜天意無私有寒暑
世情多故自炎涼客身淪落何妨醉吾道艱難未易狂
却憶扁舟垂釣叟高歌一曲向滄浪

整理長編盡蠹殘名山絕業半闌珊紀時詩句傷時易
殉俗文章脫俗難別院鶯花三月暖夜窻風雨一燈寒
壯心折盡初償得僅博香魂帶笑看自註偶憶此
語感成落句

秋初雜書

遙夜空齋結遠愁月光如水滿庭流姮娥自入蟾宮後
那識人間更有秋

龐汝礪字成孚明平湖令霖曾孫雍正己酉舉人陳萬

生云孝廉少從先君子遊嗜學工文並烟詩律髮或惠縣試徐公
正峯板冠一軍入洋後發登賢書惜中序棄世未展風抱偏哉

冒雨渡江

潮漲金山小雲垂鐵甕低江天渾不辨風雨一船迷

潘學博字若思號耐庵歲貢生有焚餘集

樵村云耐庵善讀史凡古今成敗人物咸否俱了了於胸中偶
有所見輒以韻語寫之其讀史雜著多能發前人之所未發

賈長沙

洛陽出賈生漢代得名賢召以為博士於時最少年文
帝悅其才一歲輒幾遷如何絳灌徒竟爾流譏言胸懷
治安策思之徒愴然鬱鬱適長沙卑濕徒自憐一自離
帝閣安居亦顛連及乎重被召幸得免棄捐宣室談鬼

神固已鈎其位聖主歎不及夜半移席前奈何徙梁國
前途終迤邐可惜王佐才偃蹇無所傳得君如漢文猶
自傷無緣所以豪傑士多老歎畝間

吳其琰字恒叔號學圃比部郎樹臣子雍正己酉拔

貢生官清澗知縣有酌古軒詩集

李玉洲云學圃弱冠時
已突出流輩每促席談

漢酒翰輒驚其座人所為詩始則才氣排珠大類昌黎由京師入陝則寄
興獨靡神味愈復酒然斯真胸襟極而端平淡者 沈虹舟云學圃天安
崇敏富於篇章少為其外甥徐虹亭太史及吾師何義門先生所指授而
辛底風骨峻峭不拘成法且肯忠憫愛民思親戀友性情真摯之作居多

聞笛

誰家飛玉笛淒切到深更莫以關河怨來傷羈旅情山
雲凝不動潭樹靜無聲高枕何曾寐青熒燈半明

國朝公陵詩徵

卷五

七

後餘齋

北固山懷古

俯瞰長江一望收
金焦對峙截中流
風帆來去疾於馬
孤嶼蒼茫蹲若鷗
重鎮漫勞誇北府
清談又見失神州
六朝遺憾隨波逝
誰起安元代一籌

鷓鴣

鈎翰格磔佛樓西
曉氣朦朧眼尚迷
我正江南欲歸客
山禽何苦盡情啼

陳文星字邕亭號不村縣學生有隨意草

王統九云不村論詩主詩古志

語而以上衛輝情詩廢之說為非故其所作蕭疎淡遠極天然之致

舟中雜咏

紅掌青鸞紺羽翩
眠沙叫雨夕陽邊
天隨子後無知己
流浪江湖又幾年

沈鳳舉字德傳號餐琅明副使啓裔孫有餐琅詩鈔

懷村云餐琅性好吟咏客遊五十餘年所歷山川古蹟皆以韻語紀之然則雲野鶴身無定踪所作詩懶於存稿往往隨手散失今立齋進士作者小阮行也廣為搜輯亦僅得數十首而已餐琅兄開率名鶴立好讀書勤著述有讀史日抄案求註等書亦工詩稱說與云

留別新淦署中諸同人

少年場裏記吾曾
作客天涯仗友朋
潦倒自驚臣老矣
空疎人笑客何能
雕梁難繫逢秋燕
敞筵還隨退院僧
此去安流渡彭蠡
江風好借避炎蒸

出都留別

國朝公陵詩啟

卷之四

七

宋

日日思歸似轉輪今朝真喜出風塵狂同檻外奔林鹿
快比波心縱涸鱗裘敝已諳為客苦索垂一任在家貧
平生幸少酬恩處贏得閒身未許人

送林塘入都

七年踪跡各殊方南望三山路渺茫我坐愁城甘寂寞
君浮宦海苦奔忙人生聚散雲離岫別緒綢繆月在梁
聞道歸航方繫纜衝寒踏雪過廻塘

滁陽道中苦雨

跨鞍猶見欲殘星旋駭奔雷送客程急雨翻波湮古道
濕雲擁樹壓層城出山泉亂陂塘下避水人穿犖确行

轉憶在家閒有味蕭蕭愛聽打窗聲

八十生朝寫懷

駒隙光陰八十年桑榆生計轉茫然無多兒女先黃土
如許頭顱空白顛刺有窮愁難把玩強邀花月與周旋
豈知自厭餘生久枉被人呼作地仙

自蘭溪至括蒼詩

路遠山坡日易斜秋陽憑仗帽簷遮稻畦早晚青黃別
看遍平疇蕎麥花

陸廷瓚初名元亨字虔實一字乾日官保德州吏目以子耀

貴贈內閣中書舍人有茶仙遺稿何子懷云乾日工讀書凡三變初學南史史後

諸碑以流麗勝中變而風格峻整彷彿衡方尹宙諸碑再變為奇古夏承威伯其宗也晚年出入縱恣正變垂合無所不可遠近求者無虛日故其書徧海內而詩

文轉為所掩

樓村云吾鄉以隸書擅名者有兩人蓋岑以風秀勝贈翁以蒼古勝蓋沈之取法在唐翁則直逼漢體矣聞翁作書快意時狂叫起舞不能自禁出遊遇山石可斲者必大書深刻題名其下知翁固以千古自命者也詩不多作偶一杆寫自越凡境

堯峰讀書

萋萋眾草綠藹藹油雲生林花忽開落流禽時變聲散
帙耽道素所寶非榮名空山結靜課幽蘭播芳馨昔賢
著書處履跡莓苔繁昨夢恍對語醒益神魂清烟波隔
徒侶孤賞誰共明啟扉延曠望暝色空中橫

迓雲龍字耕石雍正壬子副榜貢生有汗漫吟

費開岐云耕石

幼穎敏有神童之目遊何侍講義利門義門深器重之一時名傑試京兆中副車第一人咸脫惜耕石意泊如也制府慶公向為契迓交隨至漢南留幕中三載與公唱和成集源水芙蓉其風流至今可想見也

芝蔴湖守風

長江西南來混混滄溟會天風揭狂瀾簸揚萬旌旆飛
來片片帆乘流擊汰顧茲上水船溯風劇狼狽進尺
退以咫篙師發長慨好語慰長年否運還來泰試看快
意時徃徃遭顛沛莫使滿帆風

自註吳中諺語

斯言當徵會蕭蕭

枯蘆洲小泊吾何害

沈彤字冠雲號果堂諸生始樹子縣學生私謚文

孝先生有果堂集

沈錫愚先生云果堂少受業於何義門繼遊張清洛楊文定之門既得師友之助又沉酣典籍

故發而為文深厚古質與中古古文者必屈指焉曾舉博學鴻詞不遇薦
修一統志三禮書書成授九品官不就以諸生終 惠松崖云果堂遠於
經學晚年尤精三禮以周官分田制保之法向多疑滯固為列法疏以明
之成祿田考三卷二千年聚訟一朝而決 費開岐云邑志自葉橫山纂
定後越六十年無人修輯是時江震新分文獻尤宜兩屬果
堂膺邑侯之聘條分縷析考據詳明三載成書人稱定本焉
樸村云吾邑古文古推改亭先生題之者稼堂石里兩水史後雖有作者
皆非專家果堂微君號然自任以六經為根柢唐宋大家為準則專精碑
思窮年幾畧務成一家言今讀其文法律諸嚴氣味樸茂而考論諸作尤
能援經據疏別是非而歸於至當洵吾邑四十年來一作手也詩非其心
力所聚然尚氣骨遠浮
靡望而知為有本之言

贈陳和叔

大鵬負青天斥鷃笑不置
飢驥馳千里駑駘飽還枝
吾友湖海豪自少懷遠志
讀書鄙訓詁往往通大義
論史尤縱橫卓識拔前幟
高才肯折節傲骨取時忌
長安初

同徵嗜好與俗異
西山賦崔嵬南國空
返轡只今還落拓
遊覽頗恣肆跌蕩公卿間
不合輒掉臂男兒志垂名
區區那足計寂寞勤著書
豈為覆瓿事何代無英雄
窮達等游戲

聞說

聞說江鄉雨浸淫
湖海間雷轟纏十日
蛟怒裂三山是
屋愁風破經秋恐
食艱旅人歸未得
垂白那開顏

迨尚忠字倍功有靜學齋詩鈔

陸胡夫云先師築室莘莘之旁讀書耽道不交外人與從兄研

石自相師友於禮經三傳皆有著述與詩僧雪床唱和甚多惜遺稿零落不復記憶矣

送陸虔實

三月十五夜得君書數行言為飢所驅逝將遊遠方人
生不稱意何為守故鄉黃金臺尚在行矣無仿徨顧念
倚閭愁遊子淚沾裳心驚春已暮感此別意長欲持一
尊酒送君慨以慷重以愛子託久要詎敢忘去去三千
里共此孤月光分照兩心明相憶遙相望

王杯存字吧望號定中諸生前從子縣學生有定中

詩鈔

東扶九云先師山莊子案下筆皆有根柢學使者試擬冠其曹一
時推為祭酒生不識押韻約無疾言逐色及叩以學原原本本小
大寸鳴白幼熟精文
選故其詩絕無尋常

夜半遊虎邱

擾擾登高客何人共此遊疎林帶遠火清月映危樓山

館茶烟歇禪宮梵韻幽搢願池上坐那復憶歸舟

落花感懷

千載榮枯事盡同蘭亭金谷旋歸空而今不用關憑弔
眼底繁華是夢中

冬夜即事

樹色迷離夜景清誰家遠火透柴荆更深月映虛廊白
卧聽風前打稻聲

周汝舟字道夫明經龍藻長子府學生有悅汀詩稿

陳受之云 本朝鴻詞一科為千古曠典而吾邑人材特盛康無中稼堂
如亭並以布衣入翰苑 今上元年復設天下舉鴻博之士得二百六十
七人邑中舉者如沈冠雲王載揚迎耕石以萬長陸元夢周道夫或祖
迷風騷或湛深經術雖過不達潘徐而學問文章今人亦未可薄也

國朝松陵詩叢

卷五

三

愛吟齋

登蓬萊閣觀海市同李玉洲太史

蓬萊神仙居咫尺論萬里詰朝乘長風吹引偶蒞止同
登更何人太史青蓮子青蓮笑謂我觀海觀其市適屆
春夏交市成差可擬凭欄初縱目清波動瀾瀾縹緲連
雲山蒼茫接天水廓然明鏡融一碧無纖滓轉盼數縷
烟忽自空中起烟凝境旋開萬象呈眼底樓臺駭疊重
樹木驚迤邐紛紜士女駢雜沓舟車駛變幻莫能窮迅
速罕與比因思人世間凡事皆蜃耳日月如跳丸生死
迭相倚富貴本無常智巧焉足恃即今臨眺區扶輿撮
土爾孤城浪際懸傑閣峰巔峙名勝且遊遨寧復計終
始我亦謂青蓮酌酒湏盈兕對此海市奇酬以醉鄉羨
懸知良宵夢不在塵凡矣

濟寧

任城城逼水運道此咽喉濟脉千泉匯河流四省周一
隄闕國計萬艇達 皇州陳宋功高後於今孰與儔

袁定海字靜洲號澹閣諸生寧邦弟國學生有澹閣

詩鈔

顧曼千云澹閣胸襟坦白重義輕利憤金謀祿有古君子之風有
負之者不較也歿後諸孤貧家徒壁立天之報施善人何如耶
陳受之云外舅澹閣先生幼多疾為棄舉子業不事性好為詩配顏頤
人視川髮千同懷姊也閨房之內時相唱和晚年家日落移居虎邱山塘
當山水佳勝處芒鞋竹杖意有所得輒寄
之於詩今所傳澹閣詩鈔皆移居後作也

夜坐

獨坐寒宵永誰憐老病身酒醒風撲面燭暗鼠窺人話
舊山妻共觀書稚女親短檠吾負汝長此伴清貧

早起

睡起茅檐下婆娑體似弓無衣愛朝旭多病怯寒風短
髻綠詩白衰顏借酒紅浮生何所戀吾慕信天翁

山塘早春

綺窓鶯語報春回到處林垌欲放梅一路花香開市肆
半空巒翠隱樓臺山塘處處籃輿舁水閣家家畫舫開
老我杖藜還獨曳桐橋西畔幾徘徊

許碩輔字嘉謀號恬齋縣學生

陳行之云恬齋許大嘗從先大父遊先大父之喪也先君子

叔父當荒迷之次凡數區事布於衾無紀一切恬齋與先叔梅軒躬任之
齋寢食者數月後師友之誼萬矣生平沈沈憂鬱惟以友朋酬倡為性命
晚年與同里沈景環吳月新沈允庭顧玉洲諸前輩聯歲寒吟社人稱十
逸詩累千篇為後世所誦竹林而過香山也今令似養冲雲社集詩授之
梓展誦一過於無想見古
誼高風令人興仰止之嘆

歲寒初集即事

蒲柳向春榮經秋輒衰替松栢挺勁姿歲寒葆根蒂所
以比君子遇窮見節義人生重倫常朋友合真契屈指
十數人白首敦同氣投好自童弁出入相游戲壯歲各
東西踪跡參商異相交絕伎求道義同所嗜論或偶不
合爭辨類忿憤事過心旋平浮雲無纖翳無何桑榆景
相顧驚顛顛偃息邱園間躊躇難滿志魯陽戈莫挽吾

人安素位美哉延陵翁作詩代東寄東陽有二叟故事
以示意禪房集鳩杖揖讓多古致瘦腰抱微疴詩當乘
韋昇列坐各袖毫酌倡饒幽思劈牋與擊鉢匪曰誇能
事首集恰九老風流企前輩疎林挂斜陽小酌歌既醉
詠歸挈同儕鬚眉映蒼翠

國朝松陵詩徵卷十四

國朝松陵詩徵卷十五

後學袁景輅質中編次

後學陳師集上語

同輯

顧汝龍配京

王 溱字載揚號梅汧國學生有鶯脰湖莊詩集

沈

愚先生云載揚詩字必典語必穩偶儻必工舒徐容與步履有節可謂雅音矣。顧瞻泰云梅汧好讀名人集而於帶煙堂曝書亭二種尤能潤詞肯誦不遺一字故世之評其詩者亦謂能集兩家之長

樸村云吳興沈太史翰翁阻風鶯脰湖宋可與言詩者聚以梅汧對太史訪之一見歎為異才格之主其家由是學益進而名日起後屠鴻博之薦至京師每名流會合分題角韻梅汧詩出輒壓倒儕輩晚寓維揚雖揚人士奉為壇坫沒後為板行其集云。平望二王規庭以高淡勝宜於山林梅汧以華瞻勝宜於臺閣然有其才無其遇可恨也

人安素位美哉延陵翁作詩代東寄東陽有二叟故事
以示意禪房集鳩杖揖讓多古致瘦腰抱微疴詩當乘
韋昇列坐各袖毫酌倡饒幽思劈牋與擊鉢匪曰誇能
事首集恰九老風流企前輩疎林挂斜陽小酌歌既醉
詠歸挈同儕鬚眉映蒼翠

國朝松陵詩徵卷十四

國朝松陵詩徵卷十五

後學袁景輅質中編次

後學陳師集上語

同輯

顧汝龍配京

王 添字載揚號梅汧國學生有鶯脰湖莊詩集

沈

愚先生云載揚詩字必典語必穩偶儻必工舒徐容與步履有節可謂雅音矣。顧瞻泰云梅汧好讀名人集而於帶煙堂曝書亭二種尤能潤詞肯誦不遺一字故世之評其詩者亦謂能集兩家之長

樸村云吳興沈太史翰翁阻風鶯脰湖宋可與言詩者聚以梅汧對太史訪之一見歎為異才格之主其家由是學益進而名日起後屠鴻博之薦至京師每名流會合分題角韻梅汧詩出輒壓倒儕輩晚寓維揚雖揚人士奉為壇坫沒後為板行其集云。平望二王規庭以高淡勝宜於山林梅汧以華瞻勝宜於臺閣然有其才無其遇可恨也

無字碑

我來圓妙觀懷古摩殘碑其廣半表丈其高過簷鴟下
負裂負蝨旁蝓泐蠕螭矗立紺殿左不見一字貽借問
此片石何年立屢屐道士話遺事聽者雙涕洟是石明
代立厥文正學為當年殿初建鴻筆書淋漓念彼鐵石
性定有絕妙辭良工一鐫刊仙宇生光儀燕燕尾涎涎
飛飛上南枝啄此讀書種十族靡子遺文字有厲禁藏
者并誅之顧茲金甌在寧免瓜蔓惟急命斧鑿鑿兼以
沙石治至今珉瑣上無復點畫垂我聆是言已俯仰私
歎咨昔聞秦網密罟留臣斯不聞膏銜者并令手蹟
墮文章亦奚辜值彼烜燔時不及頭陀碣百世流駢詞
應與上梁文千載同興悲

費烈婦

自注烈婦范之周莊鎮人父兄俱諸生年二十歸鹿雲衝為婦
室雲衝病婦泣曰君無子孝養有伯氏在妾惟從君地下耳
及卒婦視含殮畢即入室闔戶自剄家人覺而救之已
無及矣尸僵立三日不仆縣令葉前車至射視往拜焉

蒼蒼莫釐雲渺渺具區水鍾靈無盡時毓秀何窮已孺
人江夏淑少長紈與綺二十賦結禱于歸始平子夫君
得羸疾同穴誓終始一朝赴夜臺抽刀便從死慷慨與
從容兼盡無遺美喉斷立尚僵邱山以為比鮮明桃花
血千載不可洗大節驚賢愚香名動神鬼豈伊邑乘光
兼作頽俗砥峨峨烈婦坊永媿孝子里

絳雲樓書目歌

絳雲樓高接天乃在拂水之右虞山之前黼帷瓊寢度
其下牙籤寶軸充其巔虞山尚書任文獻清流夙昔推
頽肩明網憶昔厄陽九老璫赫焰熏天然修羅隻手障
赤日吉網驅盡悲群賢公乎名窟點將錄黨魁姓字星
辰懸千秋不朽會有在豈必定作公孤傳爭枚論卜自
取敗如蛹吐繭苦縛纏歸來著書以沒齒頗放巨筆驚
山川列朝菁華事編纂杜陵骨髓窮鈎箋河東佳人本
挾瑟淞南相遇廢新篇伯鸞與世久相棄何意晚得紅
妝憐百兩迓歸構樓貯如降天姥徠星嬾此翁縹緲夙
最富矧益汲古新雕鐫上羅皇墳下壬遁旁逮稗乘兼
謠諛楊吳王閩紛偽史琳經梵笈多真詮丹黃甲乙共
讐校遠山日對忘飢眠玉枰碁劫薄怒算石鼎詩句搜
竒聯懷中覆茶宛清照燈前擁髻希伶佐噩夢功名蟻
國裏醉鄉日月鶯籠遙倉皇國事置莫問俄見九鼎淪
虞淵絳雲之樓亦旋燬萬卷滅沒隨雲烟我觀此錄三
歎息恍歷鄴架親瑤編汴京喪亂咸京火何限詩書灰
劫年

天津府

神京指臂數津門萬國梯航此駿奔巨鎮南連河嶽遠

雄關東鎖海天昏雲帆縹緲魚鹽舶烟舍蒼茫蟹稻村
從此浮舟直南下城根二水判清渾

白門雜詩

纔聞烽火燭江淮魚鑰重城已自開一事差堪羸往代
君王不自井中来

觀劇

得意欣看上苑春絳旗搖曳出平津由來天路多蹉跎
莫笑當街墜馬人

題顧卓杏花

東風無力不飛花最憶紅蘭居士家寂寞梁園舊賓客

斷縑零素滿天涯

題雪朝蘭社圖四首

自註前明崇正十四年冬江都鄭進士元
歎雪中各客集枝意蘭賦詩景為一冊名

曰雪朝蘭社圖畫者有生為顧夫人詩署圖海則
阮大鐵其事其人皆可說也再今歲西晴方氏

滄海橫流國步傾尚餘冶習踵昇平分明盒子春藥會
著箇風懷倚翠生

輕烟澹粉逝匆匆回首眉樓落照中數筆崇蘭留紙上
可憐都似夕陽紅

樂府春燈燕子箋等閒題句也清妍此公翰墨原如許
商略平生一慨然

雪花酒海玉勾堂襟解微聞蘭澤錦今日影園何處所

兔葵燕麥恣荒涼

金梅字次調諸生廷熿次子烏程縣學生有夢草

集丙子詩草擊轅集沈冠雲云次調家貧篤學善詩古文學使者類修來觀其文似陳同甫詩宗唐人而

自具風骨

樸村云次調為蘇秦仲子世居曹溪一門多唱和之樂凡與字而蒼補歸安與學生並唱吟味

邨居

疊石為廡柳作門家無僮僕犬司閤煖生蘭室風盈座
香在梅花月半村叫雨有時聞布穀設關隨意護雞孫
獨居漸識幽人樂庭草青青沒屐痕

晚春田園雜興

三旬蠶忌謝知交雨後村莊愈寂寥
鷺見竹垞黃犬吠門前有客賣魚苗

張毓華字嵩右號蓮峰又號木齋雍正乙卯舉人官

金縣知縣有二思堂詩草

樸村云蓮峰罷官後為蘭山書院山長端士留振文教蘭山風氣為之一變

客泚秋興用杜韻

歸心日夜大刀頭謫宦還輸謫戍秋隴水鳴鳴添舊淚
泚雲漠漠入新愁荆花冷落王孫草雛羽驚翻海客鷗
骨肉似隨風擇散故鄉却望又蘭州

郁大成字留仙有竹餘書屋詩鈔

過丹陽

往歲黃泥坂曾停白版車
車聲鳴古驛雁影集荒田
歲晚行如此鄉書寄渺然
杜心何日遂離別又年年

卜

元字重貞號易亭雍正乙卯拔貢生

費開岐云先師博覽史籍史稿

數學於邵子望極經世深其奧張儀封先生述論江蘇肇興
崇陽書院與諸生講性理之學特器重之詩宗唐人下筆

紀遊

古剎臨江石徑通萬山攢擁碧流中
懸崖獨到雲深處占得江南第一峯

吳

然字益明號逸莊明司李晉錫曾孫國學生以

子至慎貴贈閩縣知縣有誦芬書屋詩鈔

樓村云贈劉有經濟才惜以無位未展其用林塘明府初令閩既令每所
至皆有齋粟贈劑之教也詩工細中時露風致感寒會中人其面目皆近
發琅玕此會發琅玕之如元火山邊篋中
集集中詩人生趣獨造皆與次山類也

採蓮曲

吳姬採蓮去盞漿過前邨採蓮莫採葉採葉傷蓮根

和學圃酌古軒招同人讌集之作

飄然解組賦歸來樂意田園三逕開
白首交游談往事暮年兄弟共銜盃
尊鱸夢想心初遂花木周遭看幾回
塵慮消除知已盡只餘詩興未全灰

秦時昌字枚謬號雪厓有蕙溪漁唱集

李玉洲云雪厓品出至高其作詩專藉

調攝心志故雅正
明潔舒愉自得

懷村云雪居太湖之濱孫其天莫不櫻世網筆林茶壺日往來於煙波浩渺中性好吟咏不尚藻繪嘗告人曰我以之收攝身心非求工於語言也今讀其集皆陶治性靈之作雕肝琢腎者無有焉

方竹

舉世尚圓通爾形獨合矩不同
睢園種亦殊嶒谷侶直方坤之德
鍾秀天特與雖驚世人眼實為君子許
稜稜霜氣凝矯矯峻節舉宿土移數竿
歲久森圍墅堅竹豎為杖登臨藉撐拄
母令柔媚人一朝削圓汝

郁揚勳字欽諧縣學生有娛老吟

懷村云欽諧居汾湖之濱少習舉子業年五十餘始為詩娛老吟二卷同里計希深序而行之詩則真率不事琢磨故從別裁集中得古今體二章明遠舍遠較集中增地更上一層矣知係欽撰後所作老矣更於詩律細看於欽諧益信

憩徐氏北園池上

秋雨晚初霽欲送千里目
攬茲一峰翠秀色淡秋菊
竒石疊崩崖歸雲卧巖腹
登頓歷易盡穿林下平麓
靄靄謝公園閉門枕山足
清暉拂衣袖歷亂森喬木
溪堂雜菱苳沙嶼散見鵠
圍碁曾幾時已動西州哭
因悲平津邸世事變涼燠
三詠華屋詩徘徊倚修竹

招隱園

自註園在洞庭東山王文格公舊地

少傅閒園在壘餘擊壤堂名風危橋仍曲折歌石尚玲瓏

歸洛懷司馬遊山緬謝公清門漸零落馮弔夕陽中

沈炯字遜揚明僉事瓚元孫縣學生有南遊草費開

岐云遜揚為人沉靜寡言笑讀書精於攻辨嘗稱禹貢纂註一書與水經注互相發明極為從兄果堂所稱

過惶恐灘

疊疊青山勢鬱盤片帆遙泝賴江瀾危灘共指名惶恐

古縣空聞號萬安自註縣屬吉安府灘在縣南三里許風撼巔崖崩巨石雷喧

澗壑走驚湍勞人略與孤臣似不獨東坡泣路難自註東坡有地

名惶恐泣孤臣之句

書懷

七度長江向石頭依然蹤跡半沉浮草元字字翻成白

刻棘年年未類猴老我也曾磨鐵硯昔人先已敝貂裘

從茲萬里堪乘興浩蕩難馴似野鷗

孫元字曾如自號也山老人縣學生有也山遺稿

樸村云也山與沈餐琅顏玉州輩結歲寒詩會一時傳為盛事詩宗黃山谷以生新為主人亦簡傲不隨流俗其自作傳云欲富惡絕營欲貴羞狗苟其志可知矣嘗輯友朋詩為遺珠集惜今似立三揚姓姑孰齊未及採錄

車箱困

車箱困蟻賊無路可竄匿但圍車箱口久之絕其食豎

子不知兵孟浪圖功名况復中賊賂奸弁得內營放開

一路不撲滅如火燎原勢難遏撫中原致塗炭奇瑜

之肉何足啖前車不知殷為鑒嘆息後有熊文燦

九江哀

驅作賊飢與寒驅作賊吏與官軍前嗅咻人顏辱倒戈

殺賊如鉏管將才布越伯仲間倚功擁衆氣日驕養寇
自重罪難逃太息馭之無蕭曹君不見前拜喻布衣後
拜李世威

奇烈辭 有序

陳母沈氏明諸生陳啟瀛妻先大母從嫂也幼
時侍先母側聞述母死烈事甚詳順治初兵下
吳江啟瀛死之母匿竹林中兵搜得之脅以刃
不屈又甘言誘之母兩手持竹號哭痛誓兵怒
揮刃斫其腕左臂兩截右臂七截死身仆斷腕
擊竹七日不解其母泣而告之曰兒之大節著

矣今日殮汝當全而歸之拳始脫竹雍正初始
得請旌嗣孫曾杰與余為中表命作辭嗚呼慈
親往矣言猶在耳括而成篇深愧不文云

兒時依倚慈親側家禍曾為話疇昔從母蘭摧節最奇
伯叔諸姑淚常濕戈舡班駁渡吳江水犀十萬揚旌幢
朱樓蓬單總飄絮悲風鼓角聲縱橫游兵肆掠同川地
玉顏倉猝驚相避誰知匿影不潛形叢竹森森未能庇
良人頸血濺霜刀妾命臨危視一毛此身可殺不可辱
挺然持竹神堅牢拚將玉腕迎鋒刃兩臂九截目不瞬
地老天荒姓氏香山摧石裂瓊瑤殉七日堅擊手不脫

貞魄能從阿母說全節還應全體歸
若然墮地如冰雪
慈親見背三十秋重提此語心骨愁
聖朝今見發潛
德龍章炳耀榮烏頭睢陽之齒常山舌
勁骨磨霜血猶
熱投厓嚙指寫清風雨剝苔侵跡難滅
削劣湖濱三尺
土一寸剛腸足千古彤史誰能繼
蔚宗奇節從教傳中
補

周孝學字孺仍號勉廬縣學生有勉廬詩鈔

葉景鴻云孺仍詩風

光細賦卓爾不群中間感時弔古諸什深得風調之體陳行之云勉廬與周邑李玉洲太史吳竹軒夜鐘沈雷湖諸前輩為吟社多倡和之什於古詩家獨心賞益柳而禁中詩亦未嘗規規倣倣也今今詞鏡湖紹永家學清詞鹿句每為名流鍾公所稱

登穹窿絕頂望震澤同蔣香山作

吳中富名山穹窿獨稱長
鬱律聳晴空憑眺快無兩
茲來值秋霽疎翠攬盈掌
行行躋笠峰孱顏俯群象
天平遙播笏卑猶成覆
盡雲從嶺下飛飛鳥不能上
西南臨具區風濤相震盪
烟消螺髻浮日落新鏡
晃混合天水色分坼吳越壤
呼吸凌青冥嘯歌脫塵鞅
何當尋赤松相與出世網

養蠶詞

入夏江鄉盛蠶事家家閤戶防客至
女伴求桑陌上逢
日色滿筐慰儂意天晴十日綠影稀
昨朝葉貴還質衣
未到如雲繭成簇倚牀欲睡何由熟
催租里正遲下鄉

縑車聲歇旋赴倉似聞南去土風好一月官閒待蠶老

書牧齋集後

銅駝榛棘話酸辛東碣盤旋剩舊身碑碣大書楊左傳
前朝公論藉斯人

歸老空門結淨因落花時復餞離人出魔入佛超然處
欲澣朝衫一斗塵

王 樛字紹曾一字覲庭晚號稻香亭長國學生有

覲庭詩稿

李王洲云余初讀覲庭詩嘉其蒼翠頽發脫絕塵俗謂蘊
抱固有異者洎得月湖丙舍詩稿而和之然後知詩之佳

在學性過人非若世之勇
蕩行斯真時輩關工社也

樛村云覲庭少時豪儁不羈及壯後始折節讀書性頗敏又痛自砥礪遂
以詩名於時七古擬蘇七律近宋獨五言古精似淡遠時其妙理由其約

無渣滓故清虛日來也性至孝於先墓側築月湖丙舍屢其中依依孺慕
至老不衰又愛客凡文人至月湖者必詩酒流連夜以繼日其友張看雲
云覲庭後吾里風雅絕
矣其見重於友朋如此

雜詩

曖曖溪上村依依柳間屋山夕澹遙青林晴瀚新淥談
諧集少壯歌謳謝拘束耕耨在及時一雨昨霄足

閒居三十載淹留遂無成昏旭永靜默且無外物撻一
身顧有役衆累隨情生妻孥豈能割飽煖諒所營唯將

室吾欲聊復居吾貞

雨餘四澤清草長三徑寂悟拙甘稼穡衛生却金石夕
眠雲一沐晨餐蔬一鬲無成亮多營寡慮或有得

知者事結駟愚者事灌園所稟一以異所營遂以分二者途固殊要各全其天違已則交病形豈逐物遷介焉安其分鼓腹農圃閒

吾足何蹙躒濕熱醫所云扶掖不得起宛若飛燄燔此日且止酒酒實此疾源盤礴昔痛飲飲則瓶罌翻乃知事快意往往坐憂煩

飲酒

悠悠復悠悠古今不同趨貴賤別雄雌失得分賢愚何如飲美酒陶然付空虛頽日不堪繫歌嘯誠良圖

對酒忽思親起坐但悄悄庭樹不得寧我心與之攪今

我愛子心是昔親懷抱引領望松楸寒烟滿衰草

夜坐

缺月不改色徘徊下苔壁天空星斗搖欲隨露華滴境肅慮自澄酒醒眠不得戶外雙梧桐儵然共孤寂

諭鄰兒

東鄰老榆樹幢幢月湖孺交枝鎖密葉鳥雀巢雲烟有曰虎百勞巢踞榆之巔一巢得數子索食何驚闐哺以鄰巢雛雛飽仍流涎幽螺來寸心蛇百尺能攀綠群雛入蛇腹一如鄰雛然鄰兒鋒刃利蛇腹忽已穿吾聞雛羽豐嗟母驚若鷓母亦嗟母者惡積禍自沿巢覆理則

宜兒意母乃偏兒其射百勞庶彼鄰雖全勿令噬母鳥
拚飛爾榆邊

客以作詩之法相詢代簡答之

得詩如富貴不可強而致求之豈無得所得固鮮味不
求能自來讀書與養氣東風草木萌春色滿天地

古意

柳條青柳花白未得沾衣委空澤萍葉萍根繞君宅萬
里東風吹不息榮悴浮沉徒脉脉散道春光不如昔

吳節婦

吳家四節婦婦道庶弗虧就中一婦罰最酷君其靜聽

吾歌之

家女作吳郎

自註適吳瑞珍

妻乃夫乃婦皆窮黎九載

事良人一旦訣絕心肝摧坐籌行計死亦難堂上有姑

乳有孩何以暖我孩襁褓百結衣何以飽我姑糠粃老

樹皮俯仰各有職寒暑凍餒誰云疲有時悲從中來泪

如霰恐驚老稚不敢高聲啼嚴霜隕落木木落心不灰

酸風吹飛蓬蓬飛根不移釜中黃垓日以積頭上白髮

日以垂藐孤既老蒼痼疾天實為亦有婦若孫餓死靡

子遺即今七十餘寒飢不異綠鬢初喪時娣如徐

自註適吳瑞珍

夫亡自註適吳尚球

張

夫亡無子守節

後先應和如壘篋豈識倫

與常隨分畢我私天地正氣萃草萊賤子目擊慎勿疑

安得上之賢有司生請粟帛死享祠

自註近例節婦無奇持
之行者不與建坊但告禮

部崇祀
節孝祠

寒日

豈敢曰今是聊云得故吾客來唯鹿豕夢去亦菰蘆稻
熟鳥聲悅江空鶴影孤蒼黃天欲雪呼酒共妻孥

懷香水

孤閣枕溪流溪深六月幽無端風雨至忽起別離愁為
問青牛谷因之黃鶴樓登臨誰與賦極目楚天秋

將夕

山氣淡將夕亭西結淺陰沙空群鷺下村遠一蟬吟流

水從人事高松得此心好風時一至肅肅洒冲襟

爰田有懷張瓜田

蒼茫雲氣擁層樓對酒如何轉得愁十里波濤侵短鬢
一天風雨入高秋綠蘿門外無過轍紅樹村西獨下鷗
傳語蘊鱸漫登饌天涯猶有未歸舟

題畫梅

一片蒼龍骨中函萬古春西風吹凍雪始得見精神

明妃詠

呼韓入侍漢庭回青塚空留淹綠苔一種春風離國恨
不知何處李陵臺

陸霖字元蕃號時圃孝廉方濤次子縣學生有因

樹樓集

子夜歌

隣姬招翫花女伴約鬪草花草自年年容顏不常好

遊紫雲洞

高嶺幻巖洞聞有紫雲宿杖策獨幽尋登頓盤干曲寒氣遠侵人忽焉在我目中空百丈杳口反兩崖束始入骨已寒漸進足倒踏仰視更駭人墜石大如屋來去雲送迎天晴如霹靂暗泉吐裂崖陰風吹敗竹白日光亦微六月暑不伏此境到者稀此遊我所獨安得此結廬

終與雲為族

表棟字國柱一字漫恬號玉田明經漢長子國學

生有漫恬詩鈔

陳見復先生云專記禮記論次各從其類者予所見前有鈔卷任氏今有漫恬表君鈔卷之作更張

太甚表君類謀為得其中 蔡芳三先生云漫恬博學士也上下千年卓然出獨是為叢說一書為者訂之疑者釋之大謬不然者闕之凡係倫常而闕性命者尤擇精而詳焉此書可以翼經可以續史可以備邑乘而垂家訓區區說部云乎哉 沈謙惠先生云漫恬專心讀古務有用之學自唐宋以來經世大典靡不窺尋如劉杜鄭馬四氏之書之類世儒所不能舉其凡例者攬括解判窮極指要成書隱叢說一十九卷而於叢說一書合觀徵元行冲朱子吳草廬劉戴山眾說更定裁易為體記類謀三十六卷尤生平所注力餘雅擅吟咏高遠開放自露天真 阮禮村云予讀漫恬之詩深服其工既而見訪於蕭寺中邂逅接談博雅多聞粹然讀書人也後過錫經樓忽憶舊卷著作等身老而好學如袁伯家之名山立言不朽以視奔走風塵沒世無聞者其相去為何如哉

橫村云先叔襟情洒落與會蕭疎讀書外無他嗜好經書隱二樓中時書萬餘卷風雨晦明晨夕一編自少壯而老如一日也又聽韻善悟凡詩

賦古文辭以及填詞度曲弄法卜筮之學一經涉歷即知其與不必有淵源授受也其學尤長於考據辨論凡古今聚訟者必為之窮源竟委辨正為以歸於至當予師沈宗伯陳司業蔡學錄諸先生先後寓百城樓叔莫不與之上下千古往復辨難諸先生亦皆折服嘆為真讀書人吾里數十年來推淹博必首及叔而命之數奇亦莫如叔童子試二十有一省欲十有一本當一有過合詞儕為之扼腕抱恨而叔怡然自得蓋性恬淡不樂奔走嘗謂讀書自有真樂選取解利非吾所急也詩近白太傅口頭語眼前景往往引人入勝而讀書論古諸作隨事勸誡尤足為世道人心之助

古興

亭亭山上松千霄勢蒼莽特立挺孤標撫望生欣仰離
離山下蘭幽花空谷長芳多馨自遠愛慕駕時枉松以
直表貞蘭以香見賞高下位雖殊垂名應無兩
春山多草木眾鳥鳴間關或即飲啄謀或勤卵育艱所

志不在大倦飛乃知還白鶴冲霄姿側身廁其間栖息
與眾同心情越等班一旦剗然起盤旋俯千山清唳天
下聞高聲振塵寰去矣翔寥廓悠悠不可攀

讀書

人生富與貴有命不可慕天定斯勝人人當安所遇古
來賢達士視若草間露軒冕即煌煌勢盡身無據所以
貴讀書終年窮理趣時時有悟入中心多饜飫身屈道
自高識超守逾固不然苟富貴趙孟亦偶附當時則榮
焉蓋棺身名忤信哉浮名輕君子當自樹

讀馬融傳

人生名與節牽制焉得全所貴利害交立志能牢堅緬昔漢馬融儒名播兩間夙承擊恂業學術探真詮一時知名士執經絳帳前何為代草疏乃承梁冀顏李公已淪喪忠魂痛九泉經術空紛綸志節何有焉遂使一點瑕千古終難滿所以士君子大節貴如山門下鄭與盧高風渺難攀

張公藝

吾觀張公藝同居羨前史處家有良法同仁能一視治國法可施治家良難耳骨肉乃至親不徒以法理賢愚或不等剛柔亦相比家人務瑣屑嫌疑從此起情意稍乖睨日甚一日矣束之範圍中乃得隨意指不然馬脫韁驟絳猶未止乃知慮其終所當謹其始勿以宵小間勿以非禮使久之能鈞陶馴擾無穢鄙情通聯上下性和適彼此張公當日事致此良有以悠悠千載下感慕誠無已

鬼神

鬼神事幽遠世人多惑之趨避或紛紜禍福相參差淫祀希邀澤祝史勤禱祈避忌乃多端甚至盪巫師舉世紛狂騖誰能正其非豈知鬼神者天地造化機不過陰與陽二氣之所為大化為鼓鑄陰陽為爐錘一屈一伸

間默默相推移氣聚各自守氣散歸鴻熙人生形神合
人死精魄離豈得尚留餘而為一己私園邱方澤尊山
川五祀卑主者即正氣正氣為神祇齋明承祭祀本祖
多慕思物物有根本窮源亦難違先王制大禮經綸百
世宜事神與事祖感召理無岐淫祀非我分隔膜情相
睽強焉附知已不散空謁祠受命在天地進退禮義持
避忌術瑣鄙安能却瑕疵師巫並無技即以其人治神
靈或來去冥漠乃易欺衣冠昧幽明庸愚驚福威凡此
多惑者聽吾鬼神詩

田橫

項羽生今已死田橫死今猶生傲岸之氣不肯下至今
童稚欽其名三傑不為多一橫不為少漢祖已無國田
家尚有島島上英風五百人海濤怒湧峰嶙峋田家之
臣漢不能臣時時風雨號鬼神能令望洋嘆者迷其津

讀太元經

羲皇一畫窮天根洪荒剖判分渾渾造化靈秘於焉洩
江河日月昭乾坤漢有揚雄創新說瓌竒刻意雕瓊瑤
三三九九亦自然方州部家別立門陸離斑駁劍光紫
黝深爨鼎雲雷尊菱鏡長埋土花蝕古錢缺鑿廓不存
長林風雨鬼神嘯晦黑霆電搖崑崙循墻受命多竒縱

群言叟雜為欲噴何當一洗洗洋境光芒千載仍騰騰

精衛

汲汲微禽力不緩茫茫東海何時滿一身直與天地爭
心長悵快白日短精衛志豈徒為身願見海水揚飛塵
燭龍精亡夸父死悠悠畢生空苦辛

新月謠

羲和催鞭不再起星斗沉沉燭龍死明鏡奩開尚未開
蛾眉一望秋如水悠悠萬古同清光或圓或缺難為常
人生電火蜉蝣寄花開花落休徬徨

丙辰中秋抱恙金陵未入棘院忽得陳彥仲山左

凶問移櫬歸里不覺哀從中來口占長句不自
知其言之無文也

撥雲纔得覩青天底事歸來化鶴年四海飄零魂漠漠
半生牢落夢懸懸泥塗似我難舒翼雲路憐君等墜淵
為憶論交三十載池塘空復草芊綿

自註嘗同業
於春草池塘

己卯初度

明眸炯炯似雙星難望人間阮眼青春老雲催千嶂雨
夜深風散一池萍忘機不習圍棋譜學懶長翻相鶴經
蟲臂鼠肝渾欲化中山千日正難醒

苦熱解客嘲

炎灼熏人不可干心神昏耗減常餐莫嫌畏熱入情外
卧雪家風只耐寒

陸 朴字天誠號雙橋縣學生有雙橋詩草

撰村云雙橋工制舉業後以不利為屋專力於詩其論以生新為主雖極熟題不肯作一雷同語後之舉之越凡一山一水莫不以詩紀之

灘頭即事

自註在陸川城東六十里

兀坐茅亭自掩關山禽繞舍語綿蠻竹籬缺處無人補
露出青青一角山

贈中州趙玉峰畫竹

知君胸次清於水千箇琅玕落筆端相對定知無六月
濃陰滿地畫生寒

沈廷光字兼立號恬齋乾隆丙辰

恩科進士

嘉善籍

官仁化知縣有恬齋遺稿

賈開校云恬齋知名最早儀封張清恪公建崇陽書院所遺皆一時名士

恬齋與馮後乘鐸歸安一以經明行修為訓士風為之一變成進士後筮仕粵東年未五十以親老告歸詩不肯為作且隨手散失故遺稿無多

白蓮

那有紅衣鬪艷姿亭亭獨與曉風期開時已覺塵情斷
一片白雲秋水湄

潘廷璉字雅奏號詎齋太史末孫縣學生有詎齋詩

稿

乘扶九云詎齋先生予內子舅氏也淵源有自學術湛深縱筆所如千言立就朋輩有過必直言相規蓋多聞直諫人也楚中當觀察聘修志

乘卒於客館年未及父令讀遺詩猶可想見其生平

徐侯齋祠

羊腸嶺畔幽棲處一水當門瀉作渠
薇蕨西山心自印藻蘋南湖莫還虛
相忘桑海逃名後不接賢豪俟命餘
此日行人罕憑弔烟雲長護逸民廬

樸園方竹

檀欒滿眼盡圓通羨爾稜稜翠拂空
故以虛心成正體自標矩度播清風
策名定合鐫端士扶老還應伴直躬
贈我一枝栽瘦石未須寫照乞文同

趙文然字長文號雙橋諸生嘉稷子
縣學生有雙橋

詩稿

樸園云雙橋者古不倦老好讀書自歷代正史以及經官野乘無不窮搜博覽故於前代典實瞭如指掌詩篇秀雅無微志之者在歲興社中亦推

荷

養蠶詞

初如蟻黑密復稀漸聞矮屋風雨微
枝頭戴勝催春歸少婦提筐女守幃
不暇新妝與晨炊桑葉來遲蠶苦飢
三眠三熟繰車動白繭簇頭大如甕
素絲軋軋機杼共黃絲作絹上方貢
織成天吳與紫鳳白袷青裙忍寒凍
為誰辛苦一月春不及紅樓坐玉人
羅綺猶嫌花樣拙揮金買取機頭新

湖田

具區震盪波衝擊瀕湖良苗恣嚙蝕
町畦幻作龍伯宮

輸租猶自依原額

趙王佐字書文號素琴明中丞士諤裔孫府學生有

辨香詩稿

樓村云柳塘先生詩集出入剗南石湖之間而其提唱後學專主中州一集素琴學詩於柳塘篤守其教至老不改集名辨香示不忘其師也

吳淞水利古意四首 并引

三江水利說者不下數十家而顛撲不破者惟

邾氏單氏夏公忠靖周公文襄四人予讀其書

採其意作古詩四首辭雖不文於水利未必無

小補云

治湖懷何人其一曰邾氏欲治太湖流先去太湖累西

北挈其綱東南為之紀一一得所歸俾毋亂湖水

既安澗會見歌億秭治水以固田君言不外此得失判

六條碎金在故紙卓哉崑山書水利從茲始

自註此專言邾氏

邾子已自竒單書更可玩上爭溧陽堰下爭吳江岸江

尾接海門大患在梗斷去梗岸增梁治湖思過半末後

浚二江湖流自奔灌固田先導水殊塗理實貫東坡上

其書不行堪喟歎異世取知音兩書耿雲漢

自註此專言單氏

勝朝成祖初疇咨得忠靖治水尋禹跡吳淞維綱領爰

自古垂虹迤邐達范浜劉港與白茅迅瀾水勢猛引湖

合其流分趨江海境浦淑既開洵隄岸漸修整堅築無

倖功良法今還炳古云不朽三真足銘鐘鼎公去水悠
悠伊誰堪與並

自註此專
言夏公

夏公去幾時吳淞仍堙塞緬惟正統年文襄跡尤赫經
度江東西直北獨坦易平窰一斗泥亡何成疆場坐是
過江流水道日逼側公旆駐江干立表為之的往來七
浦間渠牒貽典則涖任甫二年妖孛生吳域大雨挾雷
飛颶風吹海立萬姓待三秋千里嗟一白民計無復之
賴公起溝濬隄防復繕完河道重整飭歲久大功成猗
歟駕古昔吳民到今思其故無人識良由委任專斯得
殫心力吁嗟傳舍人謀國有何益才難用更難慨焉懷

勝國

自註此專
言周公

仲貽煥字彙英號塵夫有塵夫詩鈔

沈歸愚先生云塵夫為
詩而善舉做詞淺意深

外淡中酸謹歸古質如其為人晚年訓家石湖間嘗學二三朋儕往來於
磨盤橋側之側有作每不嫌教改勝恨心而後止故集中所載遊覽之什

居其

半焉

樸村云塵夫詩柔情麗語中時露秀色是宗晚唐而於以劍南石
湖者塵夫無子臨沒時以詩稿付門人史載按為之梓以傳焉

贈別沙溪大兄

旅館欣相接高談不厭頻看花吟學杜對酒話遊秦意
氣貧猶在文章老更真明朝孤艇別風雪莫沾巾

秋莫江樓書感

江樓秋盡夜客思正淒涼夢斷家何在愁多漏轉長雁

聲遙帶月木葉半經霜誰念飄零久空餘一劍囊

聞砧

旅館孤吟夜秋風何處砧淒清人不見落月滿桐陰

聞雁

柿葉紅疎江上秋新鴻嘹唳動鄉愁不知今夜闔山月
幾處征人獨倚樓

別吳夢菊

與君骨相共清寒彈鋏空歌行路難今夜落楓江上別
暮烟秋雨路漫漫

沈培福字元景貞孝先生世林孫國學生有東谿稿

沈冠雲云元景體微好義有故人建於嘉師無以款元景與其親知
轉全培欲而歸葵之其待母疾嘗割股肉和藥以進後著遊亭於蜀

偶然作

西林有古梅彷彿幽人狀不共凡卉榮誰能見微尚月
明萬山巔雪白空江上無由寄所思黃昏獨惆悵

蜀道雜咏

每經險峻處回顧膽猶寒翠嶺驚鰲背

自註略凡有嶺名鰲魚背

盤旋怯

馬鞍

自註嶺名在襄城

弄晴啼鳥亂戲水野猿歡且慰登臨願休

嗟行路難

密氣連朝暮晴天雨亦飛花開幽徑寂麥秀野田肥虎
嘯騰空谷猿啼黯夕暉行來邨落少處處掩柴扉

過潼關

柱史騎牛去不還依然紫氣滿重關
黃河曲繞春前漲華嶽遙開雪後山
扶策未陳裘易敝請纓無路鬢先斑
低徊秦漢興亡事款段徐驅落照間

望終南山

日夕對終南雲霞助清興含笑問山靈
如何開捷徑

渡江

鐵甕城邊問渡船金山翠鎖夕陽烟
榜人見我猶相識江岸題詩記去年

程 詢字于岳自號堅忍道人國學生

頗配京云先生少工舉子業尋以病

疾棄去遂無意進取中年頗究心岐黃家言而於古學特深里中翁無稱爲詩人王半溪袁漫恬雅推服之

詠古二首

昔者魯恭士年老必敬止君問齒既頽何不稍自弛
鞠躬上致詞謹凜夙所矢滿損謙受益聖訓良有以芻蕘
我不如童僕曷敢訾惟懼撻網羅惴惴保餘齒
膏以明自煎蘭以芳自摧自煎何太急自摧良足哀
所以古隱士晦迹西山隈榮名弗爲寶軒車何有哉


國朝松陵詩徵


卷五

三

愛吟齋

國朝松陵詩徵卷十五





國家圖書館, NATIONAL CENTRAL LIBRARY, TAIWAN, R.O.C.

國朝松陵詩徵卷十六

後學袁景輅質中編次

沈吐玉一士

後學 陳毓秀萬生 同輯

錢之青字恭李號數峯乾隆丙辰 恩科舉人官保

德知州有五峯行役詩數峯詩鈔

沈歸愚先生云恭李少
武時為前明總兵周遇吉請祀典勅政恤民不媚上官別於時下所稱能
員者歸里復社門謹守惟以詩文自娛遠近交重之。詩或和平或悲壯
皆不外倫常政治之大鮮民深周極之痛南塘傷宗族之哀西園以仰前
哲有田以屬清操嘉樹以訓子弟此克治一已關于倫常者也定楚憂遠
地之荒旱罕山志榆治之勤劬雲西成朔役之不均望復來之補救此經
理民物關乎政治者也其他登山臨水問俗詢風一吟一咏皆有寄托存
焉 胡稚威云五峯行役詩榆次令數峯錢君將事五臺時所作也其詞
清深和雅筆刻畫狀時時警絕其旨一歸於纏綿忠厚而無閑勞歎瘁之



59750 v.11

國朝松陵詩徵

卷十六

錢之青

意何其有合於此
山六月諸大夫也

鮮民悲罔極也

鮮民不如死我生遭不造父兮生不見母兮喪何早
奠失所依鞠育賴祖考涕泣授詩書嘻笑索梨棗弱冠
未成人吾祖復終老困頓里閭間奔走長安道薄宦逾
中年牧民謝機巧恐貽父母羞中心石皓皓所傷奠獨
身反哺媿禽鳥雖有牲牢祭何如菽水好雖有錫命榮
拱木已枯槁茫茫夜臺靈漠漠故壙草哀哉罔極恩長
號呼彼昊

歸里後親朋枉過有作

吾家聚族居比鄰皆親友念我遠道歸胥來問安否回
首出門初變遷幾八九門庭半更新舊存惟榆柳尊長
既凋零輩行俱老醜遠歸非不適離別苦太久追往更
撫今恐作窮獨叟重感丈人情為我治斗酒

斗酒不復却丈人前致辭消長各有數聚散亦有時陳
迹已往矣良會喜在茲爾我不相見誰為把酒卮况今
逢令節日永薰風吹丹華耀榴火圓葉滋荷池子其愛
景光爛醉母推辭聞言散幽懷醉鄉同赴之去年當此
日觸熱方驅馳

宿村家

入夜投村路家家列炬迎長官無善政父老自多情敢
謝盤中黍相期隴上耕夜闌聞笑語今歲喜豐盈

途中雜詩

誰割蠶叢路移成扼塞雄萬山收絕險一徑走凌空馬
困盤旋力神窮陡削工飛泉下亂石哀壑起長風

宿忻口

一帶佳山水欣從薄晚過烟巒迷雁代雪浪湧滹沱倦
馬依人息清思對酒歌為尋舊遊蹟惆悵撫庭柯

歸途作

客久餘蓬鬢歸途負薜蘿兒童皆晉語舟子自吳歌
屋秋風破原田荒草多所欣安夢寐依舊碩人邁

秘魔巖

臺西巒壑勢縱橫靈物潛藏此獨名青靄路盤飛磴窄
別峯雲起斷崖平驚心虎跡參人跡悅耳松聲和澗聲
聞說巖前風雨惡洞中時作毒龍鳴

中秋夜述懷

去年醉月曲江頭綠酒紅牙記勝遊今夜中秋形對影
故人還復上南樓

吳起元字復一自號草草居士僉事之紀曾孫有草

草居士集

周憲庭云復一於其所居之西偏得陋室兩間從而掃除
之城窟木榻稍稍更置架上傳書數百卷墻隈老栢一株

瘦竹十餘竿簷外梅梢幾點燒初則幽蘭兩三叢而已自謂其室曰草草居余親後一版棄俗學精研六經所輯詩經叶韻一書辨析微妙獨有會心草草於其居者殆不草草於其學者也

憶蘭操 并序

庭中向有素心蘭一盞培植數年始一吐花越歲而發蕊五方忻然自得一夕忽失去殊耿耿不釋於懷爰書此以摠悶且以自解云

憶蘭兮相遇之初皎皎兮玉蕊瓊花叶一見締交兮臭

味相投叶捧持不失兮幸至吾廬解憶蘭兮弱質柔姿

積歲兮花容杳如珍惜彌勤兮人其我嗤我與蘭兮盟

好不逾二憶蘭兮春日遲遲相對明窓兮陽和暄之憶

蘭兮夏日烈烈朝夕汲灌兮如已飢渴憶蘭兮秋風發

發側身障蔽兮殷憂推折憶蘭兮冬逼寒威擁護恐疎

兮欲置予懷三日復日今年復年蘭不負我兮葉芊芊

挺生一幹兮含葩鮮四越歲滋茂兮叢生五春深兮亭

亭楚楚聲價籍籍兮遠邇喧布五何知名盛難居兮翻

為禍胎數年拂拭兮一旦睽乖恍如噩夢兮驚且疑猜

負之而趨兮大力為誰六憶蘭兮我心如醉諒蘭兮應

亦憔悴蘭念我兮芳姿退我思蘭兮願言痗朝朝暮暮

兮素心遙對七憶蘭兮我心如結恨蘭兮情又何忍我

失蘭兮徒切怛蘭棄我兮輕決絕從茲一別兮永成契

濶八亂曰噫嘻聚散無常兮物理固然中情鬱陶兮何如自寬破甑勿顧兮昔人達觀亡弓勿求兮得失齊旃自反無歎兮橫逆可安不可言傳兮寫諸縵絃

姚岱字魯望有瘦吟集

樓村云魯望家極貧以訓棠餽其口古貌古心不與世事惟詩為性所癖好破甑朽几數嘆自得當與耐時寧人以無米告不顧也其詩鏗肝刺腎字字必從已出非襲取浮華者所能及

宿文淵先生齋頭

雪灘舡夜泊風雨續幽尋花邈來曾慣松軒話自深數莖新變髮十載故人心聽斷深更鼓悠然剪燭吟

懷程駿蓀葉明霞

倚遍江關幾處樓無人乘興發輕舟紅燈夜雨銷殘夢碧樹春雲鎖舊愁意氣曾看濃似酒情懷那信淡於秋阿誰還記相逢日無限纏綿在虎邱

書懷

花開花落總無端日掩柴門意少歡靈雨妨農三月暮疾風欺客一春寒琴樽白晝情難寫鼓角黃昏夢易殘芳草銷魂楊柳怨妬他明月尚團圓

詠史

一椎忽破秦皇膽雙箸能參漢祖謀自分報韓心已盡功成不敢戀封侯

清明感事

林香漠漠綠淒淒水自東流日自西最是魂消寒食節
窻前風雨燕雙栖

吳鴻振字禹門少宗伯家驥子乾隆丙辰 恩科舉

人

桐鄉

有寶書堂集

橫村云禹門宗伯長子也乾隆元年 上登極 覃恩例得蔭職禹門以已方讀書可以科名自勵弟鴻揚幼願讓之一時朝野咸服其有志而能謙為人所難是年果舉於鄉

鶯湖竹枝詞

菱花菱葉繞平波又見香風散碧荷最愛秋來齊蕩槳
採菱歌又採蓮歌

費一鳴字聲佩號鶴亭博野令洪學長子縣學生有

貯雲軒集

橫村云鶴亭東村之兄也好讀書工詩嘗因省親之山左涉黃河登秦岱登臨憑弔垂紀之以詩戴雪村先生謂其詩氣骨清挺得江山之助

寧峰菴贈維衷上人

茅庵藏鷺嶺拾級不辭疲黻黻衣常濕崎嶇屐易歌寺
幽依竹密泉細入溪遲惠遠今同社悠然愜素思

吳至慎字永修號林塘乾隆丙辰 恩科舉人官靈

山知縣有林塘詩稿

陳行之云林塘初令閩中理頌治劇之暇能有逸興嘗品閩產洞石素心蘭荔枝為

三妙繪圖題咏一時騷人韵士皆和之後補官粵之靈山上官重其才方欲調任劇邑而林塘遽卒矣今似傳傷早歲登賢書今作辛酉川右街聲知出治之有自也

左太冲招隱

逶迤一徑微杳杳不知處杖策入深林中有幽人住幽人不可見蘧廬隱巖樹清流和鳴琴白雲容獨寤松栢見真性泉石非疾痼良木防見伐芳蘭忌當路沉淵珠自珎在山璞乃固我還葆我真後後嗤多慕

唐花

燕市冰霜滿唐花佐客歡烘爐開爛漫緘紙護摧殘未免因人熱終非耐歲寒江梅猶寂寞畢竟待時看

月夜渡淮

淮流夜渡做乘槎烟水蒼茫入望賒樹撼風聲鳴鐵騎波搖月影走金蛇時清偏我長為客秋盡何人不憶家極目南來無數雁嗷嗷哀響宿蘆花

病中言懷

惆悵飄蓬千里身不成眠食復經旬關山短鬢秋風早歲月羈魂夜雨頻貧覺友朋能愛我病看僮僕也相親寄書且說身粗健恐累高堂白髮人

歲暮雜感

身世悠悠那可知唾壺擊缺不勝悲逢人未敢傷遲暮作客難禁感歲時井臼廿年憐病婦詩書千里誤嬌兒遠離骨肉親僮僕獨對寒燈自咏詩

孫陽選字敏修號西亭廣文之屏孫烏程縣學生

樸村云友人沈樸堂以孫氏三君詩囑予選定三君者現卷廣文名之屏與其二孫長守愚名金鑣次即西亭也其詩皆以天趣勝但流傳甚少蓋富推西亭亦不過近體十餘章耳存一絕以志其槩

夏日口占

綠樹扶疎晝正長北窓夢罷却清涼綠荷不識栽何地
簾外風來送遠香

唐維申字翰思號萼邨教諭永齡長子嘉興縣學生

有磨閒集

費閩岐云萼邨少與家訓惟以讀書稽古為事厥後萼前未歸淳安隨之官舍益肆力於詩古生平所著尤長駢體

惜全集未梓世人罕觀云

清明前二日

天涯芳草綠芊芊正是江南寒食天何處飴簫驚午夢
杏花春雨小樓前

悼亡

飢驅不惜故園春應恨音稀六六鱗今日征人歸已得
痛卿反作不歸人

陳士戴字勗張號梅軒諸生沂配子縣學生有梅軒

詩草

顧陶元云梅軒性剛直人有過必正言相規朋輩敬憚之如嚴師其絕督子弟無少寬假所謂太邱家法也若朝儀者梅軒有焉居

常嘯歌自適不治生處中年家日益落所居後園有老梅數株花時邀二三同好流連酬咏其下不自覺其逸之窮也悼亡後拾遺懷悼竟成廢疾以終春情神傷亦可知其情之真異矣

感懷

出門固少歡歸來更傷意不聞笑語聲徒見有虛位靈
几暗塵積總帳隨風吹兒女幼無知還向堂前戲悲感
亦徒然人生本如寄對此孰能遣不覺雙垂淚

雨夜

燈光乍明滅雨聲忽蕭散輾轉不能寐寂寥至夜半悲
從一念生白向雙鬢換所感在存亡貧困何足嘆

王

鰲字龍章號純江有自怡草

哭女夫黃省三

萍踪飄泊歎年年弱息伶仃仗爾賢只道唱隨偕白首
那知拋擲向黃泉浮雲一夢歸蝴蝶秋雨孤幃泣杜鵑

迴憶蒲葵曾刺句栢舟早識斷腸篇

自註吾女少時以總編字
或前上有共妻誓栢舟之

句念為然不意今
日竟成詩識為哉

吳夢熊字象占號蘊鄉廣文南齡孫縣學生有凝翠

堂詩鈔

貴州岐云柳塘吳氏代有詩人前則荆三叔六叔九後則柳塘
山年亦衣一門風雅無極感焉今象占又繼諸先生而起出入

唐宋無時下字原皆氣良
弓應治回自有家法哉

題仇英金谷園圖

荊州刺史如豺虎白晝持兵劫商旅珍寶充盈勝上方
歸築名園貯歌舞金谷樓臺燦若霞芳春行樂競豪華
錦障千重誇貴戚明珠百琲賜嬌娃花開歲歲羅錦綉
銀箏象板當筵奏但愛歡娛醉綠珠寧知鬻釵由孫秀

象齒焚身劇可憐倉皇東市別嬋娟香塵印罷埋秋蘚
玉笛吹殘咽暮蟬君不見姑蘇臺上西施舞麋鹿竟入
長洲土又不見臨春結綺高嶙峋玉樹歌闌鐵騎陳由
宋亡國在豪奢何況區區石尉家朱欄碧榭真如夢衰
草寒烟行復嗟畫師有意懲荒晏好景描摹示空幻莫
教繁華啟後人此圖應作千秋鑑

寓齋題壁

涼秋一夜雨頓使客心驚高館梧桐落虛廊蟋蟀鳴飄
零遊子意遲暮美人情一水汀洲隔無因奉杜蘅

馬貽良字長白號古愚諸生雲襄子有素心齋詩草

陳行之云古愚氣度恬雅拘謹酒脫早歲工於文而不及於名名亦弗
及也所居之屋數椽紙窗木榻隨意布置小庭疊石種梅散植野菊噴噴
偃仰於其中不知有塵世事或道遠良辰出與朋舊談諧則樂而忘歸人
有押韻破者對古愚頗怡然以解當易黃時自製鏡辭有一笑赴黃泉
之語殆存類
沒字者歟

謁韋刺史祠

荒祠殊索寞清絕仰賢臣泮水如環室松風儼拂塵猶
疑香未散應許夢相親自註其人祈夢
祠中祇有靈應瞻拜崇階下依依薦
渚蘋

落花

纔愛名葩發幾枝風吹鳥啄日斜時香銷翠幙春如線
玉碎雕檐命若絲大抵浮華渾似夢為添離緒強裁詩

箇中消息誰知得蜂蝶憨憨總太癡

中秋

中秋明月浩無邊歲歲偏於客裏圓酒為澆愁常易醉
詩因排悶偶成聯蹉跎身事嗟浮梗潦倒心情感逝川
逆旅孤踪逢此夕空搔白首坐簷前

書感

三載光陰曾幾時幽魂渺渺繫遐思西風自是無情物
又送秋聲報客知

龐 墜字自升縣學生有葉澤詩草

橫村云自升學詩於張若里太史時當太史其子觀後未久然
篇格字句間皆有紀律然於世之野戰者學太師承豈不信哉

憶弟行

人生惜離別會期苦茫茫况復骨肉恩忍使各一方自
汝別我去已變炎與涼汝身不可見吾意在汝旁浩蕩
五湖濶寥落吳天長佇立試西望悲思結中腸仰見孤
飛鴻感激增我傷物類亦有情宛轉求其行

題乘槎小景

世人畏險途息影斯自喜豈知達觀者曠懷欲萬里大
塊一大舟載我以生死誰分安與危總滙波濤裏何乃
怯遠涉縮首老牀第不見乘槎圖繪作水瀾瀾飄然帆
勢杳恍若銀河浹過室滄江觀其意亦遠矣為問漢博

望棹檝幾時理

江陰道中

舟行難計程狹水相憂磨屈曲行九折旋轉如盤窩一
里或數灣員規遠迴波船頭欲無路船尾迷所過高岸
起百尺巉巖聿巍峩藤蘿兀相纏此中蛇虺多上見往
來人累累如髻螺失足倘一墮急水飼蛟鼉噫嗟路險
絕宛在高山阿行行復顧瞻三歎發浩歌

周士選字道充號稻香諸生之方子縣學生有稻香
集

樸村云稻香承家學少能詩年三十後兩目失明
猶吟嘯不輟喜與人唱和每一韻輒疊至數十首

感懷

桃李芳菲二月風堪憐踪跡滯蒿蓬年年春色憑誰遣
半在愁中半病中

周軼群字茂堂明侍御燦從孫縣學生有茂堂詩集

樸村云茂堂從從父意庭游講程
朱之學詩以自適為主不事苦吟

題畫

山深樹古水清冷把卷悠然坐石亭隔岸閒雲頻出岫
幾曾得返故山青

顧我釣字陶元一字髮千諸生我錡弟乾隆甲子舉

人有勤補堂詩集

周雲堯先生云亡友髮千恍川先生弟也與兄
齊名膺鄉薦三試禮闈不第卒年五十有一著

有昏禮集傳為人後考春秋去襲三傳漢毛多未成書所見雜文中有考據經典及紀錄節義者可傳也

樓村云髮千蓬於經義一時吳下文壇罕有其區門下著錄者甚眾為諸生時舉使者試士纏冠共曹其詩古體主放近體主漸皆於坡公為近

題張母孫孺人旌節錄

自註陳墓人崑山諸生張千錫題室

錄中載節母懿行備矣然竊謂孝舅姑教嗣子
葬夫樞皆分內之事惟前室之母孀居無子迎
養與居事如已母此最人情所難恭詠一章以
存諷勸

生男不長年婦當代子職嫁女雖早世壻亦闕休戚繼
娶倘非賢恩情慮乖隔邱壻况已死悠悠等行陌無兒
老寡婦控告誰因極孫家有賢女孝思類永錫曰予夫
子在外姑情不數詎以未亡人前後分疆域我母飢且
寒分之衣與食厚此獨薄彼何以從窻窻迎歸奉板輿
疏水供晨夕戒語藐孤兒盤匱必謹飭幸慰老人心不
復懷今昔嗟彼庸婦愚前子視如敵所生尚不憐所自
安足惜作歌紀芳徽兼示諸姬則

軍田歎

秦皇黷武憂弗戢計在銷兵翦民翼民識耒鋤不識兵
千年耕耨供兵食明興耆定罷干戈分授軍田屯郡國
無事耕田有事戰不費農家絲粟力立法本規萬世利
誰知法敝全無實衛兵束手重募兵田不歸公糧更給

顧此罷駕不中使但教轉漕去聲輸京邑軍田世守三百
 年坐享茨梁安宴佚崔耕豈復把犁鉏行舟不解牽維
 縶至今千里舳艫連正丁自運十無一上索官糧下索
 費太倉交納收餘粒盡畀舟人願亦盈田禾盡可肥私
 室斷送膏腴幾千頃國計民生無一得我思三代報功
 臣子孫世祿頒常秩為問伊巫有後人可曾餽稟成康
 日豈有區區軍帖名社屋鼎遷仍舊物 聖朝寬大廣
 生成何至閒田養蠶蠶終當募役轉雲帆留賑凶荒救
 顛路

河間曉發

月色明於晝車行穩似船馬寒工細步人倦續餘眠遠
 戍柝頻斷隔林燈尚懸一般塵濁地此景獨清妍

周日藻字旭之號澹寧明邱贈太僕卿謚忠毅宗建

曾孫乾隆乙丑進士有寧齋詩集

鄧厚恭云君寧先生純品碩學夙負重望以

拔入都名重公卿間海昌陳文靖公以江南老名宿過言於朝而先復如儀封張清魯公西林野文端公桐城張約齋先生庶不以國士遇之年六十始成進士生平以教學為事館於西林數年又為六安書院院長成就後學甚夥 沈陽愚先生云澹寧詩和雅迥藉讀之輝映乎矜嘗憶其南望詩有云關關海上飛難去獨鶴塔頭步自憐可想先生之品矣

喜兒汝廣至

俛首乍披帷問安趨拜畢語多未遑舉驚顧立突兀心
 疑汝何來頽然此軀質因念別家時歲序易已七疇昔

未成童旋聞冠而室眼看若長成我髮何由漆且來慰
索居無用相惋恤

我本江頭人賦性暗且迂文章勉強作卅載守菰蘆事
勢寧可知風吹來上都涼月照我面緇塵撲我襦閒館
見禽巢往來哺其雛攀條孤泪墮感物長嗒吁即今一
枝寄北土非我居何日抱遺經父子老荷鋤

清明日作

牽帥人間事都忘歲月賒鄉音催海燕風信到梨花水
暖蒲裙寂村寒酒旆斜年年禁烟節展墓看他家

寄會遠寧武

千里雲中雪迎君馬首前尺書京國到別袂杪冬牽列
戍風埃裏三關落照邊時平忘積險雄峻憶當年

秋日書懷

城深無地試登攀滿眼秋風白日閒霜氣橫來鵬萬里
角聲催動雁千山壯心未已難遮鬢千世多疎怕厚顏
獨坐有懷誰晤語愁來忽忽憶江關

九日

自註是日
送友南回

祖送城隈日欲斜中情脉脉向天涯離家詞客憐王粲
從事名流憶孟嘉蒼隼呼風淒碧草白衣斷跡瘦黃花
東吳隔却浮雲目悽絕猶聽冀北笳

聞雁

塞上春深候莫違
燈殘黯黯聽依依
傷心共是京華客
人憶南天汝北飛

蔣士諤字陳謨號吾廬縣學生

陳萬生云吾廬為學教品純過矩步誠與不諱或指為前輩典

型教授生徒接當滿戶外晚好吟味得陶公悠然之趣不欲以此見長無復棄去所存僅什之一

看耘苗

好雨及時至
田疇並需足
良苗日益長
稂莠亦潛育
耘耔藉農功
安得避暑溽
隴頭看饑餉
濁酒招近局
喧語皆歡顏
相勞復相勗
侵晨荷鋤出
日落歸茅屋
豈不念勤劬
所望成嘉穀

葉兆封字天恒號質夫廣文景韓子歲貢生有緩尋

草

費開岐云質夫與予同占浙籍後奉功令推歸凡小試鄉闈與與僧行為人敦篤交友不設城府其詩為董訥夫先生所指授學有本原惜年

逾五十未及與鐸而卒諸遺詩為之淚下

鳳凰臺

四靈為畜皆奇珍
鳳凰在郊群鳥馴
有德固當覽輝下
虞廷儀舞非無因
王顓何人乃致此
瓦棺閣前臺忽起
得無假借誇神奇
似鳳非鳳多飾詞
青山碧水金陵岸
雕牆無復參天半
煙草叢中尋故基
獨有青蓮句璀璨
沈曰枚字青箱號安菴諸生良友子縣學生

反乞巧詩

國朝公凌詩徵

卷六

六

卷六

洗車雨過銀河皎針樓瓜果安排早但得天邊付巧來
何殊頓獲非常寶吳儂不作乞巧文乞巧何如守拙好
樛材無用獲全年鸚鵡能言成籠鳥細推物理與人情
惟有癡頑得自保鑿開混沌七日死萬千機變心胸掇
雨雲翻覆無時無聞提乘機何日了區區組織猶餘事
蜀錦齊紈窮繪漆於今世上盡公輸頗覺天公殊草草
若使天孫巧果多填橋那藉靈烏爪世因恃巧世皆愚
天若巧多天亦老年年今夜認蛛絲此事恐為天帝惱
湏臾織女笑雲端傳言欲借人間巧

沈鳳鳴字翰飛號迂父蓬萊令自南曾孫縣學生有

迂父偶存草

迂行之云迂父為累世徵君從弟為人真樸有至性篤於天倫好博覽多所記述嘗客遊秦中遇孤宰落之况枯納與世相忘其諸淡泊明志者歎

和朱放題竹林寺

竹林最清曠僧少白雲多借問紅塵客此間曾一過

曉枕聞蟋蟀

曉枕淒涼月影橫頻聞蟋蟀繞階鳴五千里外羈愁客
無限情懷向此生

汪棟字峻堂海鹽縣學生以子琥貴贈府同

知有澹慮堂遺稿

李客山云峻堂詩與寄琥
韻佳處不減中晚唐人

樸村云峻堂祖籍休寧從其尊前遜邑之平望遠占籍馬幼工舉子素年十四補諸生從周意庵先生學得其指授能詩古文辭所造和平溫雅宜

一時老宿如徐傳講壇長李侍郎穆堂並以異才目之也咸年推折未竟其業遠近文人莫不惜之

正月四日大雪喜賦

寒威凜冽聲颼颼紙窓炫熠搖雙眸曉來披衣謝衾裯
廣庭積素光欲流眼前塵滓無纖留瓊樓玉宇空中浮
招朋撥麩登南樓酌一飲遣醉劉去年蟲生隴畝頭
滴雨不至農家愁如彼凍雀無所投繞樹三匝聲啾啾
書生生不親鉏耨俯仰安命原無尤豐年有兆今何憂
試看盈尺充田疇不耕奚獲誠非謀何如賣劍還買牛
野望

散步循溪曲天空豁遠眸亂雲低野樹獨鳥下平疇身
以投閒靜詩難著意求奚囊慚李賀佳景倩誰收

朱仁熙字萬元一字育亭自號雲鶴散人縣學生有

西堂草

樸村云散人家貧性耿介然其身未嘗入富貴之門與同里馬古愚稱交由兩人性情華惠同以蕭散勝也

贈鶯

池館輕烟雨乍晴春風得意自長吟柳陰偏喜棲身穩
不羨高飛占上林

沈鳳翔字翼飛一字亦斐諸生鳳鳴弟有南遊詩草

沈果堂云子從弟翼飛翰飛脫弟也生平敦孝友重交情嘗慕遊楚中有故交荆州守龐官客死貧不能殮弟傾篋中數十金歸其櫬尋抱疾旋里翰飛適往秦中疾亟欲歿嗚呼安得一見吾兄與之水訣乎聞者莫不流涕其客粵也有南行紀程及詩草若干卷於山川勝蹟古今同異之辨

考據甚詳堪資誌感云

渡錢塘江

日午橫橈渡寒流未上潮江山餘霸業雲樹認前朝極浦帆方穩平沙雪未消憑舷多發興莫計去程遙

晚泊趙家河

客路愁何極停橈又夕暉暮烟橫復斷沙鳥宿還飛估客危檣集漁人炊火微驚濤徹夜響旅夢亦難歸

嶺外懷兄

雁飛不到鷓鴣天回首雲山鎖暮烟夢入池塘春草綠不知身在瘴江邊

陳時敏字學先號晚菘國學生

懷叔度弟京邑

契濶經年望汝歸涼風天末雁聲微燈前獨自頻看影林下相將可息機累驛傳緘情莫罄對牀聽雨願常違秋來定益衰遲嘆何止羈愁減帶圍

范君義字元孚號耨齋司空璫族姪有耨齋遺稿

橫村云耨齋癖於吟咏嘗遊楚中歷瀟湘蕪楚之勝莫不記之以詩與沈虹舟尊甫鶴田翁交最契多倡和之什耨齋沒後虹舟為序其遺稿云

客窓夜雨

獨客深秋夜殘燈細雨時哀鴻鳴故急濕鼓報偏遲欲寐難成夢驅愁強賦詩薛濤箋一束寫不盡離思

閨七夕

微雲依舊淡銀河又見針樓笑語過漫羨雙星重會晤
歡多還遣別愁多

江行值雨二首

扁舟衝雨過江灣無數烟雲擁翠鬟何似閒居清晝永
卧看屏上米家山

孤坐蓬窓自咏詩昏昏已過早春時連朝只聽瀟湘雨
落盡梅花總不知

沈 芳字紉佩縣學生有水村詩稿

費開岐云水村遊何侍講義門之門其制藝典雅有法為時所稱工小詩及詩書王寔舟以篆書增視海內見水村書疑為可憐斯冰其見重於名家如此

題墨梅

故國寒窓冰雪姿年年共我歲寒時今從圖上看標格
澹月微雲入夢思

包日錦字咸章號愚亭縣學生有拙村偶草

題畫

溟濛孤棹暗前灣一派烟雲潑墨山已倩深林藏小屋
瀟瀟何事掩柴關
林巒疊疊水重重極目雲深曲徑通昨夜幽人曾有約
攜琴徐過小橋東

錢汝楠字晉裴號南喬乾隆庚午舉人官平順知縣

有南喬詩草

陳受之云南喬作令山右不名一錢存於宮第無以發同僚蘇金助之遺梅得歸蓋本時之廉吏也

庭中孤梅

獨樹亭亭立臨窻脉脉情孤芳合自賞疎影為誰橫索
笑疑魂斷無言寄目成靜觀原自好不用繞花行

李泰運字開地號虹橋太史重華次子國學生有絳

雪堂詩草

張鴻勳云虹橋天才豪健紹承家學以味飲擅場至京師一時傾蓋皆為傾倒焉思沈宮傳嘗評其詩曰太白去人不遠蓋飄然有不群之思者也

夢遊東西洞庭歌寄鴻勳

海天飛嶠來雙峰碧波倒影金芙蓉畫圖半幅常挂眼
清秋一夢追仙蹤煙霞高興張君足幾度攀林漱寒玉

澗響彈餘流水絃龍吟截徧深山竹聽君指點疑神遊
昨宵緩泛隨漁舟吳娘挾柁月明遠棹歌聲散空中樓
輕煙柔艣五湖曉七十二峰青了了想見仙人住十洲
微風獨御凌縹緲

冬日與張少儀夜話

數載馳南北長歌行路難論才空日下無遇且江干錦
瑟朝來怨荆花雨後寒愁時詠新句含楚為君看

自注少儀時有悼亡爰

吳大勳字蓼洲孝廉兆騫孫乾隆庚午舉人有遺安

書屋詩草

費開岐云蓼洲為漢樓先生文孫自少從余遊舉業之眼肆力詩古弱冠後領北闈鄉薦教習咸安宮未及筮仕而

國朝公交寺徵

卷五

七

松陽詩徵

卒年僅三旬
可為浩嘆

題韜光寺

幽篁三四里曲折露重楹雲影連山色松濤襟澗聲六
橋新雨淨一線暮潮平極目江天外森羅萬象明

吳元字鍾斗號鵠村府學生有心知集

樸村云乙酉夏予訪鵠村於鹿城旅寓索其先世遺集鵠村悉以付予并
出近作未點定冲和謙抑道入中無此虛懷者乃別未半年倏焉化去歐
陽子所謂善人君子之不長在其信然耶遺詩音和
律細不蒙先人面目而得其神理是善守家學者

水仙花

十友花中自號仙誰從冷艷結清緣銀盤輕漾微沾露
金盞虛擎薄貯烟不信菊殘猶有殿莫言梅早竟無前

香風冉冉憑空御咫尺苔階接洞天

徐楠字邦良號整齋乾隆庚午舉人有扣舷集

徐云整齋詩聲調悲壯晚當以懷無一
字落宋元人窠臼蓋得力於老杜者

贈別潘雪巢

子留我喜子去我悲同心離居元鬢成絲往哲垂訓舌
惟禍胎曲高和寡道高毀來溫其如玉虛衷若谷德業
日新孔遠相勗出則經國處則淑身乾乾惕惕不愧古
人

雜體

灼灼東園花春發去年枝盈盈綺閣女顏殊往歲姿良

人遠行役更成久踰期憂心空惺惺昨夜夢見之君容
亦非故不敢訴相思君若山上鳥妾若水中鳧升沉勢
難合何時同歡娛羨彼營巢燕飛鳴常與居

庭前有白鵲飄飄入雲烟窓中織錦女停梭憶遠天與
君新結婚棄妾往西川西川萬餘里險歷蜀道巔出門
多艱辛何時可息肩君材比松栢妾顏如蘭荃松栢耐
歲寒蘭荃非昔妍不怨守焚獨但願客路便君行事家
國莫為離思牽

夜泊宿遷關

擊柝聲何急嚴寒欲二更星光蒙薄霧雪色擁孤城繫

艇鄉音亂衝風雁序橫宿遷關上客不寐憶長征

寒村

嚴風吹樹木窮巷日蕭騷歲晚官租急天寒酒價高養
疴需藥物曝背狎兒曹裘馬誰家子征途不憚勞

嚴 樹字灌英一字釀林

春日雜詩

久疎城市跡卜宅向深村老樹全遮屋繁花半擁門
泉驚鶴夢掃石破苔痕最愛良宵靜臨風獨舉尊
仲培發字亦甫號綠葭有懶吟草

得孫

予年方五十得孫歲已週賦質本魯鈍易學無深求膝上迎歡笑雖貧却忘憂呼雞聲嘖嘖語拜即偃俚見予窓前讀從旁效點頭寒林負暄坐顧復何綢繆命之名日起所戒在浮游書足記名姓稍長習田疇

國朝松陵詩徵卷十六

國朝松陵詩徵卷十七

後學袁景輅質中編次

後學趙基開仲同輯

顧我苞嶺繁

沈祖惠字祀望號虹舟乾隆壬申

恩科進士

嘉興籍

官高安知縣有三秦遊草

撰村云吾鄉前輩詩宗派不一未有沈翁少陵者沈明府虹舟其詩以沈着為三昧雖深為機樞以經史為組織律細調高詞雄氣厚真從沈花門鹿得來王元美謂華容孫宜得杜肉臨清謝榛得杜貌華州王維積得杜一支關中鄭善夫得杜骨明府學杜兼有謝鄭兩家之長惟五言古詩間參昌黎餘皆一意於杜平望詩壇群推王梅汾為盟長而不及明府與王介甫選唐百家詩獨於李杜韓三家不錄一字無以異也○如舟考鶴田名在義烏程諸生家湖州之馬曜村贊於平望李氏冒李姓遂占籍焉鶴田能詩工於裁對如晚雲初起忽成積夏雨欲來先作聲風生多在竹客

予年方五十得孫歲已週賦質本魯鈍易學無深求膝上迎歡笑雖貧却忘憂呼雞聲嘖嘖語拜即偃俚見予窓前讀從旁效點頭寒林負暄坐顧復何綢繆命之名日起所戒在浮游書足記名姓稍長習田疇

國朝松陵詩徵卷十六

國朝松陵詩徵卷十七

後學袁景輅質中編次

後學趙基開仲同輯

顧我苞嶺繁

沈祖惠字祀望號虹舟乾隆壬申

恩科進士

嘉興籍

官高安知縣有三秦遊草

撰村云吾鄉前輩詩宗派不一未有沈翁少陵者沈明府虹舟其詩以沈着為三昧雖深為機樞以經史為組織律細調高詞雄氣厚直從沈花門鹿得來王元美謂華容孫宜得杜肉臨清謝榛得杜貌華州王維積得杜一支關中鄭善夫得杜骨明府學杜兼有謝鄭兩家之長惟五言古詩間參昌黎餘皆一意於杜平望詩壇群推王梅汾為盟長而不及明府與王介甫選唐百家詩獨於李杜韓三家不錄一字無以異也○如舟考鶴田名在義烏程諸生家湖州之馬曜村贊於平望李氏冒李姓遂占籍焉鶴田能詩工於裁對如晚雲初起忽成積夏雨欲來先作聲風生多在竹客

到自開扉計拙田園落家
貧故舊疎皆清新可誦

峽口

祁連雪積成千里未了素側見燕支山蜿蜒蒙黥壑河
西五郡開翠巒真夾路崢嶸突曲蟠東西接雲霧中容
一線通萬軌各爭度狀如羅與浮離合聽風雨又經巨
靈劈蹠掌跡略具如驅熊羆兵搏戰聲先怖如闢穀洛
水馮夷眇相顧數折始豁然乾坤自迴互天意衛中原
巖險次第布後王尚威遠風雲張玉步時清草滿城壞
堞歎溝樹霜寒颯夏裘心怵雷霆護

雨過烏稍嶺

雨氣走林巒山光遁隱見晨征怯路高突兀峰當面絕
嶺摩蒼穹微徑得縷線削根忽欲無入冥乃盡變漏日
車輪明飄風零雨先雲裏蒼壁稠積雪猶含練憶逐師
旆來嚴程迫驚箭亭午薄層巖頃刻旌旗捲殷殷山下
雷閃閃雲中電惻愴下有輿飛騰昂紫燕揭來歲已三
舊事紛難遣凌晨跋馬過復值山韜峴焉知神鬼通頗
覺風雲銜竟日悶輪蹄暫喜晴嵐片陽崖閱其姿陰風
吹以霰峻坂夾深泥牛馬疲鞞鞞揮手謝山靈狂遊我
亦倦

響水堡以東數十步過天生橋

山根聚雲雷兵輓轟萬兩真宰麾百靈迴環驅衆相崔
嵬負土雄刻畫城郭狀居人樓櫓乘千軍未可傍餘氣
散鼉鼉架梁浮漭沆崖骨過廣川驚虛壓危當與踏蛟
龍飛勢怵虹蜺葬石激水為歎水撼石彌壯水石終古
爭破門始一放聲喧陰洞墨力決地道障噴薄水氣深
歎蒸混塵埃感縮尾閭歸突怒雲門闕支撐詎窳窳安
穩諧歌唱秋老固河乾沙竅縮寒漲春波待淼茫何處
高鴻抗安得瞿峽流帖卧雙青嶂風雨不傾頽軫接欣
無恙默傷人力窮功與太始初

巨魚行

河流決漭走蛟龍風雲惶惑萬怪從靈者自致海空濛
蠢者掛骨菰蒲叢東南久厭江湖味羶肉酪漿垂夙嗜
崑崙轉轂賀蘭青蕭疎雲水尊鱸意清晨理髮動食指
大府餉魚盈座喜呀然巨口鬚鬣張迫視非魴復非鯉
主人命宰揮霜刀平鱗鏟甲鋒塗膏抵死尚欲吞其曹
剖之可驗腥猶包其形蹒跚詎飛躍其性猛惡兼貪饕
吾聞東溟魚噓縮洪濤趨龍顏復虎狀黏天高刺鬚以
爾渺小尚如此何況蒼茫碧海虛無裏周官伐蛟更取
鼉事非不仁期害弭磨牙吮血當掃除坐使和平致上
理方今 聖人生盛德被翔泳何物尚冥頑翦焉肆吞

併吾欲盡誅醜類多曝以為腊饜兩河心悞膽劣箸不
下忽憶柴門烟市紫鯁肥春波

榆林

朔方凜冽流霜氣雄城敞闕車塵沸城南蒙壘北邨人
碑碣深書族勲貴伊昔中丞蒞重鎮驅翦豺狼蘇國病
練兵訓士後百年衣冠闕多名姓運祚中微丁百六
乾坤焦爛無遺育榆關以內附賊巢雲驤豐沛擬逐鹿
一軍忠義志激昂城崩巷戰誰遁亡蟲沙猿鶴同泥滓
俯視六合徒茫茫太平禮樂盛文儒採風三歲徵桐梧
撫時繚戾秋景暮當歌躑躅聲淚俱君不見城中十萬
戶盡是長平趙卒死事之餘孤

昨夜

經年苦行役萬里逼燉煌昨夜清蛩響秋梧一葉黃邊
沙磨朗月山雪駐殘陽傑閣西風裏多應客鬢霜

重登觀瀾閣風雨颯至候霧始行

辭惶重眺閣沙樹落迴汀風起江鳴瀨潭空龍上腥檻
前翻鷺白雨外接山青去去奔崖黑征驂滑未停

自平番出北塞晚至松山驛

不毛恥厚地仰日信高天獨鳥空山外驚狐積雪邊霜
原羅帳小雲頂壓松圓面土三年拭蒼涼舊驛前

宿懷遠縣

斗絕孤城立明星勢共牢千巖藏戶細獨月照天高白
草榆關暮深春巷犬吠河聲漸南逼迢遞隔風濤

閏九月廿五日夜雪

絕塞逢陰律羈情可奈何點衣難復素入鬢恐先皤世
路嗟畦畛中宵感逝波無才日追逐紆策振寒阿

曉月

客行易衰白寒苦驗清輝明月幾回缺關山人未歸天
高河影斷夢覺曉霜飛霧樹猶相引勞歌愴式微

鄜州試院即目書憶

歲月飛騰去斯人亦竟徂愁中逢雨雪江上老菰蒲
艇聲橫鶴殘陽影蘸湖滄浪天地外有夢着真吾

送友歸隴西

逢君當隴右歲晚別龜陰孤館經年夢寒燈此夜心關
山開凍雪風月滿江潯余亦歸滄海相思萬里深

送胡靜庵

數月下揚州歸心逐水流關門深閉雨江海迥含秋誰
復攻吾短還須慎爾謀此生如不達會合竟何由

龍渚

巖巖憑誰造悠然想巨靈剝將錦細碎構此玉瓏玲水

落蒼龍骨崖潛萬怪形奇觀從入棧突兀見初經

擬早春入興安憶前遊有作

一歲忽又暮我行方更西春風南國樹白舫萬花谿賞
念前遊麗情憂此路迷相期冰始泮倚棹聽猿啼

甘泉曉發

客夢春寒破林風響遠羣危與雲棧曲細馬亂峰高地
向南中盡天從劍外遭相隨星使節蓬鬢日蕭騷

登觀瀾閣

疎簾小閣枕江臯翠壑雲屏面面遭竟席無人通笑語
隔窻滿眼送波濤玉闕沙雪隨天迥積石鼉鼉跋浪高

登眺冰涼滌煩暑西風萬里况蕭騷

月中聞雁

滿城寒柝促更替濃露繁星月始高片影銅荷殘淚蠟
一聲關塞落霜毛乍驚騷客三秋夢漸遠黃河萬里濤
莫認江南輕戢羽青天碧海倦長翱

夜坐有懷呈秦中諸友

銀缸回轉夜何其蕭颯中庭雪霰吹雲破月寒山寺暝
城高鐘落院齋遲壯心客裏雙蓬鬢歸計天涯一釣絲
關隴數年情未斷江梅江笛定相思

自去冬杪至慶陽滯滯三閱月矣臨發有賦

愁疾經春坐塞河，單車迴首且高歌。
芙蓉分欲秋江老，雨露終知霄漢多。
堪歎鯤鵬原變化，可能燕雁共雲波。
故人尚憶驪駒袂，破曉青蒼捫薜蘿。

燕子至

銜泥未向畫堂楹，瞥見輕風剪浪平。
越客有心迴倦翮，海禽何事落邊城。
姑臧山雪秋容老，湮水桃花春雨明。
為想江波小閣裏，穿簾脉脉動離情。

畫眉泉

掃葉深巖碧樹間，松花飛沫古苔斑。
越來溪畔胭脂歌，新月剛容照一灣。

潘 煥字目臨，號晴虹。乾隆癸酉拔貢生，官當塗訓導。

樓村云：晴虹江煥子，業于嘗於鎖院中見其作文，慘淡經營，必嘔出心肝，乃止。前後詞文柄者，莫不擊賞之。詩非其著意處，而一種爽明之氣，如西山晴翠，撲人眉宇，如其胸次，故自不凡。

贈別夏克齊

梅花山下選樓開，楚樹吳雲付別裁。
襜褕被一肩風雪裏，白頭辛苦采詩回。

沈懿如字介眉，諸生克楸從子，縣學生。

表扶九云：介眉沈文居，斜川課耕隴。

歌聞歲時伏臘，斗酒自勞，問為詩歌，取適情，不求聞於人人，亦罕知之者。

門外

門外人事雜無益十居九不如長閉門自飲杯中酒

周清霄字冠干號漱霞縣學生

樸村云漱霞個體姿逸有幹濟才當長沙獻策之年從儕以死生平與沈鈞芳最交契遇亦相似

鍾山懷古

蒼茫秋氣滿遙空萬古興亡一望中虎踞六朝流水碧
雞鳴十廟夕陽紅青山難問周顛圖荒草誰尋沈約宮
惟有苑城千樹柳柔枝猶自舞東風

鈕肇頂字冠南號夢劬孝廉繙生從孫府學生有耕

樂軒詩草

不寐

酒醒難成夢寒深憎晚風子身千里外孤館五更中淡
月明微影踈鐘度遠空不堪頻聽處嘹唳未歸鴻
范志治字經陶號硯農司空瓌族姪國學生

雪後喜晴

日射窓櫺一線紅弄晴小鳥語玲瓏聲聲只喚提壺去
春到人間玉液融

陳士伸字公度號澄溪諸生自振孫有澄溪吟草

落花

庭院難淹此日春殘紅刺粉總埃塵綠珠墜後魂應斷
青塚埋時恨尚新曉露乍沾鋪徑密晚風初動覆苔勻

飛英也自相留戀飄墮還能傍錦茵

俞希哲字天木一字子與號秋心輩令韓子縣學生

有子與遺稿

顧樂渠云子與性恬全與俗人許常於日無一言每當深湛之意顧屬戶指食息家人罕觀其面老屋頹敗此居鹿湖之干浩然有終焉之志所著有毛詩私箋

樓村云秋心與甫十洲與其弟再華世居休寧康熙末始遷吾里雍正癸卯十洲成進士餘授華縣令未之任卒越十有四年乾隆丁巳再華成進士亦未嘗選而年兄弟並以能文見稱於時早歲成名而皆相繼夭折天於俞氏易其過而新其年更有不可詳者秋心少孤能以詩文字其家聲有志士也乃年未四十遽賦王樓今遺雖存詩口雖艱問先人筆冢篇有幾者是可慨矣秋心為人沉靜讀書務自得不高聲名惟日肆力於此道中固三折肱矣

與樊渠論詩

西子本貌美捧心益容姿東家但效顰徒令後世唾可

憐士衡革強作擬古詩風調非不佳神理不在茲高才發奇興樵傲亦何為

郊島稱寒瘦温李何並云義山挾奇氣飛卿非其倫繁艷乃餘事駘蕩每有神時人眩心目枵腹談清真

松

繁華更代謝吾道歷艱難雪壓千山靜天空一樹寒枝留孤鶴偃幹作老龍蟠歲暮爭知己青春若箇看

聽琴

雨過風徐來夜深月初上隔林人未眠瑶琴發清響

聞笛

梧桐月落一輪秋玉笛誰家人倚樓莫被清風吹出塞
關山恐起故園愁

吳芝光字蕙畛懷柔令景果從子乾隆丙子舉人有

課餘漫錄

貴州開遠云蕙畛幼工制義應郡邑試俱第一補博士弟子
後領北關鄉薦益專心古學詩詞各極清妙而宗法尤在
唐人年未及強仕而卒
共惜其懷才未展也

雨中客至

京雒漫淹留空庭雨未休終朝憐寂寞永夜聽颼颼客
思經年積鄉心幾樹秋故人欣遠到握手慰離愁

七夕憶事

漫卜他生憶此生終宵無語怨秋清千家瓜果看星度

獨客關山對月明別緒經年頻悵望佳期一夕倍牽情
人間剩有相思苦腸斷針樓涕淚橫

陳之韻字載廢有輟耕編

雜述

日暮涼風生颯然振林薄葉墮陰漸疎巢傾鳥將落居
高易摧頽勢茂終蕭索物理固如此余懷信無著安得
舉世人齊心任冲漠

枕上聞鶯

何處鶯聲早花陰喚客眠似憐春澹蕩為訴意纏綿旭
日披晴翠和風弄曙烟寄言出谷者努力向喬遷

王堡字連城號素亭孝廉時彥子乾隆丙子舉人

陳受之云素亭孝廉子婦夫也少孤力學頗敏絕人五歲入塾讀六經左史諸書千古俱下作為文章清真雅正阮隴村太史謂其有先輩韓文懿公法度舉鄉書年未三十一試不第鬱鬱以終子婦以夫亡殉節當桂林相國撫吳時特題旌表文章節義萃於一門不可謂非閭里之光也

舟過釣臺懷古

蜿蜒萬山連紆迴一溪絡遙瞻兩臺聳並峙石壁削舟
師指語予嚴陵此寄託憶昔東漢時求賢徧巖壑先生
本故人與帝少同學物色逮高踪累辟赴京洛尊之以
賓師或肯展其略如何除諫議乃欲廢以爵士固有本
志進退自綽綽威鳳千仞翔樊籠那得著終老深山中
一生葆完璞高節緬巢許曠代同卓犖得聖人之清超

然殊眾濁遺踪剩釣磯雙亭孰營度荒祠積翠間遺像
玉骨琢繞屋松幾株古幹互參錯我来泛輕舸仰止心
虔恪臺下水潺潺臺上雲漠漠君看雲臺將勳名空炳
爍誰似富春叟千古輝川嶽

新安道中

勝境西來絕可憐扁舟泛處畫難傳重重秀嶺環遮路
曲曲清溪巧引船飛瀑頻驚垂白練危灘直擬上青天
茲遊正值春光媚點染江山分外妍

立秋日漫興

閒身終日自蕭然一榻清風午後眠睡起不知秋已到

推窓梧葉落堦前

沈曰霖字驥展號紉芳明經永子府學生

橫村云幼芳工愁善病長於騷體驚才絕艷無語不新奇以客投遠遊桂林于友陳易門傳之有詩曰鼓瑟湘江韻曉聆美人蓮蓉惜博博林風萬里南征客木落霜寒過洞庭亦可知其冲落不偶矣

送春

無計留春且閉門更無人到落花邨數聲啼鳥園林晚

獨對東風醉一尊

陳大烈字揚之號聲菴上舍生鉉曾孫有深竹軒詩

集

宋行之云家兄聲菴自少工韻語弱冠後以疾棄舉子業益耽於詩富麗寒雪飛入破窓中几案盡白兄僵在壁有索佳句夜分不就寢從父伯美謂之曰兒欲嗔出心肝耶卒以苦吟天殺年未及長士傷哉

古別離

別離不勝悲別淚相對垂君有堂上親妾有懷中兒親年將七十兒幼纔一期君今不遑恤妾當養育之君去更卅年兒壯親期願未知妾在否君還良恐遲

秋日雜詩

薄雲散輕縷商飈生林端紛紛木葉下萬籟何蕭然破屋接平野秋光明遠天悲哉搖落意况我多愁煩極目千里碧吳越多好山安得御風去棲身猿鶴間盈盈野塘水曲曲遶村流熒熒村中居寂寂門庭幽庭前空悵望友聲安可求君看中田稻秋老半未收日暮

衆黃雀得意方啾啾

燈火夜窓冷屋角生疎烟高高明月出向此空齋圓開襟望遙碧朗誦逍遙篇時有荒村犬嗷嗷吠霜天此時乏尊酒更深不成眠羨彼畢茂世持螯日頽然

七夕與行之弟夜話即送省試

星河正良會燈火共論心秋至蟲鳴砌天空月在林我嗟孤壯歲爾莫戀清吟欲取支機石尋源深復深

敝衣

昨夜寒風至朝起理鶉衣阿母手澤在披衣淚雙揮三歲無製衣兒命自當苦却累白頭人辛勤為鍼補

癸亥除夕

滯雨初收歲欲徂履聲繞巷急追逋貧家稱貸年來斷贏得今宵剝啄無

周世清字敬夫號茶嶼縣學生有種石樓詩稿

陳受之云茶嶼

清癯羸病而意氣極安舉甲申冬借余兄弟客澄江寓居昆盧關僧舍清談霽爽漏四下不少休分題角韻必求字字妥帖而止歸未決旬使者遽以死告山陽笛聲至今耿耿不釋也

懷兄震寰寧遠

煙雨桃花島霜風木葉山如何經歲莫猶自滯邊關客夢聞雞起鄉心托雁還知兄南望處含意白雲間

焦山

險扼滄溟望若何
徵君曠代照巖阿
晴開烟樹平於蔘
淡沐江波翠似螺
萬里奔濤岷水濶
雙峰出日海雲多
窮探神怪來仙嶺
古鼎殘碑縱浩歌

秦淮雜詩

柳枝閱盡冶城秋
橫笛聲中憶舊遊
終古銷魂搖曳處
寒烟不散六朝愁

費振烈字揚武號梅隱博野令洪學從孫縣學生有

香吟集

費開岐云揚武雖好古能文學使者諸城劉公徵試奇其文
拔冠一軍以才士目之會館未久以弱病卒年未四旬也

樸村云梅處為先叔從姑女夫長身鶴立秀出塵表工制義兼好詩
古文辭得先叔指授益自剴勵寓六合時以詩文請業者奉為壇坫

客中示子

故園南望路悠悠
薄暮初涼嘆敝裘
半夜關河千里夢
一聲砧杵萬家秋
詩成孤館行行淚
雨滴他鄉點點愁
惟念吾親與汝母
家書曾否過江頭

送原任陵邑賀公告請終養南旋

碧漢長庚出翠微
爭看墨綬換斑衣
三年績報雙鳧去
九日花黃五柳歸
東國琴聲留厭次
北堂萱草護慈幃
客途賞識風烟裏
相約高齋領塵揮

寄懷書常弟次見懷原韵

帆席懸時即海涯
逍遙何日讀南華
鄉情纔叙還疑客
離淚初乾又別家
折柳每逢寒食雨
分襟屢值野棠花

相思兩地愁難慰回首池塘月已斜

寄內次來韻

春寒吹動客衣涼離緒纏綿似路長夢裏不知江水濶

隨潮一夜到江鄉

梅士型字叔醇號石川諸生焜子有石川雜詠

陳萬生云石川

性介如石川開戶寒交惟以詩古自娛而詩學源流則得於先慈之指授居多蓋石川係先慈元子凡有所作輒來就正一月間過從者三四焉時余方總角逸林風雨石川吟咏之聲中夜不輟余聞之每喜而忘寐也今讀遺什追念舊遊為之慨然

夜宿石湖舟次

郡城久不到暫此泊扁舟風冽霜初落波搖月欲流鐘鳴知寺近犬吠覺邨稠寂寞增惆悵何如鷺宿洲

費宏勳字書常號尊溪博野令洪學從孫乾隆己卯

舉人官楚雄鹽課大使

費開岐云從姪書常教孝友重交情俾然有個篋才自少從余遊即銳志勵學

今古並進以故掉鞅詞場聲譽鶴起與其得李荀氏八龍之目書常寔不愧為家督也乃年未四旬一官株檟遽卒萬里之外嗚呼可傷也已

邀帝城

漢皇留蹕處父老倍歡迎此地一尊酒故鄉無限情風塵遺勝蹟湯沐紀芳名相見蓬蒿裏依依古帝城

斬蛇溝

鹿走中原後蛇行大澤初群雄紛戰鬪一劍仗驅除氣逼寒星動光流素月虛此時問靈媪赤白究何如

過衢州

青霞古洞隔人寰鳥影匆匆去復還曾看長安棋一局
不須更上爛柯山

道中即景

萬峯蒼翠接春城山鳥山花不記名一幅鶯溪描未盡
澹煙疎雨半陰晴

吳 照字景純號宛琴明司寇山齋孫有宛琴詩草

陳篤生云予婦兄宛琴夙負異稟讀書數行並下鄉歲即工詩性喜樞寄
禪寺齋歌永日與晨鐘午磬聲相應答年甫壯歲兩謝世展詩遺句清幽
冲淡洒然出塵可想見其梗槩云

詠懷

熱不蔭惡木渴不飲盜泉斯語何為者介節士宜然嗟
彼慕勢徒營營蟻附羶朝登金馬門暮張玳瑁筵所謀
一不當俄頃榮華遷不如行吾素夙好永無愆塵鞅日
以息孤情抱貞堅

讀陶詩偶成

典午尚元風廊廟無經綸曠達稱高節面目非本真往
往圖顯仕名教任委淪先生太尉裔終身為晉臣忠孝
由天資浩氣凌蒼旻詩以言所志風騷共溫淳當其引
壺觴下筆如有神迷酒復止酒含意俱未伸嗟哉康樂
侯晚節悔帝秦塵網不能脫慕義徒悲辛乃知歸去來
明哲足保身紛紛禪代間屈指無此人

丁日洪字曙華縣學生有秀野樓詩稿

村居雜咏

楊柳風多草閣涼幽人合在水雲鄉日長莫道渾無事
看水看雲也自忙

陳金品字長黃號晚居太史王謨孫國學生有晚居

詩鈔

陳行之云子孫兄晚居蘇州有氣有斗酒百篇之樂著月邀同好放棹溪頭觀荷劇飲方興限扣船作歌效從月以遊嗚呼兄

真性命於詩酒矣

章江夜泛

夜泛章江口清秋覺更清星連漁舍火歌雜戍樓更雙
槳搖輕霧孤帆沒遠城金風催落葉一枕卧濤聲

丁日涵字海容府學生

金陵懷古

鼎足形成據上游巖疆雄峙控曹劉空餘霸業思公瑾
不見生兒盡仲謀青蓋未曾來洛下降幡已見出江頭
至今戎馬三分地贏得蕭蕭蘆荻秋

陳毓良字傳野號晴岩諸生士載子照學生

橫村云晴岩尊甫梅軒庭訓嚴切所讀經史諸書率能背誦不遺一字為詩文則敏捷嘗與同學校藝人方規管院吟而晴岩已脫稿矣中年客棧滄南卒於寓舍所有零章綴句蓋僅存於歐麗中者

楊柳枝詞

壓簷拂檻太輕柔蕩漾春情不自由却為東風扶不住

天邊常借玉鈎鈎

誰遣垂楊處處生長條只解送長征何時化作連枝樹
人到枝間不忍行

趙大業字揚烈廣文來章孫縣學生有閒居偶存草

陳行之云趙子揚烈字外兄後初長君也數年與子同校經城南沈氏書
室寄過多所賞折每月斜燈熅時猶聞其吟誦之聲徹戶外詩筆冲淡頗
近陶

雜興

少小失向學及長乏才思几靜卷帙古閱之益神智朋
友笑相慰富貴可立致余心殊未然讀書儒者事射虎
李將軍難慙平生志折腰彭澤令田園恐不治

杜門亦已久疎懷兼善病骨同猿鶴瘦風流敢自命有
詩邀客評無事與人競明月挂松寒細雨洒窻淨會得
此中理一心朗如鏡披襟出前林浩然發孤咏
許良弼字鄰哉號敏亭國學生有敏亭遺草

蛩

向夕蛩鳴早聲聲似唱酬空堦時咽露暗壁獨悲秋
夢霜天月牽愁夜雨樓王孫不歸去促織幾時休

登蠡墅吉祥菴佛閣

挈伴登高閣烟村覺杳冥開簾遠水白隔岸晚峯青
伯業今何在樵歌不可聽徘徊憑眺久落日澹沙汀

驚脰湖詞

十里平湖望淼然水村漁市夕陽前
愛他曬網歸來早載得銀魚雪滿舡

周玉霖字需蒼號澍堂縣學生有澍堂詩鈔

松陵雜咏

板頭舡小狎吳儂尺幅飄移浦浦風
春水一篙花鴨語

記程八坼古塘東自註陸游入蜀記八坼舊在塘東今移塘西

顧時尊字媚一有鶻猿小草王冕曾云媚一家極貧三旬九食其常也幼為舉子業未就去而學

醫不行於世年二十七未娶而卒為聯體文及詩課草廬工

辭母

誰謂遠行者能忘陟屺思况逢初疾愈自註時母病初愈何忍遽

三離只欲分飛恨自註兄弟四人俱客於外難伸反哺私衷情誰可告一

幾神馳

徐燦字星燦太史執曾孫府學生陳受之云星燦為河漢微君幼子性孤冷不喜

與世事有議烟者概以死拒之微君亦不之強也年甫冠得瘵疾但蒸化去豈釋氏所謂夙根者耶

山行

青山一帶繞溪斜修竹叢林到處遮
兩岬白雲閉鎖住不知前路有人家

金士模字端範號竹塢縣學生陳行之云竹塢天姿英邁個儘不群與哲昆聽濤二雅有三珠

樹之目物冠後得嘔血疾當文戰前藝精銳無前不以病少挫也王樓運賦士林惜之

咏菊和吳荻漁

籬落秋深歲月賒
亭亭瘦影殿芳華
餐英愛咏騷人句
寄傲真宜處士家
冒雨微開知令節
凌霜獨立試寒花
丰姿潇洒供幽賞
興到時來問水涯

寄懷陳易門

訂交名輩夙心親
眼底如君得幾人
滿篋鴻文光射斗
千秋大雅志扶輪
劇憐踪跡隨雲散
可愛襟期似酒醇
安得雨風晨夕共
騷壇為我指迷津

徐 蟾字霽堂孝廉楠弟有梅仙集

陳受之云自 國家以 經義取士人皆以作詩

賦為迂圖子弟有習之者父兄相引為戒閩中雷翠庭先生督學江南首 重古學齋堂時應童子試以香雪海賦文知先生極為獎賞及入試以病

不獲終卷而出 先生嘆息彌襟

古意

誰將幽蘭花植彼江南道
仲春發華滋芬芳軼眾草
一朝狂飈吹香飛逐行潦
托根非當門摧折何太早
吾行忽見之憂心怒如禱
欲問榮枯理浮雲蔽蒼昊

趙 晟字諤亭號蜨園廣文楠子國學生有培塿集

周純夫云諤亭少隨其母南入京師遊太學為大司成陸昆川先生所賞 每試必冠其曹後歸館鄉村為過天所憐垂莞矣憶有友人曾以制義見 質忍痛揮管評訖遂逝此亦 從古文人未有之奇脫也

可月堂

自註錄書 王文恪題

守溪未遇時幽栖共禪悅
我欲尋遺踪清風散林樾
卻

登可月堂空濛望山月

王祖謙字萊伯江寧令錫從孫

促織

促織逢秋至秋聲自可憐
豆棚明月下茅屋暗燈前
懶婦驚還起愁人聽未眠
空階頻泣露恰似恨流年

松江歸棹

遠水放扁舟蒼茫暮色浮
荻花兩岫雪楓落一江秋
孤雁斜陽晚征人細雨愁
片帆風力勁歸思獨悠悠

袁志讓字遺安上舍棟孫

費揚武云遺安東萊見讀書過日成誦沒時年僅十五詩文便已驚人如詠秋

薛云一庭霜月送砧為萬里關山落葉寒詞調云長笛數聲寄別處孤身千里憶家時秋雁云數行衰柳離江艇一片斜陽照翠樓皆佳句也

斜陽

天清雲正淡落日滿疎枝
小閣吟詩罷高樓憶客時
鴉聲爭樹急帆影渡江遲
彷彿餘光照憑窓有所思

夢

閒居偃仰小窓西一榻
蘊蘊夢轉迷紙帳夜長隨
蝶化松林更靜少鶻啼
神遊槐國花空老魂入高唐草
自萎落月滿梁容易曉
風清露冷報晨雞

潘士鑑字子明

費開岐云子明嘗從子遊警敏嗜學士每吟詩兼精篆隸有五經印則行世所居後園藝菊甚蕃子明有秋菊詩

數十首自謂格律未老不欲存額其中佳句有令人擊賞不置者如淺影不隨紅葉掃冷香時共白雲飛千古風流依白社一簾煙雨點黃昏故園秋老吟魂健荒壑花濃酒價高傲骨祗憐陶令老清魂猶帶楚詞香清新俊逸皆可入摘句圖

落花

百般憐惜乍開時一到凋殘若箇知
初別故枝還戀戀忽隨流水去遲遲
雨鈴風鐸勞君夢白草黃沙悞畫師
千古銷魂啼鵲路春歸何處寄相思

楊兆麟字瑞如號友梅有友梅書屋詩草

擬孟山人待友

暝色生遠村落日在松頂雲去意常閒
鳥歸聲亦靜之子期不來滿山黃葉冷
攜琴候南軒竹月弄清影

秋日書懷

秋氣劇蕭森閒窓白晝陰高風千里雁
落日萬家砧為客驚涼信吾生托苦吟
欲偕同志士把臂入疎林

聞雁

萬里隨陽至高飛月正明一聲雲外落
孤影度江城

國朝松陵詩徵卷十七

國朝松陵詩徵卷十八 寓賢

後學袁景輅質中編次

後學 吳山秀人虬 同輯

潘蕉孫電飛

王崇簡字敬哉宛平人崇正癸未進士 國朝官禮

部尚書謚文貞有青箱堂集

樸村云按王文貞公年譜乙酉四十四歲避亂至蘇州五月攜兒女依萊陽宋瑤瑛宛伯仲趨浙江七月至汾湖寓葉工部紹泰宗人舍中八月出汾湖抵蘇州是公寓汾湖不過匝月耳詩在葉氏作者二十餘章吾鄉前輩與公文契者工部外尚有計甫草趙山子諸先生唱酬之作亦附錄焉至公之功業文章自在天壤非一邑所當私也皆不贅論

歲莫紀伯紫錢飲光陸翼王計甫草小集

國朝松陵詩徵卷十七

國朝松陵詩徵卷十八

寓賢

後學袁景輅質中編次

後學

吳山秀人虬

同輯

潘蕉孫電飛

王崇簡字敬哉宛平人崇正癸未進士 國朝官禮

部尚書謚文貞有青箱堂集

樸村云按王文貞公年譜乙酉四十四歲避亂至蘇州五月攜兒女依萊陽宋瑤瑛宛伯仲趨浙江七月至汾湖寓葉工部紹泰宗人舍中八月出汾湖抵蘇州是公寓汾湖不過匝月耳詩在葉氏作者二十餘章吾鄉前輩與公文契者工部外尚有計甫草趙山子諸先生唱酬之作亦附錄焉至公之功業文章自在天壤非一邑所當私也皆不贅論

歲莫紀伯紫錢飲光陸翼王計甫草小集

疎略忘形友相於迥絕塵十年常作客一語必驚人老
覺情偏切交因淡益真歲寒吾輩在把酒莫辭頻

紀伯紫錢飲光陸翼王朱眉山表介人嚴蓀友計

甫草陳緯雲張豫章上元前三日青箱小飲

老逢令節敢心輕酌酒追歡賴友生徑有高低燈錯落
坐忘拘忌語縱橫樽前半屬思歸客交久偏多懷舊情
元夕預期攜手處天街閉步月華明

宋 琬字玉叔號荔裳萊陽人順治丁亥進士官四

川按察使有安雅堂集

樸村云王文貞年譜載乙酉夏同萊陽宋氏伯仲遊難吳江主業工部紹
表家至冬向北歸親察事人倚卽應亭與工部同舉天啟乙丑進士兩家

故世好也但安雅堂集中無一語及避難者惟東王文貞詩有吳江森浩
渺句當即指避難時事故錄之至其天才俊上足配愚山又有定論無庸
贅說也

寄懷王敬哉

相憶詎云已離憂難可任遠遊有高步索居無餘心吳
江森浩渺越嶺鬱崎嶇飄飄愜追討母為嗟滯滯君發
春申渚子夢天姥岑願言結茅茨方得理瑤琴

徐 白字介白號笑菴嘉興人縣學生有竹笑菴詩

鈔 朱愚菴云介白詩自鍾鐸入手而不薰茶流嬰故曲而不睡清而不貧
孤而不過於削凌而不失於拮魚山天柱響清霄度嶺寒梅香飛夜

月讀介白詩當作如是觀 朱竹垞云介白初師竟陵詩派務以幽深孤
峭為宗後以太湖落日賦見賞於陳卧子晚年持論稍歸和易 潘稼堂
云高士詩撰思遠語不肯誦襲前人一字依毛洗髓削膚見骨韻味咀味
殊足移人性情蓋惟人品真而後詩格高未易及也 周笠川云介白嘉

興人年十八以家難避居吳江之梅里潘一桂見其詩輒嘆清遠由是知名以諸生久次當貢連亂謝去奉其母隱上沙足跡不出山者二十年
樸村云隱士魏清癯性孤淡寓梅里時惟與高僧遺老相唱酬不妄交軒
冕一人後居上沙十畝之園青嶺環峙其外一鋤自藝花藥紛如坐卧一
小樓暇則作畫吟詩其上客至掃落葉煮茶清談竟日悠然
忘世有孤山甫里之風焉其詩幽冷峭別亦不食人間煙火

遊羅漢寺

昭明遺殿千餘載百靈共護光巍巍一朝防衛氣力盡
從風夜半揚為灰我來正遇秋聲作藤花蕭瑟空中落
夜深真覺龍象愁閃閃星河動虛閣

雪夜懷沈留侯

之子時難見非關隔遠程三年成醉隱一枕避人名雪
院高松影冰河數雁聲此中瞻月魄清絕類君情

贈吳茂申

同君忘世更忘家雙影時時傍水涯醉裏分錢儲綠醕
亂中偷眼戀黃花交成水淡方知味句到珉堅尚摘瑕
如此騰騰過閒日何愁青鬢欲生華

山居

結廬何用簡高原生事雖微賴茗園雙澗白來寒繞舍
一峯青入恰當門人烟疎少牛羊靜松桂連綿鳥雀喧
最愛有時梨栗熟葛天隣曲互攜尊

爰丹生字山夫

初名京
字彤寶

號貫齋嘉善人縣學生有貫齋

集

顧茂倫云山夫胡擊曠懷家貧不憂門以內著作斐然古文追韓歐詩
宗初盛唐近又出入中晚流寓吾鄉最久往來蒼雪峰泖間好與黃冠

縹流輩遊時人莫能窺其進略也 周笠川云山夫補嘉善諸生遭亂後
 遂棄去入關年四十後移居吳江之震澤鎮又居或澤鎮著述甚富於明
 代詩人推服何景明常走二千里訪其祠堂不得求其後人又不得獨括
 一野卷四十餘日而反時先生年已六十三矣又七年卒於寒山寺兩粵
 制府吳興祚捐金莫之友礪山麓先生天才爛漫作詩如風雨馳驟頃刻
 立就而短護森然性豪放好飲酒詩文不下二千餘篇晚年自選得詩八
 卷文六卷沒後十年廷謫私淑其傳
 蒼萃遺稿得三十卷為貴齋遺集

樸村云交高士以詩名江浙而其偶兩髮道人與子詢女黥並擅風雅家
 庭之內更唱迭和以詩為樂與午夢堂後先相映矣高士與湯山人豹處
 友善山人有家僮名璞者能識字高士有申州之行山人舉璞相贈既從
 行頗就高士學詩高士奇而子之序之曰焉蒞與同賣卜於寒山寺後入
 泮水吟社與一時名人相酬
 鳴詩見笠川子所輯詩粹中

吳江觀倪文正公贈徐忠襄公書畫箴幃子作歌

留贈計生 有序

甲申之變詞林倪文正公元璐官戶部尚書自

縊於京邸徐忠襄公石麟以司寇里居不及於
 難南都肇位拜吏部尚書與政府不合三疏乞
 骸骨去乙酉禾中師起 王師平禾城陷公自
 縊於私第時文正公子適來禾中握一箴授客
 計生庚子夏五丹生過計生齋中見書畫箴童
 子時數數見之可識也二公天啟二年進士出
 朱文恪公門下是科得人最盛二公外先後死
 國者宜興盧公象昇海鹽吳公麟徵山陰祁公
 彪佳東陽張公國維漳浦黃公道周如準李公
 之椿皆灼灼在人耳目倪公雅精繪事兼工草

蟲花鳥此畫山水書五日集同年觀競渡詩云
各出辟兵符一道散為續命縷千絲亦近於詩

識也計生名東吳江人

君不見天啟壬戌稱得士我鄉相公典會試

謂朱文恪也

南金

竹箭羅群英威鳳祥麟照青史又不見上虞才子倪司
徒嘉善名卿徐寶摩

寶摩忠義字

一從軒轅歸鼎湖一望重華

泣蒼梧平臺憶召瀛州客出領度支文章伯江左安危
倚冢宰中朝尚有山公在三月拂衣歸南州鴛央湖水
空悠悠縞裝素甲起州城瞿然請入共籌兵邯鄲圍亟
銳兵至云是翩翩魏公子倉卒難分秦魏軍一握兵符

付與君

東計

至今便面入君手長弘碧血藏懷袖玉堂點

染雲烟善並馬聯鑣曲江讌五月五日追勝遊同年同
邸長相見攜李夫椒事渺茫青綾一幅懸君堂可憐四
萬陳陶盡野老年年枉斷腸

贈吳七宗潛

吳生抗憶磊落之奇才少小下筆駐風雷詞源汨汨波
瀾濶天潢屈注滄溟開寶劍曾入司空室駿骨空上昭
王臺十年長賣藥園中滿蒿萊種瓜不近青門住販穀
休聞宛市回著書數千卷把酒時一杯長佩何陸離高
冠自崔嵬有弟不數陸士龍有姪盡誇阮仲容驥子才

國朝林陽言律 卷六
氣渾無敵一時壓倒謝超宗嗟余與爾俱白首年年板
盡河邊柳丈夫不遇真知音流水高山自鼓琴

湯豹處畫水歌

米公畫山得山骨五百年來紙猶濕米公畫山不畫山
晴天雨天堆烟鬟湯子畫水亦如此十日五日袖五指
忽然倒峽與奔流寫出澄江對窓几畫濤畫雪兼畫冰
低頭聽之聲泠泠古來多少餐霞客誤落塵中人不識
湯家水米家山只在虛無縹緲間說與世人皆大笑五
百年來稱二妙

相逢行贈黃七師正

燕城城上飛黃沙燕城城下踏霜花天涯故人忽相見
低頭半日空咨嗟行人道上看如織細認鬚眉始相識
平生爾女漫歌呼我是父生汝黃七少年意氣劇可憐
揮鞭躍馬大道邊千金奉人買七首百萬酬客還酒錢
獻書直入丞相府諸將承恩擁茅土結交盡是磊落人
帳下小兒安足數一朝風雨各分散汝亦飄零作王祭
吳頭楚尾遙相思中夜悲吟起長歎我昔南遊訪武夷
小桃園裏花滿枝黃鸝向人啼不歇石門吹落春風時
黃七黃七聽吾語世上何人重交與天南地北總為家
莫道相逢在羈旅

補胡白叔稅婦行

自注崇正辛巳年事時左御史光先按浙經此
露章上劾白叔有稅婦行亡去顧茂倫為子請

作

關門吏者耽如虎張吻磨牙踞河許蕪關稅貨不稅船
吳關稅船復稅貨關門開婦女過豺狼餓充脯脯朝廷
縱使急丁錢關門何為權口賦中原窮盜已如毛不惜
誅求到寡婦樓船來簇簫鼓中有使者經關門白簡霜
威騰露布船中使者氣如龍關門使者色如土吳郡山
人胡白叔年老窮愁雙目瞽耳聞此事真眼見手製新
詞傳樂府至今相去三十年樂句飄零落何所雪灘釣
叟命我為補亡歌向關門淚如雨

寄潘江如

登眺難忘處江邊萬歲樓羨君家在此過客便同遊觀
日臨滄海看山指沃州年來烽火後一倍惜林邱

吳門同顧有孝訪江右陳允衡往維揚不遇

之子廣陵去春江潮欲平我來吳市上獨與故人行古
巷看疎柳津亭聽暮鶯歸舟望不極惟有櫂歌聲

重九前一日同顧有孝登華嚴寺藥師閣

驪珠集題
作重九前

一日同顧茂倫指月笠廟
二上人登華嚴寺藥師閣

每愁九日逢風雨乘興來尋勝地偏金閣遠開秋水
上江城回望白雲邊蕙葭極浦浮蒼靄橘柚千村入暮烟

國朝林陽詩後 卷六
歲歲自憐長作客，茱萸衰鬢插應先。

越州懷顧有孝

著書江畔自婆娑，雙鬢星星奈若何。
貧賤才名懸日月，死生交道任風波。
孔融愛客開尊待，徐稷逃名下榻多。
鏡水雲門題詠徧，知君此地舊經過。

感舊詩

柳胥

江上落花飛不去，城中春色為誰來。
歌殘爭識人間恨，日暮空聞笛裏哀。
柳葉依然垂草徑，胥濤偏欲繞荒臺。
年年過客思公子，酌盡東湖酒一杯。

梅里

躍馬西泠說沈郎，笑看簪筆侍明光。
同時兄弟金閨裏，累世聲名北斗傍。
蔓草愁雲低斷雁，高樓哀笛起橫塘。
年年湖浦桃花發，經過蕭蕭盡白楊。

春日登虎邱有感同朱茂昉趙澐吳鏞作

重到生公舊講臺，邊殘碣卧蒼苔。
西山樓閣雲中起，五夜笙歌石上來。
短簿有祠終寂寞，真娘無墓獨徘徊。
日斜倚棹烟光薄，林下提壺向客催。

答兒訥迎歸南軒韻

汝來迎我看黃花，道出吳淞江路斜。
隱隱鐘聲聞隔浦，

國朝本陳言律 卷六
踈踈林影見歸鴉早知多病原無藥何用消愁定有家
晚歲回思身計錯自增心累雪霜加

歸舍有感

一春到處看山好四月歸來住水邨新綠滿庭飛燕子
不瀆惆悵自消魂

再遊接待寺

鳥啼花落寺門開幾度聞鐘去復來不見三江橋下水
東流何日向西回

柳塘詞

水拍長天烟樹低吳淞直下遶邨西漁舟沽酒唱歌去

十里青青葉未齊

聞趙澣訃至自江陰哭之

只看無浪足風波交滿名場恩怨多靜夜哭君還自問
人生何事不消磨

沈祖孝

初名

字因生一字雪樵號雪漁烏程人有湖干

硯備當泣陶年吟安下簾等集

朱竹垞云雪樵至性之士詩皆從肺腑流出錢上

沐云雪樵居烏程時其鄉先達慕其才訪之拒弗見後其人大拜雪樵笑曰宵人秉政事必債矣後如其言周美斯云雪樵明季避亂吳江之嚴墓村與吳宗楷兄弟結鶩隱社以詩相倡和著有湖干硯備當泣陶年吟安下簾等集

悶雨寄友

一春長苦雨花柳亦蹉跎君又文園卧誰憐遠客過地

單相識少才拙畏人多悔不從漁早終身荷綠蓑

途次過潘江如

不信銷魂別河陽鬢已斑秋風遊子恨春色路旁顏好
俠看仍壯逃名好任頑時危有屠釣君亦愛青山

夜泊江城

十載郊栖不出林一航浮月繫城陰江楓冷壯南朝色
戍角寒鳴古塞音白骨幾人還入夢青山兩點自傷心
不知枕上終宵淚可比波流滾滾深

白下懷顧茂倫湖上

白下孤筇亦浪遊西湖有客共誰留江山到處聊青眼

詩酒驅人愧白頭弔古可須悲叔寶乘時猶得數錢鏐
景陽烟滅寒潮斷笳鼓年年滿越州

九日同東籬登王老露臺

望裏雙峰夕照懸一泓如鏡見湖天風流老去應人後
雲物他鄉轉自憐佳日有臺聊復爾古人無酒亦淒然
白頭破帽垂垂立憶得閒居陶令篇

方文字爾止桐城人有盦山集

樸村云中曹開爾止遊兵來吳江或居汾湖或居梅墩與史弱翁潘江如
顧茂倫顧樸水並飲酒賦詩為事亂年始歸後南來仍與邑中諸舊好往
來不絕

潘江如訪我淳湖不過書來却寄

三年不相見念子心悠哉江水將鯉魚一去不復迴故人為閩吏嘖嘖稱才子獨不屑顧棄之如浮埃聞我在淳湖遊興遂勃勃結伴邀二徐吳若菴扁舟坐超忽豈知君舟到我舟已先發參差僅數朝不得共明月昨日遺我書其言悵以悲展讀未及終使我神不怡夢寐所懷人乃至天一涯如何咫尺間相失無見期緬惟喪亂後交親半為鬼屈指平生歡寥寥數人耳于湖去京江未及五百里旋當具簑笠共泛春溪水

安 夏字朱明一字大已無錫人

周美斯云安夏避亂寓居吳江與顧有孝趙瀚包振

輩為石友以詩相唱和南九龍山樵詩

襟興

日日雙扉掩經旬罷整冠夕陽僧寺遠秋雨女蘿寒有竹深藏屋無花強倚欄新來緣病嬾不上釣魚灘

初秋寄友

年年秋水碧連天望斷楓江釣雪船彭澤柳絲疎野岸邵平瓜蔓冷湖田謀生計拙重憐病排悶詩多或廢眠牢落故人空入夢不徒雙鬢歎蕭然

徐汝璞字我石號雪漁又號雪齋道人長洲人有塞

齋集

沈歸愚先生云雪漁善詩歌遺氣復隱居白晝江自棹一艇綠菴青笠吟嘯出沒於烟波間見者疑為天隨志和有時賣藥松陵不

接賓客惟一二高人逸士相與流連晨夕品曠如柳卓如也

國朝松陽詩徵

卷六

七

安

樓村云雪漁以友朋為性命然愛山林隱逸與方外之士朝貴折節下之了不挂意也嘗寓吾邑之全福珠勝萬蓮諸寺與支山夫輩聯吟結課其懷友詩一卷所懷之友計百餘人而吾邑前輩居十之四五皆品高行潔遊跡塵外者雪漁之人之品即此可想見矣

對雪有感

欲雪天忽黃大地盡寒沍富兒厭羔羊貧兒艱尺布苦樂何其殊况此歲云莫苦者不必憂樂者不必慕雪消春自回君子安其素

懷沈次雪

自註名虬吳江人任錢塘令能雪民冤有神明之顯後以微岸去官隱居北麻溪上日惟詩酒為事

循吏歸田早衡門傍水湄尚傳為政日猶載去思碑綠酒頻供客寒燈每課兒老人曾下榻風雨對吟時

懷徐介白

自註名白嘉興人流寓吳江食廩院於岸不專事別業業雅工唐句樹檝於楓葉社中復居木瀆之上沙家山釣水

足跡不入城市

白也青山裏孤懷未易窺篝燈清夜永杯茗落花遲舉毀隨人意寒暄只自知江城何不返雅足令人思

懷朱長孺

自註名鶴齡吳江人不諳世務專精墳索懷銘揮灑日以筆述為事隱居同里其詩文見重於廣山鎮收藥著有尚

書埋傳左傳附注少陵集李義山詩註

明月人千里讀書斗柄橫寒蛩更盡語孤雁夜初聲畫壁青萍合瑤尊白墮傾我因曾問字桂棹出相迎

懷陸象筭

自註名劬吳江華野人家世耕讀僑寓梅里門無雜賓篤於友于余同志也

莘野清溪曲春風隱釣徒讀書明大義問字友狂夫百畝半栽秫一蓑時泛湖紫荊花好在昆弟日歡娛

懷顧茂倫

自註名有孝吳江人棄諸生好客破家工詩
選唐詩英華盛行於世嘗自稱雪灘釣叟

詩刪諸體正赤幟樹江城到處傾風雅一貧得令名長
安爭片紙南國重諸生野老寒邨裏停雲最繫情

懷史玉長

自註名宗姓吳江黃溪人痛親伯顏遠遊不遇幸元
弟有子遂絕婚不娶躬耕養母書法晉人詩工唐句

六世西村後黃溪跡尚存老親遊不返之子誓辭婚養
母躬耕稼明種賴弟昆餘閒時覓句雨夜共評論

懷沈幼文

自註名雙秀溪右券隱居咸湖不事生產惟養盆
魚蒔砌花以寄意與父山夫友善時人咸重之

小隱菰蘆曲超然宛鹿門孤標原拔俗得意在忘言庭
卉穿籬艷盆魚啜荇繁記從漁父引竹外話江村

高孝本字大立自號固哉叟嘉興人康熙辛未進士

官績溪知縣

沈元衡云大立好游而又工於紀游轍跡所至凡山川
勝與夫氏風土俗古寺荒碑良朋之聚散歲月之遷

流有成於中必形於堵壘其游或經年或數月或旬日歸必出其所作以
示余余不能游而讀大立之詩則如置身其際蓋跡遊之日久矣 陳書
洲云吾聞績溪有地曰印潭巨石浸積沙中吏廉則石見同年高大立作
令時沙開石露精誠所格夫豈偶然類以不善事上官挂吏議去邑人望
望然如幼子之戀其出母罷官後寓居葛氏山園日夕賦詩尚繫念於齊
土貧民凋風蔽俗天為詠歌以私致其纏綿之意嗚呼讀其詩者可以知
其人矣 陳行之云先大父黃門公之舉於鄉也出理令高公之門後公
調任績溪尋罷官歸貧不具體游客遊四方所至莫不倒屣迎先大父視
學山左延公往時孫中諸名宿皆奉公為壇坫主盟倡酬歌咏成海岱聯
吟集先大父歸田後公年老不棄與到則為舟來寓余家宿二三朋舊亦
至論古輒流連忘返以是吾終後進咸得想見公之梗槩云 陳受之云
中州彭直上太史以康熙戊辰登第超三載辛未高公赴禮部試彭舉所
餘官場贈之蓬蓽南宮高賦詩謝之曰上書自愧洛陽才分得餘
光時夢聞却笑此君緣未了三年又伴唱名來亦藝林中佳話也

蓬萊閣和狷亭作

章亥東來步已窮懸崖樓閣迥臨空鮫宮雲擁窓前日

龍氣腥吹海面風近嶼半帆番舶到穿城一曲早潮通
九州更九誰能數總在冥濛瀨氣中

身離塵界傲飛仙員嶠方壺在眼前隱隱黃邊知有島
茫茫白處總無天曾聞禱出憑空市何日飄回采藥船
岬嶼臨風試長嘯沙頭驚醒毒龍眠

乘興應須看沃焦秦皇惜未石成橋身經銀漢槎初泛
眼見桑田水乍消郭璞經中山渺渺木華賦環路迢迢
雷轟不是馮夷鼓天際青來一線潮

孤絕東牟枕大洋城尖徑仄指扶桑于今清晏無兵氣
自昔襟喉重此方人憶朱張尋運道地通遼薊策邊防

陳言紙上曾留意不覺尊前話慨慷

狷亭招看桂花同艾山安叔

龐山湖近夕陽催楊子亭邊載酒來三徑掃慙佳客坐
十分香愛好花開蠹魚趣味閒中得海鶴精神病後回
身在此非榮辱外笑他黃散盡與臺
蕭蕭疎竹 賜書樓地僻曾無客刺投豪氣不除逢二
妙竒文共賞訂千秋莫言皓首扶筇怯久約青山結伴
遊七十二峯櫻筍候定攜箬笠放輕舟

度歲偶作

一縷茶烟午夢醒春風閒殺白鷗汀康成年幸過辰已

榮望書虛數丙丁揖讓古今羅雀戶較量晴雨相牛經
老人頗似庭前草霜雪猶留隔歲青

歲月消磨此腐儒生平迴憶總嗟吁枋榆決起名千佛
葵藿經營產一夫層書展來貧點綴陳編讀過老模糊
催租未續重陽句鎖印應無吏夜呼

戴瀚字巨川號雪村上元人雍正癸卯恩科進

士及第官侍讀學士有雪村詩稿

錄武子云雪村詩以興
應勝典之所寄涉筆成

趣及憂獨逸語奪天工
不求其佳殆無弗佳已

小龍渚

龍頭山下龍宮渚大渚石殘但荒土壇瓏小渚何幸全

石小免為五丁取岑樓曲房窟室通龍去遊人柱恣拊
當年鼓鬚牙磨鋒氣吞洪濤濤敢侮可憐失勢日侵削
神龍宮不容安堵龍兮變化周九天一居壞豈無他宇
所嗟滄海欲揚塵六月江南旱無雨

毛公壇

名山愛仙仙愛山仙居合與名山緣劉根得道自何代
綠毛遍體美且鬣羅浮去來一息耳七十弟子相周旋
時與人語狎不避當時人固無腥羶遺壇片石捫古篆
洗丹兩井澄靈泉青峰複沓隘空碧古樹落穆鏗風弦
如何淳朴漸凋散白鹿不來逾千年君不見壇左壇右

國朝未陽詩律

卷一

五

變以

開新阡

明月坡

天上月入湖心明湖中月化天骨青寒濤陡落挂山足
大坡滿現明月形頗聞月大如大地山河影黑餘瓏瓏
此坡輪廣想何極根柢或恐包四溟祇今一片露微魄
略示桂殿浮虛冷何當飛入天月窟下看此月光晶瑩

歸自洞庭偶作

三載松陵興不孤飛嵐祇恨隔重湖於今身躡湖中翠
還見人間寸土無

題明高士陸野塘松陵八景詩冊後

江湖蕭散傲飛仙箬笠蓑衣望渺然只合移家隣釣雪
一竿煙水謝塵緣

勝朝中葉盛風騷壇坫爭誇百代豪誰似三高祠畔客
高吟曾不競名高

陳祖范字亦韓號見復常熟人雍正癸卯 恩科會

試中式乾隆壬申舉經學官國子監司業有陳司

業集

沈歸愚先生云見復提卷官未

破試歸著書友教善三十年大

臣以經學薦授少司成居家受官生平以天爵自重者也詩無意

求工自餘道氣不得以詞人之詩目之 陳嵩生云秀弱冠從先生遊於

舉子業初識門徑而經學源流則茫然也先生條分縷析晨夕指示并手

授左國史漢及莊子諸拙本使熟玩之曰作文本此乃有根據然須尋研

其入理造微之處若但擬拾其詞句之查牙險澁影合而塗附是務華而

失實也先生素重經史之學故教授生徒率以此為

準則今哲人云亡伏讀遺編恍如絳帳前稟承時也

國朝公陵詩徵

卷一

五

變以

樸村云先生於己巳歲授經于家百城樓時從遊者席子世傳顧子伊人陳子萬生及子四人先生嚴立課程於經義詩古之學窮源竟委歷歷指示手批左國史漢及綱鑑三通等書雖感暑嚴寒筆不停綴蠅頭小楷精整絕倫時先生之齒已七十有四矣嘗自檢舊作詩文半付祖龍私質其故曰非傳世者不足存故自檢詩稿有無為而作與為人而作者概去之語詢定錄也先生以道自任以禮自持不求榮遇而卒以經學顯非所謂定至名歸者歟

懷舊

自與君別後三宿天霜寒豈無新知好結交古所難憶
昔邂逅時共保百歲歡中更歷險艱忍飢待朝餐風雨
送蕭條愁眉共相看時復破涕笑苦志常辛酸歲月促
汝去冥途浩漫漫日夕望歸來簷前露空團亦有素心
人贈我金琅玕起我傷弦羽共作臨風翰便欲往從之
回首且盤桓盤桓復何為懷舊思無端不見緝落井汲
水不得乾水乾却見底豁然示肺肝

感秋

人生弦上筈流光迅於矢春鳥暢歡情秋蟲感衰耳萬
籟乘時鳴一心異悲喜中宵不成寐轉輾攬衣起今人
未嘗生古人未嘗死欲求不死方從師悔晚矣

感物

勁秋忽侵逼締絡等浮塵輕薄不足恃開篋理衣纒與
汝別經時還復着我身衰敝兩無嫌氣味如故人故人
不可見故衣手所紉感此三太息階前雨泯泯

寄宋玉才

汝疾全瘳未吾衰可奈何歲將名共晚愁傍酒俱多
馬叫霜邊月風寒日莫波江城兩寂寞飛夢屢相過

秋塞

何處防秋急秦城與漢關班聲驕馬意勁氣拓弓彎
雕沒黃雲裏沙飛白骨間征衣幾時寄明月望刀鏤

題袁生質中春郊攬勝圖

屈指丹青歲纔當弱冠年南園初展翼西笑即遊燕
琴碎宣陽里花開相府蓮諸公方罄折游子念裾牽人返
尊鱸國圖叢琬琰篇知名推半豹荷道必全肩骨重唐

兒器神清衛玠賢續題八十字老眼盼鶯遷

柳枝詞次玉才韻

陶令門前最寂寥五株離立復輕搖先生也有閒情賦
觸撥風懷是柳條

羌管聲中合斷魂幾時重把別離樽人生不及堤邊樹
萬縷千條總覆根

蔡寅斗字芳三號九賢江陰人乾隆丁卯舉人官國

子監助教

沈歸愚先生云芳三工古今文及駢儷韻語開四方有才人必遠道走訪之與之定交蓋以文章友生為性命者也

壬申 恩科會試自疑於號舍中不解其故人謂之遇崇文人之厄一至此耶

樓村云先生天賦靈敏博綜典籍為文必自出新意無一語拾人牙慧教弟子能因材造就勤懇不倦當授經子家時同學者四五子每問課文畢

先生援筆立成數語題向而文境不一各隨學者之工力而引之入殺具所謂循循善誘者猶憶甲子歲從先生入都雞聲茅店輕荷促轉輪數秋哲人長往嗚呼可痛也

嬉春曲題袁生質中照

春風過林學芳意滿郊甸行行復行行觸處何繾繾依
依楊柳容灼灼桃花色桃花解娛人為待尋春客不挾
安仁彈休乘叔寶車窈窕境逾轉放浪思無涯雙童共
招呼曲折屢回顧穿林捷於猿笑指前村路得非天台
徑無乃武林溪一步一流覽恐令漁郎迷攬勝有餘思
折簪欲誰贈看山足忘疲停雲目為瞪造化自舒卷景
物日以新好將圖畫意更醉上林春

遊盤山

雄奇形勝自天開遙拱神京冠八垓地勢直從滄海盡
山形還向大行迴烟雲深處迷空谷風雨聲中嘯劍臺
聞道宸章燭霄漢磨崖百丈破莓苔

懷人絕句

擬將踪跡寄雲門垂老聲名動至尊徹炬歸來清夢繞
靈巖山下月黃昏

長洲沈礪士德潛

白眼看人總不青雄心銷鑠鬢星星一從室內無萊婦
獨自天寒劔茯苓

金壇高許文炳

白雲淡淡水潺潺長謝春明老閉關只有問奇人不絕

國朝公陵詩

卷十八

七

愛吟齋

扁舟載酒過虞山

常熟陳亦
辨祖范

終古文章有定評眼前蝸角任紛爭東山花豎盤桓處

莫為彈碁動不平

會稽徐墨
汀廷槐

品羨清華聲價昂十年猶困舊詞場鱸魚蓴菜依然美

幾度秋風憶故鄉

吳江周旭
之日藻

春菊秋蘭意味幽更無人解此風流通來障扇秋風裏

長笛橫吹靜倚樓

山陽周白
民振采

包士曾字省三一字心山號橫圃武進人陽湖縣學

生有橫圃詩文集

陳行之云庚午秋橫圃於泰漣旅次與之談
書味益然予心重之迨西成之歲橫圃下帷吾

邑之南城汪子館舍不數武將相過從得盡窺橫圃之性情學殖橫圃為
古文歸出入曾王闢詩詞由北地歷下上摩唐人之壘與人交脫略形迹

以古道相期予愛且敬之嚴俊勝陽數載至乙酉大比重晤於金陵橫圃
之詩又增數法而積習則年成霜雪矣試讀還里門騎月有友人自滬陵
來知橫圃於中秋後二日病沒燕子磯舟次嗚呼文人數奇一至此哉予
突之有詩云苦吟垂白卧柴關畢命如何道路間腸斷石頭城下水孤蓬
祇載旅魂還至今追念
舊遊不禁淚落澤澤下也

渡震澤歌

拍手渡震澤蕩蕩開心胸壯哉三萬六千頃中涵三州
五道七十有二峯稽天浴日流浩浩波濤捲出青芙蓉
我聞咸池五車之精落天上又聞洞庭之山林屋洞下
與羅浮岱嶽王屋峨嵋通譬如人身有膺穴元氣渾合
無不充斯真洞天福地不可測煙雲變滅金銀宮咄嗟
夫差句踐竟安在湖山萬古青濛濛乃知神仙真英雄

周明公詩文

卷八

七

愛吟齋

假不如排空御氣馴蛟龍天風起兮湖水立忽然蕩瀟
瀟薄疑有雲車縹緲行虛空我今騎鯉尋毛公

立誠堂讌集同沈夔典周鏡湖家字廣賦

昔年曾滯巨區口釣雪秋風落吾手垂虹亭下兩重陽
甲戌蘇頌齋
即席句也惜別懷人折揚柳今來八月丹桂香鱸魚正美
萼絲長城南良夜集好友重挹湖山賦草堂

座中舊雨總可憐只有一祖先著鞭謂南雄飛雌伏竟難

說且復矯強稱豪賢沈君淵海不得遇并欲勸我撒詩

賦夔典云時下競趨詩賦詩未經
賦學必疎吾輩并詩賦可不作也七十二峯好著書便可相從掛

帆去

周郎才興無不有夙昔雲霞與我厚今朝共醉酒數升
近製朗吟詩百首楓林颯颯吳江流相逢壯士悲高秋
江天明歲白門月約汝狂嘯秦淮樓

主人先世雙玉枝大蘇小蘇連鑣馳立誠堂中富圖史
後生朋輩追風期興酣拍手唱銅斗况復盞胸善飲酒
醉來不數太湖精滿紙雲烟墨濡首

感舊述懷四首答陳行之

六朝興廢地八月往來潮邂逅清淮水同經長板橋前
塵拋楚玉今雨泊吳舫共惜芙蓉晚秋江對寂寥

海岱聯吟日珠盤耀使星龍孫今寶樹燕翼古遺型風

雨劉生戶芸牙杜氏經典宗還可卜世眼竟誰青
托跡江湖近過從臭合蘭論文香共細賦劍酒俱寒風
月闕劉許雲龍想孟韓從知敦古道金石落毫端
海内存風雅知音宛在斯垂君千古眼賞我五言詩敵
國標雄幟長城破銳師報章羞織女明月鑿機絲

東吳秋感

葉葉楓林玉露凋吳淞暮雨暗長橋五湖波浪寒星斗
七浦風烟冷海潮底定神功懸日月飄零霸氣剩漁樵
棹歌聲裏秋將老百尺江樓極望遙

天椒舊事漫回頭劍氣當時動斗牛江水不消亡國恨
湖山長抱美人愁烟波寂寞魚龍窟蘆荻蕭條鷗鷺洲
極目姑蘇天色遠梧桐又值一年秋

蒼茫煙樹冷吳關指顧江湖襟帶間笠澤西來長到海
莫釐南去迥連山潮鳴伍相千年恨雲送鷓鴣夷一片閒
澤國由來風景地不堪蘋蓼滿溪灣

晚泊垂虹

暮色垂虹野望宜綠槎明鏡動瀾漪烟波江上漁歌遠
霜露天涯客夢遲一碧雁秋樵水盡亂紅楓冷小鸞詩
吳淞舊興當年記又是西風繫纜時

松陵雜題

一幅魚龍水墨圖石湖南去接鶯湖樓舡細雨飛青雀
士女平橋唱白鳧

珠簾春捲海雲頭曾貯佳人字莫愁今日芳菲銷歇盡
斷紅無主上西樓

白石曾經傳麗句小紅低唱我吹簫詞人往矣風流在
何處甘泉第四橋

斜日吳淞散綺霞汾湖宛轉認誰家疎香芳雪都成夢
腸斷堂前姊妹花

黃思喆字莪山一字鉢山華亭人

陳受之云華亭黃鉢山吾里顧明經秋田高弟也來學於我館冠後得瘧疾棄筆不事專力於詩又嘗僑居吳門夏侯橋以醫自給年未三十能條以死擬諸其紳殆周勃而夏存古一流人歟

早梅

蕭疎籬外樹澹宕水邊枝雪夜忽爭放春風渾未知酒
家殘夢後驢背獨吟時乍得相思慰高樓笛漫吹

晚春

雨雨風風春色老鴨頭水暖漲空江好花過眼愁三月
芳草懷人夢一窓綠暗林間鳩語亂泥新梁上燕飛雙
含情倚遍闌干曲擬醉香醪倒玉缸

觀浦

江邊徙倚最高臺一片秋光望眼開樹杪帆檣隨雁沒
海門風雨帶潮來悠揚忽起漁家笛瀲灩聊傾野客杯

國朝松陵詩徵 卷九
欲弔當年楚公子烟波無際重徘徊

題鄒拙存舅氏山塘新居

舅氏幽居水竹邊客來盡日足留連
芳塘曉雨吟藤滑小閣春風醉帽偏
帘影橋通沽酒市櫓聲門泊載花船
青山滿座披書帙知愛蒙莊第一篇

秋江詞二首

蘆荻花明雁到時江樓殘笛雨絲絲
秋來多少銷魂句付與吳娘唱竹枝
謝練平鋪浪不生輕搖蘭槳鏡中行
懷人欲采芙蓉贈一片秋江萬里情

旅懷

風風雨雨惜春三擁鼻微吟酒半酣
一種鄉愁消不得落花時節夢溪南

廢園花

壞墻猶映幾枝紅舞榭歌筵想像中
歲歲吹開復吹落不知興廢是春風

國朝松陵詩徵卷十八

國朝松陵詩徵卷十九 方外

邑人袁景輅質中編次

邑人袁益之扶九

邑人顧汝龍配京同輯

炤 影字指月住梅里江楓菴有鏡齋集

王寅旭云指公蕭然一室而高

士翁仲謙周安即俱以無家寄居所從還者如此其賢可知矣張雪堂云指月居西郊之江楓菴菴名淨土指月始收今名指月與翁仲謙係介白顧茂倫來長孺諸先生遊諸先生皆名動當世而四方名流之過吾邑者假江楓以居傳故指月詩名亦遍江浙

題顧茂倫村居

持竿傲楚使長嘯將何之
人生各有志與世無心期
卓哉顧夫子隱耕東犂苗
捲書挂牛角冲烟出茅茨
幽禽

國朝松陵詩徵卷十八

國朝松陵詩徵卷十九 方外

邑人袁景輅質中編次

邑人袁益之扶九

邑人顧汝龍配京同輯

炤 影字指月住梅里江楓菴有鏡齋集

王寅旭云指公蕭然一室而高

士翁仲謙周安即俱以無家寄居所從還者如此其賢可知矣張雪堂云指月居西郊之江楓菴菴名淨土指月始收今名指月與翁仲謙係介白顧茂倫來長孺諸先生遊諸先生皆名動當世而四方名流之過吾邑者假江楓以居傳故指月詩名亦遍江浙

題顧茂倫村居

持竿傲楚使長嘯將何之
人生各有志與世無心期
卓哉顧夫子隱耕東粵菴
捲書挂牛角冲烟出茅茨
幽禽

轉高松望空引遐思時呼漁人飲問月來何遲回眸瞻
北斗陰雲凝天池放歌忽揮涕今古事如斯且復倒金
樽生涯何足知

兵後晤仲謙介白茂倫

歸來秋正暮流淚見交情木落吳門晚風高雁陣驚艱
難同此日悲喜重餘生戰壘橫黃霧愁聽哀角鳴

安慶府

南北稱雄鎮江淮接鼓鼙濤奔皖口急山壓土城低古
戍留殘壘漁帆帶斷霓千秋公瑾塞日落大瀧西

破窓

窓豁倚空亭櫺櫺月自清溪深涵夜雨樹古落秋聲寒
煙孤衾薄蟲窺燈火明憑軒意無賴獨坐見參橫

聞角

哀角聲何切寥寥此夜長可憐南浦月更下北庭霜漸
起栖鴉翼應回斷雁行愁人難及曉望遠意蒼茫

春日再遊西湖

薄靄輕風得再遊畫船曾艤六橋頭繞隄桃柳偏憐客
夾水笙歌易起愁鶯燕漫隨新笑語湖山猶記舊風流
昔年儔侶知誰在莫負春光且少留

吳茂申見過感賦

國朝本隱言
秋風颯颯獨相過說盡艱辛鬢已皤莫道故鄉烟火少
祇綠江岼鼓聲多江山萬里看黃霧松竹荒園坐綠莎
冠蓋寥寥休問訊五侯茅土近如何

歲暮

歲暮栖栖掩葦門寒燈白髮照黃昏歸鴉繞樹霜凝野
落葉翻風月滿村五夜悲笳堪墮淚十年戎馬已消魂
半鐙殘雪聊娛老松火孤懷強自存

祀翁仲謙

有序

丁酉暮春齋中獨坐忽憶故友翁仲謙不覺涕
零聊為設祀哭之以詩時三月二十九日是其

十載忘辰也

君時慟哭五湖東身世飄零似轉蓬不謂一經垂白首
竟緣五馬渡秋風平生歌嘯幽冥隔疇昔艱危出處同
十載鶯花猶濺淚西臺涕泗自無窮

春感

畫橋花鳥不勝春日日江頭哭故人漫學嵇康多懶散
獨哀庾信久風塵碧桃殘夢三更雨楊柳新愁兩世身
無那東風吹白髮勉來溪上問通津

初冬甘泉莫歸即事

吳淞江上晚山橫十里菰蒲風露清碧水淡烟群雁度

寒塘古廟一僧行
疎林帶郭移斜照
長笛誰家弄月明
少伯扁舟何處去
波濤渺渺向東瀛

輓俞無殊

春日班荆鬢已皤
別來忽報唱蒿歌
東吳詩價還爭謝
西竺經聲解是何
自註公未絕故白日更悲者
舊少青山偏葬故
人多漫思握手梅
花裏書卷蕭條被薜蘿
自註採梅時每造公處清談竟日

送友人之粵

班荆江畔話桑麻
十載相思鬢已華
殘雪今宵逢故友
春風明日又天涯
江山萬里君頻涉
水竹孤村我獨家
燈下計程多慷慨
到時應放木棉花

丙戌春月望後作

融融春日更心驚
霧暗空城哀角鳴
花柳夢中尋笑語
江山愁裏過清明
杜鵑啼恨何無賴
碧草搖風自有情
記得江頭艤畫舫
鶯聲燕語似前生

蔭 在字香谷號檉菴有香谷集

潘喜曾云子與香谷先後師事寶雲香谷少時手授

濟南詩選揭摩律西盧先生見之曰子欲為詩而讀此不畏為附入腸
手因授以窮經探史之學不數月遂以詩鳴寶雲嘗云詩文家有生死兩
路若走入死路縱極工麗亦剪髮之花耳嘗手評蘇州陳后山之詩以
教學者故遊兩先生門者皆能自拔於塵塵濁濁之中而香谷則尤其超
然直上
者也

檉村云檉菴望甫氏子諸生羅浮山人堯臣之弟也順治丁亥始為大都
妙華菴僧其自述有九齡失所怙十一脫塵氛句後參月涵和上於補船
有三十遇異人授以讀書秘訣後去之海島旋歸寓雙林寺三載有廿七
聚妙林同心得三四句乙巳冬隨竟封月和上之湘中以病日先歸有廿

九走瀟湘山水窮興致句丁未復至雙林以志癡結歸卒於妙華時甲寅之秋也年三十有八詩宗山谷以幽深古峭為主兼有似盧仝劉叉者與兄堯臣輩相唱和往往以奇語勝人遺集六卷

秋懷

得句似生疥癢極不可耐安得麻姑爪一搔始痛快鐵鞭未及背玉盒忽得蓋掘著忽狂叫衆皆愕然怪我自愛吾珍撚入古錦袋歸來炷瓣香獨向詩神拜英英連眉君為我細讎對

清溪百尺深到底見細石荇絲礙遊鯉洋洋掉尾赤邀懷羊裘子高卧富春澤釣魚不釣名故人安用責伸脚星辰動却笑天何窄

漁村

枯藤絡危石略約不可渡漁路淡如烟烟中有人住忽聞欸乃聲長短自成句棹入明月灣幽村隔雲樹蘆花風蕭蕭秋水飛白鷺

夕霽

前山爽氣來草樹綠未歇雨後開軒窻愛此碧潭月潭水清若空月華澹如雪夕霽天無雲流光滿簷缺炯炯若有待攬之不可得蕩漾碧玲瓏夜久空嘆息

仙頂

白葛花濛濛清溪數百丈攀蘿學魚貫絕頂忽開爽長

風掃烟霾日色頓清朗草木多葱蒨靈泉滴空響樹杪
置丹室漂搖如釣舫四面無軒窓萬象供幽賞峰巒秀
可掬青翠如在掌不探山水奇安知天地廣鳥道無人
跡孤雲自來往

訪隱

問盡採樵者無人知隱君萬山最深處相隨惟孤雲

羅浮翁沈山人枉棹歸值風雨

白鳥飛還住恰當枯柳根品評山水格跌蕩齒牙論路
入詩中盡舟行雨外村漸聽伊軋斷柔櫓過溪墩

宸翰碑

鐵畫銀鈎係夢思知音曾有梵隆師難尋故國千年跡
賸有空山八字碑苔蘚剔開圭角露蛟鼉飛動篆文奇
不迎二帝談仁孝記得群姦和議時

自註黃潛善汪伯舟
秦檜前後均主款金

廣 閒字竹忘聖壽寺僧

螺谿石筍歌

晴巒引我來溪邊沙隄突起何森然驚看玉立宛如筍
不生枝葉生雲烟未有疾風解其籜枯藤縷縷從頭縛
石犀同立澗溪中知是五丁天半鑿

寒食雨窓偶書

去冬猶作省親詩詎料今朝只有兒記得桑條如此綠

年年阿母浴蠶時

照 音字溯聞一字雪岸

雨中坐指月齋頭同安節潛菴分賦

郊原春雨足細草蔓衡門樹老風猶勁烟迷畫作昏苔
痕依古砌山色映荒村賴有同人集新詩共討論

雨阻江楓菴呈指月

澤國春寒風雨多思歸遊子復如何低徊江漢愁烽燧
悵望江山老薜蘿漠漠陰雲迷遠岫依依弱柳浸寒波
明朝買得扁舟去漫聽吳儂欸乃歌

行 荃字竺蘭

偕指月雪岸一晚諸公訪顧茂倫

雲水纔栖息南林復送行只因爾我意互作主賓情遠
樹迎風冷虛舟載月明已知尋夢趣渡口暮煙橫

秋夜同雲從叔山齋坐雨

蕭蕭樹裏挂重泉水氣侵人夜未眠漫倩殘碁敲雨後
更攜新茗話燈前風吹蛩語依幽砌笛弄秋聲入遠天
容膝豈堪長者至良時相對暫留連

祖 震字成忍

南峰遇楊正則

舟泊寒泉下夕陽將半山盤旋松磴裏登眺石門間破

院僧初葺空亭鶴未還南峰遺記在細讀惜苔斑

重陽日同莊嚴遊吳山尋畫眉泉

細雨初過菊試妍九龍飛翠媚晴煙山橋野店簫聲接
古渡橫塘帆影連薄暮聽歌紅樹下同人移杖白雲邊
畫眉蒼迥千松杪努力欣賞一勺泉

聞元歎往金陵兼寄州來

莫秋江畔足涼颼夾岸蘆花作雪時遙喜二難踪跡合
秦淮水閣夜論詩

明

龍字潛菴

原名其宸
字青雷

除夕

又是歲除日吟詩續舊題麻衣頻拭淚殘夜獨餐齋道
路多艱阻山川尚鼓鼙言歸何日好愁看暮雲低

超 慧字霞影

題蘆墟泗州寺

澤國蘆花滿野霜寺橋寒月照蒼蒼不堪夜泊鐘殘後
落盡秋聲雁幾行

際 時字聖宣

同茂倫松之惠開南津晚眺

隨君移步出幽篁郊外初聞禾黍香千里落霞分遠樹
一川秋水浸殘陽荒臺寂寞經風雨古寺淒涼近野塘

更向石橋清露薄數聲歸鳥音聲蒼茫

際雲字三素號裕菴

曉望

孤城清漏盡起望更悠悠極浦秋花發遙山曉霧收晨鐘出水寺寒日上江樓顧影何岑寂閒看麋鹿游

訪徐元歎先生不值

天池北下轉西隈樹裏柴門逐水開久立敢題凡鳥去移時惟見白雲來孤松抱屋形如蓋千澗分流響作雷只在此山何處問閒情合與月徘徊

過簡草菴

斷岸平橋水一彎綠楊影裏閑禪關漁舟日落歸村晚忽聽鐘聲出樹間

初夏過介白山居

曲徑陰陰夏木清四圍新綠浸池平偶來談笑踈籬下時有黃鸝囀一聲

含芬字湘重

孤雁

北塞風霜苦南征又失群獨飛誰作侶無字不成文寒影驚秋月悲聲裂暮雲可憐孤唳夜愁客正先聞

攝漸字行斯

江亭晚眺

樓閣生寒處江亭欲暮時帆歸楊柳渡鳧宿荻花陂疎
雨千家靜孤烟幾處炊漁舟猶不返垂釣自遲遲

秋日白隄塘

蕭蕭烟靄白隄塘閒逐鷗鳧泛野航寒日半河菱葉紫
西風兩岸稻花香

海

溯字敏流

原名朱燦
字長明

題張雪窓新居

數椽栖獨穩托與在雲烟屋裏探山水杯中識聖賢無
弦琴韻古有夢筆花鮮落落塵埃外書成儼太元

智

潮字香水北麻永樂寺僧有歸來堂稿

棧村云香水蘇溪村楊氏子年一七薙髮永樂寺平生默然無定跡晚歸
永樂初地大覺過柳塘遺使相邀竟不一往其孤介如此能詩善畫俱不

俗

歸後

拂袖青山後鋤茅綠水前草深三月雨柳暗一溪烟形
跡從今世情懷只昔年故人心不負期汎五湖船

立夏後懷友

午飯纔過就石眠茅茨深掩一溪烟花開花謝半春夢
乍雨乍晴初夏天記得別離曾折柳喚將歸去是啼鶉
青青為惜池塘草漫向東風憶惠連

太湖南岸望洞庭諸峯

碧草蒼葭古渡頭，白雲隨杖到汀洲。
群峰送爽天如洗，萬頃翻波地欲浮。
歸去淵明三畝宅，泛來少伯五湖舟。
憑虛弔遠成千古，笑挂詩瓢記此遊。

一 斑字定宣主席古南石佛等剎退居一螺山房

有耕烟室詩草

敬亭人云黃山谷詩松夜詩云可
去面上塵三斗予於定宣詩亦云

聞思菴紀事呈蓮社諸君子

雨港烟村容散人，菱池蔬圃少風塵。
過橋一徑見城郭，沿水數家成比鄰。
性懶便教棲易穩，情真反訝句難新。
破除岑寂君知否，影動碧潭楊柳春。

吳仲謀輓詩

劈篔強賦哭君詩，寂寞東林事可知。
約看梅花花已落，月明猶自照空枝。

超 源字蓮峰自號紫衣道人，和人主接待寺

愚先生云蓮峰見知於世宗皇帝，召入內庭，勅主吳中怡賢禪寺。一時
尊宿也。而其詩揣摩王孟，最得真幻妙融，化出之殊。有空山冰雪氣象。
蔡芳三先生云：予向於故友程風衣屋上識蓮峰上人，歲壬戌，予館於同
川，偕來生質中至怡賢寺訪之。時上人在淮，悵然而返。今夏，上人忽過訪
問，何以至此？曰：年來版喧珠甚，此間香岳居頗清靜，聊憩息焉。因得其未
蒞集讀之，悠然如雲之出岫也。朗然如月之印潭也。舉釋典元妙之旨，權
脫而融化之一。若王孟陶謝亦復去禪不遠者。遂與質中挑燈朗誦，時雪
初霽，天風入樓，萬籟俱寂，清光泠泠千里。一碧塔然，冷然不知此身之在
塵世質中。語予曰：此未歸之詩。

境乎？予與蓮峰皆相視而笑。
樸村云：蓮峰上人，以怡賢寺在虎邱山塘，塵露未斷於乾隆壬戌，遷主邑
之接待寺。時先師蔡芳三先生授經我家，上人為師，舊契往來，嗣唱月必

三四至後于隨師北遊踪跡遠跡及于歸而上人已抱病返怡賢矣在江
三載與予交最密為人心境空明一塵不染發而為詩為畫為字莫不如
其為人口邑中詩僧土著者首推照影流寓者首推蓮峰照影以悲壯勝
蓮峯以高淡勝成就不同要皆卓然能成一家言者豈特一邑中宗門罕
其匹哉

題畫

溪口有亭巖邊有屋不見人歸空留雲宿

冬夜對月思親

如霜明月光盡力拭不去浮雲從空來清輝不知處耳
目無所施了然得真趣鶴唳天風生蕭蕭吹玉樹展轉
憶慈幃夢中久無路一陽雖復來無那歲云暮別意同
月懸脉脉共誰語

香虫雜咏

清夜坐虛堂倏焉憶存沒愁腸如轉輪神思自超忽沒
者竟何之存者隔楚越人生能幾時離別堪驚骨
茅簷遶群木亭午猶含暝炎曦無路通風蟬有時聽林
深鳥不啼水湛魚如定夜涼詩境生松月篩苔徑
我愛香虫居不出香虫道香虫松檜多歲寒可長保上
巢千歲禽下庇不凡草所嗟浮雲徒歸來苦不早
明月顧我影涼風襲我衣四壁何蕭蕭草蟲相因依如
泣復如訴嚶嚶念寒飢感此不能寐夜深吟轉悲
宿雨洗煩暑烟消月初上林薄翠猶濕披襟納閑敞花

國朝松陰詩後 卷九
落苔砌斑雲歸石樓響水南吾故人安得共吟賞

堯峯道中

昨日入山日已暮今曉出山曉猶霧山靈笑我何茫茫
去來不識堯峯路堯峯路留客住空林風吼雲隨步

客夜

檻外烟霞合牀頭蟋蟀鳴那堪為客意更值送秋聲樹
老連雲冷簾虛逗月明所思不可見寒柝起孤城

即山堂雜咏

空山閑旅夢時物得春情古路無人問幽花到處生碧
嶽晴似沐孤磬靜邊鳴草嫩承趺坐看雲度水程

登昭陽拱極臺

寂寞昭陽客時登拱極臺故山何處是孤雁帶霜來羨
彼收綸者悠然鼓棹回城頭秋草路蛩語為誰哀

宿長安乾明寺

湖村開晚霽紺殿露秋林鼓棹滄波遠到門黃葉深茶
烟禪榻靜松月客堂陰一宿乾明寺空諸萬劫心

卧病答心鑑長老

四大原無我何妨病此身獨悲千里客難見白頭親敬
枕竟無夢看雲倍愴神多君頻慰問清話自生春

待月東蔡芳三先生

客中除對月何處可吟詩每得神來句多於月上時山
川無匿影草木絕繁枝欲覩光天地寒更坐莫辭

與雪林上人南屏話舊

雨積南屏客夢寒喜逢白足共盤桓能忘物我情方洽
略辨酸鹹事即難鐘向亂雲深處聽山從涼月出時看
門前湖水無今古早晚還期把釣竿

題畫

澗草曬花雨後香米家山下路微茫軟紅不與滄波接
莫怪無人到草堂

春浦風生岸柳斜好山何處著人家白雲遮斷橋西路

不許漁郎問落花

明 印字九方一字雪幢晚號紫藤主人常熟人主

接待寺

既發村云已秋予至松陵寓華嚴寺之西偏時師住接待寺
邂逅定交歡然如素相識師雖學於佛而好讀儒書向善問

有儒者氣象詩不多作偶一拈筆清直洒脫振
落一切其師蓮峰素工詩固知河源有自云

樓村云蓮峰去香岳寺其弟子雪幢繼主之自癸丑至丁卯凡十五年能
讀儒書喜與文士交清超脫俗迥異時流詩工秀中具瀟灑之致能得未

體者

登香岩一覽樓

底處堪舒野士眸松陵南寺倚層樓簷虛遙挹金庭翠
樹老平分笠澤秋千里煙瓢從躑躅十年萍蹟漫淹留
苦無支遁談空語頑石何能更點頭

蘭村遠帆

孤村渺渺具區東
蟹舍魚莊趣莫窮
捲幔湖光五百里
亂帆爭送夕陽紅

悟 持字允修佳持無碍寺有竹窓詩鈔

樸村云允修嚴慈吳氏于其家世有詩人允修紹家學亦能詩編流作禪語固是本邑世於詩當一編之竹窓無一字一句涉內典者而靜細中復鍾秀色如夏日行萬竹中清陰匝地令人塵煩盡滌

秋夜寄懷丹文激帆掌綸誕升諸兄

木落秋容瘦
天空夜色清
懷人腸欲斷
照我月偏明
咽砌蛩音碎
搖窓竹影橫
今宵難假寐
無限別離情

遺意

小幄燈翻夜影寒
年來已泯舊悲歡
事無過望心常穩
世可相忘夢亦安
架挿任教千卷破
囊空何用一錢看
衡茅擬築楓江上
吟盡西風萬木丹

野景

古木雲深一徑通
茅茨不剪野人風
豆花棚底斜陽外
閒對秋山看落紅

楊大綸字心易自號集虛道人住棲真道院

樸村云邑中黃冠自前明以來無能詩者故詩承詩略詩粹諸書未載一人今如集虛道人其僅見者道人貌清癯然有塵外姿工書得歐陽率更筆意作小詩出語微妙自脫埃垢殆白玉瑤一流人與

病中

兀坐掩關久苔深竹徑荒松風吹晝靜梧雨滴更長養
拙琴懸壁消閒書滿牀俗塵緣此却長病亦何妨

種竹

種竹未成林蕭疎趣轉深高纜茅屋覆橫欲石堦侵篩
月光搖座敲風韻入琴虛心與勁節在在洽幽襟

吳士範字子聖住仙源道院有延陵詩草

訪山人不遇

為訪逃名侶尋幽不憚遙野煙隨逕轉石戶帶雲敲澗
水遺深響松風寄遠颺鶴飛招不得歸去想孤標

喜友自南來

知君不失望目斷越南舟忽見如新友懽然道舊愁溪
雲增秀靄塢竹倍清幽莫動思歸楫江頭驚白鷗

斗室

邇覺天地窄此中偏有餘讀書延古哲修己惜璫璣心
與白雲遠道借明月虛廓然海宇外隨寓即庭除

獨鶴

想栖松樹遍何更隻身飛碧水形雙照孤雲天共微放
情自高遠馴性獨來歸念爾終仙去山家誰候扉

周 曙字聞曦號松隱住仙源道院

仙巖舟次

一度仙源路冷然清道心曠懷遲皓月幽思落寒汀鶴
去煙霞冷雲歸洞壑深輕槎隨楚景留咏越溪吟

贈聖因上人

即此隔人世何須更買山猶嫌雲水競獨自閉寒關鐘
響空明境鶯啼杳靄間毒龍思聽法隱躍出溪灣

偶作

檢點山齋事事幽煙雲常起墨池頭試臨一幅王摩詰
疑入陂塘五月秋

王

彰字嘉言號蘭舉住純陽道院有蘭舉詩草

沈

堂云道人貌清癯不苟言笑能詩
善書尤工於畫得石谷山人筆意

即景

開扉見遠山雲繞竹松閒日聽泉聲沸時驚鳥語蠻草
橋疎樹外野艇碧溪灣未許塵埃到清風拂座間

國朝松陵詩徵卷十九

國朝松陵詩徵卷二十

名媛

邑人表景輅質中編次

邑人陳毓咸受之同輯

顧我魯瞻泰

沈氏字倩君光祿璟次女

悼甥女葉昭齊二首

雲靜烟飛降蕊淵幽蘭比格錦為篇傷心賺夢梨花月
閒鏢春風聽杜鵑

無賴啣哀訴上天願兒世世絕情緣香魂莫作催花使
恐見牽愁並蒂蓮

國朝松陵詩徵卷十九

國朝松陵詩徵卷二十

名媛

邑人表景輅質中編次

邑人陳毓咸受之同輯

顧我魯瞻泰

沈氏字倩君光祿璟次女

悼甥女葉昭齊二首

雲靜烟飛降蕊淵幽蘭比格錦為篇傷心賺夢梨花月
閒鏢春風聽杜鵑

無賴啣哀訴上天願兒世世絕情緣香魂莫作催花使
恐見牽愁並蒂蓮

悼甥女葉瓊章

不見粧臺佇玉姿春風何必到花枝
繡籠鸚鵡嗔嗔語猶是兒家舊教詩

沈靜專字曼君光祿璟季女

月下吟

明月中庭白流光萬里清夜深凭曲檻
獨自聽秋聲

張倩倩一字無為明贈待詔基曾孫女上舍沈自徵

室

周笠川云倩倩沈宛君之姑之女也工詩及詞素與宛君善
女其女瓊章瓊章風慧兒時能誦毛詩楚詞倩倩教之也

詠風

蕭蕭竹徑鳴卷幔如有情木落寒山裏
千林共一聲

過行春橋

行春橋上月如鈎行春橋下月欲流
月光到處還相似應照銀屏夢裏愁

沈智瑤字少君宛君妹陳國珽室

憶昭齊瓊章兩甥女

獨立閒庭憶玉人露桃花下月如銀
人間縱有傷心事不及泉臺半夜春

李玉照會稽人上舍沈自徵繼室

樸村云玉照年二十五夫
亡撫孤守節三十八年

寄遠

瀟瀟風雨秋君去路悠悠此日登高望遙山生暮愁

哭宛君姑葉安人

有序

妾生會稽長於燕中從夫壻南歸卜居吳趨聞
大姑文采風流私心向慕奈夫壻年年飄泊空
訂歸期竟成虛話豈非緣欠三生晤難一面不
揣鄙薄聊附輓章

三年空望剡溪船惆悵兒家蕩子緣却似蓬山風引去
不教凡質近神仙

顧氏處士有孝姊蓬萊令沈自南室

夏日偶吟

千竿修竹繞幽溪清影蕭疎入戶低好是午餘殘夢後
綠陰深處有鶯啼

沈憲英字惠思一字蘭文明中書自炳長女葉世俗

室

樸村云蘭支年十七適戚期成期究
君之三子也越二年歲期卒以謝世

哭昭齊姊

雲散遙天鎖碧岑人間無路月沉沉可憐寒食梨花夜
依舊春風小院深

花下憶瓊章姊

弱水蓬山夢不分紅箋無處寄行雲海棠睡醒清宵月

影入紗窓疑是君

沈華髮字端容一字蘭餘明中書自炳次女諸生丁

彤室

橫村云端容工吟蕙善繪事從姊淑女
字少君亦能詩未字而天有瑞香別集

春草

郊原新色入芳叢樓上盈盈一望同弱柳三眠縈嫩綠
落花萬點襯殘紅燕泥細剪萋苔雨蝶夢重迷杜若風
逗得池塘春意好王孫歸馬戀瓊瓏

春夜憶昭齊姊

春寒香靜月朧朧閒捲湘簾罷綉工蘭燼花含人不寐

獨吟殘句送歸鴻

周蘭秀字弱英沈媛之女嘉興諸生孫愚公室

曉起

曉看疎柳挂樓西霧合秋窓半欲迷衾冷不堪重索夢
黃鸝飛向隔花啼

輓昭齊表妹

三生石上指空彈讀罷楞嚴靜裏觀塵土何堪埋玉樹
梨花小閣又春寒

沈闌闌字宮音上舍自繼女烏程王珉室

陳行之云宮音
母氏若卿若工

嶺山水人物用髮代線宮音傳其技更得畫家氣韻嘗為顧茂倫先生刻
雪灘濯足圖尤梅萼朱竹坨陳其年諸公題味滿幅于嘗於友人處見之

水扉

盈盈江上落花稀何處鶯聲到水扉望裏春山春最近
看他出谷一雙飛

沈蕙端字幽馨光祿環從孫女嘉興諸生顧必泰室

橫村云為蕙少正詩詞尤精曲律嘗作小令較昭齋瓊章為時人所傳

雙燕

雙雙燕子入庭來杏葉深深浥露開為語東風莫吹散
一簾花影任徘徊

顧氏明孝廉廷禎女長沙令趙玉成室

浦城樓晚眺

遙見江吞日相看水接天晴光翻錦浪萬里夕陽船

湯尹嫺字洽君明諸生三俊女計來室

計甫草云嫺洽君

嫺絕粒死嫺善詩歌填詞畫花卉翎毛其父俊民家教也善天文歷律口誦或天歌手指天文教我母及子八九歲從嫺學觀星緯指示歷歷又善測各開方立方算算皇極經世諸篇鼓音射覆之學其舅氏陳口卷所教也

悼亡

昔夜寒林雙聽雪今夕秋窓獨愁月凝眸視我綺羅衣
哀被霜花侵白骨

陸觀蓮字少君號兩鬢道人桐廬山人及丹生室有

蔣湖寓園草

沈南疑云山人初居吳之專諸塔右後隱震澤之西邨草屋蕭蕭烟火時時惟與道人唱和比會聞歡笑聲則

道人詩成山人擊節而歌林鳥栖宿皆驚起于詞女點道人相授書曰馬山人有詩曰室中有高士十年能樂飢又曰棋茶最幼小獻歲解吟詩兼紀

寔也復移住歲澤三年最後以避水患隱嘉善蔣湖之西園亦三年康熙丁未山人將攜家入九峯道人忽病而逝又三日女點亦逝

寶劍篇贈外

吁咄哉荆卿劍術既不成雖有寶劍徒空名千年黯黯
閉秋水雙匣眇眇埋龍精狐狸夜號風雨惡蛟螭晝舞
波濤驚我持此劍若明月衆星朗朗隨其行又持此劍
若白日群妖退走攬槍平挽槍平衆星沒送君贈君君
莫惑古來遇合自有時神物出處當知之

將攜家入九峯題西園一票軒

懶向桃源再問津西園擬欲結芳隣風花雪月無多景
南北東西只此身九點烟巒長在望三年燈火自相親

茫茫漫說劉安事雞犬雲中恐未真

臨曹娥碑

維神曾寫十三行老筆無如此更强看取上虞江上水
至今東望正蒼茫

及 點字季齋小字墨姑丹生女

沈南疑云墨姑生而奇慧九歲能詩年十六未字母

死三日姑亦卒其自跋詩卷云點三歲飄雲從二親於外郡十年夢想思一返於故園蔣湖以避水而乘舊廬若望洋而止老母倚北堂而與歎中夜扶窺以長吟非無慰藉之詞實多於邑之詞晨寤乍啟瑤瑤之硯匣自隨夕燈徒煎蒲翠之筆林不去以是長見笑於鄰女不解看花或見請於閨人何知闌草情緣此遺緒以此深笑駕言當秋攜家渡泖攬九峰之奇勝移歸金庭專一壑之幽閑飄飄雲嶺情瓊巖而延佇玉軟以上馳曰父曰兄尋乘藥之赤松且暮可遇為母為女盼傳書之青鳥闌關非遠爰奉命於慈闈篇分甲乙藁流輝於彤管字辨宮商庶幾塗翰而成不須石差香毫以詩有取香茅

和母寶劍篇贈兄

牀頭夜半雙龍吼光攝群妖暗星斗風雨霹靂一瞬間
木拔沙飛石亂走古來神物本平常遭時遇主生晶光
拂拭霜花將解贈時無烈士空旁皇空旁皇莫嘆息木
蘭唧唧當戶織阿兄少年射白額歸來摩娑看大白

憶震澤西村

忽忽難忘處西村明月中荷花低拂露菱葉靜含風烟
火經旬斷音書隔歲通茅堂知在否應有白雲封

和母寄兄

離群鳴雁隔芳洲東望仙山春水流爾侍嚴親長作客

我隨慈母獨登樓不思故國新移住轉向他鄉又久留
遙憶烟巒九點外音書早晚莫教愁

麗蕙孃字紉芳一字小晚諸生吳鏘室有唾香閣集

徐虹亭云蕙孃詩詞書法擅絕當時片紙隻字莫不珍惜有女妓小青者
色藝皆精嘗演劇復復堂持扇叩噴香鬪乞書蕙孃即綉桂枝香一闕有
浪浮飛絮前生果別是傷心一小青之句一時傳誦沈歸愚先生云聞
瑋嘗以詩扇贈先大夫係其夫人瑣窓斷句兒時喜誦之至今每一吟
猶憶角州見宿時也

樸村云小晚性穎敏讀書一二過終身不忘能通經義尤長於詩骨秀氣
清如花中蘭蕙迥殊凡覺吾無開閣中應推作手予聞小晚童有漢王書
鎮值數百金為人竊去後聞瑋見於戚友家歸語其配將詰之小晚曰安
知其非得於他所詰之將使人得不美名失德不知失玉也其實厚如此
女啟湘亦工詩許字藩稼堂末嫁卒

瑣窓斷句

冷落郊原拜掃遲
東風細雨禁烟時
深閨也解傳風土
不戴花枝戴柳枝

九十春光半已過
氣清天朗惠風多
來朝恰遇蒲裙節
摹幅蘭亭記永和

夫婿長貧老歲華
生憎名字滿天涯
席門却有閒車馬
自扳金釵付酒家

嫩涼梧竹傍簷低
花徑香沾雨後泥
斜印簾痕驚午夢
碧窻深綠乳鴉啼

春雨春寒過落梅
連宵不禁晚風催
閉園收拾殘花片
供得兒曹顛面來

姑蘇楊柳枝詞和汪鈍翁

青青一望入高樓
不用凝粧惹遠愁
獻賦長楊營細柳
男兒事業是封侯

金法筵吳縣諸生人
瑞女沈重熙室有惜春軒集

偶然作

灼灼庭前花
春風鬪紅紫
隨榮復隨謝
盛衰偶然爾
草木豈無情
誰能一生死
我思更如何
欲種菩提子

家兄歸自遼左感賦

廿載遐荒客飄零
今始歸相看疑頓
釋欲語淚先揮
鬱塞千秋恨蹉跎
萬事非不如遼左
月猶得夢慈幃

自註兄
歸時感

母已見背
數日矣

沈淑蘭字清蕙自號吳興內史歸安人諸生吳方救

室有黛吟草

金漢三云吳興內史二十而寡七十餘卒苦節之甘如一日也其詩情摯而詞嚴音悲而節壯讀其詩可以見

其志矣

樓村云清蕙立卷明府諱彥章之女虹舟之祖姑也歸吳木二載夫亡以告即聞其詩感時輒與經閣大節非尋常瑣碎弄粉者可比黛吟集後附二姊淑英淑芳詩並清新可誦固所歸皆吳興人不錄

七夕

閒持巧果獨凭闌靈鵲橋歌織女還莫道一年只一度
已看天上勝人間

憶姊

強說辭家夢在家凝粧無語誓兒斜離情種種憑誰訴
怕見園開姊妹花

周慧貞字挹芳嘉興孝廣黃婷室

王端淑云挹芳與孟晚柔嘉興足三分寔擅一時之

秀

七夕

雙星暗度巧雲飛玉漏聲殘月正西秋思不堪傷獨立
數竿風竹小窻低

顏佩芳字芳在一字柔仙桐鄉人虞部俊彥女諸生

周二酉室有偶葉草

鍾玉樵云芳在聰成天上微著人間姊是令孀母為道釋弱齡隨宦廢官闈之梅吟

感髮相莊記書幃之茗園詩城百雉築自夫人革陣千軍掃由娘子然而命非諸俗才止供愁當蒼鷄出地之年正青雀浮家之會為衣巷改尚書

之落戰都非綠野池平司理之琴尊安在燕以子鏡稱驥望千里而未歸
女本名珠入重泉而不返宅荒杜甫但撫四松道遠秦嘉惟窺一鏡是則
草雖侵蓬寧解忘憂花經當憲焉能獨念
覆其著作表艷依殊樂厥生平苑枯各異
樸村云柔仙善情談不減王家安障詩清超拔俗一掃肥膩纖巧之
習其卒也潘太史隸堂悼之以詩有清言良可味佳味少人知之句

綠牡丹次韻

掩映難分葉共稠誰將碧玉綴枝頭輕盈始信能傾國
飄泊還同欲墮樓秀色不煩螺子黛嬌容偏傍翠雲裘
此心正欲同松柏肯與鉛華作一流

蕉次韻

紗窓濃綠鎖輕寒低拂清風傍石欄應為悲秋心不展
緘書和淚寄誰看

寄父

集忠

散髮行吟自采薇人生七十古來稀雲迷樓曲親庭遠
夢裏還家不當歸

沈 晚字振蘭桐鄉人吳雋室有餘香詩草

獨上

獨上層樓強賦詩畫長清影減腰支草深舊綠羞殘黛
花放新紅憶故枝愛極翻教分手易思深偏訝得歸遲
莫愁何物人間有拋却春光總未知

春閨怨

芳草萋萋望遠迷斷腸晴色在樓西子規也解憐幽獨

國朝本詩言後
卷之二
故向春風不住啼

王錫蕙字樹百高士錫闡妹

織阿表妹抱恙寄懷

曉起驚聞損翠蛾支牀猶自愛吟哦
愁情雖藉吟情遣只恐詩魔接病魔

潘晚芳太史未妹秀水諸生陳鉉室刑部主政王謨

母

夢隨先母至平川故居

四十年前事已非朱甍華屋淚空揮
夢中不憶家園廢猶傍慈親入舊闌

沈友琴字參荇隱君永故女諸生周鈺室有靜閑居

集

姑蘇楊柳枝詞和汪鈍翁

綠條風靜雨初收更罷羅衣懶上樓
花下欲將新月拜一鉤恰在綠梢頭

沈樹榮字素嘉副榜葉舒穎室

徐虹亭云沈素嘉居與龐小晚比鄰後移居汾湖有寄龐點鱗

魯詞曰隅個牆頭幾番同曉黃昏雨別來情緒向北看春樹一院藤花底是臨書處遲記取尋常朱戶長長茶烟綠雁次韻云十載芳鄰自荷一別還如雨看雲愁緒隔個江天樹佳句曾題小楷紅箋處頻看取相思無數一睡情千縷
樊村云素嘉葉蕙綢之女也承母教工詩詞與龐小晚善多贈答唱和之作為詩所稱

送別

落葉楓林兩岸秋曾於南浦動離愁祇今一片江頭月
不照歸舟照去舟

沈御月字織阿參荇妹皇甫鏐室有空翠軒稿

姑蘇楊柳枝詞和汪鈍翁

年來澤國浪滔天萬卉飄零不復妍獨有柳條偏愛水
晚風斜拂釣魚船

吳雯華字曇素明經葉舒璐室有采秀閣詩草

樓村云雲素詩一卷附吳典內史沈清慈黛公草後錄曇素為分千之
配而分千則清慈之甥也其詩清雅秀麗分千律絕體可稱嘉耦

香奩瑣事

雨餘暑退動涼颿弄墨抽毫興自饒何處臨書清絕地

碧紗窓下對芭蕉

沈蒞紉字蕙貞高陵令永令次女吳梅室

沈一士云先祖
姑善貞頌八年

十二三即工吟咏適同色吳克邁克適早卒頌人守志四十年臨沒謂先
王父沈桐公曰得詩二句病多未得專醫肺瘦盡河頌獨論腰少時著作
甚多寤居後不欲以詩流傳有作無棄之鮮有存稿先王父力為搜輯
僅得百之一二張太史損持稱其志潔詞芳與從姑宛君堪姚羨云

帙中得亡姊遺牋

唱和難尋幾斷腸丹鉛留影黛留香短箋題句今猶在
欲讀先揮泪數行

吳靜閨字珮典

南窓夜雨

雲暗松窓夜燈殘雨碎聲那堪孤夢醒滴滴到三更

沈氏字梅林上舍澍女贈君錢楷室有學吟稿

樸村云梅林杏村之配數峯之母也杏村性傷爽讀書外無他嗜好梅林有同志每焚一燈相對披讀寒暑不輟也性愛梅當花時輒與杏村聯吟一夕各得詩三十餘首時傳為佳話

春雨

蝶懶暫停飛鶯藏咽不語濛濛烟靄深寒食梨花雨

九日懷歸

佳節懷歸黯自傷茱萸插鬢又新妝昔年姊妹登高處
贏得慈親淚幾行

金氏諸生周杭室有繡餘集

遙夜不寐眷懷慈親

兒病母扶持病安別母來所隔惟一水香如在天涯悠
悠我心愁愁向西南隈惱殺窓外風故把庭葉吹吹醒
不吹夢燈影空照幃豈獨兒念母母豈不憶兒遙知枕
函畔搔首長嗟咨

陳詩字芷仙諸生秦寅繼室

感懷

伊唔閨閣畏人知章句曾經奉母師一自慈顏相背後
小窻無復讀書時

沈蕙玉字晚亭明經倪學涵室有聊一軒詩存

沈歸愚先生云

讀四歲可補班氏女誡惜年命不永而弁江績學旋亦淪亡評閱時為歎
歎者久之 紀心卷云晚亭爲子至性自幼以孝聞婦倪後奉姑如母姑

從捐奩中難助夫子營丙舍母夫人卒時視殮單衣慟旬而死年三十有六 陳行之云聊一軒詩得性情之正不愧風雅遺音此閣劇真儒也 勿以玉堂 篇什例之

自箴

天生蒸民有覺其性陰陽肇判含元達順琴瑟載咏蘋
蘩攸司夙夜用敬猶懼或虧無曰深閨莫余云覲淑慝
在躬指視暗室維椒與蘭植於中田我思君子淑慎塞

淵

先民有言言不出閭牝雞之晨厥家用損節以應佩琴
以和神詞苟或費寧默而存勿尚爾舌寸心是弛既悔
而追不脛千里嗟嗟愚盲慎其德音鸚鵡多言祇名文

禽

紆纊在笥煥乎有爛淒其以風滋我永歎維織與紆為
坊厥心舍業而嬉淫慝相尋野有絡緯振迅其翼爾安
用媮微羽所疾雖有孔翠不如春蠶之子纂組不如布
縑

冀妻如賓孟光舉案夫豈矯情媮惰斯遠啼眉折腰邦
國之妖彼昏罔知反以用驕幽閒貞靜曰配君子載色
載笑若佐之史敬而能和穆如清風修身準此維以令
終

同聲歌

少小屬閨闈感君意纏綿聘以明月珠迎以黃金羈結
襦自今夕誓好永百年采蘭涉秋水薦藻奉華筵合歡
裁作被朱絲操作絃雖無蘭蕙姿向日呈芳妍一身皆
君有寸心私自憐何用答嘉惠持以充豆籩在天莫為
雲雨落難上天在地莫為影日暮愁棄捐婉孌保素志
跬步稱比肩

贈小姑

美人坐遙夜虛窓橫素琴迢迢泛餘韻清露溥衣襟起
看藤蘿月庭階垂綠陰

擬杜工部歌七首

錄四首

有客有客東陽沈百尺深泉汲金井天寒日暮手無力
銀瓶欲上斷素縷亂鴉啼林飢鷓叫歸來照我壁缸冷
嗚呼一歌兮歌可憐悲風颯颯來九天

磨我磨我嫁時鏡青天無雲明月淨盤龍蝕盡古錦甌
欲對團圓無舊鬢綠窓晴日空摩挲只與愁人照多病
嗚呼二歌兮歌乍接青苔滿砌秋蟲咽

有母有母山中居丹楓苦竹交門閭猩猩啼雲山鬼叫
頻歲寄我艱難書我欲從之路梗塞罡風吹斷雲中車
嗚呼三歌兮歌斷腸生女不如棄路旁

有妹有妹愁飄零年未三十長冥冥諸孤繞牀索棗栗

總帳風颯燈熒熒白頭老母數歸日荒溪無復重揚舡
嗚呼四歌兮歌再作西望蒼溪波浪惡

病中

一病先防阿母知下堦自折小花枝可憐欲插渾無力
推道聞香勝戴時

折柳寄妹

春歸楊柳綠絲柔不綰離人只綰愁此日相思君憶否
三眠三起望歸舟

沈瑞玉字希光上舍顧銘繼室有繡餘吟稿

撰村云希光滿庵山人母張閩仙有詩名希光幼
與沈氏即能詩其吟稿一卷從母張羽仙為之序

暮春詞

殘紅滿徑花狼藉淡淡春風正無力芳樹流鶯漸染黃
漫天飛絮初飄白美人愁坐嘆蹉跎望斷天涯芳草多
有恨欲言言不得纖纖素手彈雲和林塘烟暖晴明候
鳥語間關似相闢誰道春光足解憂春光翻使雙眉皺

偶成

雲鬢鳳皇釵怕整此情此意無人省有誰常伴我愁吟
日照一簾花弄影

梅芬字素娟號雪香明經陳自煥室有綠筠軒詩

草

陳見復先生云素娟吾宗家脩德配學第萬生母氏也唱酬借翠芬齋
鳴筆墨與米益凌襟問諸姑及伯姊骨肉情深傷感孝愴庭蘭平生遇

寒因而獨增宿疾缺享遐齡嗟嗟而含悲况于遺製瘞瘵捲而流涕宜表微音迴環歸行之文請讀玉臺之選千夢堂集不得專美松陵矣 顧髮千云陳子萬生謀刺孫翁軒詩草請之母氏輒不許曰詩文非婦女事吾不欲其出於閨也萬生私以質于予曰是不盡然詩本性情中觸發有一也柳下之誄自哀其夫大家之戒自訓其女而諒著作者重之其言有物而一執於正故也苟繁以內言不出則終風柏舟諸什何以傳乎萬生躍然以去刺成讀之喜其不尚靡曼而一執於正子言若有先見者

僕村云歲己巳庚山陳見復先生校經于家百成樓予與陳子萬生同受業焉時萬生攻舉于素木暇及詩而詩之源流得失輒能道其崖略予驚異之詢其故知承母夫人教多也閱數月以錄詩草就先生訂定于因得盡讀其詩不尚藻麗不事鑄琢隨筆所如自健雅韻而痛遊傷今諸作一性情深合讀者增骨肉之感此閣閣中之白太傅也今輯名媛詩擇其所刻尤者著于篇

己未元旦

嘆息年光迅俄然五十秋
人情閒處覺物理靜中求
手足多黃壤親知半白頭
今朝把椒酒不覺淚盈眸

聞長姪女歸寧追感往昔作此寄之

念爾髫齡日嚴慈相繼亡
伶仃歎孤苦形影痛淒涼
妹幼憑提挈兄賢仗主張
不堪迴首處寫出淚千行
漸長知人事辛勤習女紅
辟纒乘夜月弄杼促秋蟲
暑酷締何在寒深絮尚空
傷心誰共語姊妹兩人同

見梅有感

惆悵庭梅瘦朝來被雪侵
一枝欹屋角數朵淡牆陰
未覺芬芳滿空憐歲月深
寒姿渾似我零落動悲吟

輓四叔姑黃孺人

來往相親二十年晨昏聚首意纏綿
春同幽砌看花放

秋共閒庭對月圓為我長愁頻解釋見君多病每生憐
情知物理終歸散不道分離即眼前
只見空房不見人滿庭蛛網滿床塵離離殘月孤帷照
颯颯淒風遺像陳主祭無人堪慟哭凭棺有婢最傷神
哀情欲訴重泉隔好遣幽魂入夢頻

王明君

王庭風景異中華彈徹琵琶滿面沙舊日紅顏消落盡
單于猶道妾如花

哭次兒毓德

多年我病爾辛勤湯藥親嘗不倩人每至五更衣未解

可因勞勩致傷身

贈節婦李

自註節婦少婦徐姓年二十而夫亡守志撫孤家作
寶劍口述今四十年堅貞無愧良可憫也作此贈

桃李叢中幹獨伸一生節撻勁松筠夫亡二十兒三歲
荼苦甘嘗四十春

汪 瑤字雲上休寧諸生書紳女上舍朱昂室有拾

翠軒吟稿

樓村云雲上祖籍新安後遷吾邑歸元和朱適庵自幼
工詩及駢體文稿內有閩中雅集小序得徐瘦之道

寒山

自註趙凡
夫極隱處

飛雨過群嶺籃輿陟翠微一徑入松際輕風吹人衣高
士有遺蹟想見疏鑿時老屋就深樹寒泉瀉平池墓梅

雙虬龍屈鐵盤高枝緬懷碩人軸偕隱賦樂飢已辭梁
棟材自遠太廟犧一門擅文藻淵雅良可師

陸卿子工詩于婦
文淑工寫花鳥

予亦慕高隱願采商山芝鹿門期可遂懷

古生遐思

姚樓霞布衣岱女有剪愁吟

袁漫恬云樓霞工詩早天所遺剪
愁吟佳句甚多填詞亦秀雅可誦

牡丹滿庭芳云問人開富貴誰復知君但恐茶糜開
後風流從誰若芳樽添愁恨紅粧淚洒無語暗銷魂
樓村云樓霞四五歲時能辨四聲十歲後燈管即成章其於詩生而近之
年十七以瘵疾卒計其吟咏不過五六年又上無母教下鮮同志父能詩
常客授不家獨于菴村茅屋中刻志苦吟視午夢堂一門風雅覺彼易而
此難矣其詞秀麗婉約時出新意皆前人所未經道者惟意調凄楚如猿
啼鶴唳令人不堪卒讀
有才無命其以此歎

早梅

乍賞東籬菊俄探北隴梅水邊孤影動嶺上一枝開不
待春風逗何勞臘雪催疎燈明紙帳昨夜美人來

書懷

空閨何所嗜琴咏自相將覓句終宵健調絃盡日忙竹
隣霜後色梅愛雪中香瘦骨耽閒慣無心學艷妝

哭祖父

晚年作客力摧頽雪裏鄉闈抱病回龐老安閒曾未得
嵩山拄杖忽相催百年家累雙蓬鬢千古窮愁一土堆
腸斷悠悠風木恨哭聲長聽二親哀

柳

綠暗山村與水村千絲萬緒鎖烟痕
陌頭縮盡離人恨
一度春風一斷魂
朝朝送客在河橋折盡長條與短條
一曲驪歌鶯語澁
綠眉愁鎖不堪描

遊仙詩

閒從紫府日盤桓巧製荷衣剪犂冠
却笑樓頭秦弄玉肯攜簫史共乘鸞
鳳膠燈燦覆冰荷嶺月光凝碧海波
遙望九天門盡閉
空中來往白雲多

寒夜不寐口占

臨終數日前作

半庭殘雪暮寒生榻近梅花病亦清
冷夢未成燈自滅
踈鐘畫角一聲聲

夜永窻紗月下遲無眠起坐強支持
意中多少難言事
盡在低聲喚母時

吳 蕙字蘭質諸生費定烈室有度樓吟

李王洲云蘭質為漢廷先生女

孫幼穎敏好吟咏其詩宕逸流麗如風動如雲行無近來輕艷纖佻氣習予讀秋菴集悉壯豪逸雄視輩流今其膏馥猶能沾丐其女孫此固有家

學 樓村云東村丈以度樓吟示予曰此次媳吳氏所作也媳承家學幼即能詩歸我兒後日以詩書相砥礪吾兒稍有成立皆媳之力也媳吟咏外更善琴理古譜有外說廢輒能意為訂正惜年未三十卒此端心血所在幸吾子留意焉予讀之諸體清新無一點脂粉氣洵近日閨閣中之秀出者

因惠登之并誌東村之言如此

歸來草堂有感

自注時兄弟俱亡
惟存寡嫂孤姪

寂寞空庭冷淒涼舊迹存乾坤埋傲骨風雨弔游魂翠
色滋階草苔痕封樹根秋風肅戶牖獨立向誰論

送春

殘紅吹落滿溪邊新綠成陰樹樹鮮細聽子規啼徹處
春風有約又明年

柳花

和煙糞樹陌頭斜飛絮悠揚遍水涯繡閣不知春已暮
紛紛還認落梅花

鳳仙

遶砌名葩影徹簾一時朱紫總纖纖侍兒不管花憔悴
收拾猩紅上指尖

秋日寄懷蓼洲弟

一夜砧聲楓樹凋離亭風雨欲魂消便鴻南向應無數
好寄新詩慰寂寥

錢珂字擷芳寧武牧之青女有擷芳草

錢樹棠云擷芳
予女弟也幼聰

慧好讀書最愛通鑑及漢魏人詩朝夕披覽數遍問何以好學乃爾答曰
開卷有益耳年十三試為立春詩詞即輕便意即雋永予時年十七非若
吟不能得句自懼弗如也惜年十
六遜卒薄命是聰明其信然乎

臘日

氣暖陽初動花枝漸入春故園梅自發不待未歸人

皇朝松陵詩後

卷三

三

愛

國朝松陵詩徵卷二十

